

ՀԱՅԿԱՅԻՆ





Am 146

7A-926



ԱՅՈՒՆ


ՀԱՅԿ

Հոգևոր - փնտրվար

ՀԱՅԿԱՅԻՆ

ՊԱՇՏՈՆԱԿԱՆ ԱՄՍԱԳԻՐ  
ՀԱՅՐԱՊԵՏԱԿԱՆ ԱԹՈՌՈՅ  
Ս. ԷՋԱՐԻՆՅՈՒՆ

1949



# ԲՈՎԱՆԴԱԿՈՒԹՅՈՒՆ

էջ

|                                                                                                                                                           |    |
|-----------------------------------------------------------------------------------------------------------------------------------------------------------|----|
| 1. Մայրագույն Պատրիարք և Կաթողիկոս Ամենայն Հայոց Տ. Տ. Գևորգ Զ-ի Կոնդակը՝ Ամերիկահայ թեմի ինֆանդատյալ հատվածի Հայ եկեղեցու գիրկը դառնալու մասին . . . . . | 3  |
| 2. Մայր Աթոռ . . . . .                                                                                                                                    | 6  |
| 3. Հոգևոր ճեմարանի սաների էջ . . . . .                                                                                                                    | 10 |
| 4. Հայրապետական գնահատանք Գալուստյան կտակին համար և հանդիսություն և Սան Ֆրանսիսկոյի մեջ . . . . .                                                         | 13 |
| 5. Հայաստանյայց եկեղեցին Սփյուռքի մեջ . . . . .                                                                                                           | 16 |
| 6. Հայրենադաժնության ուղիով . . . . .                                                                                                                     | 23 |
| 7. Հայրենի հարազատ հողի վրա . . . . .                                                                                                                     | 24 |
| 8. ԿԱՐԱՊԵՏ ԵՊԻՍԿՈՊՈՍ ՂՐԻՄԵՑԻ.— Երուսաղեմի տաճարի կործանումը 70 թվականին . . . . .                                                                         | 31 |
| 9. ՃԵՄԱՐԱՆՑԻ.— Հովսեփ Արղության . . . . .                                                                                                                 | 35 |
| 10. Մ. ՏԵՐ-ԳԱՆԻՆՅԱՆ.— Բաղդասար մետրոպոլիտ . . . . .                                                                                                       | 49 |
| 11. Գ. ԼԵՎՈՆՅԱՆ.— Ճարտարապետ Տրդատ Անեցին և իր գործերը . . . . .                                                                                          | 55 |
| 12. ԵՐՎԱՆԴ ՇԱՀԱԶԻԶ.— Իմ հուշերից— Ստեփանոս Նազարյանց . . . . .                                                                                            | 67 |
| 13. Օտաքները հայերի և Հայաստանի մասին . . . . .                                                                                                           | 77 |
| 14. Սովետական Հայաստանում . . . . .                                                                                                                       | 80 |
| 15. Գաղութահայ կյանք . . . . .                                                                                                                            | 90 |
| 16. Արձագանքներ . . . . .                                                                                                                                 | 93 |



## ԽՄԲԱԳՐՈՒԹՅՈՒՆԸ

ԸՆԴՈՒՆՈՒՄ Է ՀՈԴՎԱԾՆԵՐ ԹԵ ՍՈՎԵՏԱԿԱՆ ՄՈՒԹՅՈՒՆՆԵՐ

ԵՎ ԹԵ ԱՐՏԱՍԱՀՄԱՆԵՑ

ԽՄԲԱԳՐՈՒԹՅՈՒՆ ՀՐԾՑԵՆ

ՀԱՅԿԱԿԱՆ ՍՍՈՒ

ԷՋՄԻԱԾԻՆ, «ԷՋՄԻԱԾԻՆ» ԱՍՏԱԳՐԻ ԽՄԲԱԳՐՈՒԹՅՈՒՆ  
 Армянская ССР, Эчмиадзин, Редакция журнала „Эчмиадзин“  
 Redaction of the magazine „Etchmiadzin“, Armenia, USSR

Պատվեր № 445

Հայկական ՍՍՐ Մինիստրների Սովետին կից Պոլիգրաֆ. և Հրատ. Վարչ.  
 № 2 տպարան, Երևան



Հ Ր Ա Մ Ա Ն Ա Ի

Տ. Տ. ԳԵՈՐԳԱՅ Զ

ՎԵՂՓԱՌԻ ԵՒ ՍՐԲԱՋՆԱԳՈՅՆ  
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ





## ԾԱՅՐԱԳՈՒԹՆ ՊԱՏՐԻԱՐԻ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ Տ. Տ. ԳԵՎՈՐԳ Զ-Ի ԿՈՆԴԱԿԸ

ԳԷՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ, ՈՂՈՐՄՈՒԹԵԱՄԲՆ ԱՍՏՈՒԾՈՅ ԵՒ ԿԱՄՕՔ ԱԶԳԻՆ  
ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ, ԾԱՅՐԱԳՈՅՆ ՊԱՏՐԻԱՐԻ ՀԱ-  
ՄԱԶԳԱԿԱՆ ՆԱԽԱՄԵԾԱՐ ԱԹՈՌՈՅ ԱՅՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ  
ՍՐԲՈՅ ԷԶՄԻԱՄՆԻ

ՀՈԳԵՒՈՐ ՀԱՐՅ ԵՒ ԵՂԱՐՅ ԵՒ ՀԱՄԱՅՆ ԺՈՂՈՎՐԴԵԱՆՍ, ՀԱՐԱԶԱՏԻՅ ՄԱՅՐ ԱԹ-  
ՈՅ ՍՐԲՈՅ ԷԶՄԻԱՄՆԻ

ՈՂՋՈՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

Հայաստանյայց Ազգային Առաքելական Սուրբ Եկեղեցին ոչ միայն հոգեւոր-կրօնական հաստատություն է, այլ և միաժամանակ ազգային-հայրենական: Ազգային-կրօնական այս երկակի բնության ներդաշնակ միասնության մեջն է բարոյական հմային ու պատմական խորհուրդը յուսավորչանքիմն ազգապան Հայ Եկեղեցու, որի աւարատության և վեհիրավության համար դարեւ շարունակ հալածվել, մարտնչել և մարտիրոսացել է բազմաշարժար Հայ ժողովուրդը:

Բայց մեր Ազգի անօրինակ ողբերգության և դառն փորձության օրերին եղել են նաև հոգով բույլեր, որոնք, սակայն, անկարող լինելով տոկալ դառնագույն տառապանքներին, անագործուն վտանգից ազատվելու սին ակնկալություններով, օտարի ռստայնած դավադիր քակարոն են ընկել, ազգայնորեն դիմագրկվել և ի վերջո անփառունակ ձուլվել անհարազատ տարրերում և անէացել:

Հայ Ազգային-Եկեղեցական բազմադարյան պատմությանը հայտնի են նաև այլ տխուր դեպքեր, երբ անմեղ ու անխորագետ հարազատներից որոշ հատվածներ, զոհ դառնալով իշխանատենչ ու փառամոլ դեկավարների սադրանաց, ուղղակի թե անուղղակի ընդվզել են Ազգային Եկեղեցու հոգեւոր, նվիրագետական և վարչական միասնության դէմ: Հատվածյալ անմեղներից շատերը հետագայում, զգաստանալով և գղջալով, մայրենի եկեղեցու մեծաճողությունը և ներդա-

մբողջությունն են հայցել և Հայաստանյայց անհիշաշար ու անփինխնդիր Եկեղեցին, ի տես իր հարազատների զղջման անկեղծուրյան, գրկաբաց է ընդունել նոցա իր նվիրական, սիրառատ գիրկը, առանց ապաշավանքի նվաստացուցիչ գործողությունների: Անմեղի սխալը դիտվել է որպես դժբախտություն և ոչ որպես հանցանք:

Սակայն, երբ նախածին սխալը որդեգրում են շատերը, վարանում ժամանակին ուղղել և տեական վաղըջականությամբ տաքերայնորեն նվիրագործում, սխալը դառնում է շարիք և վերափոխվում հանցանքի, լայն բաժալով դոները անջատական տրամադրությունների, հռոյ կրքերի, հանրային խռովությունների, ազգային պառակտումների: Այսօր արդեն հարկադրված ենք զգում դառնացած սրտով և խռովահույզ հոգով հրագարակով արձանագրել, որ Ամերիկահայ թեմի հայադավան հարազատներին մի պատկառելի հատված, զոհ դառնալով հայ ժողովրդի ազգային արժանապատվությունը և ընդհանուր բարոյական նկարագիրը մեծապես արատավորող ողբերգական դեպքերի, կեղծնախույս տրամադրությունների և անհանդուրժելի նախասիրությունների, տարիներ շարունակել է մեղանչել և ցարդ մեղանչում է Հայաստանյայց Ազգային-Առաքելական Սուրբ Եկեղեցու կենսատու միասնականության դէմ: Հայ ժողովրդի ազգային-եկեղեցական միասնությունը բարոյական մեծա-

գույն - գանձն է և հոգևոր Երաշխիքը ՕՓՏՈՒՌՔԻ ազգահավաքման ու ազգապահության, որի տարաբնակ հայազունը գուրկ էր սիրեցյալ Հայրենիքի կենսատու արևից, հողից ու ջրից, և՛ ազգային գերիշխան Պետության ռզեշնչող մոգական ուժից: Սույ վարչականորեն անջատյալ և հատվածյալ անխորագետ զավակներին բազմությունը արժանապես չի պատկերացնում, որ ազգային-եկեղեցական միասնությունը ոչ քե մի անշոշափելի վերացականություն է, այլ հոգևոր, նվիրապետական և վարչական խենդանի հաղորդակցություն, մարմնացյալ համայնականություն և ներդաշնակ համերաշխություն: Սակայն երբ հատվածյալ և անջատյալ շարժախիճների բազմությունը դեռ արժանապես չի գգում առաջացած շարիֆի մեծությունը, ընդհակառակը ինքնանշատյալների ղեկավար գործիչները հստակորեն գիտակցում են ազգային-եկեղեցական հատվածականության աղետաբերությունը:

«Հայաստանյայց Առաքելական Ս. Եկեղեցին Հյուսիսային Ամերիկայի մեջ տարիներ է վեր մատնված է անօրինակ տագնապի մը, որու հետևանքով խորունկ պառակտում մը առաջ եկած է Հյուսիսային Ամերիկայի երկու հարյուր հազարանոց հայ գաղութին մեջ: Պառակտում և փոխադարձ ատելություն, որու նմանը քիչ տեսնված է Հայոց Եկեղեցվո պատմության մեջ» - հավաստիացնում են նոխա իրենց պաշտոնագրությամբ:

Ազգային-եկեղեցական այս մեծ շարիֆի, հանրային այս խռոշ աղետի գիտակցությունը և այլ հնարավոր նոր շարիֆների նախատեսությունը պետք է զգաստացնեն ինքնանշատյալ հատվածին և բարոյապես խթանե՛ր օր-առաջ հոծարակամ եղբայրակցելու Հայաստանյայց Ազգային Առաքելական Ս. Եկեղեցու ազգային-հոգևոր և նվիրական-վարչական օրինապատշաճ միասնության մեջ, մեկ ընդմիջող վերջ տալով անցյալի դառն հիշողություններին: Որպես նախանձախնդիր հայ ժողովրդի ազգային-կրոնական համերաշխ միասնության վեհագույն գաղափարի անվրա՛ջ պաշտպանության և հավատարիմ Հայ Եկեղեցու լայնախոհության, համբերատարության և ներողամտության սրբազան ավանդների՝ Մայր Աթոռ տարիներ շարունակ հրաժարվել է կանոնական վեհահատումներից, նախընտրելով Հայրապետական հորդորն ու հովուական խրատը: Մեր լուսանոցի եղբայր՝ Ամենայն Հայոց Ազգրեւոր Կաթողիկոս Խորեն Ա-ը, որին այնքան վիշտ ու կսկիծ էր պատճառում այս աղետաբեր ազգային-

կրոնական պառակտումը, կամենալով ազդակել և փութացնել ամերիկահայ հարազատների տենչալի վերամիացումն ու համերաշխությունը, ազգանկեր ու գիտուն կարգակից հոգևոր եղբոր Տանն Կիլիկիո ներկա Շնորհազարդ Կաթողիկոս Գարեգին Ա-ին հրեշտակեց, որպես իրավախոհ նվիրակ Մայր Աթոռիս: Ձախողաճի մատնվեց նաև այս իմաստուն և ազնիվ նախածնունդություն, բարոյական ծանր ցավ, խոր վիշտ պատճառելով հայրենանվեր Մեր եղանկահիշատակ նախորդին:

Հավատարիմ հոգևոր կոշմանս և սուրբ ոխտիս, Հայրապետական անդրանիկ Կոնդակովս հայտնագրեցին և շեշտեցին Հայաստանյայց Ազգային Առաքելական Ս. Եկեղեցու համապարփակ միասնության արժեքն ու վեհությունը: Իսկ 1946 թվի Մարտի 12-ի թ. 97 կոնդակով հանձնարարեցին Մեր լիակատար վստահությունը վայելող, շրջահայաց և անկողմնակալ Առաջնորդ Գերապատիվ Տ. Տիրան Եպիսկոպոսին առավելագույնը կատարել պսակազարդելու ամերիկահայ զավակներին ազգային-կրոնական միասնության, եղբայրական միաձուլման, հոգևոր համերաշխության սուրբ գործը: Մենք խորապես և անվերապահորեն հավատացած էինք, որ, գեթ այս անգամ, արագորեն և հաջողությամբ կպսակվի այս մեծ առաքելությունը: Մեզ մխիթարում և հուսադրում էր այն կարևորագույն փաստը, որ ինքնանշատյալ հատվածի ղեկավարներն իսկ այնքան մոռյալ գույնով են նկարագրում ազգային-եկեղեցական պառակտման աղետավորությունը և միաժամանակ ա՛յնքան բանգ զննատում և արժեքավորում համերաշխ միասնության անհրաժեշտությունը, առավել ևս մեր ազգային կյանքի բախտորոշիչ այս տարիներին, երբ ամենուրեք ա՛յնպիսի սրտառույ բերկրանքով ընդունվեց դարերով տարածայնալ Տանն Կիլիկիո Կաթողիկոսության միասնությունը նախամեծար Մայր Աթոռի Ամենայն Հայոց Կաթողիկոսության հետ, երբ ծայր է առել երբեմնի այնքան աղետագույն Հայ Սփյուռքի հայրենատենչ տարագիրների մեծախորհուրդ և ազգափրկիչ դարձր դեպի Մայր Հայրենիք, ազատ Հայաստան, երբ հանուր մարդկության խղճի դատաստանին է հանձնված և հզորագույն պետք է պաշտպանվի մեր նվիրական ու անվնաս Երկրի տենչալի ամբողջացման արդար ու սրբազան պահանջը:

Մեր լիագոր նվիրակը՝ քեմի Գերապատիվ Առաջնորդը հայտնաբերել էր ա՛յնքան զովելի եռանդ, տոկունություն, տակտ, շրջահայե-



ցողություն և իմաստություն՝ հաջողությամբ ավարտելու Մեր կողմից հանձնարարված պատասխանատու առաքելությունը: Այդ առաքելությունը Մենք չենք համարում ո՛չ ավարտված, ո՛չ էլ ձախողված, սակայն այն ընթացում է զավազին ընդհատում-հապաղմամբ, որ վտանգում է ազգային-եկեղեցական միասնության հաջող ավարտումը:

Մեծախորհուրդ Հայ Հայրենազարծի, Մայր Հայաստանի նվիրական ամբողջացման համար թափվող ջանքերի, Ազգի և Հայրենիքի սրբազան իրավունքների պաշտպանության այս պատասխանատու տարիներին, առավել ֆան երբեք, պահանջվում է Հայ Սփյուռքի ազգային համերաշխությունը, եղբայրական կոտ ու անֆակտելի միասնությունը: Հայ Ազգի, Հայ Հայրենիքի արդար Դատի պաշտպանության և սրբանվեր իրավունքների հաղթանակի Մեծ գործում կարևոր դեր ունին խաղալու մեր ազգային ույծը, բարոյական նկարագիրը, հոգեկան կոբովը, հանրային կամքը և ֆաղաֆական իմաստությունը: Իսկ ազգային այս ներքին ույծի աղբյուրը համազգային միասնությունն է, անֆակտելի եղբայրակցությունը, համախոհ և միակամ վարձագիծը: Ամերիկահայ մեծ, առաջավոր քեմի բարեպաշտ, ազգանվեր և հայրենասեր հարազատներին եղբայրական համերաշխությունը անհրաժեշտ նախապայմանն է Հայ Սփյուռքի ազգային-եկեղեցական միասնական ճակատի հաղթանակի:

Այսօր միանգամ ևս առկոչում ենք ամերիկահայ Մեր հարազատների խղճին և իմաստության:

— Հայ Ժողովրդի և Հայ Հայրենիքի բազմ-

Ողջ լեռուք, զորացյալ շնորհոք Ս. Հոգվույն և հավետ օրհնյալ ի Տյառնե. Ամեն:

ԾԱՅՐԱԳՈՒՅՆ ՊԱՏՐԻԱՐԺ-ԿԱԹՈՂԻԿՈՍ

ԱՄԵՆԱՅՆ ՀԱՅՈՑ

ՏՈՒԱՒ ԿՈՆԿԱԿՍ Ի 1-Ն ՏՈՒՆՈՒԱՐԻ  
1949 ՓՐԿՁԱԿԱՆ ԱՄԻ ԵՒ Ի ՏՈՄԱՐԻՍ ԹԵՂԵ  
Ի Ս. ԷԶՄԻԱՄԵՆ

մաղարյան զոյության այս բախտորոշիչ և մեծախորհուրդ պատմաշրջանում հոգեկան առաքինությունը, բարոյական զգաստությունը ունեցեք մեկ ընդմիջտ վանելու ձեր միջից քենն ու ռիք, փառատե՛ն նախասիրությունները, հատվածամոլ տրամադրությունները, անխորհուրդ հիշողությունները, տարամեծ հիշեցումները, փոխադարձ անվրատահությունը, կեղծոնախույս հոռի վարձագիծը, միով բանիվ, թորափեցեք ձեր ոտներից փոշին պառակտման, անմիաբանության, խռովության: Ունկնդրեցեք և հետևեցեք դարավոր, փորձված ու ճանաչված իմաստության—«Ձուգություն է մայր բարյաց, անզուգություն ծնող շարյաց»:

Այսօր ավելի ֆան երբեք պետք է հիշի հայ մարդը և այն հիշեցնի յուրայիններին հայրենասեր մեծ բանաստեղծի հետևյալ հոգեգմայլ հրավերն ու պատգամը.—

Տո՛ւր ինձ Լու ձեռնդ, եղբայր եմք մեք,  
Որ մերկավ էինք գատուած,  
Բախտին ամեն ռի շարենեց,  
Ի մի համբույր ցրտին ի բաց:

Ազգային համերաշխության և եղբայրության այս նվիրական երգի զմայլիչ արձագանքը նոր ույծ, նոր շունչ կներշնչի ձեր ալեհեր Հայրապետի հոգուն, որ խռովահույզ է այսօր ի տես իր հաճազատ զավակաց պառակտման, անմիաբանության:

Նոր տարու առթիվ այս է Մեր իղձը մեր Ազգի և Հայրենիքի համար, որ հավատացած ենք՝ քե իղձն է նաև համայն Հայ Հոգևորականության և Հայ Ժողովրդի:



Մ Ա Յ Ր Ա Ք Ո Ռ

Ամանորի առթիվ հունվարի 1-ին Մայր Տաճարում Ս. Պատարագ մատուցվեց:

Ս. Պատարագին ներկա էր Ամենայն Հայոց Վեհափառ Հայրապետ Տ. Տ. Գևորգ Զ-ր: Պատարագին էր Տ. Կարապետ Եպիսկոպոսը, որը և ավուր պատշաճի քարոզ խոսեց: Մայր Տաճարը լիքն էր աղոթողների բազմությամբ, որոնց մեջ նաև բազմաթիվ հայրենադարձ եղբայրներ ու քույրեր:

Ս. Պատարագից հետո կատարվեց Հայրապետական գոհարանական մաղթանք: Այնուհետև Միաբանության անդամները և ժողովուրդը Վեհափառ Հայրապետի Ս. Աջը համբուրելով և Ամանորը շնորհավորելով, արժանացան նորա հայրական օրհնությանը:

Ս. Պատարագի մատուցմանը մասնակցում էր Հոգևոր ճեմարանի երգեցիկ խումբը:

Ս. Պատարագից հետո Վեհարանում ընդունելություն-հյուրասիրություն տեղի ունեցավ, որին ներկա էին Մայր Աթոռի Միաբանության անդամները, Հոգևոր ճեմարանի ուսուցչական կազմը՝ տեսչի գլխավորությամբ և շատ հյուրեր: Ներկաները Ամանորի առթիվ իրենց շնորհավորանքը մատուցելով, Վեհափառ Հայրապետին մաղթեցին արեւատուրքուն և երկար կյանք՝ ի փառա Հայ Եկեղեցւոյ: Ընդունելություն-հյուրասիրությունը վերջացավ Վեհափառ Հայրապետի հայրական օրհնություններով:



Հունվարի 5-ին, Ճրագալույցի երեկոյան, Մայր Տաճարում Ս. Պատարագ մատուցվեց:

Մայր Տաճարում Ս. Պատարագին ներկա էր Ամենայն Հայոց Վեհափառ Հայրապետ Տ. Տ. Գևորգ Զ-ր:

Պատարագին էր Տ. Սահակ ծայրագույն վարդապետը, որը և ավուր պատշաճի քարոզ խոսեց:

Ս. Պատարագի մատուցմանը մասնակցում էր Հոգևոր ճեմարանի երգեցիկ խումբը:



Ժողովրդի հոծ բազմության ներկայությամբ հունվարի 6-ին, Ս. Մենդյան տոնի օրը, Մայր Տաճարում հանդիսավոր Ս. Պատարագ մատուցվեց և տեղի ունեցավ Զորօրհնյաց հանդեսի արարողությունը Գեր. Տ. Կարապետ Եպիսկոպոսի հանդիսադրությամբ:

Ս. Պատարագին և Զորօրհնյաց հանդեսի արարողությանը ներկա էր Վեհափառ Հայրապետը:

Օրվա պատարագին էր Գեր. Տ. Կարապետ Եպիսկոպոսը, որը և ավուր պատշաճի քարոզեց:

Ս. Պատարագի ժամանակ երգում էր Հոգևոր ճեմարանի երգեցիկ խումբը:



Ամանորի և Ս. Մենդյան տոնների առթիվ Վեհափառ Հայրապետի անունով շնորհավորական բազմաթիվ հեռագրեր են ստացվել, որոնց թվում Տանն Կիլիկիո Շնորհազարդ Կաթողիկոս Տ. Գարեգին Ա-ից, Մոսկվայի և Համայն Ռուսիո Պատրիարք Ամենապատիվ Ալեքսիից, Համայն Վրաստանի Կաթողիկոս-Պատրիարք Ամենապատիվ Կալիստոսից, Երուսաղեմի Պատրիարք Տ. Կյուրեղ Բ-ից, Կ. Պոլսի Պատրիարքական Տեղապահ Տ. Գեվորգ Արքեպիսկոպոս Արսլանյանից, Բուլղարական Եկեղեցու Ս. Սինդոդից, ՍՍՏՄ Միության և արտասահմանյան թեմերի թեմական առաջնորդներից, թեմական խորհուրդներից և համատացյալներից:

Տանն Կիլիկիո Շնորհազարդ Կաթողիկոս Տ. Գարեգին Ա-ը հեռագրում է. —

Ձեր տարվա առթիվ ընդունեցեք Մեր ամենալավագույն ցանկությունները:



Մոսկվայի և Համայն Ռուսիո Ամենապատիվ Պատրիարք Ալեքսիս չի մոռանում իր հեռագրում վերհիշելու Մոսկվայում տեղի ունեցած հանդիպումը։—

«Փոխադարձաբար ջերմագինս ողջունելով Ձերդ Վեհափառությանը, սրտանց ցանկանում եմ Ձեզ, Միաբանությանը և հավատացյալ հոտին աստուածային բազում շքանորհներ։ Նոր տարվա շնորհին առանձնահատուկ զգացմունքով եմ վերհիշում մեր հանդիպումը Մոսկվայում»։

Ձերմ ու սրտառու զգացմունքով է գրված Համայն Վրաստանի Կաթողիկոս-Պատրիարք Ամենապատիվ Կալիստրատի ողջունչ հետևյալ գիրը։—

«Ձերդ Վեհափառություն, Սրբազնագույն Պետ, Ամենաողորմած Հովվապետ և հայրերի Հայր,

Ողջունելով Ձեզ Ամանորի և Աստուածհայտնության մեծ տոների առթիվ, աղոթում ենք Դավթի քաղաքում ծնված և Հորդանանի չրերում մկրտված Աշխարհի Փրկչին, որպեսզի նա Ձերդ Սրբությանը, Ձեր աշակիցներին և աստուածապարզ հոտին բարեպաշտության ու խաղաղության մեջ պահի և պարպի շարության ու թշնամության՝ երկնքում կուտակվող փոթորկաբեր ամպերը, ճշմարտության Արեգակի ճառագայթներով դրանք իր ողորմածության բարեբեր անձրևի փոխարկելով։ Թող նա շարիք սերմանող մարդկանց ապառաժ սրտերը բարեբեր հողի փոխարկի, որպեսզի այնտեղ տեղ գտնեն Երկնային խաղաղությունը և Բարյացակամությունը։

Եղիցի, Աստուած, եղիցի»։

Բուլղարական Եկեղեցու Ս. Սինոդը Ամանորի և Աստուածհայտնության տոների առթիվ հղած ողջունչ դրույթն մեջ գրում է։—

«Ձերդ Երանություն,

Ամենասիրեցյալ եղբայր ի Տեր,

Գտնվելով Ս. Մենդյան և Ամանորի լուսաբեր տոների նախօրեին, արդեն մեր լսելիքին են հասնում հրաշալի հրեշտակային փառաբանության ձայները։—

«Փառք ի բարձունս Աստուծոյ  
և յերկիր խաղաղութիւն,  
ի մարդիկ հաճութիւն»։

Այս հրեշտակային ավետիսը ուրախությամբ է լսվում մեր սրտերը և մենք աճապարում ենք մեր այս ընդհանուր ուրախությունը բաժանած լինել Ձեզ հետ, եղբայրաբար ողջունելով Ձեզ Բուլղարական ուղղափառ Եկեղեցու Սրբազնագույն Սինոդի առաջնությանը։ Աստուածային Մանուկից աղոթքներով հայցում ենք, որ նա Ձեզ անձամբ պարգևի ամուր առողջություն, իսկ ձեր աստուա-

ծասներ հոգևորականությանը և բարեպաշտ ժողովրդին—խաղաղություն, բախտավորություն և ամեն բարիք։

Հաստատ հույսով, որ Նոր տարում Տերը կամրապնդի այնքան ցանկալի խաղաղությունը երկրի վրա և բարյացակամությունը մարդկանց միջև, ջանադիր կերպով աղոթում ենք Փրկչին, որ նա էլ ավելի հաստատ դարձնի մեր փրկիչ ուղղափառ հավատը և Քրիստոնեական ճշմարտության հաղթանակը»։



Ամանորի և Ս. Մենդյան տոների առթիվ Վեհափառ Հայրապետը հաճեց շնորհավորական հեռագրեր հղել Տանն Կիլիկիո Շնորհադարդ Կաթողիկոս Ս. Գարեգին Ա-ին, Մոսկվայի և Համայն Ռուսիո Պատրիարք Ամենապատիվ Ալեքսիսին, Համայն Վրաստանի Կաթողիկոս-Պատրիարք Ամենապատիվ Կալիստրատին, Երուսաղեմի Պատրիարք Ս. Կյուրեղ Բ-ին, Կ. Պոլսի Պատրիարքական Տեղապահ Ս. Գևորգ Արքեպիսկոպոս Արսլանյանին և բոլոր թեմական առաջնորդներին։

Մոսկվայի և Համայն Ռուսիո Պատրիարքին հղած հեռագրում Վեհափառ Հայրապետը գրում է։—

«Մեր անունից անձամբ և էջմիածնի Միաբանության անունից սրտագին ողջունենք ենք հղում Ձեզ—Նոր տարվա և Ս. Մենդյան տոների առթիվ։ Աղոթում ենք Ամենաբարձրյալին Ռուսաց ուղղափառ Եկեղեցու ու նրա Պետի բարօրության և ժողովուրդների խաղաղության պաշտպան Ռուս մեծ ժողովրդի ծաղկման համար»։

Համայն Վրաստանի Կաթողիկոս-Պատրիարքին հղված հեռագրում ասված է։—

«Մեր անունից անձամբ և էջմիածնի Միաբանության անունից սրտագին ողջունենք ենք հղում Ձեզ—Նոր տարվա և Ս. Մենդյան տոների առթիվ։ Եղբայրական վրաց ժողովրդին ու Վրացական Եկեղեցուն ցանկանում ենք բարօրություն ու ծաղկում»։



Հունվարի 21-ին, Հոգևոր ճեմարանի դահլիճում կայացավ սգո-հանդիսավոր նիստ՝ նվիրված սովետական պետության հիմնադիր Վ. Ի. Լենինի մահվան 25-րդ տարեդարձին։ Վ. Ի. Լենինի կյանքի ու գործունեության մասին ղեկուցեց դասադաս խ. Նաղարյանը։



Փետրվարի 24-ին, Ս. Վարդանանց զորավարացի և 1036 վկայիցն տունի օրը, Մայր Տաճարում Ս. Պատարադ մատուցվեց։



Ս. Պատարագին ներկա էր Վեհափառ Հայրապետը:

Պատարագիչն էր Տ. Սահակ Ժայրագուն վարդապետը, որը և ավուր պատշաճի քառով խոսեց:

Ս. Պատարագից հետո Վեհափառ Հայրապետի հանդիսադրությամբ հոգեհանգիստ կատարվեց խնկելի նահատակների հիշատակին:



Հունվարի 14-ին Մայր Աթոռից Թբիլիսի մեկնեց Վրաստանի Հայոց թեմի Առաջնորդ Գեր. Տ. Կարապետ Սպիտակապոսը:



Վեհափառ Հայրապետի կարգադրությամբ, Մայր Աթոռի միաբան Տ. Սահակ Ժայրագուն վարդապետը հունվարի 14-ին մեկնեց Ռոստով՝ Ս. Մենդյան և Զորոհնյաց տոնների (հին տոմարով) արարողություններին մասնակցելու համար: Տոներից հետո Տ. Սահակ Ժայրագուն վարդապետը Ռոստովից մեկնեց Մոսկվա և այնտեղից Մայր Աթոռ վերադարձավ փետրվարի 17-ին:



Հոգևոր ճեմարանում, Ամանորի առթիվ, ղեկավարների 31-ին երեկոյան ժամը 7-ին տեղի ունեցավ ճոխ գրական-գեղարվեստական երեկո:

Երեկոյին ներկա էին Մայր Աթոռի Միաբանության անդամները, Հոգևոր ճեմարանի դասախոսական կազմը, ուսանողությունը և Մայր Աթոռի աշխատակիցները:

Երեկոն բացվեց Հայկական Հիմնով, որը շնորհալի կերպով կատարեց ճեմարանի երգեցիկ խումբը: Բացման հակիրճ խոսքով հանդես եկավ ճեմարանի տեսուչ Մ. Մինասյանը, որից հետո Ամանորին նվիրված իրենց սեփական բանաստեղծությունները կարդացին ճեմարանի դասախոս Ա. Գ. Մինասյանը, ճեմարանի սաներ Ի. Մարտիրոսյանը (Ա. լսարան), Գ. Գրիգորյանը (Գ. դասարան), իսկ Փ. Այնթափյանը (Ա. լսարան) կարդաց իր գրած ուղերձը՝ նվիրված Վեհափառ Հայրապետին: Մի շարք սաներ հանդես եկան օրվան պատշաճ բանաստեղծությունների արտասանությամբ:

Հոգևոր ճեմարանի երգեցիկ խումբը կատարեց հայրենասիրական ու ժողովրդական մի շարք երգեր: Ծեմարանի դասախոս Կ. Շիրինյանը և սարկավադ Ստ. Տեր-Ստեփանյանը հանդես եկան մեներգներով («Միրանի ծառ» և «Անտունի»): Բ. դասարանի սան Հ.

Խանչյանը, երգչուհի Վ. Կոնատյանը և երգիչ Ն. Հակոբյանը իրենց ելույթները նվիրեցին Սայաթ-Նովայի և Կոմիտասի երգերի կատարմանը: Գերագույն Հոգևոր հորհրդի և Վեհափառ Հայրապետի անձնական քարտուղար Հ. Ագոստյանը նույնպես իր ելույթը նվիրեց Սայաթ-Նովայի երգերի կատարմանը: Ա. լսարանի սաներ Մ. Շահինյանը և Մ. Ղազարյանը երաժշտական հատրնտիր կոորդինատորներ թափ, քյամանչայի և չոլթակի վրա: Երեկոյին մեծ փայլ տվեց նաև արևելյան երաժշտական գործիքների (թառ, քյամանչա, դափ) վրա նվագող եռյակը:

Երեկոյի գեղարվեստական ղեկավարն էր երաժշտագետ Դ. Ղազարյանը:

Երեկոյից հետո ընթրիք-խնջույք էր կազմակերպված, որին մասնակցում էին Մայր Աթոռի Միաբանության անդամները, Հոգևոր ճեմարանի դասախոսական կազմն ու ուսանողությունը և Մայր Աթոռի աշխատակիցները:



Հունվարի 6-ին, Ս. Մենդյան և Աստուածահայտնության տոնի առթիվ Հոգևոր ճեմարանի ուսուցչական կազմը արժանացավ Վեհափառ Հայրապետի ընդունելությանը և իր շնորհավորանքները մատուցեց Վեհին:

Անուհետև Հոգևոր ճեմարանի ուսուցիչները արժանացան ալեգարդ Հայրապետի բանաղթություններին ու հյուրասիրությանը:



Փետրվարի 24-ին, Հոգևոր ճեմարանի տունականորեն զարդարված դահլիճում հավաքվել էին ճեմարանի դասախոսները, սաները, Մայր Աթոռի Միաբանության անդամները, Մայր Աթոռի աշխատակիցները և բազմաթիվ հյուրեր:

Դահլիճում հավաքվածները շերտորեն դիմավորեցին միաբանների ուղեկցությամբ դահլիճ մտնող Վեհափառ Հայրապետին:

Վարդապետից դուրսագլուխ հերոսների անմեծ հիշատակին նվիրված երեկոն բացեց Հոգևոր ճեմարանի տեսուչ Մ. Մինասյանը:

Տեսչի ներածական հակիրճ խոսքից հետո ընդարձակ զեկուցումով հանդես եկավ ճեմարանի Հայոց պատմության դասախոս, պատմաբան Ա. Շահնազարյանը, որի բովանդակալից զեկուցումը լավեց զարված հետաքրքրությամբ:

Նգրավակելով իր զեկուցումը, պատմաբան Ա. Շահնազարյանն ասաց.

— Դարեր են անցել, բայց հայ ժողովրդի



անմեռ հերոսների անունները մոռացության չեն տրվել, հերոսներ, որ իրենց սխրագործություններով հայրենասիրության սքանչելի օրինակներ տվին և հետևորդ սերունդներին կտակեցին — սիրել, անհուն սիրով նվիրվել հայրենիքին և ոչինչ չխնայել հարազատ հայրենիքի ազատության ու անկախության պաշտպանության համար:

Այնուհետև իրենց զեկուցումների ընթերցմամբ հանգես եկան ճամարանի սաներ Գուրգեն Մուրադյանը (Ա. լսարան) և Ռուբեն Մարտիրոսյանը (Ա լսարան):

Վարդանանց պատերազմը և հայ ժողովուրդը թեմայով զեկուցման վերջում Ռուբեն Մարտիրոսյանը ասաց.

— Հայ ժողովրդի զավակները իրենց նախնիներից ժառանգել են հայրենիքի հանդեպ տածվող անշեջ սիրո զգացումը, որը մեր օրերում, երբ բազմաշարժար հայ ժողովրդի դարավոր երազները լուսապայծառ իրականության են փոխվել, դարձել է ավելի ջերմ, ավելի հոգեպարար:

Հայրենական Մեծ Պատերազմը ցույց տվեց, որ հայ ժողովրդի զավակները դիտեն անհուն կերպով սիրել իրենց Մեծ Հայրենիքը ու իրենց կյանքը շխնայել հայրենիքի պաշտպանության համար: Այժմ, երբ իմպերիալիստական ռազմամոլները, զբաղված են նոր պատերազմ հրահրելով մեր լուսաշող ու խաղաղասեր հայրենիքի դեմ, մենք, Վարդանի հետևորդներս, բարձրաձայն ասում ենք համաշխարհային նոր սպանդի կրավակներպիշներին. — Մի՛ մոռացեք մոտիկ անցյալը, հիշեցե՛ք միշտ հիտլերյան ագրեսիոնների ստացած դասը և լավ իմացեք, որ եթե հարկ լի-

նի, սովետական արևով ջերմացած հայ ժողովրդի զավակները չեն խնայի իրենց ուժերը և խաղաղասեր սովետական եղբայրական բոլոր ժողովուրդների հետ միասին ձեռք ձեռքի տված հողմացրիվ կանեն ձեզ:

Բուռն ծափահարությունների արժանացան Ռ. Մարտիրոսյանի այս խոսքերը:

Չափազանց ճոխ էր երեկոյի գրական բաժինը: Իրենց ինքնուրույն ստեղծագործություններով հանդես եկան ճամարանի սաները: Գ դասարանի սաներ Արամ Քեչյանը և Վարդան Արզունյանը օթտասանեցին իրենց զրած բանաստեղծությունները՝ նվիրված Վարդանանց հերոսներին: Կատարվեցին մեներգներ և խմբական երգեր: Հաջող էր ճամարանի երգեցիկ խմբի ելույթը, ճամարանի դասախոս, վաստակավոր ուսուցիչ, երաժշտագետ Դ. Ղազարյանի ղեկավարությամբ:

Երեկոն փակվեց Գերաշնորհ Տ. Կարապետ Եպիսկոպոսի հուզիչ ելույթով: Վեհափառ Հայրապետի անունից ջերմ շնորհակալություն հայտնելով ճամարանի ուսուցչական կազմին և ողջունելով սաներին, իրենց հաջողությունների համար, Տ. Կարապետ Եպիսկոպոսը հաջողություն մաղթեց ուսուցչական կազմին ու սաներին՝ իրենց հետագա աշխատանքների բնագավառում:

Երեկոն անցավ շքեղ իրադրության մեջ, վեհափառ Հայրապետը, Միաբանության անդամները և հյուրերը բարձր տրամադրությամբ ու գոհ սրտով թողեցին դահլիճը:

Հոգևոր ճամարանի վարչության նախաձեռնությամբ երեկոյից հետո ճոխ թնյասեւյան էր կազմակերպված:







## ԱՄԱՆՈՐԻ ՈՒՂԵՐՁ

Վեհափառ Տե՛ր,

Նոր տարվա ու նոր կյանքի արշալույսի բոնկման այս խորհրդավոր պահին մենք բոլորս, մեծ ու փոքր, թե՛ սրտաբաց ողջունում ենք մուտքը Նոր տարվա և թե՛ մի հետադարձ ու խորագննին հայացք նետում մեզ-

նից քայլ առ քայլ հեռացող ու անվերադարձ հավերժի գիրկը սուզվող հին տարվա վրա: Մահացող տարին մենք չենք դիտում որպես լուկ ապարդյուն մի ակնթարթ և երախտագիտությամբ ենք բաժանվում նրանից, որովհետև այդ տարում ունեցել ենք զգալի նվաճումներ: Մեզնից ընդմիշտ մեկնող տարում մենք ձեռք ենք բերել անհրաժեշտ փորձառություն՝ գալիք տարում մեր միտքն ու քայլերը անվրեպ դեպի կենսապատակ ուղղելու համար:

Ձերդ Վեհափառության հայրական հոգատարության, անսահման գուրգուրանքի և ամենօրյա ղեկավարության շնորհիվ Հոգևոր ճամարանի սաներս այնքան ենք հառաջդիմել ուսման բնագավառում, որ այսօր կարող ենք բաց ճակատով վերջին մնաս թարյավն ասել հավետ անհետացող տարվան և վստահ ու աներկփիտ ոտք կոխել Նոր տարվա շեմքին:

Մեր ապագա կույժան վեհությունը գիտակցելով մենք ջանք չենք խնայել ու չենք խնայի մեր վրա դրած բոլոր հույսերն արդարացնելու համար: Նորի զարթոնքի այս պահին խոստանում ենք թարել բոլոր ուժերը մեր կենսապատակին հասնելու համար:

Վեհափառ Տե՛ր, Ձեր կորույթի, եկեղեցաշեն ու հայրենանվեր անձր մենք մեզ համար ընտրել ենք որպես մատտիպար և այս հանգամանքը մեզ պարտավորեցնում է աշխա-



Փայլակ Այնթափյան



տեղ, աշխատել անխոնջ ու անդադար: Մենք խորապես գիտակցում ու զգում ենք մեր վրա հասկած հայացքների ջերմությունը, մեր նկատմամբ եղած մտասեեռումները, սպասելիքներն ու ակնկալությունները՝ տեսնելու մեզ արդեն մեր կոշման գազաթնակետին հասած, մեր նվաճումների դեզի կատարը բարձրացած: Մենք շատ թանգ ենք գնահատում մեր սիրելի ազգի կողմից մեզ համար արվող զոհողությունները և լի ենք վճռականությամբ՝ արդարացնելու նրա սպասելիքները: Մեր սրբազան պարտականությունն է ազգի ու հայրենիքի համար արժանավոր զավակներ լինել և մեր ողջ ուժերն ու կարողությունները ի սպաս դնել նրա բարօրությանն ու երջանկությանը:

Վեհափառ Տեր, հանձինս Ձեզ, Հոգևոր ճեմարանի սաներս ունենք մի ախսլիսի քաջա-

կորով պաշտպան, որին ապավինելով կարող ենք անվարան կերպով ձգտել մեր կենսապատակին, որ Ձեր էլ, մեր էլ մեծագույն իղձն է հանդիսանում:

Ամանորի այս խորհրդավոր պահին հանդիսավոր խոսք ենք տալիս Նոր տարում մեր աշխատանքները ավելի բեղմնավոր դարձնել և նորանոր հաջողություններ արձանագրել:

Վեհափառ Տեր, Ամանորի այս խորախորհուրդ պահին, Հոգևոր ճեմարանի սաներս, Ձեր սիրասուն ու երջանիկ զավակները, մեր հոգու խորունկ ծալքերից, անհուն սիրով ու երախտագիտությամբ մեր մաղթանքներն ենք բերում՝ ցանկանալով Ձեզ երկար ու բարօր կյանք, արեւատություն և մշտատե առողջություն ի փառս Հայ եկեղեցու, Հայ Հայրենիքի ու Հայ Ազգի:

Շնորհավոր Նոր տարի:

ՓԱՅԼԱԿ ԱՅՆԹԱՓՅԱՆ

(Ա յսարանի սան)

ԳՐԻԳՈՐ ԳՐԻԳՈՐՅԱՆ

(Գ դասարանի սան)

Ն Ո Ր Ե Ա Ր Ի



Գրիգոր Գրիգորյան

Ողջույն քեզ, հագա՛ր ողջույն.  
Մեր Նոր տա՛րի կենսաբեր.  
Այսօր բազում սրտեր խնդում,  
Քեզ ե՛ն սպասում անհամբեր:

Խղճե՛րով, հույսե՛րով հոր  
Քեզ է սպասում ամեն մարդ,

Որպեսզի մուտքդ փառավոր  
Ողջունի ուրախ, զվարթ:

Դե՛ն, բացվի՛ր առավոտ սիրուն,  
Դու կենսափթիթ Նոր տարվա,  
Սովետական մեր ծաղկուն  
Արարատ աշխարհի վրա:

## ՀՈՐ ՆԱՄԱԿԸ ՈՐԴՈՒՆ

Ստորև զետեղում ենք մի ճառված Առաֆել Քեչյանի, 1948 թ. նոյեմբերի 12-ին, գրած ճառակից, որը հասցեագրված է իր որդի, Հոգևոր ճեմարանի սան, Արամ Քեչյանին.

ԽՄԲ.

12 նոյեմբեր 1948 թ. Պուրբեշ

Սիրելի Արամ.

Երկար և սրտահալոսում սպասումն ետք, այսօր մեծ ուրախությամբ ստացա հոկտ. 12 թվակիր կարոտալի նամակդ: Այդ ուրախությունը քանի մը պատճառներով զգացի, որոնք պարզաբանել քեզ համար օգտակար կնկատիմ, ուստի մտիկ ըրեմ:

Ուրախացա, որովհետև լսեցի ճեմարան ընդունվիրդ, որ նախադուռն է ապագայիդ: Էջմիածինը դարերով հայ մտքին ու հոգիին

խին մեջ դուն պատահություն պիտի ունենաս հմտանալու մայրենի լեզվիդ հետ նաև ռուսերենի, և անոնց գրականության զմայելի նրբություններուն, այսպիսով հետևելով հորդ, կատարելության հասցնելով անոր սկսածը. եթե հայ գրչի ու մտքի անդաստանին մեջ ես չկարողացա արժեքավոր անուն մը թողուլ, ապահովաբար դուն կհաջողիս, սիրելի զավակս:

Հասարակության ծառայել և բարի հիշատակ ձգել, քու մեջ փոքրուց նշմարված ձգտումներ են: Դուսն այդ բանն թելադրված նախընտրեցիր Սովետական Հայրենիքիդ կրթական հաստատությունները ու ես ալ քու ապագայիդ սիրուն հանձն առի զավկես բաժնվելու զրկանքն ու կարոտը, ուստի ջանա կուրծք տալ ամեն դժվարությունց և հասնիլ նպատակիդ:

Սիրելի Արամ, նպատակս է քեզ հասկըցնել, որ ճեմարան ընդունվիրդ մեծ բախտավորություն է մեզ համար, որովհետև հոն է, որ պիտի արժեցնես կարողություններդ, որովհետև ես քու մեջ ավելի ուժեղ կգտնեմ հորդ ասպարեզին հետևելու ընդունակությունները և այդ ընդունակությունները արժեցնող տրամաբանական լավագույն վայրն է: Էջմիածնի ճեմարանը:

Կհուսամ շուտով սիրելի պիտի դառնաս թե՛ ուսուցիչներուդ և թե՛ ընկերներուդ: Քեզ կթելադրեմ հարաբերվիլ Գ դասարանի սաներեն Քաջիկ Գևորգյանի, Ռուբեն Մարտիրոսյանի և մանավանդ Հրանտ Վարուդյանի հետ, որոնց գրչին պտուղները համեստած եմ «էջմիածին» հանդեսի մեջ և հեռուեն սիրած ու համակրած եմ իրենց՝ հավատալով, որ եթե դեմքը հայելին է սրտին, գրիչն ալ կպատկերացնեն հոգին մարդուն: Սրտով ու հոգիով հարուստ ու գեղեցիկ այդ երրորդության հետ կարժե որ մտերմանաս. իմ սիրո և համակրանքի ողջուններս տար անոնց:

Արամ Քեչյան

ներշնչարանն եղած է և ներկայիս ալ, իբր այդ, այն կշարունակե իր երկնառաք դերը, նույն կորովով ու նույն թափով, որուն աշակերտիլդ ինձ կներշնչե հավատք, որ պիտի կարենաս անոր մեջ մշակել միտքդ, կըռանել ու կոփել նկարագիրդ ու ազնվացնել հոգիդ:


Ուրախացա, որովհետև լույսի այս օճա-

կարոտի համբույրներով նամակիդ սպասող հայրդ՝

Ա. Քեչյան







## ՀԱՅՐԱՊԵՏԱԿԱՆ ԳՆԱՀԱՏԱՆՔԻ ԴԱԼՈՒՍՏՅԱՆ ԿՏԱԿԻՆ ՀԱՄԱՐ ԵՎ ՀԱՆԴԻՍՈՒԹՅՈՒՆՔԻ ՍԱՆ ՁԲԱՆՍԻՍԿԱՑԻ ՄԵՋ



ան Յրանսիսկոյի Հայաստան-  
յայց Ս. Հովհաննես եկեղեցվո  
հիմնադիրներն բարերար Սամ-  
վել Գալուստյանի նվիրած  
ազգապատկան հողը, նվիրատվին նախա-  
ձեռնությամբ, վաճառվեցավ զուտ երեսուն-  
չորս հազար դոլարի:

1947 թ. դեկտ. 15-ի ծխական ժողովին  
մեջ բարերարին առաջարկությամբ կազմ-  
վեցավ ՏՆՐ ԵՎ ՏԻԿԻՆ ԳԱԼՈՒՍՏՅԱՆ ԿՏԱԿԻ  
ԽՆԱՄԱԿԱԿԱՆ ՄԱՐԿԱՆՆԵՐ, որոնք ի պաշտոն  
կանդամակցին եկեղեցվո հովիվը, հոգա-  
բարձության ատենապետը և նվիրատուն  
կամ իր ներկայացուցիչը, իսկ մյուս ան-  
դամներն են— Տիարք Ճան Ավագյան՝ ատե-  
նապետ, Պ. Սարաֆյան՝ ատենադպիր, Մ.  
Աթիկյան՝ փոխ-գանձապահ, Հ. Մանոյան  
հաշվապետ, և Ս. Վարդան՝ օրենսգետ:

Տեր և Տիկին Գալուստյան կտակը անձեռն-  
մխելի հիմնադրամ մըն է, որոնք եկամու-  
տը տարուծ տարի կհատուցվի Սան Յրան-  
սիսկոյի Հայաստանյայց Եկեղեցվո, որքան  
ատեն որ ան գոյություն ունենա ընդ իշխա-  
նությամբ Ամենայն Հայոց Հայրապետի:  
Իսկ եթե, Տեր մի արասցն, Սան Յրանսիսկո-  
յի մեջ՝ Հայոց եկեղեցին գոյութենե դադրի,  
Ամենայն Հայոց Հայրապետը կամ փոխան  
Նորին Սուրբ Օծություն Նրուաղեմի Հայոց  
Ամեն. Պատրիարքը, իրավունք ունի ձեռք  
դնելու Գալուստյան կտակին վրա և տո-  
կոսներն օգտագործելու Հայ Եկեղեցականու-  
թյան բարձրագույն ուսուցումին, և կամ ծի-  
սական ու աստուածաբանական գիրքերու  
հրատարակության համար ի հիշատակ Տեր  
և Տիկին Գալուստյաններու:

Ս. Հովհաննես եկեղեցվո ծխական ժողո-  
վը, ընդ նախագահությամբ Տ. Զգոն ծա-  
յրագույն վարդապետի, իր վերոհիշյալ նիս-  
տին մեջ 116 ձայներու միաձայնությամբ  
հաստատելով կտակին ակնարկված տրամա-  
դրությունները, իբր գնահատանք տվավ նաև  
հետևյալ որոշումը.

«Ի գնահատություն Ս. Հովհաննես եկե-

ղեցվույս հիմնադիրներն, և գործոն անդամ-  
ներն Տեր և Տիկին Սամվել և Ռոզ Գալուստ-  
յաններու այս մեծ նվիրատվության, ծխա-  
կան ժողովս կորոշե, որ այսուհետև ամեն  
տարի Ս. Հովհաննես Ավետարանչի տոնին  
առթիվ հանդիսավոր Ս. Պատարագ մա-  
տուցվի հարեշատություն և ի հաջողություն  
բարեպաշտ Գալուստյան ընտանիքի ողջ ան-  
դամներուն, և հոգեհանգիստ կատարվի ա-  
նոնց հանգուցյալներուն համար, կանխօրոք  
լինելիք ծանուցմամբ»:

Եկեղեցվո հովիվը, Տ. Զգոն ծայրագույն  
վարդապետ, առանձինն առանձին տեղեկա-  
գիրներ մատուցե Ամենայն Հայոց Վեհափառ  
Հայրապետին, Նրուաղեմի Ս. Պատրիար-  
քին և Կալիֆոռնիո Առաջնորդարանը, ի մա-  
սին Ս. Հովհաննես եկեղեցվո ստացության,  
ներկա վիճակին և Գալուստյան կտակին,  
ներկայեցիվ համապատասխան պաշտոնա-  
թուղթեր:

Նորին Ս. Օծություն Վեհափառ Տ. Տ. Գևորգ Զ  
Կաթողիկոսը, ջերմորեն դնահատելով հա-  
տարած աշխատանքը և Գալուստյաններու  
արած կտակը, բարեհաճեցավ 1948 թ. մայիս  
15 թվակիր նկարագրող սրբատառ Կոնդակով  
օրհնել բարերար Գալուստյանն ու իր բոլոր  
աջակիցները: Նորին Ս. Օծությունը այս առ-  
թիվ Տիար Ս. Գալուստյանին շնորհել է Ս.  
ԳՐԻԳՈՐ ԼՈՒՍԱՎՈՐՉԻ Ա ԿԱՐԳԻ ՈՍԿԻՍ Ա..  
ԴԱՄԱՆԴԱԶԱՐԻ ՇՔԱՆՇԱՆ: Վեհափառ  
Կոնդակով ի մեջ այլոց գրում է.

«Արդ՝ ի նկատի առնելով Ձեր գովելի բա-  
րեգործությունը, ջերմեռանդ կրոնասիրու-  
թյանն ու ազգասիրությունը, Մեր այս Հայ-  
րապետական Կոնդակով շնորհում ենք Ձեզ  
Ս. ԳՐԻԳՈՐ ԼՈՒՍԱՎՈՐՉԻ Ա ԿԱՐԳԻ ոսկե ա-  
դամանգազարդ շքանշան և ի սրտե օրհնում  
ենք Ձեզ և Ձեր գերդաստանը՝ մաղթելով  
Տիրոջը պարգևել Ձեզ երկար տարիներ, բա-  
րեբաստիկ կյանք և կատարյալ հաջողություն  
Ձեր բարի գործերին, հօգուտ ազգի, հայ  
մարդու Սրբություն-Սրբոց Միաժնաէջ Ս.  
Տաճարիս և Մայր Հայրենիքի»:



Օգոստոսի 29-ին, ի տոնին Գյուտի Գոտվո Ս. Աստուածածնա հանդիսությամբ պատարագեց Գեր. Տ. Զգոն ծայրագույն վարդապետը Ս. Սեղանին սպասարկեցին Արթ. Տ. Կարապետ ավագ քահանայն, Գալֆայան և Անտոն սրկգ. Չերազյան: Դպրաց դասուն մասնակցեցան նաև սիրված մեներգիներ Տիկին Մերի Տոնապետյան, Տիար Ճան Օճաքյան և օրիորդ Լուսի Արմաղանյան, որ վերջերս առաջնության պատիվին հետ շահեցավ երկու հազար դրար պարգև, «Կալիֆորնիա» խոստովնալից երգիչներու մրցահանդեսին մեջ:

Ս. Սեղանը զարդարված էր ծաղկեպսակով մը, որուն իբր շրջանակ փայլ կոտար երկուսասան ոսկեգուլն աշտանակներու վրա պար բռնող խորհրդավոր լուսապսակը:

Հավարտ Ս. Պատարագի կատարվեցավ մաղթանք վասն Մայր Աթոռո և Հայրապետի Ազգից Հայոց, նորին Ս. Օծուքյուն Տ. Տ. Գևորգ Զ Կաթողիկոսի: Հրաշափառ և Ուրախ լեռ շարականներու երգեցողությամբ սրբատառ Կոնդակը վերամբարձ թափորով շրջագայվեցավ ժողովուրդին մեջ: Ավագ սեղանին առջև պատարագիչ Հայր Սուրբը խընկարկությամբ և համբույրով առավ Կոնդակը, կարդաց և համբույրով հանձնեց բարերար Ս. Գալուստյանին, որ շապիկով և բրուշիչով երկյուղածությամբ կանգնած էր բեմին առջև: Երգվեցավ էջ Միածինը ի Հոգեշարականը: Ժողովուրդը նույնպես հոտրեկայս պատկառանքով հաղորդ եղավ մեր Սրբազան Հայրապետի օրհնություններուն: Երեմի հովիվ Տ. Կարապետ ավագ քահանայն սրտեռանդն քարոզեց Ս. էջմիածնա Հոգեվոր ճեմարանին կոշման, դերին, կարիքներուն և անոր օգնելու մեր պարտավորությունն յայն, ձգվող Աստուծո, աղբյուր շնորհաց մաղթանքը երգված միջոցին մասնավոր պնակ դարձվեցավ հօգուտ Մայր Աթոռո:

Խուռներամ ժողովուրդը բարերարին շափմխիթարվեցավ և գոհունակությամբ լեցվեցավ: Բոլոր հավատացյալներն ուրախ եղան Հայրապետական այս բարձր գնահատանքին և անոր համապատասխան վեհաշուք հանդիսությանց համար: Վստահ ենք թե ներկաներն անոց հոգեպարար ազդեցության տակ երկար ատեն քաղցր վերհիշումներ պիտի ունենան և պիտի մղվին աստուածահաճո գործեր կատարելու Հայաստանյայց Եկեղեցիով ժիրին մեջ, Գալուստյանի և Սան Ֆրանսիսկոյի հայրության պես արժանանալու համար մեր Սրբազնազույն Հայրապետի հանուն Աստուծո շնորհած օրհնանքին:

Եկեղեցական արարողություններն անմիջապես հետո շքեղ ճաշկերույթ մը տրվեցավ ի պատիվ Տեր և Տիկին Գալուստյաններու և ի նպաստ Ս. էջմիածնա:

Պատվո սեղանի շուրջն էին մեր շորս եկեղեցականները, Գալուստյան ընտանիքը, եկեղեցիով պաշտոնական մարմիններու ներկայացուցիչները և Պատ. Գարթոջյան:

Նախագահ Հոր օրհնությամբ սկսավ սեղանը: Ծաղիկ վերջավորության բազմությունը համախոսմբ ոտքի վրա երգեց էջ Միածինը շարականը: Սեղանապետ Տիար Ա. Պերպերպաշյան, որ ատենապետն է Հոգաբարձության, ողջույնի խոսքեր ուղղեց Գալուստյաններու և համայնքին, ու կարդաց յոթը տարի առաջ Ս. Հովհաննես եկեղեցիով սկզբնավորման հանդիսություններն գլխավորին նկարագրությունը:

Գեր. Տ. Զգոն ծայրագույն վարդապետ ներկայացնելով Գալուստյանք և իրենց գործը, հանգամանորեն բացատրեց առիթն ու իմաստը Հայրապետական բարձր գնահատանքին, և հանուն Ն. Ս. Օծուքյուն Տ. Տ. Գևորգ Զ Կաթողիկոսի Ս. Լուսավորչի շքանշանը համբույրով դրավ բարեպաշտ Ս. Գալուստյանի կուրծքին, ծափերու տարափի մը մեջ, որուն հաշորդեց ամենուն միասնաբար ոտքի վրա Թագավոր Երկնավոր երգեցողությունը: Տիկին Պերճուհի Ճիվրյան ճարտարությամբ արտասանեց Հ. Հովհաննիսյանի Սուրբ էջմիածինը: Օքլենդի Ս. Վարդան եկեղեցիով հովիվը՝ Տ. Ղևոնդ վարդապետ ըսավ թե՛ հայությունը օտարության մեջ կապրի այնքան ժամանակ, որքան ատեն որ ան չի բաժնվիր էջմիածնա տեսիլքն: Էջմիածինը հայ հավատքին և պատիվին անձնավորումն է: Արտասահմանի մեջ հայությունը ապրեցավ ու կտեն երբ այդ սուրբ տեսիլքը իբր գաղափար կարձանացնե իր հոգվույն մեջ, և իբր մարմին հայկական տաճարներ կհրաշակելու օտար աղոթատեղիներու կողքին, և կապահովե անոր սնունդը, որ պտուղն է մեր որդիական սիրույն և երախտագիտության: Գալուստյան այդ իտեսնին հավատարիմ լինելով կարժանանա պատիվներու բարձրագույնին: Լեոն էհրամճյան, որ այս տարի բազմահազար ուսանողներու կողմն գնահատվեցավ իբր Զորն Ուշինկյուն բարձրագույն վարժարանի լավագույն շուրթակահարը, իր շնորհալի քրոջ դաշնակահարուհի օրիորդ Ալիս էհրամճյանի ընկերակցությամբ, Ուինիոնսքի Մագուրքայի և Ռանկինի Կովկասյան պարի նրվագածությամբ նոր շունչ մը տվավ հանդիսականներուն: Օրիորդ Աննիկ Պողիկյան



Աստուածածնի տոնին կապակցությամբ արտասանեց Մ. Աճեմյանի «Խաղաղը»: Հայկ Սողոմոնյան հայտնեց ծխական ժողովրդական կցությունը, Ճան Ավագյան իմաստասիր ուղերձով մեր երևան բերավ Ս. Հովհաննես եկեղեցվի կնքահոր իր պաշտոնին մեջ օրինակելի հանդիսանալուն հանգամանքը և երախտագիտություն հալոնեց Վեհափառ Հայրապետին, որ արժանավոր փառատանքով կապավե մեր եկեղեցվուն, որ ըսել է՝ մեր ամենուս կնքահայրը, ծնծալից ուղերձներ ըրին մեր երեսփոխաններին՝ Տիարք Մ. Աթիկյան և Խ. Պրտեյան, Տիկնայք Ա. Էկինյան, Ն. Ներսեսյան և Հ. Միրիկյան, նաև Պատ. Գարթուրյան: Օրիորդ Ա. Էրամճյան բուռն ծափերու արժանացավ դաշնակի վրանվազելով Շուշտարը, Վահան Զիթունի, որը ազգային եկեղեցական կարգ-կանոններու հասկացողությամբ այս վիճակի առաջավոր դեմքն է, խնդակցություն հայտնեց այս բերկրառիթ երևութին համար, զոր մեր Հոգևոր Տեղը պարգևեց մեզ, շնորհիվ Տ. Զգոն ծայրագույն վարդապետի նախաձեռնության: Մենք առհասարակ վարժված ենք ռՖՍՀ մեհուր, եկուր սիրեմա-ի ծուռ սկզբունքին, բայց այսօրվա պատգամն է՝ ՌՖՍՀ գործն, Գործովդ ապրե, եկուր սիրեմ, եկուր գովեմա: Կենսականությամբ լեցուն արտահայտվեցավ Դոկտ. Ա. Մալայան, որ բախտավոր փեսան է Ս. Գալուստյանի և Նոր եկած ու հաստատված է հոս՝ Զվիցերիայեն: Վարդն ու Տույ-տույը ապրումով երգեց բարերարին նորապսակ դուստրը՝ Տիկին Տալանա Ա. Մալայան, դաշնակի ընկերակցությամբ մեր միշտ փնտռվող տաղանդներեն Տիկ. Մերին Կ. Դորյանի:

Նախագահ Հայրը կարդաց բազմաթիվ հեռագիրներ, որոնցմե կհիշենք նախկին Տեղապահ Տ. Հովսեփ Եպիսկոպոսին, Ֆրանգի Ս. Երրորդություն և Ս. Պողոս եկեղեցիներու Աթ. հովիվներուն և հոգաբարձությանց, ինչպես նաև Լուս-Անճելոսի հեռագիրները, Մեյր Դոկտ. Վահան Զըսկալյանի և գրագետ Վահե Հայկի նամակները և Տեղապահ Տ. Վարդան Եպիսկոպոսի խնդակցական գիրը: Աթ. Տ. Կարապետ ավազեց. Գալֆայան, որ հատկապես եկած էր հանուն Տեղապահ Սրբազանի և Կեդրոն. Վարչության, խնդակցեցավ մեր համայնքին: շնորհավորեց Գալուստյանները և Լուսավորչա Կանթեղին բախար կապեց Ս. Էլմիածնա Հոգևոր ճեմարանին, որ այնքան ջերմ սիրով վերաբերավ մեր Վեհափառ Հայրապետու: Եթե մեր նվերներով սնուցանենք և զորացնենք զայն, ճեմարանեն հասնող մեր ապագա եկեղեցականները, Աստու-

ծո ողորմությամբ, կհասնեն Հայաստանյայց եկեղեցու անհովիվ մնացող եկեղեցիներուն, որոնց թիվը շատ է դժբախտաբար:

Բարերար Ս. Գալուստյան գրավոր ուղերձով մեր իր երախտագիտությունը հայտնեց Վեհափառ Հայրապետին, որուն Վեհափառ շնորհված թվականին, Ն. Ս. Օծություն օրհնությամբ, Աստուծո ողորմությունով, բրժիշկները հաջողեցան շիտակ ախտաճանաչում Դատարի կյանքիս սպառնացող հիվանդության. և ահա դարձած եմ կյանքս: Նա հարգանքով հիշեց նաև այս սուրբ գործին մեջ իբր հանգամակիչ իրեն աջակից եղող անձներուն անունները, և խնդրեց Պատ. Հոգաբարձուներեն, որ այս օրվան հանդիսություններուն առթիվ կատարված բոլոր ծախսերուն հաշիվները իրեն տրվին և ամբողջ եկամուտը հատկացվի Ս. Էլմիածնա: Հանդիսականք որոտընդոտ ծափերով ընդունեցան այս ազնվական ժեստը, որուն գեղեցկությունը ավելի պայծառ է անունը համար, որ գիտեն թե Գալուստյան ավելին ևս ընելու հոգաբարձություն հայտնած է առ որ անկ է: Տիկ. Ռոզ Գալուստյան, որ արժանավոր դուստրն է իր բարեգործություններով և անգլերեն գրած պատմվածքներով համբավվող Տալանա Արգարի, որ Կարմիր Խաչին մատուցած իր ծառայությանց համար արժանացած էր կայսերական գնահատանքի ու վարձատրության, շնորհակալություն հայտնեց համայնքին լրության, որուն համագործակցության և սիրո պտուղն է զոր կվայելենք այսօր: Ա. Պրպերպալյան հանուն Պատ. Հոգաբարձության սիրուն ծաղկեփունջ մեր նվիրեց Տիկ. Գալուստյանին և իր գծած Էլմիածնի գեղեցիկ մեկ նրկարը նվիրեց բարերարին, ի հիշատակ այս օրվան:

Նախագահ Տ. Զգոն ծայրագույն վարդապետ արտասանեց փառման խոսքը: Հանդիսականք համախումբ երգեցին Հայր մեր, Հովիվին պահպանիչով իրենց երջանիկ վախճանին հասան հանդիսությունները, որոնց պատճառած հոգեկան հաճույքը ամենուն մոռցնել տվավ ժամերու սլացքը, հանդիսություններ, որոնք արտացոլումն եղան շնորհի, սիրո, բարեպաշտական նրվիրումի, երախտագիտության և գնահատանքի, որուն արժանի ընծայեց ինքզինքն Ս. Հովհաննես եկեղեցվի հոտը, որ միասնաբար խմբված է մեր լուսո Մոր Հովանիին տակ և զորավիգ կլինի անոր ու կղորանա անով:

ԴՊԻՐ



## ՀԱՅԱՍՏԱՆՅԱՅՑ ԵԿԵՂԵՑԻՆ ՍՓՅՈՒՌԻ ՄԵԶ

### Ս. ԵՐՈՒՍԱՂԵՄԻ ԱՄԵՆԱՊԱՏԻՎ ՊԱՏՐԻԱՐԲ Տ. ԿՅՈՒՐԵՂ Բ-Ի ՆԱՄԱԿՆԵՐԸ

Ս. Էջմիածնի Մայր Աթոռում, Ամենայն Հայոց Վեհափառ Հայրապետի անունով, ստացվել են Երուսաղեմի Ամենապատիվ Պատրիարք Տ. Կյուրեղ Բ-ի 1948 թ. մարտ 12, հունիս 13 և հոկտեմբեր 19 թվակիր նամակները, որոնցից բաղվածաբար ուղղ տեղեկություններ ենք բերում արաբա-հեռապան պատերազմի հետևանքով պաղեստինահայ աղետյալների և Երուսաղեմի Ս. Տեղյաց կրած կորուստների ու վնասների մասին: Սույն երեք նամակները համարյա միաժամանակ են ստացվել:

ԽՄԲ.

Ն Ա Մ Ա Կ Ա

Վեհափառ Հոգևոր Տեր,

Պաղեստինի ներկա քաղաքական տագնապը իր համատարած աղետներով և արհաժիրքներով պաշարած է նաև Ս. Աթոռս իր միաբանությամբ, իր թեմերով, իր կրոնական և կրթական բոլոր հաստատություններով և արժեքներով:

Անողորմ ու կատաղի պաշքարը, կեղրոնացած ըլլալով քաղաքներու և անոնց արվարձաններու մեջ, ծանրապես ազդած է մեր ժողովուրդի բոլոր խավերուն, խորտակելով անոնց ապրուստի բոլոր միջոցները: Անոնցմի շատեր դժոխային մեքենաներու և ռումբերու և մեծ ու փոքր հրազեններու սարսափներեն խուճապահար լքած են իրենց տուններն ու խանութները և շարժական բոլոր ստացվածքները և իրենց զավակներով միայն ապաստանած են մեր կրոնական հաստատությունց պարիսպներեն ներս՝ իրենց կյանքը փրկելու համար: Բացի նյութական կորուստների ունեցած ենք անձի կորուստներ, որոնցմե 15-ը միայն մեզի հայտնված է ցարդ: Անգամ մը ևս Ս. Հակոբյանց Վանքը, իր ներքին և արտաքին թաղերով, Հրեշտակապետ, Բեթղեհմի, Ռեմլեի և Հոպպի վանքերը ու Հայֆայի ժամատունը լեցված

են ամեն կարգի ապաստանյալներով, հավասարապես վտանգված և հուսալքված:

Սուրբ Աթոռույս նյութական վնասները և դրամական ծանր պատասխանատվությունները արդեն իսկ մեծ համեմատություններու հասած են:

Ռեքս սինեման, Երուսաղեմի արտաքին քաղաքամիջի մեր լավագույն շենքերեն մին, կործանած է բոլորովին: Այրված են մեր Մեծ Պանդոկի ներքեի յոթն խանութները: Պանդոկը, որ մեր եկամուտի մեծաղույն աղբյուրներեն մին էր, պարապ է և կարելիություն չկա վարձու տալու ներկա պայմաններուն մեջ:

Մեր պարապ շենքերն ու խանութները ապահովելու համար կստիպվինք կառուցանել առժամյա պատերու Վանքի բոլոր բնակելի թաղերը լեցված ըլլալով, նորեկ աղետյալները պատսպարելու համար պիտի ստիպվինք կառուցանել առժամյա բնակարաններ:

Ասոնց կարգին և անողղակիորեն իբրև հետևանք երկրի ներքին տագնապին և վարչական դրության կազմալուծման, տարվույս սկիզբը ունեցանք մի շատ ցավալի աղետ մը: Գեթսեմանի ձորին մեջ գտնվող Ս. Աս-



տուածածնա Գերեզմանի հնադարյան եկեղեցին, որուն արտաքին գավիթը և մուտքի մեծ դուռը դեռ մի քանի ամիս առաջ վերահաստատած էինք իրենց նախկին շքեղության մեջ—Հունաց Պատրիարքարանի հետ համագործակցաբար—հունվարի 5-ի գիշերը հանկարծական տեղատարափ անձրևներու հեղեղներով լեցվեցավ, խորտակվեցան նրա մուտքն ու գավթի պատը և ինչ որ կգտնվեր ներսը, եկեղեցվո մեջ, ջրամուխ եղավ մինչև առաստաղը բարձրացող ջուրին մեջ (եկեղեցին գետնափոր ըլլալով)։ Ս. Կուլսի Գերեզմանի դամբարանը և անոր առջև մեր Հեթում թագավորի կոշված պատարագամասույց Ս. Սեղանը, Հունաց և մեր մյուս բոլոր պատարագամասույց սեղանները, բոլոր իկոնները, յուզաներկ պատկերները, կանթեղները, ջահերը, պահարանները՝ իրենց պարունակած եկեղեցական զգեստներով, ամբողջը ոչնչացան և ավերակի վերածվեցան։ Նյութական վնասը մի քանի հազար ոսկիներու կհասնի։

Աստուք բոլոր սակայն անխափան և անմիջապես պետք է վերահաստատվին այդ մի քանի հազար ոսկի ծախքով, որուն ճիշտ կեսը մենք պետք է վճարենք, ինչ որ ալ ըլլա։ Եկեղեցին մի քանի դարերի ի վեր միայն մեր և Հունաց սեփական եղած է, երկու պատրիարքներու կողմից կնքված համաձայնությամբ մը։ Գավթի խորտակված պատը մերն է և անմիջապես կառուցանելի մոտ հազար ոսկվո ծախքով։

Այս ստիպողական ու անհրաժեշտ ծախքերու շարանը մեր նվազած եկամուտներուն առջև յուր կուտա Ձեր Վեհափառության մեր տնտեսության վրա դալիք դժվարությունները։ Մեր վրա պիտի ծանրանա՝ նաև 100 հոգինոց միաբանության հոգատարությունը, ինչպես նաև երեքեն չորս հազար

դժբախտ ժողովուրդի հոգատարությունը դժնդակ պայմաններու տակ։

Պաղեստինահայությունը, թվով մոտ 12.000, անցյալ երեսուն տարիներու ընթացքին օրինակելի և նախանձելի եղած է իր ազգասիրության և հայրենասիրության մեջ։ Ազգային ընդհանուր և մասնակի հանդանուկություններու մեջ միշտ իր մասնակցությունը բերած է առավելագույն զոհաբերություններ։ Ներկա դժբախտ պարագաներու տակ իսկ այդ ոգիին շնորհիվ կրցած ենք կատարել ներքին հանդանուկություն մը, որուն արդյունքը, մոտ հազար ոսկի, պիտի հատկացվի կարոտելոց անհրաժեշտ պարենի հայթայթման։ Կարոտելոց հոգատարության համար կազմած ենք 15 աշխարհականներ և 6 հոգևորականներ բաղկացած առժամյա հնամատարական Մարմին մը մեր նախագահության տակ։ Մարմինը պիտի ունենա իր Վարչական Վերին Համարառու ժողովը, բաղկացած երեք հոգևորականների և երեք աշխարհականների։ Հետո երեք Գործադիր Հանձնախումբեր—Առողջապահական, Կարգապահական և Պարենավորման՝ բաղկացած մեկ մեկ հոգևորական և հաջորդաբար երեք, չորս և հինգ աշխարհական անդամներն։

Արցունքներով գրեցինք մեր այս բոթաբեր նամակը և Ձեր Վեհափառությունը արցունքներով պիտի կարդաք զայն։ Բայց միտահ ենք, թե արժանընդունակ աղոթքներով և Ձեր բարձր հովանավորությամբ, մենք և մեր Միաբանությունը մեր ժողովուրդով միասին պիտի վերագտնենք մեր բնականոն կյանքն ու աշխատությունը, փառավորելու զԱստուած և ծառայելու մեր Ս. Եկեղեցիին և Ազգին՝ նորոգված ուժերով։

Հավատարմական սիրով և ամենախորին հարգանաց հավաստյոք մատչելով ի համբույր Ձեր Վեհափառության շնորհածիր Սուրբ Աշույն,

Մնամք խոնարհ Աղոթակից և տրուպ ծառա Տյաուն

Կ Յ Ո Ւ Ր Ե Ղ Ր

ՊԱՏՐԻԱՐԿ Ս. ԵՐՈՒՍԱԿԵՐԻ

Ն Ա Մ Ա Կ Ր

Վեհափառ Հոգևոր Տեր,

Ի շարունակություն մեր 12 մարտ, 1948, թվակիր նամակին, պատիվ ունինք Ձեր Վեհափառության ներկայացնելու հետևյալ տեղեկությունները՝ մեր և մեր Միաբանության ու ժողովուրդի կրած դառն կորուստներու և փորձառություններու մասին։

Բացի նախորդ ամիսներու ընթացքին Պաղեստինի դանազան մասերու և Երուսաղեմի

մեջ մեր ունեցած 15 սնձի կորուստներն, մայիս 15-ին ասդին մեր Վանքի շրջապատին մեջ և քովերը ունեցանք 111 հայ վիրավորյալներ— Վանքի վրա նետված ռումբերն և հրազեններու գնդակներն։ Անոնցմի 10-ը վախճանեցան անմիջապես և մի քանի

զոհ հետո։

Ներքին ձեռք առնված ապահովության



միջոցներուն և խնամատարական Մարմնի ու Միաբանության միահամուռ աշխատանքներուն մեր վնասները սահմանափակվեցան: Առանց ասոնց, նկատի ունենալով ռմբակոծություն և հրազեններու սաստկությունը, շատ ավելի ծանր պիտի ըլլային վնասները:

Մինչ Պարենավորման Հանձնախումբը հազարավոր ժողովուրդի սնունդի մատակարարման դժվարին աշխատանքը կկատարեր և կարգապահական Հանձնախումբը ընդհանուր պահպանության վրա կհակեր, Դարմանատան պաշտոնյաները տասնյակ վիրավորյալներ մեկ անգամեն կխնամեին: Մայիս 14-ին մինչև հունիս 7 տևող կոփներու ընթացքին 166 վիրավորյալներ ընդունված են Դարմանատունը — շատերու մարմինը ուժաքի կենտրոններով պատռված — և խնամված են զգուշությամբ ու հիվանդանոց ղրկված հիմնական վիրաբուժական գործողությանց և խնամքի համար:

Մեր եկեղեցիներուն և շենքերուն հասած վնասներն են հետևյալները.

Սրբոց Հակոբյանց Մայր Տաճարի հյուսիս-արևելյան անկյան եզերքին դպած է ուժաք մը և թափած երեսի քարերը՝ մեկ մետր երկարության վրա: Ուրիշ ուժաք մը Ս. էջմիածին մատուռի տանյաց հարավ-արևելյան եզերքին դպած է և անկի չորս մետր տեղ փլցուցած, թափելով տակի և շրջակայքի հողի շերտերը: Ռումբը տանիքի եզերքի երկաթյա վանդակին դպած է և վանդակն ալ ուժգնորեն ճեղքելով հետը տարած է տանիքին եզերքի քարերը: Մատուռի ներսեն հայտնի չէ այս ամենը, տակի կամարն ալ չէ ազդված:

Հրեշտակապետաց եկեղեցին, ինչպես նաև Ս. Թեոփորոսի, չեն վնասված բարեբախտաբար: Վնասված են Հրեշտակապետաց եկեղեցվի շրջապատի սենյակները և Տեսչարանը: Մանր կերպով վնասված է Հին Աբեղաթաղի տանյաց տանդուխքը իր շրջակայքով. ճեղքված են կամարներն ու պատերը մի քանի քառակուսի մետր տարածության վրա: Այս մասը ընդարձակ նորոգության պետք ունի: Ռումբեր ինկած են Վանուց արտաքին մուտքի առջև և վնասած են դիմացի չորս կըրպակները և անոնց առջևի սալահատակը: Մեծ բակին մեջ լնկած ուժաքերը վնասած են Դիվան առաջնորդող ոլորուն քարյա սանդուխքը և անոր երկու կողմի երեք սենյակները: Ուխտավորաց թաղերուն մեջ ինկած ուժաքերը փլցուցած են տանյաց եզերքները և ծանրապես վնասված է Ատանաթաղը ամբողջությամբ, քովի փողոցին մեջ պայթած ականի ցնցումեն: Անոր պատերուն և սենյակներուն մեջ լայն ճեղքեր բաց-

ված են: Նոր Աբեղաթաղի մեջ ինկած մի քանի ուժաքերն թեթև կերպով վնասված է թաղի արևմտյան թևի տանիքի եզերքը. ջրամբարներու առջև, մեկ ու կես մետր երկարության վրա: Բակի քարյա սանդուխքը և սենյակները, ինչպես նաև Ատանաթաղը, ընդարձակ նորոգության պետք կենեկայացրեն:

Ս. Աթոռույս Կյուպենկյան Մատենադարանի բակին մեջ ինկած ուժաքերն մեկը վնասած է Մատենադարանի մուտքի աջակողմյան առաջին պատուհանը և վրայի քարն շրջանակի մեկ փոքր մասը: Տանիքի և տեղի մասն ալ կրած է փոքր վնք մը: Ժառանգավորաց Վարժարանի մեջ խորտակված է մեծ սրահի մուտքի մարմարիտյա փոքր վանդակը և դեպի արևելք նայող աջակողմյան դասարանի արտաքին պատին մեկ մասը:

Ս. Թարգմանչաց Վարժարանը մի քանի տեղեն խոցված է ուժաքերն, բայց փլուզում չէ ունեցած:

Սաստիկ կերպով վնասված են Հայոց Թաղի վանքապատկան շենքերն շատերը: Բոլորովին կործանած է այն շենքը, որ մի քանի տարիներ ի վեր կծառայեր իբրև ակումբ Նորապետի Բարեսիրաց Միության, Թալանված, այրված ու քանդված են տանիքները տունները և տասը կրպակները: Անոնց նորոգության և վերահաստատության համար մեծ գումարներու պետք պիտի ունենանք:

Ս. Փրկչա Վանքին մեջ փլած է արտաքին շրջապատի մեկ մասը. կողոպտված են եկեղեցին ու վանքը:

Նոր քաղաքամասին մեջ մեր ունեցած շենքերն ծանրապես վնասված է Մեծ Պառնոկը — ուժաքերը քանդած են անոր առջևի սենյակներն երկուքը:

Նորապետի հին և նոր քաղաքամասի ռմբակոծումը ընդհանուր և անխնա ըլլալով, վնասներն ու կորուստներն ալ ընդհանուր և անսահման են: Հին Քաղաքի Հրեց թաղը կործանած է ամբողջությամբ: Ծանր կերպով վնասված է Սիրնի Գերմանական եկեղեցին իր բոլոր մասերով. կործանած է նույն տեղովույն Անգլիացվոց դպրոցի մեկ մասը: Վրնասված են Ասորվոց Ս. Մարկոս եկեղեցվի շուրջի տունները. ռմբակոծված է Ս. Հարությունը. ուժաքերն մեկը, 1,25 մետր, ինկած է մեր Ս. Լուսավորչի տանիքին վրա և չէ պայթած: Վնասած է միայն գմբեթի քովի սալահատակի մեկ փոքր մասը: Ուրիշ փոքր ուժաք մը դպած է Ս. Գերեզմանի բոլորակի մեծ գմբեթին և փոքր ծակ մը բացած է ունոր արտաքին կեղևին մեջ, բայց չէ կրցած ծակել ներքևի կեղևը, այնպես որ ներսեն



հայտնի չէ։ Ռումբեր ինկած են նաև Հունաց Պատրիարքարանի և Վանքի մեջ՝ փոքր վրնասներ պատճառելով։

Նրեք ռումբեր ինկած են հայ կաթողիկոսներու եկեղեցիին վրա և շուրջը. եկեղեցիին հետեի վերնատան տանիքը և ամոր ներքի առաստաղը վնասված են քիչ մը, մյուս ռումբերը եկեղեցվո բակերուն մեջ պայթած են և մեկ երկու հոգի վիրավորած։

Մանր կերպով վնասված են Ֆրանսացիոց նոթր Տամի հսկա շենքը և քովի հիվանդանոցը, ինչպես նաև ամոր դիմացի Մայրապետաց վանքն ու եկեղեցին։ Քանի մը ռումբեր ինկած են նաև Անգլիացիոց Ս. Գեորգ եկեղեցվո վրա և շուրջ։ Նրկու հատը ծակած են եկեղեցվո առաստաղը և ներս թափանցելով պայթած ու խորտակած են ազնիվ քարերն կառուցված ամբիոնը, քովի մեծ երգեհոնը և փայտյա բոլոր վանդակներն ու քանդակները, աթոռները և այլն, անգործածելի դարձնելով եկեղեցին։ Մյուս ռումբերն ջախջախված է մեկ ինքնաշարժ և նրնջարանի մը կահարասիները։

Ռումբեր ինկած են նաև Հին քաղաքամիջի լատինաց Պատրիարքարանի և շրջակայից վրա, նույնպես Ֆրանչիսկյան վանքի և ամոր շրջակա շենքերու վրա, անձի և շենքի վրնասներ պատճառելով։ Մի քանի ռումբեր հասած են նաև Սողոմոնի Տաճարի բակը և պայթած Մզկիթին քովերը։ Նոր քաղաքամիջի վնասված եկեղեցիներու շարքին մեջ կգտնվի նաև Հապեշաց Բոլորշի եկեղեցին — ռումբը ծակած է գմբեթը և եկեղեցվո մեջ պայթելով վնասած է ներսի պատերն ու սեղանը։ Այսպես Բեթղեհեմի ճամբուն՝ վրա գտնվող Հոնաց Ս. Նղիայի հնադարյան վանքն սկսյալ մինչև Հրեից համալսարանն ու հիվանդանոցները ուժակոծված և հրացանազարկ եղած են առանց բացառության, ավերներ ու կյանքի կորուստներ պատճառելով ամեն տեղ։

Հունաց Ամենապատիվ Ս. Պատրիարք Հայրը Ս. Հարության ռաբակոծումի առթիվ հեռագիր տված է Միացյալ Ազգերու Ապահովության ժողովին։ Նույնը ըրած ենք մենք, հիշելով նաև ռաբակոծումը քրիստոնեական եկեղեցիներու, վանքերու, կուսանոցների և այլ կրթական և բարեսիրական հաստատություններու։ Լատիներն ալ իրենց կարգին հեռագրած են, ներկայացնելով ցանկը բոլոր այն քրիստոնեական եկեղեցիներուն և հաս-

տատություններուն, որոնք պատված և վրնասված են Հրեից վերվորներու կողմի։ Այս հեռագիրներն առաջ, մայիսի 16, 17, 18-ին, երբ ռաբակոծումները սկսած են մեր շուրջ, մենք անձամբ և ուղղակի հեռախոսի միջոցով բոլոր ներկայացուցիչ հետևյալներուն — Վերուա Քոմիսիոն — ի անդամներուն, Միջազգային կարմիր խաչի Պաղեստինի պետին, տեղվոյս Արաբական Ազգային ժողովի անդամներուն, Հրեից Ընդհանուր Գործակալության պետերուն, Երուսաղեմի ոստիկանության պետերուն և քաղաքիս զանազան հոգևոր իշխանությանց և անձերուն, խնդրելով որ արգելք հանդիսանան Ս. Տեղաց և եկեղեցյաց ռաբակոծումին։ Նույնը ըրին մեր կողմից մեր Միաբանության հոգեշնորհ անդամներն մի քանին երբ կտրվեցան մեր թաղի հեռախոսի թելերը և անջատվեցանք քաղաքի մյուս մասերն։ Այս բոլոր ջանքերը ոչ մեկ բարերար արդյունք ունեցան և մենք մեր ժողովուրդով Աստուծո ապավինեցանք, բազմապատկելով մեր ինքնապաշտպանության ջանքերը։

Ս. Հարության մեջ և Ս. Բեթղեհեմի մեջ մեր հոգևոր պաշտամունքներն ու պարտականությունները շարունակված են ու կշարունակվին ըստ առաջնույն։ Հունաց և մեր փոխադարձ համաձայնությամբ Ս. Աստուածածան Գերեզմանի եկեղեցվո ամենօրյա Ս. Պատարագները դադրած են առժամաբար, մինչև որ պատարագամատույց Ս. Սեղանները պատրաստվին։

Ս. Հակոբյանց Մայր Տաճարի ամենօրյա պաշտամունքները, որոնք դադրած էին մայիս 17-ին հետո, վերսկսած են արդեն։ Համբարձման տոնը, փոխանակ Համբարձման լեռան Համբարձման եկեղեցվո մեջ կատարելու, Ս. Հակոբի մեջ կատարեցինք. նույնը պիտի ընենք կերևի Հոգեգալուստի տոնին առթիվ, քանի որ Ս. Փրկիչ երթալը անկարելի է առ այժմ։

Ժառանգավորաց սաները իրենց տեղը վերադարձած են, Հրեշտակապետաց վանքը մաքրված է և հետզհետե իր բնականոն վիճակին վերածվելու վրա։ Այս բոլորը շնորհիվ այն զինադադարին, որ երկուստեք համաձայնությամբ կնքված է։

Կիսնդրենք Ձեր Վեհափառութենն, որ աղոթեք Ս. Նրկրի խաղաղության համար, որ պեսսի մեր սիրելի ժողովուրդը, ուրիշներու

հետ, վերագտնե իր բնականոն կյանքը և դարձան իր վնասները:

Հավատարմական սիրով և ամենախորին

հարգանայ հավաստյոք մատչելով ի համ-  
բույր Զեր Վեհափառության շնորհաձիր  
Սուրբ Աշույն,

Մնամք խոնարհ Աղոթակից և տրուպ ծառա Տյառն

Կ Յ Ո Ւ Ի Ե Ղ Բ

ՊԱՏՐԻԱՐԷ Ս. ԵՐՈՒՍԱԿԵՄԻ

Ն Ա Մ Ա Կ Գ

Վեհափառ Հոգևոր Տեր,

Ի՞շարունակությամբ մեր 12 մարտ և 13 հունիս 1948 թվակիր տեղեկագիրներում, Զեր Վեհափառության կենդանացնենք հե-  
տևյալ տեղեկությունները՝ մեր ներկա կա-  
ցության մասին:

Հունիսի ընթացքին մինչև հուլիսի առա-  
ջին շաբաթը ՄԱԿ-ի միջնորդությամբ Պա-  
ղեստինի կռիվներու թափը չափով մը սահ-  
մանափակվեցավ զինադուլի մը կնքումով:  
Այդ միջոցին մեր ժողովուրդի մեկ մասը  
Անդր-Հորդանան մեկնեցավ, մասամբ ապա-  
հովության և մասամբ ալ ապրուստի  
միջոցներ գտնելու հույսերով: Անդր-  
Հորդանանին ավելի հեռունները չկը-  
ցին երթալ, մյուս երկիրներու դրած արգելք-  
ներուն պատճառով: Լիբանանի, Սուրիո և  
Եգիպտոսի մեջ գտնվող պաղեստինցի գաղ-  
թականները առավելապես Հոպպեի և Հայ-  
ֆայի շրջաններին են և մեծ զանգվածով  
ստիպվեցան գաղթել տաքնապի առաջին օ-  
րերուն, երբ դեռ արգելքներ չէին դրված:

Զինադուլը պատահությամբ տվավ մեզ ի-  
րագործելու ինչ որ կարելի չէր եղած նա-  
խապես: Գործնական միջոցներ կիրարկվե-  
ցան հավանական համաձայնություններու դեմ  
ընդհանուր հակառակությունով. ապահովվեցավ  
խմելու և մաքրության ջրերի պաշարը: Մա-  
լիսին ի վեր Երուսաղեմի քաղաքապետարա-  
նի ջրերը կտրված ըլլալով ջրերի հարցը մեր  
ամենն մտահոգիչ հարցերն են ինչ էր և է:  
Ռումբերու դեմ պաշտպանվելու համար ժո-  
ղովուրդի բնական սենյակներուն և նըր-  
բանցքներուն առջև ավազապարկի պատեր  
կանգնել տվինք, տեղ տեղ ալ աղյուսե պա-  
տեր: Ավելի քան 15 հազար պարկ գործա-  
ծած ենք այս առթիվ միայն: Այս և նման  
անհրաժեշտ կանխազգուշություններու հետ  
ժողովուրդի պարենը ապահովվեցավ մինչև  
հոկտեմբերի վերջը:

Զինադուլը վերջանալուն պես հուլիսի

սկզբները վերստին սկիզբ առին մեր մահա-  
բեր տառապանքները: Հուլիս 10-ին մեծ մոր-  
թըր մը ինկավ Վանքի թաղերեն միույն վրա,  
ծանրապես վիրավորեց երկու կիներ և թե-  
թե կերպով հինգ ուրիշ ազգայիններ: Զախ-  
ջախվեցավ այդ թաղի տանիքի վրա դրված  
ջրամբարը և բակին մեջ կառուցված խոհա-  
նոցներն երեքը՝ իրենց բովանդակությամբ:

Հաջորդ օրը մորթըրներ ինկան Հայոց թա-  
ղին մեջ և վնասեցին մի քանի տուններ: Գի-  
շերը զարհուրելի ականներու պայթույթները  
կոտորեցին Վանքի դռներն և պատու-  
հաններն շատերը՝ իրենց ապակիներով  
միասին: Կարելի է ըսել թե մեր Վանքի և  
ամբողջ թաղի մեջ պատուհանի ողջ ապակի  
չէ մնացած. վերգետնեղումն ալ, որ քանիցս  
եղած է, անօգուտ դարձած է: Ապակիի տեղ  
կտրծածվին թիթեղ և տախտակ:

Հուլիս 15-ի գիշերը օդային ռաբակոծու-  
թյուն ունեցանք որպեսզի Երուսաղեմ լրիվ  
ճաշակած ըլլա պատերազմի ամեն դառնու-  
թյուն և սարսափ: Ռումբերն մին Տաճարի  
բակին մեջ ինկած է, ուրիշ մը Ս. Հարու-  
թյան բակին մեջ, մեկ հատն ալ մեր Մատե-  
նադարանի առջև, ջախջախելով անոր ճա-  
կատի բոլոր փեղկերը: Իսկ հաջորդ օրը Ե-  
րուսաղեմ վայելեց իր աննախընթացը—  
500-են ավելի մորթըրներու զարհուրելի տե-  
ղատարափ մը: Բացի անձի կորուստներն  
և բազմաթիվ վիրավորյալներն մեծ վնաս-  
ներու ենթարկվեցան եկեղեցիները, վանքերն  
ու տունները: Մեր վանքի և թաղի տուններուն  
մեջ մի քանի սենյակներ ծակվեցան: Շնոր-  
հիվ այն ապահովության միջոցներուն, ո-  
րոնք կիրարկվեցան փորձառու ձեռքերով,  
մենք ունեցանք միայն հինգ վիրավորյալներ:

Այս մեծ աղետն հետո, կերևի ազդու մի-  
ջամտությամբ մը, ռաբակոծությունը դադարե-  
ցավ պահ մը: Մեզի համար շատ կարճ տևեց  
այդ պահը, որովհետև սեպտեմբեր 12-ին,



կիրարկի օր, արցունքի և սուսի մեծ օր մը եղավ Երուսաղեմի հայութեան համար. կեսօրին առաջ մեր առավոտյան պաշտամունքի և Ս. Պատարագի միջոցին երկու մեծ մորթըրներ ինկան մեր Վանքի արտաքին մուտքի առջև և ուխտավորաց թաղին մեջ և մի քանի հատ ալ Ս. Հարության ճամբուն վրա և զոհ գացին 6 հայեր ու վերավորվեցան 30 ուրիշներ (այր ու կին) և մի քանի օտարներ Վանքի թաղերն ու Ս. Հակոբի կամարները ամբողջ օր կթնդային ծնողներու և ազգակաճներու լաց ու կոծին. կարտասվեին բոլորը, վասնզի ոչ մեկ ատեն 6 դազաղներ չէին շարված Ս. Հակոբի մեջ այնքան սըրտաճմիկ պարագաներու տակ: Այդ դազաղներու հետ մեր Վանքի հինավուրց նկուղներուն մեջ թաղեցինք զինագուլներու մեր բոլոր հուլսերը... Համոզվեցանք թե մեզի համար ամեն օր և ամեն գիշեր մահվան սպառնալիքները կախված են Ս. Քաղաքին վրա:

Մեր տաքնապի երկրորդ շրջանը ավելցուց մեր ժողովուրդի կարոտայններու թիվը և անոնց հոգատարութեան ծանրութիւնը: Բացարձակ գործազրկութիւն—առևտրի չզոյութիւն, բացի ուտելիք, որ տեղացիներու մենաշնորհն է: Երկրէն դուրս երթալու զրգարութիւններ և անկարելիութիւն. ասոնք, միացած ուրիշ պայմաններու հետ, մեր նախկին ինքնաբաւ ժողովուրդը չքավորութեան մեջ նետած է և շուտով միայն երուսաղեմի մեջ ամեն օր ավելի քան 2500 հոգի կերակրելու ծանր պատասխանատվութեան առջև պիտի գտնվինք ի բաց առյալ պատըսպարելու և հագցնելու պարտականութիւններն:

Մեր առջև ունինք ձմեռային եղանակը իր բացառիկ պահանջներով, երբ արդեն սպառած են մեր ստացած նպաստի գումարները:

Գալով Ս. Աթոռույս, անցալ մարտ ամիսն ի վեր անոր եկամուտները, որոնք մեծ մասամբ շենքերու և խանութներու վարձքերն

րեն կգոյանային, բոլորովին դադրած են: Այդ շենքերն ու խանութները մեծ մասամբ արտաքին նոր քաղաքամասի մեջ կկտնվին և հրեա վարձակալներու հանձնված: Մայիսն ի վեր անոնցմէ կտրված ըլլալով, ծանոթ պատճառներով, անոնցմէ ոչինչ կրցած ենք գտնել: Նույնը եղած է Հին Քաղաքի խանութներու և տոներու վարձքերու մասին, թեև արար վարձակալներու ձեռք, սակայն տիրոջ տնտեսական կացութեան պատճառով գործերը դադրած ու խանութները գոց, անկարելի եղած է գտնել ունէ գումար: Տարվույս առաջին ամիսներուն ինչ որ ունեինք դրամատանց մեջ, իբրև պատրաստի գումար, հատկացված է կառավարական, կալվածական և քաղաքապետարանի տրոց (մի քանի հազար ոսկի) մեր հին պարտուց և տոկոսներուն, ընթացիկ և բացառիկ ծախուց և այս կերպով սպառած են մեր ծախուց բոլոր միջոցները:

Պարտք ընելը մեզի համար մահացու մեղք նկատած ըլլալով շենք մոտեցած անոր:

Այս կացութեան առջև էր, որ Ձեր Վեհափառութեան ուղղեցինք մեր 19 սեպտեմբեր 1948 թվակիր հեռագիրը՝ խնդրելով Ձեր բարձր հանձնարարութիւնը Մայր Աթոռի Սփյուռքի Թեմակալ Առաջնորդներուն և Ազգային Մարմիններուն, որպեսզի իրենց կարելին ընեն նյութական օժանդակութիւն հասցնելու Ս. Աթոռիս և մեր դժբախտ ժողովուրդին:

Լիահույս ենք թե Ձեր Վեհափառութիւնը իր պաշտելի սիրտը պիտի շնորհէ մեր օգնութեան գործին ալ, ինչ որ անսահմանորեն երախտապարտ պիտի կացուցանէ մեզ և մեր Միաբանութիւնն և ժողովուրդը, Ձեր սիրելի զավակները:

Հավատարմական սիրով և ամենախորին հարգանաց հավաստյոք մատչելով ի համբույր Ձեր Վեհափառութեան շնորհաւճիւր Ս. Աշուին,

Մնամք խոնարհ Աղոթակից և տրուպ ծառա Տյառն

Կ Զ Ո Ի Բ Ե Ղ Բ

ՊԱՏՐԻԱՐԺ Ս. ԵՐՈՒՍԱՂԵՄԻ

## ԵԳԻՊՏԱԿԱՅ ԹԵՄԻ ԱՌԱՋՆՈՐԴ ԳԵՐԱՇՆՈՐՀ Տ. ՄԱՄԲՐԵ ԱՐՔԵՊԻՍԿՈՊՈՍԻ ՆԱՄԱԿԸ

Ն. Ս. ՕՍՈՒԹՅՈՒՆ Տ. Տ. ԳԵԼՈՐԳ Զ ԱՐԲԱՋՆԱԳՈՒՅՆ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Վեհափառ Տեր,

1944-ին այցելեցի Եթովպիո մեր գաղութը՝ և ամբողջ չորս ամիս ապրեցա մեր ժողովուրդին հետ։ Այցելեցի հայաշատ կեդրոնները, կատարեցի օծումը Ս. Գևորգ եկեղեցվո՝ շինված բարերարությամբ ողբացյալ Միհրան Մուրատյանի։ դարձյալ կատարեցի օծումը Տիրե-Տավայի մատուռին, պատարագեցի և քարոզեցի, նախագահեցի զանազան հանդիսությունց և խոսեցա միշտ նպատակ ունենալով վառ պահել մեր ժողովուրդին մեջ սերը դեպի իր եկեղեցին, իր հայրենիքը և իր մայրենի լեզուն։

Կազմակերպեցի և կատարեցի, ըստ Ազգային Սահմանադրության, Գաղութային ժողովի ընտրությունը, վերջ դրի տարակարծությունց և հակառակությունց, գաղութը դրի խաղաղության ճամբուն մեջ։ Երեք անգամ պատիվն ունեցա ընդունվելու Ն. Վ. Հայլե Սելասե կայսեր կողմից, որ, պատասխանելով իմ հրավերին, անձամբ ներկա եղավ Ս. Գևորգ եկեղեցվո օծման արարողության և անձամբ պատասխանեց եկեղեցվո մեջ իմ Ն. Վեհափառության հասցեին խոսած ուղերձիս։

Վեհափառ Տեր, չորս ամսվա արդյունավետ աշխատանքի մը վերջ խաղաղ խղճմանքով վերադարձա Եգիպտոս։

Այս տարի հուլիս 1-ին ալ մեկնեցա Իտալիա, որ մնացի ամբողջ երկուք ու կես ամիս։ Այցելեցի շատ քաղաքներ, տեսա մեր ցիր ու ցան ժողովուրդը ամենուրեք։ Առավելագույնս եղա Միլան, որ մեր ազգայնոց թիվը կհասնի 250-ի։

Վերացման իսկի տոնին պատարագեցի և քարոզեցի, մկրտեցի, պսակեցի և հոգևորոպես մխիթարեցի տեղվույն փոքրաթիվ մեր գաղութը։

Վեհափառ Տեր, ցավալի վիճակ մը կա մտ մը գաղութներն ներս, Իտալիան անոցմե մեկն է։ Ժողովուրդը անտեր, անհովիվ ու անառաջնորդ, զուրկ հոգևոր մխիթարությունից, զուրկ ազգային ապրումներից, ունինք եկեղեցի, չունինք դպրոց, հավատքը Բարած, լեզուն կորսվելու վտանգին մեջ, ինք շիջած դեպի Ազգն ու Հայրենիքը, իր լախարն ձգված ժողովուրդը։

Օգտվելով այս դժբախտ կացությունն օ-

տար եկեղեցվո ներկայացուցիչները վատաբար և առանց խղճահարելու կսողոսկին մեր ժողովուրդի շարքերն ներս՝ անոց հոգինները «փրկելու» և օտար եկեղեցվո անդամներ դարձնելու համար։ Ու այս ընթացքով կնշվազի հետզհետե թիվը մեր ժողովուրդին և մանավանդ ավելցնենք, որ օտար ամուսնուկները ևս կնպաստեն այս մարդորսական աշխատանքին՝ աղգեն և եկեղեցիեն հեռացնելով իր հարազատ զավակները։ Չարիք մըն է ասիկա, որուն առջև պետք է անպայման պատվար և պատենշ բարձրացնել։

Այս շարիքի խափանարար միջոցներն մին և կարևորը պիտի ըլլա հաստատել հոգևոր շրջուն հովվություն, օրինակ Իտալիո համար կեդրոն ունենալով Միլան, ուրիկ հոգևոր հովիվը հաճախ այցելե Եգիպտոս, որ բնակություն հաստատած են մեր եկեղեցվո զավակները, հոգ չէ թիվով շատ քիչ։ Համոզված եմ, որ այս ձևով շարիքը եթե ոչ խափանած, գեթ հեռացուցած կըլլանք մենե։ Համոզված կըլսեմ, Վեհափառ Տեր, վաճառի թե՛ յԵթովպիա և թե՛ յԻտալիա իմ կարճ ժամանակ բնակությունս անօրինակ խանդավառության և հոգևոր արթնության պատճառ դարձավ մեր շատ սիրելի ժողովուրդին համար։

Իտալիո մեր գաղութը տարին մեկ երկու անգամ հազիվ կընդունի այցելությունը հոգևոր պաշտոնի մը։ Պետք է ավելցնեմ, որ մեր պարզուկ քահանաները չեն կրնար բավարարել այլևս մեր ժողովուրդը, որ կըլգ լսել իր հոգևոր պաշտոնյան, սորվիլ իր հոգևոր պաշտոնյային և առաջնորդիլ իր հոգևոր պաշտոնյային միջոցով ու այս ամենը մեր պարզուկ քահանաները ի վիճակի չեն ընելու։ Անհրաժեշտ է, որ երիտասարդ և պատրաստված վարդապետներ ստանձնեն այս գործը ծիծաղելի չըլլալու և իրենց պաշտոնն ալ օգտակարապես ի կիր արկանելու համար։

Արտավազդ Սրբազան, նստած ի Փարիզ, ի վիճակի չէ հասնելու ամենուրեք, երբ մանավանդ չունի իրեն օգնական երիտասարդ և պատրաստված եկեղեցականներ, վարդապետներ։

Այս հույժ կարևոր պարագան հանձնելով Վեհափառ Հայրապետի բարեհաճ նկատուման,

Մնամ հավատարմական զգացումներով և որդիական խոնարհությամբ  
Առաջնորդ Հայոց Եգիպտոսի ՄԱՄԲՐԵ ԱՐՔԵՊԻՍԿՈՊՈՍ

19 հոկտեմբեր 1948 թ. Գահիրե





## ՀԱՅՐԵՆԱԴԱՐՁՈՒԹՅԱՆ ՈՒՂԻՈՎ

### ԱՄՆ-ԻՑ ՀԱՅՐԵՆԻՔ ՎԵՐԱԴԱՐՁՈՂ ՀԱՅՐԻ ԽՄԲԻ ԺԱՄԱՆՈՒՄԸ ԲԱԹՈՒՄԻ

ԲԱԹՈՒՄԻ, 22 փետրվարի.— Փետրվարի 21-ին, ուսմանական Վերդեալ նախով, Նյու-Յորքից Բաթումի ժամանեց Ամերիկայի Միացյալ Նահանգներից հայրենիք՝ Սովետական Հայաստան վերադարձող հայերի մի խումբ, հիմնականում բանվորներ— մետաղագործներ, փականագործներ, մեխանիկներ, էլեկտրիկներ, ինչպես և արհեստավորներ։

Բաթումիի նավահանգստում ջերմ հանդիպում տեղի ունեցավ ժամանածների հետ։ Դժվար է նկարագրել ժամանածների երջանկությունը։ Քարավանի ղեկավար Փրեդ Ասլանյանը, նրանց բոլորի ղգացմունքներն արտահայտելով, ասաց.

— Այս օրը իմ կյանքի ամենաերջանիկ օրն է։ Ես թեկուղ և ծնվել եմ Ամերիկայում, ուր իմ ծնողները գաղթել էին Թուրքիայից

դեռևս սույն դարի սկզբին, բայց վաղուց երազում էի տեղափոխվել Սովետական Հայաստան, որտեղ մեր ժողովուրդը ազատագրվել է կապիտալիստական ստրկությունից և իր նոր կյանքն է կառուցում։ Երբ հայրենիք դառնարու հնարավորություն ստեղծվեց, ես առաջիններից մեկը եղա, որ ցանկություն հայտնեցի վերադառնալու Սովետական Հայաստան, որպեսզի զգամ ազատ աշխատանքի երջանկությունը և դաստիարակեմ իմ երեսնաներին սոցիալիստական Հայրենիքի արժանավոր քաղաքացիներ լինելու համար։ Անհուն շնորհակալություն մեծ Ստալինին, որ հնարավորություն տվեց մեզ մեր հայրենիքը գտնելու։

Կարճատև հանգստից հետո ժամանած հայրենադարձները Բաթումիից կուղևորվեն Սովետական Հայաստան։

### ՀԱՅՐԵՆԱԴԱՐՁ ՀԱՅՐԻ ՆՈՐ ԽՄԲԻ ԺԱՄԱՆՈՒՄԸ ԵՐԵՎԱՆ

Փետրվարի 25-ին հատուկ գնացքով Բաթումիից Երևան ժամանեց Ամերիկայի Միացյալ Նահանգներից հայրենիք վերադարձող հայերի խումբը։ Կայարանում նորեկներին դիմավորեցին Հայկական ՍՍՌ Մինիստրների Սովետին կից վերաբնակեցման վարչու-

թյան և Երևանի Քաղաքային Սովետի ներկայացուցիչները, ինչպես նաև եկվորների հարազատներն ու ազգականները։

Նույն օրը հայրենադարձները տեղավորվեցին նրանց համար նախօրոք պատրաստված բնակարաններում։





## ՀԱՅՐԵՆԻ ՀԱՐԱԶԱՏ ՀՈՂԻ ՎՐԱ\*)

### ԲՆԱԿԱՐԱՆՆԵՐ ՀԱՅՐԵՆԱԳԱՐՁՆԵՐԻ ՀԱՄԱՐ

**ԳՈՐԻՍ.**— Շրջանում սկսված է բնակարանային շինարարություն հայրենադարձ հայերի համար: Շրջանային կենտրոնում հայրենադարձների մի քանի ընտանիքներ ստացան երկհարկանի, լուսավոր բնակարաններ:

Շուտով շահագործման կհանձնվեն նաև մյուս բնակարանները:



**ՂԱՓԱՆ.**— Օխիշ-չալ գետի ձախ ափին սպիտակին են տալիս այն գեղեցիկ շենքերը, որ կառուցել է Հանքվարչությունը և հունվարի վերջերին տրամադրել արտադրության մեջ աշխատող հայրենադարձներին: Քառասուն սենյակներից բաղկացած այդ շենքերն ունեն բոլոր հարմարությունները:

Նոր բնակարաններում տեղավորված հայրենադարձները իրենց բնակարանների շրջակայքից ստանում են 500—1000 քառակուսի մետր հողամաս:

Հանքվարչությունը հայրենադարձների համար այս տարի կառուցելու է ևս 16 բնակարան:



**ՍԻՍԻԱՆ.**— Շրջանի գյուղերում կառուցվում են բնակարաններ հայրենադարձ հայերի համար:

Վերջերս Սառնակունք, Նորավան, Բորի-սովկա և շրջանի այլ գյուղերում հայրենադարձների շատ ընտանիքներ երկհարկանի շենքերում ստացել են լուսավոր բնակարաններ:

### ՎԱՐԿ ԲՆԱԿԱՐԱՆԱՅԻՆ ՇԻՆԱՐԱՐՈՒՅՑԱՆԸ

Հայաստանի կոմունալ բանկը այս տարվա ընթացքում անհատական բնակարանային շինարարության համար ռեսպուբլիկայի աշխատավորությանը բաց է թողնելու 130 միլիոն ռուբլու երկարատև վարկ: Այդ գումարով կառուցվելու է ավելի քան հինգ հազար բնակելի տուն:

Հայրենադարձ հայերի երկու հազար ըն-

տանիք վարկավորվելու են 30-հազարական ռուբլով:



Հայաստանի Գյուղբանկը անցյալ տարում բնակարանային շինարարության նպատակով հայրենադարձներին բաց է թողել 13 միլիոն 116 հազար ռուբլու երկարատև վարկ:

Վերոհիշյալ նպատակի համար Գյուղբանկը հայրենադարձներին երկարատև վարկեր է տրամադրելու նաև այս տարի:

### ՀԱՅՐԵՆԱԳԱՐՁՆԵՐԻ ՈՒՆԵՎՈՐ ԿՅԱՆՔԸ

**ԲԵՐԻԱ.**— 1947 թվին Հունաստանից Սովետական Հայաստան վերադարձած Հակոբ Ենոքյանի և Արշակ Անտոնյանի ընտանիքները մշտական բնակություն հաստատեցին Նոր Կողբ գյուղում: Շուտով նրանք ընդուն-

վեցին կոլխոզի մեջ: Ենոքյանը սկզբում աշխատում էր իբրև շաքային կոլխոզնիկ, իսկ հետո առաջ քաշվեց որպես բրիգադիր: Անցյալ տարի նա վաստակեց 618 աշխօր, որի դիմաց ստացավ 25 հազար ռուբլի դրամ, 1200 կիլոգրամ խաղող, հազար կիլոգրամ հացահատիկ, մեծ քանակությամբ յուղ, պանիր, մեղր, խմիչք և գյուղատնտեսական այլ մթերքներ:

\*) Սույն խորագրի տակ գետնից յուրաքանչյուր հողատիրական Հայաստանի Հեռագրական Գործակալության հաղորդագրություններից և սովետական մամուլից:



Արշակ Անտոնյանը վաստակել է 462 աշխօր և ստացել է ավելի քան 17 հազար ոսկու դրամ, 800 կիլոգրամ խաղող, հացահատիկ և այլ մթերքներ:

Առատ բերք են ստացել նաև մյուս հայրենադարձները, որոնք իրենց երջանիկ և ուրախ են զգում, սեփական, նորակառույց բնակարաններում:

## Ն Ո Ր Դ Պ Ր Ո Ց

Կիրովականի «Դմո Զալա» ավանում շատ շենքեր են կառուցվել, որոնցում բնակվում են արտասահմանից հայրենիք վերադարձած հայերը: Կիրովականի ժողովրդական կրթությունից բաժինը այդ ավանում հուն-

վարի 1-ից դպրոց է բաց արել, որտեղ սովորում է 130 երեխա: Դպրոցը ապահոված է որակյալ դասատվական կազմով և անհրաժեշտ սարքավորումով:

## ՍՏԱԼԻՆՅԱՆ ՄԵԾ ՀՈԳԱՏԱՐՈՒԹՅՈՒՆ

Փետրվարի 18-ին տեղի ունեցավ աշխատավորների դեպուտատների Երևանի Քաղաքային Սովետի երկրորդ գումարման 4-րդ սեսիան:

Սեսիան քննության առավ Երևանում բռնակցող հայրենադարձ հայերի համար կառուցված նոր թաղամասերի բարեկարգման խնդիրները և կազմակերպական հարցերը:

Առաջին հարցի առթիվ սեսիան լսեց աշխատավորների դեպուտատների Երևանի Քաղաքային Սովետի գործկոմի նախագահ, դեպուտատ Ե. Վարդանյանի զեկուցումը:

— Բոլշևիկների մեծ պարտիայի, կառավարության և անձամբ ժողովուրդների մեծահանձար առաջնորդ ընկեր Ստալինի հուշատարության շնորհիվ, — ասում է Ե. Վարդանյանը, — արտասահմանից հայրենիք վերադարձած հայերի համար ստեղծվել են երջանիկ կյանքի և ստեղծագործական աշխատանքի բոլոր պայմանները:

Վերջին երկու տարվա ընթացքում բարեկարգման խոշոր աշխատանք է կատարվել մայրաքաղաքի նորակառույց թաղամասերում, որտեղ ապրում են մեծ թվով հայրենադարձ հայեր: Մայրաքաղաքում և նրա նորակառույց թաղամասերում պետության միջոցներով պատրաստված նոր բնակելի տներում տեղավորված են հազարավոր հայրենադարձ ընտանիքներ: Բազմաթիվ տղաներ ունեցողների տրամադրված են հողամասեր և ավելի քան 185 միլիոն ոսկու վարկ՝ տնտեսական բնակարանային շինարարության համար: Իրենց տների կառուցումն ավարտել են արդեն շատ հայրենադարձներ, իսկ մնացածները կավարտեն այս տարի:

Լուրջ ուշադրություն է դարձված հայրենադարձներին աշխատանքի տեղավորելու գործին: Երևանում հայրենադարձները համապատասխան աշխատանքի են տեղավորված արդյունաբերական ձեռնարկություններում ու հիմնարկներում: Զեյթուն, Արաբկիր, Նոր Արեշ թաղամասերում, Կիրովի անվան

## ՀԱՅՐԵՆԱԴԱՐՁ ՀԱՅԵՐԻ ՆԿԱՏԱՄԱՐ

գործարանի բանվորական ավանում և այլ վայրերում բացվել է 7 դպրոց: Սովորող հայրենադարձ երեխաների թիվը հասնում է ավելի քան 4200-ի: Շատ երիտասարդներ ընդգրկված են բարձրագույն ուսումնական հաստատություններում:

Ջգալի աշխատանք է կատարված կոմունալ շինարարության գծով: Նոր թաղամասերին էլեկտրական լույս տալու համար կառուցված է 16 տրանսֆորմատորային կայան, անց են կացված մի քանի հազար գրծամետր բարձր և ցածր լարման էլեկտրահաղորդման գծեր: Արաբկիր և Զեյթուն թաղամասերը քաղաքի կենտրոնի հետ կապված են ավտոբուսային երթևեկությամբ:

Նորակառույց թաղամասերում ստեղծված են առողջապահական հիմնարկություններ, որտեղ աշխատում են մի քանի տասնյակ բժիշկներ: 1948 թվին մանկամսուրներ են բացվել Նոր Արեշում և Զեյթունում:

Այնուհետև զեկուցողը նշում է, որ ընկեր Ստալինի անմիջական ցույցումներով 1949 թվին խոշոր աշխատանք է տարվելու հայրենադարձ հայերի համար ստեղծված նոր թաղամասերի բարեկարգման ուղղությամբ: Դրամական խոշոր հատկացումներ են արվում Զեյթունի, Արաբկիրի, Նոր Արեշի, Սուրբ Թադի, Նորքի, Կիրովի անվան գործարանի բանվորական ավանի շրջակայքում և այլ թաղամասերում կոմունալ շինարարության ու բարեկարգման աշխատանքները ծավալելու համար: Այդ վայրերում կառուցվելու են բնակելի նոր տներ, բաղնիքներ, պոլիկլինիկաների, դպրոցների, մանկապարտեզների, ակումբների, ֆինո-թատրոնների շենքեր, խնչպես նաև ֆիզկուլտ հրապարակներ ու լողարաններ: Ռադիոֆիկացման են ենթարկվելու թաղամասերը, անց են կացվելու հեռախոսագծեր, բարեկարգվելու են ճանապարհները, բարելավվելու է տրանսպորտային երթևեկությունը, ընդարձակվելու է ջրամուկի և ոռոգման առուների ցանցը: Մեծ աշ-



խատանք է ծավալվելու կանաչազարդման ու ծառատնկման ուղղությամբ:

Զեկուցման վերջում Ե. Վարդանյանը ցանկութուն հայտնեց, որպեսզի մայրաքաղաքի բնակիչները, և հատկապես հայրենադարձ հայերը, իրենց ակտիվ մասնակցությամբ ապահովեն 1949 թվի շինարարական ծրագրերի կենսագործումը:

Զեկուցումից հետո քննարկվող հարցի շուրջը բացվեց մտքերի փոխանակություն, որին մասնակցեցին շատ դեպուտատներ:

Դեպուտատ Գ. Ղարաբոյազյանը պատմեց այն մասին, որ Սարի թաղում ապրում են մեծ թվով հայրենադարձներ, որոնք պետության օգնությամբ իրենց համար բնակելի նոր տներ են կառուցել: Նա նշեց նաև, թե թաղամասի բարեկարգման ուղղությամբ ինչպիսի աշխատանքներ են տարվելու ընթացիկ տարում:

Դեպուտատ Գ. Հակոբյանը խոսեց այն չեքմ հոգատարության մասին, որով շրջապատված են Ստալինյան ռայոնում ապրող ու աշխատող հայրենադարձները: Նա նշեց, թե ինչպիսի խոշոր աշխատանք է կատարվելու ընթացիկ տարում ռայոնի թաղամասերը բարեկարգելու ուղղությամբ:

Շինարարական արտելի նախագահի տեղակալ հայրենադարձ Գ. Էտիեղյանը պատմեց այն խոշոր աշխատանքի մասին, որ տարվել է 1948 թվին, Նորքի սարալանջին նոր կառուցվող ավանի շինարարության ու բարեկարգման ուղղությամբ: Ընթացիկ տարում այս ավանի հայրենադարձ բնակիչները պետական վարկավորման միջոցով նոր բնակարաններ են կառուցելու և ավանի բնակիչների թիվը զգալիորեն աճելու է:

Հայրենադարձ դեպուտատ Զ. Այվազյանը վստահացրեց սեսիային, որ ընթացիկ տարում Նոր Արեշի բնակիչները ոչ մի ջանք չեն խնայի ակտիվորեն մասնակցելու թաղամասի շինարարության ու բարեկարգման բոլոր աշխատանքներին:

Հայրենադարձ դեպուտատ Հ. Դեվեյանը խոսեց այն մասին, թե ինչպես կարճ ժամանակում Նոր Արեշում, Արաբկիրում, Զեյթունում ու այլ թաղամասերում կազմակերպվել են նոր գրադարաններ, որոնք մեկ տարվա ընթացքում հայրենադարձ հայերին ընթերցանության համար բաց են թողել 35 հազար կտոր գիրք: Այդ գրադարաններում հաճախակի կազմակերպվել են գրական, գիտական ու քաղաքական մատչելի և հետաքրքիր գրույցներ, զեկուցումներ, դասախոսություններ:

Դեպուտատների ելույթներից հետո սեսիան քննարկված հարցի առթիվ համապատասխան որոշում ընդունեց:

Սեսիան բուռն ծափահարությունների տակ ողջունի նամակ ընդունեց՝ ուղղված ժողովուրդների սիրելի առաջնորդ և ուսուցիչ, հայ ժողովրդի լավագույն բարեկամ մեծ Ստալինին:



Զեյթունի բնակիչները բուռն խանդավառությամբ ընդունեցին Երևանի Փաղաքային Սովետի սեսիայի որոշումը հայրենադարձների համար կառուցված թաղամասերի բարեկարգման այս տարվա աշխատանքների մասին:

Տեղի ունեցած բազմամարդ ժողովում Երևանի Փաղաքային Սովետի սեսիայի որոշման մասին հաղորդեց Հայկական ՍՍՌ Գերագույն Սովետի դեպուտատ, հայրենադարձ Ժոհն Հ. Մանուշակյանը:

Այս տարի խոշոր աշխատանքներ են կատարվելու Զեյթունի բարեկարգման ուղղությամբ: Կառուցվելու է դեպի ավանը տանող խճուղային ճանապարհը, բարեկարգվելու են երկու հիմնական փողոցները, ընդարձակվելու է ջրմուղի և ոռոգման ցանցը, ավարտվելու է դպրոցի և բաղնիքի շինարարությունը, կառուցվելու են պոլիկլինիկայի և ակումբի նոր շենքեր, սպորտ հրապարակ, ավազան-լողարան: Մեծ աշխատանք է տարվելու ավանի կանաչապատման և ռադիոֆիկացման գծով: Ընդարձակվելու է էլեկտրական լուսավորության ցանցը: Անց է կացվելու հեռախոս:

Ժողովում ելույթ ունեցան հայրենադարձներ Հակոբ Պողոսյանը, Ստեփան Հովհաննիսյանը, Գաբրիել Ղազյանը, Հարություն Նահապետյանը, Ավետիս Պատրիկյանը և ուրիշներ, որոնք արտահայտեցին իրենց խորին երախտագիտությունն ու շնորհակալությունը ժողովուրդների մեծ առաջնորդ սիրելի Ստալինին, որի անմիջական ցուցումով ձեռնարկվում է ավանների բարեկարգման գործը. նրանք հայտնեցին նաև իրենց պատրաստակամությունը ոչ մի ջանք չխնայելու ընթացիկ տարում նախատեսված բարեկարգման աշխատանքները հաջողությամբ իրագործելու համար:



Մեծ խանդավառությամբ անցավ Սարի թաղի բնակիչների ժողովը, որին ներկա էին ավելի քան 300 սովետական նոր քաղաքացիներ:

Հաղորդելով Երևանի Փաղաքային Սովետի սեսիայի արդյունքների մասին, Փաղաքային դեպուտատ, հայրենադարձ Ժ. Սիմոնյանը ասաց.

— Սովետական կառավարությունը և անձամբ մեծ Ստալինը մեծ հոգատարություն են ցույց տալիս մեր սոցիալիստական պե-



առվթյան նոր քաղաքացիներին նկատմամբ, այս մասին են վկայում նորաստեղծ ավաններն ու թաղամասերը, որտեղ մենք ապրում ենք:

Այս տարի մեր ավանի շինարարության ու բարեկարգման աշխատանքները ծավալվելու են ավելի մեծ շափով: Բացի նոր տներույ, այստեղ կառուցվելու են բաղնիք, դպրոցի շենք և կուլտուր-կենցաղային սպասարկման մի շարք օբեկտներ:

Այնուհետև ելույթ է ունենում Իրանից վերադարձած Արշակ Արամբրդյանը:

— Սա ուրախությամբ պատրաստ եմ իմ ամբողջ ազատ ժամանակը, — ասում է նա, — նվիրել մեր ավանի բարեկարգմանը: Մենք այն կդարձնենք մեր ռեսպուբլիկայի մայրաքաղաքի ծաղկուն, կուլտուրական անկյուններից մեկը: Անձնագոհ աշխատանքով մենք մեր երախտագիտությունն ենք հայտնում պարտիային, սովետական կառավարությանը և մեր սիրելի հայր ու բարեկամ ընկեր Ստալինին, այն մեծ հոգատարության համար, որ ցույց է տրվում մեզ:



Փետրվարի 21-ին, բուռն ոգևորության պայմաններում, տեղի ունեցավ Նորքի հայրենադարձ հայերի բազմամարդ ժողովը: Նորքի նոր թաղամասի լիազոր, հայրենադարձ Գ. Դեյրեմենջյանը ժողովականներին հաղորդեց աշխատավորների դեպուտատների Երևանի Քաղաքային Սովետի վերջին սեսիայի արդյունքների մասին:

Գ. Դեյրեմենջյանի այն հայտարարությունը, որ ժողովուրդների սիրելի առաջնորդ, հայ ժողովրդի ազատարար մեծ Ստալինի անմիջական ցուցումով այս տարի շինարարական ու բարեկարգման խոշոր աշխատանք է տարվելու հայրենադարձ հայերի համար կառուցված նոր թաղամասերում, ամբողջ ժողովականների կողմից ընդունվում է բուռն ոգևորությամբ ու խանդավառ բացականչություններով:

— Մեր թաղամասում այս տարի բացվելու են գեղեցիկ փողոցներ, — ասում է նա, — պետական միջոցներով կառուցվելու են դպրոցի, մանկապարտեզի, ակումբի, ամբուլատորիայի, բաղնիքի շենքեր, հայրենադարձները կառուցելու են ավելի քան 300 տոն: Մեծ շափով ընդարձակվելու է էլեկտրալուսավորության, ջրմուղի և ոռոգման ջրի ցանցը: Գարնանը թաղամասում տնկվելու է ավելի քան 10 հազար պտղատու ծառ: Հայրենադարձ Գ. Գարամբեկյանը ժողովում հանդես գալով ասաց.

— Մենք խորին գոհունակությամբ և երախտագիտության զգացմունքով լսեցինք մեր մայրաքաղաք Երևանի նոր թաղամասե-

րի բարեկարգման ուղղությամբ այս տարի իրականացվող խոշոր ձեռնարկումների մասին: Հայրենադարձ հայերս, ոգեշնչված սովետական կառավարության և անձամբ մեծ Ստալինի ջերմ հոգատարությամբ, այսուհետև է՛լ ավելի մեծ ակտիվությամբ կըմասնակցենք մեր ռեսպուբլիկայի մայրաքաղաքի բարեկարգման գործին:

— Կեցցե՛ մեր հարազատ հայր մեծ Ստալինը:

Ժողովականները ոտքի են կանգնում և բուռն օվացիա սարքում ի պատիվ սիրելի առաջնորդի:

Ժողովը կոչ արեց թաղամասի ամբողջ բնակչությանը ակտիվ կերպով մասնակցել բարեկարգման աշխատանքներին և սոցիալիստական մրցության հրավերեց Զեյթուն թաղամասի բնակիչներին:



Հայրենադարձ հայերի համար կառուցված նոր թաղամասերը բարեկարգելու մասին աշխատավորների դեպուտատների Երևանի Քաղաքային Սովետի սեսիայի որոշումը մեծ ոգևորություն առաջ բերեց Երևանի Արաբկիր ավանի ամբողջ բնակչության մեջ:

Փետրվարի 21-ին գումարված ժողովում ելույթ ունենալով, ավանի բնակիչ, հայրենադարձ ուսուցիչ Թորոս Լուսինյանը ասաց.

— Հայր Ստալինի անմիջական ցուցումներով է՛լ ավելի է զարգանալու ու բարեկարգվելու մեր ռեսպուբլիկան, նրա մայրաքաղաքը, հատկապես նոր ափանները, որտեղ մեծ մասամբ բնակվում են հայրենադարձ հայերը: Պետությունը խոշոր գումարներ է հատկացրել այդ նպատակների համար: 1949 թվին մեծ աշխատանքներ են տարվելու նաև մեր ավանում՝ Արաբկիրում: Բարեկարգվելու և ծառազարդվելու են փողոցները, մայթերը, կառուցվելու են ակումբ, բաղնիք, հիվանդանոց, դպրոցներ, կինո-թատրոն և այլ կուլտուրական հաստատություններ: Այս մեծ աշխատանքն իրականացնելու խնդրում խոշոր անելիքներ ունենք մենք՝ Արաբկիր ավանի բնակիչներս: Խելացի օգտագործելով պետության կողմից այդ նպատակին հատկացված միջոցները, մենք պետք է այդ ծրագիրն իրագործենք մեր անմիջական, ճշանդուն ու նվիրված աշխատանքով և մեր անհուն շնորհակալությունն ու սերը հայտնենք մեծ առաջնորդ սիրելի Ստալինին — դեպի հայ ժողովուրդն ու հայրենադարձներն ունեցած ջերմ հոգատարության համար:

Լեփ-լեցուն դահլիճը հոտնկայա երկարատև օվացիա է սարքում ի պատիվ ժողովուրդների մեծ առաջնորդ ընկեր Ստալինի: Զայն է խնդրում Արաբկիր ավանի առաջին բնակիչներից Միհրան Մնջյանը:



— Ըհնք կաննք ամեն ինչ,— ասում է նա,— որ կախված է մեզանից, իրագործելու համար մեր ավանի 1949 թվի բարեկարգման ծրագիրը:

Ելույթներ ունեցան նաև հայրենադարձներ Ս. Նազարյանը, Հ. Մանուկյանը, Ռ. Վեմյանը, Մեհիբ Եփրեմյանը և ուրիշներ:

Ժողովականները կոչ արին ավանի բնակիչներին ակտիվ մասնակցել բարեկարգման գործին ու մրցության հրավերեցին Զեյթունի ու Նորքի բնակչությանը:



Երևան քաղաքի Սպանդարյան ուսյոնի նորակառույց թաղամասերում ապրող հայրենադարձների բաղմամարդ ժողովում քննարկվեց նորակառույց թաղամասերի բարեկարգման հարցը: Զեկուցումով հանդես եկավ Քաղաքային Սովետի ղեկավարատ, հայրենադարձ Վահան Դազեսյանը:

Սովետական կառավարությունն ու ընկեր Ստալինը մեծ հոգատարություն են ցույց տալիս հայրենադարձների նկատմամբ: Այս տարի մեր հարազատ սովետական կառավարությունը խոշոր միջոցներ է բաց թողել հայրենադարձների ավանները բարեկարգելու համար:

Նա պատմեց նաև Բաղրամյանի, Հաղթանակի և Սայաթ-Նովայի թաղամասերի բարեկարգման ուղղությամբ Երևանի Քաղաքային Սովետի ձեռնարկումների մասին:

Ժողովում խանդավառ ելույթներ ունեցան բաղմամբով հայրենադարձներ, որոնք բոլորն էլ երախտագիտական սրտաբույժ խոսքեր ուղղեցին ընկեր Ստալինին, սովետական հարազատ պետությանը և բոլշևիկների մեծ պարտիային:



Կիրովի անվան գործարանի բանվորական ավանի ակումբում տեղի ունեցավ հայրենադարձ հայերի ժողովը, որին մասնակցում էին 600 մարդ:

Ժողովականները մեծ հետաքրքրությամբ լսեցին Սիրիայից հայրենիք վերադարձած, աշխատավորների ղեկավարատների Ստալինյան ուսյոնի ղեկավարատ Զաքար Այվազյանի հաղորդումը՝ Երևանի Քաղաքային Սովետի չորրորդ սեսիայում քննարկված հարցի — հայրենադարձների ավաններում 1949 թվի ընթացքում բարեկարգման մեծ աշխատանքներ կատարելու մասին:

— Բոլշևիկների պարտիայի և անձամբ ընկեր Ստալինի հայրական հոգատարության շնորհիվ,— ասում է Զ. Այվազյանը,— այս տարի մեծ գումարներ են հատկացվելու հայրենադարձների ավանների բարեկարգման և հետագա շինարարության համար:

Այնուհետև խոսք է վերցնում Ամերիկայի

Ֆիլադելֆիա քաղաքից հայրենիք եկած Հուրություն Փիլիպոսյանը:

— Տասնյակ տարիներ ապրած լինելով օտարության մեջ,— ասում է նա,— ես շեմ տեսել կամ լսել, որ կապիտալիստական որևէ պետություն հոգ տանի աշխատավորների բարեկեցության մասին: Այդ բանը մենք տեսանք միայն սովետական երկրում, մեր աշխատավորների պետության կողմից: Հայրական հոգատարության համար մենք կրկին ու կրկին մեր խորը երախտագիտության ու շնորհակալության խոսքն ենք ուղղում հայ ժողովրդի ազատարար մեծ Ստալինին: Այս հանդիսավոր ժողովին մենք խոսք ենք տալիս շինարարական ողջ աշխատանքների ակտիվորեն մասնակցել և ջանք շխանակ նախատեսված բոլոր կառուցումները ժամկետից շուտ և բարձր որակով ավարտելու համար:

Ապա ելույթ են ունենում Փոքր տուրքիների գործարանի ստախանովական վարպետ Հ. Դեդեյանը և Կիրովի անվան դպրոցի ուսուցիչ Հ. Պախանյանը, որոնց առաջարկությամբ ժողովը որոշեց մրցության մեջ մտնել Նոր Արեւի անվանում բնակվող հայրենադարձների հետ, ավանների բարեկարգման ակտիվորեն մասնակցելու համար:



Չտեսնված ոգևորության և խանդավառության մթնոլորտում անցավ Նոր Արեւի աշխատավորների ժողովը:

Զեկուցումով հանդես եկավ Երևանի Քաղաքային Սովետի գործադիր կոմիտեի անդամ հայրենադարձ Հրանտ Դեմեջյանը:

Զեկուցույր խոսելով 1949 թվին Նոր Արեւի բարեկարգման համար նախատեսված ձեռնարկումների մասին, ասաց.

— Ժողովուրդների մեծ առաջնորդ ընկեր Ստալինի անսահման հոգածության, բոլշևիկների փառապանծ պարտիայի և սովետական հարազատ կառավարության գուրգուրանքի շնորհիվ, հայրենադարձների համար, հայրենիք գալու առաջին իսկ օրից, ստեղծվեցին ստիդեմագործ աշխատանքի, առաջադիմության և կուլտուր-կենցաղային լավագույն պայմաններ:

Մեր մեծ առաջնորդ ընկեր Ստալինի անմիջական ցուցումներով, 1949 թվին խոշոր աշխատանք է տարվելու հայրենադարձ հայերի համար ստեղծված նոր թաղամասերի և ավանների բարեկարգման ուղղությամբ:

Միայն Նոր Արեւում այս տարի կացվելու է երկու խոշոր բարեկարգ փողոց, կառուցվելու են կլինիկայի, դպրոցի, մանկապարտեզի, կինո-թատրոնի շենքեր, սպորտ հրապարակ և լողարան: Լիովին ավարտվելու է է-



լեկտրալուսավորության և ջրամատակարարման ցանցի շինարարությունը:

Ջեկուցողը կոչ՝ արեց ավանի բոլոր բնակիչներին լծվելու Նոր Արեշի բարեկարգման գործին և պատվով կատարելու ընկեր Ստալինի ցուցումները:

Ժողովականները կանգաձառ օվացիա են սարքում ընկեր Ստալինի պատվին:

## ԼԵՆԻՆԱԿԱՆԻ ՔԱՂԱՔԱՅԻՆ ՍՈՎԵՏԻ ՍԵՍԻԱՆ

Աշխատավորների դեպուտատների Լենինականի Քաղաքային Սովետի 7-րդ սեսիան լսեց Քաղսովետի գործադիր կոմիտեի նախագահ Ս. Վարդանյանի զեկուցումը հայրենադարձ հայերով բնակեցված նոր թաղամասերի բարեկարգման մասին:

— Շատ հայրենադարձ հայեր են ապրում Լենինականում, — ասում է զեկուցողը: — Նրանց ապրելու և աշխատելու համար ստեղծվել են բոլոր պայմանները: Վերջին երկու տարում Քաղաքային Սովետի գործկոմը կառուցել և հայրենադարձներին է հանձնել մոտ տասը հազար քառակուսի մետր բնակելի տարածություն: Հայրենադարձների համար բազմաթիվ բնակարաններ են կառուցել Տեքստիլ կոմբինատը, Վ. Մ. Մոլոտովի անվան Մամվածքային ֆաբրիկան, Մսի կոմբինատը և արտադրական այլ ձեռնարկություններ: Լայն ծավալ է ստացել անհատական բնակարանային շինարարությունը: Հայրենադարձները ստացել են 17 միլիոն 200 հազար ուղբու վարկ և անհրաժեշտ օգնություն շինանյութերով: Նրանցից շատերն արդեն ապրում են իրենց կառուցած սեփական բնակարաններում: Նոր կառուցված երեք թաղամասերում դործում են դպրոցներ, մանկապարտեզներ, մանկամսուրներ, բուժկայաններ, խանութներ, կուլտկենցաղային սպասարկման հաստատություններ:

— Ընկեր Ստալինի նախաձեռնությամբ, — շարունակում է զեկուցողը, — Սովետական կառավարությունը նոր, խոշոր միջոցներ է տրամադրել հայրենադարձներով բնակեցված նոր թաղամասերն ու ավանները բարեկարգելու համար: Մեր քաղաքի նոր թաղամասերում կառուցվելու են դպրոցների, ակումբների, պոլիկլինիկաների, հիվանդանոցների շենքեր, ընդարձակվելու են էլեկտրական և ռադիոֆիկացման ցանցերը, բարեկարգվելու ու կանաչապատվելու են փողոցներն ու բակերը:

Վերջում Ս. Վարդանյանը դեպուտատների առաջ դնում է քաղաքի բարեկարգման, հատկապես նոր թաղամասերին կուլտուրական տեսք տալու գործում աշխատավորների մասնակցությունն ապահովելու հարցը:

Ժողովում ելույթ ունեցան Սրբուհի Մուշեղյանը, Մինաս Վեյիսյանը, Մարգար Քեպալչյանը և Սահակ Ավագյանը: Բոլորն էլ ավանի բնակչության անունից իրենց անսահման երախտապարտությունը հայտնեցին ընկեր Ստալինին և խոստացան ամեն կերպ նպաստելու նախատեսված կառուցումների և բարեկարգման ծրագրի հաջող ավարտմանը:

Ջեկուցման շուրջը բացված մտքերի փոխանակությանը մասնակցեցին 12 մարդ:

Դեպուտատ Ա. Համբարձումյանը, հայրենադարձ հայերի անունից շնորհակալության առաջին խոսքն ուղղելով սիրելի առաջնորդ մեծ Ստալինին, վստահություն հայտնեց, որ բոլոր հայրենադարձները ակտիվորեն կմասնակցեն նոր թաղամասերի բարեկարգմանը: Նոր թաղամասերին ճարտարապետական, զեղեցիկ տեսք տալու, նախատեսված միջոցները խնայողաբար ծախսելու, բարեկարգման աշխատանքներում բնակչության մասնակցությունն ապահովելու մասին է խոսում քաղաքի ճարտարապետ, դեպուտատ Ռ. Գապարյանը:

Տեքստիլ կոմբինատի դիրեկտոր Վ. Պողոսյանը սեսիայի մասնակիցներին պատմում է այն աշխատանքների մասին, որոնք մինչև այժմ կատարվել են կոմբինատի հայրենադարձներով բնակեցված ավանում: Նա խոսում է նաև նոր միջոցառումների մասին:

Ելույթ ունեցան նաև Հայկական ՍՍՏ Գերագույն Սովետի դեպուտատ, հայրենադարձ Մ. Կարապաճակյանը և ուրիշներ:

Քննարկված հարցի մասին կոնկրետ որոշում ընդունվեց:

Սեսիայի մասնակիցները բոլոր ծախահարությունների տակ ընդունեցին ողջույնի նամակ՝ ուղղված հայ ժողովրդի մեծ բարեկամ, սիրելի առաջնորդ ընկեր Ստալինին:



Լենինականի հիմնարկ-ձեռնարկություններում և հայրենադարձների նորակառույց թաղամասերում տեղի ունեցան սովետական նոր քաղաքացիների խանդավառ ժողովներ, որտեղ հաղորդումներ լսվեցին հայրենադարձների համար կառուցված թաղամասերը 1949 թվին բարեկարգելու ձեռնարկումների մասին աշխատավորների դեպուտատների Լենինականի Քաղաքային Սովետի 7-րդ սեսիայի որոշման առթիվ:

Քաղսովետի դեպուտատ, հայրենադարձ Դ. Դեմիրճյանը Տեքստիլ կոմբինատի ձեռնարկություններում աշխատող հայրենադարձների բազմամարդ ժողովում, հաղորդելով Քա-



դաքային Սովետի սեսիայի որոշման մասին, ասաց.

— Սովետական կառավարության և անձամբ սիրելի առաջնորդ մեծ Ստալինի հայրական հոգատարության շնորհիվ աշխարհով մեկ ցրված հայերի մի զգալի մասը վերադարձել է Սովետական Հայաստան և կառուցում է իր ազատ ու երջանիկ կյանքը։ Մեր ավանները բարեկարգելու համար ընկեր Ստալինի նախաձեռնությամբ սովետական կառավարության նոր միջոցառումները հայրենադարձների սրտերը լցնում են անհուն երախտագիտությամբ և պարտավորեցնում են աշխատել ավելի լավ։ Լենինականի Քաղաքային Սովետի սեսիան որոշում է ընդունել 1949 թվին բարեկարգել և ավելի կուլտուրական տեսք տալ մեր թաղամասերին։ Կառուցվելու են դպրոցի, մանկապարտեզի, պոլիկլինիկայի, ակումբի, կինո-թատրոնի, գրադարանի շենքեր։ Մեծ աշխատանք է կատարվելու էլեկտրիֆիկացման և ռադիոֆի-

կացման ուղղությամբ, բարեկարգվելու և կանաչուպատվելու են բակերն ու փողոցները։

Վերջում Դ. Դեմիրճյանը կոչ արեց հայրենադարձներին ակտիվ կերպով մասնակցել այդ ձեռնարկումների իրականացման գործին։

Խանդավառությամբ անցավ նաև երկաթուղային թաղամասում բնակվող հայրենադարձների ժողովը։

Ժողովներում ելույթ ունեցողները բոլոր հայրենադարձների անունից անսահման երախտագիտության առաջին խոսքն ուղղում էին սիրելի առաջնորդ ընկեր Ստալինին, իրենց նկատմամբ ցուցաբերած հոգատարության համար և խոսք էին տալիս լարել իրենց ամբողջ ուժերը հետպատերազմյան ստալինյան հնգամյակը ժամկետից շուտ կատարելու համար և ակտիվ կերպով մասնակցել իրենց ավանների այս տարվա բարեկարգման աշխատանքներին։

## ԵՐԻՏԱՍԱՐԴ ՀԱՅՐԵՆԱԴԱՐՁ ԳՐՈՂՆԵՐԸ ՄՈՍԿՎԱՅՈՒՄ ԵՎ ԼԵՆԻՆԳՐԱԴՈՒՄ

Արտասահմանից հայրենիք վերադարձած մե խումբ երիտասարդ գրողներ, գրող Գ. Սևունցի ղեկավարությամբ, ղեկտնման ժողովի ղեկավար Մոսկվա ու Լենինգրադ, այդ քաղաքների տեսարժան վայրերի, կուլտուրական ու պատմական արժեքների, նորակառույցների և գործարանների ու ֆաբրիկաների հետ ծանոթանալու համար, հմբի կազմի մեջ էին երիտասարդ հայրենադարձ գրողներ Շ. Վարսյանը, Ա. Ալիբեյանը, Գ. Քեչիշյանը, Ա. Ավագյանը, Ա. Թեղլյանը, Ա. Համբարձումյանը, Գ. Կյուլյանը և Պ. Պարզևը։

Դեկտեմբերի 23-ից մինչև հունվարի 3-ը գրողները եղան Լենինգրադում, ուր այցելեցին էրմիտաժը, Պուշկինի Տուն-թանգարանը, Լենինգրադի Պաշտպանության թանգարանը, Ս. Մ. Կիրովի թանգարանը, Ռուսական թանգարանը, Պետրպավլովսկ ամրոցը, Պիոներ-պալատը, «Լինոտիպ» գործարանը։ Այնուհետև նրանք մեկնեցին Պուշկին քաղաքը։ այստեղ գրողները դիտեցին այն լիցեյը, ուր սովորել է պատանի Պուշկինը և Ալեքսանդրյան պալատը, ուր նախապատրաստական աշխատանքներ են տարվում այս ամռանը Պուշկինի անվան Համամիութենական թանգարան բացելու համար։

Լենինգրադում, Գրողների տանը, կազմակերպվել է հանդիպում Հայաստանի երիտա-

սարդ գրողների հետ, որը տեղի է ունեցել բարեկամական ջերմ մթնոլորտում։

Լենինգրադում գրողները մասնակցել են կազմակերպված «Հանուն խաղաղության, հանուն դեմոկրատիայի» երեկոյին։

Մոսկվայում երիտասարդ գրողները եղան Լենինի թանգարանում, Ռենյուցիայի թանգարանում, Տրետյակովյան Պետական պատկերասրահում, Պուշկինի անվան Կերպարվեստի թանգարանում, այցելեցին Լենինի դամբարանը, քաղաքի տեսարժան վայրերը, դիտեցին մետրոյի կայանները։

Արդյունաբերական ձեռնարկներից գրողներն այցելեցին «Տրեոխգորնայա մանուֆակտուրա» տեքստիլ ֆաբրիկան, «Կրասնի օկտյաբր» հրուշակեղենի ֆաբրիկան և հացի գործարանը։

Մոսկվայում, Չայկովսկու անվան դահլիճում գրողները ներկա գտնվեցին բուլղարական գրող Քրիստո Բոտևի հոբելյանական երեկոյին, ինչպես և բանաստեղծ Շչիպաչևի ստեղծագործական երեկոյին՝ Գրականագետի կենտրոնական տանը։

Մոսկվայում նրանք ծանոթացան Լ. Ն. Տոլստոյի, Մ. Գորկու, Վ. Մայակովսկու, Ն. Օստրովսկու գրական թանգարանների հետ, այցելեցին Մոսկվայի վերակառուցման թանգարանը, եղան թատրոններում։





ԿԱՐԱՊԵՏ ԵՊԻՍԿՈՊՈՍ ՂՐԻՄԵՑԻ

## ԵՐՈՒՍԱՂԵՄԻ ՏԱՃԱՐԻ ԿՈՐԾԱՆՈՒՄԸ 70 ԹՎԱԿԱՆԻՆ

Երբ Հիսուս դուրս էր գալիս տաճարից, աշակերտներից մինն ա-  
սաց հրաճ.

— Վարդապետ, տես ի՞նչ ընտիր ֆարերով է շինած և որպիսի ճոյա-  
կապ շինությունն է այս տաճարը:

Հիսուս պատասխանեց հրաճ և ասաց.

Տեսնում ե՞ս այս շինությունը. ճշմարիտ, ճշմարիտ եմ ասում ձեզ,  
որ այս բոլորը կփանցվի և այստեղ ոչ մի բան ֆար ֆարի վրա չի մնա:

(Մարկ. ԺԳ, 1—2)

Երբ Երուսաղեմը զորհեռով շրջապատված տեսնեմ, իմացեմ, որ մուս  
է ավերումը...

(Ղուկ. ԻԱ, 20)

Երուսաղեմը ազգերից ոտնակոխ կլինի, մինչև ժամանակի լրանալը:  
(Ղուկ. ԻԱ, 24)



Երիտոսի մարգարեական այս  
խոսքերը կատարվեցին 70 թը-  
վականին (Ք. հ.), երբ հռո-  
մեական կայսր Վեսպասիա-  
նոս Ֆլավիոսի հրամանով կայսեր որդին՝  
Տիտոսը ավերեց Երուսաղեմը:

### I ԵՐՈՒՍԱՂԵՄԻ ՏԱՃԱՐԸ

Հրեաների ամենանվիրալիսն սրբությունը  
դա՛ն Երուսաղեմը\* տունը՝ Երուսաղեմի տա-  
ճարն էր\*\*):

Խորայնացիները, Եգիպտոսի գերություն-  
ներից ազատագրվելուց 40 տարի հետո, Հեսու  
Նավիայի առաջնորդությամբ հարձակումով  
գրավեցին ու տիրացան Պաղեստինին:

Նրանք անապատից այստեղ բերեցին նաև  
իրենց Սրբությունը — անփուտ փայտից

\*) Հրեաները իրենց անտեսանելի Աստծուն տալիս  
էին Երուսաղեմը, Երուսաղեմը (Ելուհիմ), Ադոնայ անունները:

\*\*) Հրեաները հավատացնում էին, որ տաճարը  
հանգիստանում է Երուսաղեմի, Երուսաղեմը Քանանի,  
իսկ Քանանը կամ Երուսաղեմի խոստացած Ավետյաց եր-  
կիրն էլ աշխարհի կենտրոնը:

պատրաստված Ուխտի Տապանակը:

Քանի դեռ խորայնացիները անապատում  
էին, Ուխտի Տապանակն էլ պահում էին մի  
առանձին վրանում, բայց երբ գրավեցին  
Քանանը և տեղավորվեցին նրա քաղաքնե-  
րում, Մովսես մարգարեից ստացած այդ  
Սրբությունն էլ տեղավորեցին Սելով քաղա-  
քում, մի առանձին շենքում:

Ինչպես անապատի վրանը, այնպես էլ  
այս շենքը բաժանված էր երեք մասի — Զո-  
հարան, Սրբություն և Սրբություն Սրբոց:  
Սրբություն Սրբոց խորանը ոչ ոք իրավունք  
չունեցրե՛ր մտնելու, բացի քահանաներից: Եր-  
կիրն անվան ռսկե վահանը կրծքին, քահանա-  
յապետը տարին մեկ անգամ մտնում էր  
Սրբություն Սրբոց խորանը՝ Երուսաղեմի առաջ  
խնկարկելու համար:

Դավիթ մարգարե թագավորը Երուսաղե-  
մին տիրելուց ու այն իր մայրաքաղաքը  
դարձնելուց հետո Ուխտի Տապանակն էլ բե-  
րեց այստեղ ու տեղավորեց Սիոնի բար-  
ձունքի վրա, մի առանձին խորանում:

Դավիթը մտադիր էր իր Աստծուն Երուսաղեմի  
համար մի հոյակապ տաճար կառուցել, սա-  
կայն արտաքին ու ներքին պատերազմների

արգելք հանդիսացան նրա այս մտադրութիւն իրագործմանը:

Դավթի որդի Սողոմոն իմաստուն թագավորին էր վիճակված այդ մեծագործութիւնը:

Եգիպտոսի գերութիւնից իսրայելացիներին կազատագրվելուց ուշիղ 440 տարի հետո, Սողոմոն թագավորը, իր գահակալութիւն շրջանի տարում, սկսեց և յոթը տարվա ընթացքում ավարտեց տաճարի շինութիւնը:

Տաճարը կամարակապ էր և ուներ 60 կանգուն երկարութիւն, 20 կանգուն լայնութիւն ու 20 կանգուն էլ բարձրութիւն:

Տաճարի շուրջը կառուցված էին սյունազարդ, ընդարձակ, ծածկված ու մոզայիկ հատակներով սրահներ<sup>\*)</sup>: Տաճարի շուրջը գտնվող ընդարձակ տարածութիւնը շրջապատված էր քարե պարիսպներով, որոնք մի քանի տեղում կամարակապ դարպասներ ունեին: Տաճարի հիմնական շինքը բաղկացած էր երեք բաժանմունքից՝ Զոհարանից, Սրբութիւնից և Սրբութիւն Սրբոցից:

Սրբազան Զոհասեղանը գտնվում էր առաջին բաժանմունքում, մեջտեղը. նրա մոտ գտնվում էր քահանայից լվացարանը՝ ամրացված 12 քարե սյուների վրա: Սրբութիւնը կազմում էր տաճարի երկրորդ բաժանմունքը, որը սյունազարդ ու ոսկեպատ էր: Նրա ամեն մի պատի տակ դրված էին հնգական ոսկե աշտանակներ՝ յոթական կանթեղներով: Կանթեղները ներկայացնում էին Արևը, Լուսինը, Փայլածուհի (Մերկուրին), Աստղիկը (Վեներան), Հրահատը (Մարսը), Լուսնթագը (Յուպիտերը) և Երևակը (Սատուրնը):

Երկրորդ բաժանմունքի մեջտեղը դրված էր Առաջավորաց Սեղանը—եղևնափայտից շինած ու ոսկեպատ—իր 12 հացերով—տասներկու կենդանակերպի նշանակութիւնով—և զինու շիշով:

Այստեղ էր և անուշահոտ բուրմունքներով անոթը, որ նշանակում էր թե ամեն ինչ Եփեյից է ու հրա համար է:

Երրորդ բաժանմունքը՝ Սրբութիւն Սրբոցը երկրորդից բաժանված էր ծիրանագույն վարագույրով: Այստեղ մշտական կիսախավար էր և միայն տարին մի անգամ, Ծաղկի ոսկեպատ վահանը կրծքին, քահանայապետը մուտք էր գործում այստեղ՝ Աստծո անունը

տալու և խնկարկելու համար<sup>\*)</sup>: Ուրիշ սովորական օրերին նրանք Աստծուն անվանում էին Եհովա կամ Ադոնայ:

Այդ օրը բոլոր երկրներում հրեաները իրենց երեսը դարձնում էին Երուսաղեմի տաճարի կողմը և աղոթում իրենց Աստծուն, որ ազատեց նրանց Եգիպտոսի գերութիւնից և Աբրահամին, Իսահակին ու Հակոբին վերադարձրեց խոստացված Ավետյաց երկիրը:

Սրբութիւն Սրբոցում տեղավորված էր Ուխտի Տապանակը, որի մեջ գտնվում էին.

1. տառն պատվիրանների քարե տախտակները, 2. մանանյով լի ոսկե սափորը, խնկամանը և 3. Ահարոնի ծաղկալ գավազանը:

Ուխտի Տապանակի կափարիչի վրա կանգնեցված էին երկու փայտե, ոսկեպատ հրեշտակներ, որոնք խորհրդանշում էին Ծահլից ստացված սրբութիւնների պահպանումը:

Ուխտի Տապանակի առաջ գտնվում էր Շեթիթա՝ անտաշ քարը՝ գետնից դուրս ցրցված:

Սրբութիւն Սրբոցի պատերը զարդարված էին քերտվածների ու արմավենիների ոսկե զարդանկարներով:

Այս էր Ծահլիքի բնակարանը:

Տաճարն ուներ նաև ներքնահարկ, որտեղ գտնվում էին ոսկե, արծաթե իրերի և թանկագին զգեստների պահարանն ու դանձարանը:

Տաճարի պատերը ներսի կողմից պատված էին Լիբանանի մայրի ծառից, իսկ հատակը՝ նոճի ծառից պատրաստված տախտակներով, որ Սողոմոնը նվիր էր ստացել Տյուրոսի Քիրամ թագավորից:

Տաճարի կտուրն այնպիսի սուր աշտարակներ ուներ, որ ոչ մի թռչուն չէր կարող նրա վրա թառել կամ կեղտոտել:

Ավանդութիւնը պատնում է, որ տաճարի շինութեան ամբողջ ընթացքում նրա վրա աշխատող բանվորներից և ոչ մեկը չի հիվանդացել կամ մեռել: Ոչ մի գործիք չի մաշվել ու երկաթե գործիք էլ չի գործածվել, այլ շինքի քարերը տաշել են «շամիր» կոչված քարով և կառուցել:

Սակայն, Սողոմոն իմաստունի կառուցած այս հոյակապ տաճարը բաբելացիների Նաբոլոգոդոնոսոր (Նաբոլոտոկո-Ուատրա) արքան<sup>\*\*) թանդեց, հողին հավասարեցրեց, ոսկե</sup>

<sup>\*)</sup> Աստուծո անունը գրքերի մեջ գրել և կարգաւ մահացու հանցանք էր համարվում և խստիվ արգելված էր: Բաբելոնի գերութեան ժամանակ հրեաները մոռացան Աստուծո անունը և գործածում էին Ելոհիմ (Եհովա), որ նշանակում է աստվածներ կամ Ադոնայ: Տե՛ս Ենթադրում են, որ եղել է Ծահլիք:

<sup>\*\*) թագավորից 604—562 թ. (Ք. ա.):</sup>

դ) Իսրայելացոց թագավորութիւն վերացումից հետո այս սյունազարդ սրահներից մեկում, քարե պալատում, լվակներով լված էին Գերագույն Հոգեւոր Խորհուրդը, Գերագույն Պատարանը և Առյուծը՝ քահանայապետի նախնական զինանշանը:



ու արծաթե սպասները, որպես ավար, դրավեց և շատ հրեա ընտանիքներ էլ գերի տարավ Բաբելոն, Ոսկե և արծաթե սպասները որքան նվիրեց Բաբելոնի կուռսանը:

Հրեաները Բաբելոնի գերության մեջ մնացին 30 տարի, Պարսից Կյուրոս (Կուրուշ) թագավորի\*) թուլլովության մեջ հրեաները 558 թվականին (Ք. ա.) ազատագրվեցին գերությանից և Զորագրքի առաջնորդության մեջ Երուսաղեմ վերադարձան, իրենց հետ տանելով տաճարի ոսկե ու արծաթե սպասները: Գերությանից վերադառնալով նրանք անմիջապես ձեռնամուկ եղան նոր տաճարի շինության և Երուսաղեմի պարիսպների նորոգության: Սակայն, այս նոր տաճարը, առաջինի համեմատության մեջ, շատ ավելի հասարակ ու անշուք էր:

Հերովդես Մեծը\*\*), իր թագավորության 11-րդ տարում, վերանորոգեց, զարդարեց ու գեղեցկացրեց այս տաճարի թե՛ արտաքինը և թե՛ ներքինը: Մի քանի հազար բանվոր էր աշխատում տաճարի վերանորոգության վրա. նրանք ընդարձակեցին Սիոնի բարձունքը և տաճարին հատկացված տաճարականությունը ու շինեցին աստիճաններով իջնող տեղանքներ: Սիոնի տեղանքներով զարդարված բարձունքում բարձր կանգնած, սպիտակ, ոսկեգոծ տաճարը հեռվից մի ձյունազարդ բլուրի էր նմանվում: Նրա կողմից զարդարված էր ոսկեգոծ սրածայր ձողերով (աշտարակներով), բակերի ու սրահների հատակները մոզաիկ էին, ներսի սյուները մարմարյա ու ոսկեպատ, պատերը ոսկեպատ, արծաթապատ կամ կորնթոսի պղնձով ծածկված:

Տաճարի ճակատին ամրացված էր հրեաների խորհրդանշանը՝ խաղողի վազ: Նա ամբողջապես ոսկուց էր: Հերովդեսը նորոգել տվեց նաև քարե պարիսպները և նրանց կամարակապ դարպասների ճակատին արաբերեն, լատիներեն ու հունարեն լեզուներով լրել տվեց, որ ոչ հրեայի մուտքը տաճարի բակն անգամ արգելվում է: Տաճար մտնել արգելված էր նաև հրեա բոլորտներին, կաղերին, անդամալուծներին, կուլյերին, այսահարներին և տեղափոխ կանանց:

Քարե պալատից դուրս, տաճարին հակադրված հողամասում, գտնվում էին շուկան ու հրապարակը, որտեղ վաճառում ու գնում էին զոհի կենդանիներ, անուշաբույր խոունկ, ստաշխն, կինամոն և այլն: Շուկայում կային նաև աղափնեվաճառներ ու հա-

տավաճառներ (դրամ մանրացնողներ)\*): Տաճարի կառավարչի թուլլովության մեջ վաճառականները տաճարի ներսումն էլ էին առևտուր անում:

Հերովդես Մեծը ահագին գումարներ ծախսելով տաճարի վերանորոգության և բարեզարդության վրա, իրավամբ պարծենում էր, որ ինքը կառուցել է Ասիայում, և նույնիսկ ամբողջ աշխարհում, ամենագեղեցիկ շենքը\*\*):

## II ՏԱՃԱՐԻ ԿԱՌԱՎԱՐՈՒԹՅՈՒՆԸ

Հռոմայեցի զորապետ Պոմպեոսը 63 թվին (Ք. ա.) գրավեց Պաղեստինը և հրեաներին հարկատու դարձրեց Հռոմին: Երկրի քաղաքական-վարչական կառավարությունը նա հանձնեց հռոմայախոս Հերովդեսի թագավորական ցեղին, իսկ կրոնական գործերը՝ Գերագույն Հոգևոր Խորհրդին ու քահանայապետին:

Երկրում կարգ ու խաղաղություն պահպանելու համար հռոմայեցիները Երուսաղեմում, Կափառնայում, Կեսարիայում, Ասկաղոնում և Գազայում պահում էին բերդապահ զնդեր: Երուսաղեմում նստում էր հռոմայեցի պրոկուրատորը, որը երկիրը կառավարում էր հրեա թագավորների հետ համերաշխ կերպով:

Գերագույն Հոգևոր Խորհուրդը իր իշխանությունը տարածել էր ոչ միայն Պաղեստինում, այլ և Բաբելոնում, Եգիպտոսում ու Հռոմում ապրող հրեաների վրա, որոնք ամենայն հնազանդության մեջ կատարում էին Խորհրդի բոլոր հրամանները և ենթարկվում նրա գերիշխանության:

Գերագույն Հոգևոր Խորհուրդը լավ կապած էր 70 սինհոդոսականներից, այն է՝ քահանայապետից, գահերեցներից և դատավորներից:

Հրեա մոլորվորի ու տաճարի հոգևոր, ինչպես և քաղաքական, գործերին ակտիվ մասնակցություն էին ցույց տալիս երկու դա-

\*) ...Հիսուս տաճար մտնելով, դուրս արավ տաճարում առ ու ծախս անողներին, հատավաճառների սենյանները ցրեց և աղափնեվաճառների աթոռները կործանեց, եվ ոչ ոքի չէր թողնում ոչ մի աման տաճարի միջով անցկացնելու:

(Մարկ. ԺԱ, 15)

\*\*) Հերովդես Մեծ շինարար թագավորը Երուսաղեմում իրեն համար հոյակապ պալատ շինել տվեց սպիտակ քարից, Նորոգեց Մակարայեցիների պալատը Քաղաքի մեծ փողոցը քարահատակեց և քաղաքից դուրս տանող ճանապարհն էլ ուղղեց ու ընդարձակեց: Նորոգել տվեց քաղաքի պարիսպներն ու աշտարակները, կենցիկ հրեա թագավոր, նա միշտ էլ բարեկամ մնաց Հռոմին:

\*) Թագավորեց 558—529 թ. (Ք. ա.):

\*\*) Թագավորեց 37—4 թ. (Ք. ա.):

Հերովդես Մեծին հրեաները անվանում էին շարի սկիզբը — սատանա:

սակարգ—սադուկեցիները և փարիսեցիները։ Սադուկեցիները արտաքու շին Կտակարանից ոչինչ չէին ընդունում, ո՛չ ավանդություն և ո՛չ անգիր օրենք։ Հին Կտակարանը ճանաչված և ընդունված էր որպես հրեական օրենքների աղբյուր և կանոն։ Սադուկեցիները թեև ընդունում էին Հին Կտակարանը, սակայն չէին հավատում ո՛չ հանդերձյալ կյանքին, ո՛չ հարություն, ո՛չ հրեշտակների գոյություն և ո՛չ էլ հոգու անմահություն։ Սադուկեցիները շատ հետևողներ ունեին բարձր և ուսումնական խավերի մեջ։ Նրանք հայտնի էին իբրև լավ վարք ու բարքի տեր մարդիկ և նրանցից էին ընտրվում դատավորները։

Փարիսեցիները ցուցամուլ ու փառասեր էին և վերին աստիճանի օրինապահ։ Նրանք բացի Հին Կտակարանից, այսինքն գրավոր օրենքներից, ընդունում էին նաև անգիր օրենքներն ու ավանդությունները։ Փարիսեցիները վերին աստիճանի ծիսապաշտ էին, առանձին նշանակություն ու կարևորություն էին տալիս լվացմանը, պասին, երկար աղոթելուն, ողորմություն տալուն, անհավատներից և անթլիսատներից (հեթանոսներից) հեռու մնալուն, նրանց նկատմամբ զգույշ լինելուն և այլն։ Հավատում էին հանդերձյալ կյանքին, հարությունը, հրեշտակների գոյությունը, հոգու անմահությունը և ճակատագրին։ Փարիսեցիները սադուկեցիների հակապակերտ էին հանդիսանում ոչ միայն դավանած վարդապետությանը, այլ և բարոյա-

կանությունը։ Փարիսեցիները արտաքուստ մաքուր ու սուրբ էին երևում, որի համար էլ շատ հարգված էին հասարակ ժողովրդի։ Մանավանդ կանանց, կողմից, բայց ներքուստ գծուծ ու ապականված մարդիկ էին։ Սակայն, նրանք թե՛ տաճարում և թե՛ հոգեվոր ժողովարաններում, օրենք բացատրող խաղիղների հետ միասին, ղեկավարող դեր էին խաղում։

Բացի այս երկու ղեկավարող դասակարգերից կային նաև երկրագործներ, արհեստավորներ, ձկնորսներ (Պալիլիայում) և մանր առևտրականներ, որոնք ընդհանուր անունով կոչվում էին ամհարեզներ։

Գերագույն Հոգևոր Իշխանությունը իրենից ներկայացնում էր աստվածպետական կառավարություն և նրա կենտրոնն էր Երուսաղեմի տաճարը, թե՛ Պաղեստինում և թե՛ նրանից դուրս ապրող հրեաների համար Գերագույն Հոգևոր Իշխանությունն էր սահմանում թե երբ պետք է համարել նոր տարվա սկիզբը և թե կյանքի ինչպիսի բարոյական սկզբունքներ պետք է որդեգրել։

Քահանայապետից բացի տաճարն ունեւր նաև իր կառավարիչը, որը հսկում էր ամենօրյա զոհաբերությունը և կարդացվելիք աղոթքների վրա։ Սա հետևում էր Մովսեսի սահմանած օրենքների անխափան կատարմանը և քահանայապետից հետո Գերագույն Հոգևոր Խորհրդում երկրորդն էր համարվում իր գրաված դիրքով։

(Շարունակելի)







ՀԱՄԱՐԱՆՅԻ

## ՀՈՎՍԵՓ ԱՐՂՈՒԹՅԱՆ



ագրատունյաց և Կիլիկյան թագավորությունների անկումով հայ ժողովուրդը զրկվեց պետականությունից և ընկավ օտարների՝ մահմեդական Պարսկաստանի ու Թուրքիայի դաժան լծի տակ: Դարեր տեղեկին հայ ժողովրդի նկատմամբ գործադրվող անլուր բռնությունները, բայց նա երբեք չհուսալքվեց և իր սրտում միշտ վառ պահեց ազատության, փրկության տենչը, հավատացած որ մի օր վերջ կգտնեն անպատմելի տառաջանքները: Ազատության տենչը տիրական է դառնում հատկապես XVIII դարում, երբ հայ ժողովուրդը վերջնականապես ու անվերապահորեն ալն համոզման է գալիս, որ իր փրկությունը պիտի գա հյուսիսից՝ Ռուսաստանից: Այս գաղափարով էին տոգորված ալն ժամանակվա բոլոր հայերը, սկսած էջմիածնի Ամենայն Հայոց կաթողիկոսից, Աղվանից Գրանձասարի կաթողիկոսից, Ղարաբաղի մելիքներից մինչև վերջին բամիկը: Ռուսաստանի օրրստօրն հզորացումը և Անդրկովկասի սահմաններին ընդհուպ մոտենալը թևավորում էր նրանց, նոր հույսեր ներշնչում:

Եթե հայերի բուռն ձգտումն էր պարսկատաճկական բռնակալության լծից օր առաջ ազատագրվել փրկարար Ռուսաստանի ձեռքով, ապա ռուսաց արքունիքն էլ իր հերթին անտառքեր չէր դնալի հայերի այս ձգտումը: Ռուսաց արքունիքի և հայերի միջև ստեղծվում են սերտ փոխհարաբերություններ, որոնք առանձնապես նշանակալից են դառնում Եկատերինա Բ կայսրուհու օրոք, երբ Ռուսաստանը ծրագրում է մահմեդական լրծից ազատագրել Բալկանյան թերակղզու և

Անդրկովկասի քրիստոնյա ազգաբնակչությունը: Հայ-ռուսական հարաբերությունների զարգացման և հայ ազգային ինքնագիտակցության զարթոնքի այս օրերին խոշոր դեր էր վիճակված խաղալ մի անձնավորություն, որը հանդիսանում էր հայ ժողովրդի լավագույն իղձերի արտահայտիչն ու թարգմանը: Այդ անձնավորությունը Հովսեփ Արղությանն էր:

### II

Հովսեփ Արղությանը ծնվել է 1743 թվին Սանահինում: Սկզբնական կրթությունը ըստացել է հայրենի Սանահինի վանքում, իսկ հետո ուսումը շարունակելու համար տեղափոխվել է էջմիածին, ուր իր բնածին ընդունակությունների շնորհիվ, շուտով արժանացել է նորընտիր Սիմեոն կաթողիկոսի առանձնահատուկ ուշադրության և հոգածության: Վարդապետության տարիներին իր վրա դրված պարտականությունները ամենայն բարեխղճությամբ կատարելուց հետո Հովսեփ Արղությանը, 26 տարեկան հասակում, Սիմեոն կաթողիկոսի կողմից եպիսկոպոս է ձեռնադրվում, իսկ շորս տարի անց էլ, 30 տարեկան հասակում, նա արդեն արքեպիսկոպոս էր:

Սիմեոն կաթողիկոսը վաղուց սերտ կապեր էր հաստատել ռուսաց արքունիքի հետ, բայց որպեսզի հետադառնում համազգային Աթոռի ու համայն հայության հետ կապված խնդիրները բարենաչող ընթացք ստանալին ռուսաց արքունիքում, նա Արղությանին նըշանակում է Ռուսաստանի թեմի հայոց առաջնորդ: Առաջնորդանիստ քաղաքն այդ

ժամանակ Աստուածային էր, ուր բավարարանալու հայեր էին բնակվում:

Նոր նշանակված առաջնորդն ուղևորվում է Աստուածային, բայց այնտեղ երկար չի մնում: Հայտնի չէ, ինչու նա չէր կարողանալ հարմարվել է իր մոտ Պետերբուրգ և հետզհետե ներգրավում նրան վերնախավների շրջանակի մեջ: Լազարյանը Արդուժյանին ներկայացնում է նաև Նկատի-նա Բ կայսրուհուն: Ահա հենց այս ժամանակից էլ սկսած Արդուժյանը մշտապես կապվում է ռուսաց արքունիքի հետ, աշխատելով վերջինիս միջոցով դրականորեն լուծել հայ ժողովրդի ազատագրության խնդիրը:

Ռուսաց արքունիքի լիակատար վստահությունը նվաճելու համար Արդուժյանը սկսում է մեծամեծ ծառայություններ մատուցել ներսում: Նա, Հովհաննես Լազարյանի հորդորմամբ, ջերմ հրավեր է կարդում Ղրիմի հայերին՝ Ռուսաստան գաղթելու և ընդմիջատ ազատվելու մահմեդական խանի լծից: Գաղթողները բնակություն են հաստատում Դոնի Ռոստովի մոտ — քաղաքացիք նորակիրտ Նոր-Նախիջևանում, իսկ գյուղացիք նրա շրջակայքում: Արդուժյանի միջնորդությամբ գաղթողները հատուկ արտոնություններ են ձեռք բերում և որոշ ժամանակով ազատվում ամեն տեսակի հարկերից: Արդուժյանը Նոր-Նախիջևանում հիմնում է եկեղեցիներ և բաց անում երկու դպրոց՝ Սահականուշյան և Մեսրոպյան: Նոր-Նախիջևանից ոչ շատ հեռու նա մի վանք է շինում և անունը դնում Ս. Խաչ: Նոր վանքի հեղինակությունն ու նշանակությունը բարձրացնելու համար Արդուժյանը նրան կից բաց է անում տպարան ու դպրոց: Այստեղ անհրաժեշտ ենք համարում մի քանի խոսքով անդրադառնալ այս տպարանին:

### III

Արդուժյանը, Ռուսաստանում ապրելով և ծանոթանալով այնտեղ օր ավուր ծավալվող տպագրական գործի հետ, մեծ փափագ ուներ լուսավորության տարածման այդ նոր ու գորավոր զենքը ծառայեցնել հայ ժողովրդի մտավոր զարգացմանը: Նա ծանոթ էր էջմիածնում Սիմեոն կաթողիկոսի հիմնած տպարանին ու թղթի գործարանին, որոնք պարսից բռնապետության ներքո գտնվելով ավերվեցան — թղթի գործարանն իսպառ, իսկ տպարանը՝ մասամբ: 1779 թվին Պետերբուրգում նա ծանոթանում է Գրիգոր Խաչատրյան անունով մի հայի հետ, որը

նոր էր եկել Լոնդոնից: Խաչատրյանը նոր-ջուղայեցի էր և վաճառականությամբ մեծ հարստության տիրանալով, եկել ու բնակություն էր հաստատել Լոնդոնում: Տեսնելով տպագրական գործի կատարած խոշոր դերը կուլտուրական ազգերի զարթոնքի գործում, նա մտադրվում է տպարան կազմակերպել հայերեն գրքեր տպագրելու համար: Այս նպատակով, հայերեն տառեր ձուլել տալուց և տպարանական անհրաժեշտ պարագաներ պատրաստելուց հետո, Խաչատրյանն ուղևորվում է Պետերբուրգ, ուր և ծանոթություն է հաստատում լուսամիտ ու եռանդուն Արդուժյանի հետ: Վերջինս մեծ համակրանքով է վերաբերում Խաչատրյանի նախաձեռնությանը և նյութական միջոցներ տրամադրելով հնարավորություն է տալիս նրան մի շարք գրքեր տպագրելու, մեծ մասամբ կրոնական բովանդակությամբ: Հայոց և ռուսաց լեզուների ուսուցման գործում ռուսահայերին օժանդակած լինելու համար Արդուժյանի նախաձեռնությամբ այստեղ տպագրվում են երկու գիրք — «Բանալի գիտություն» և «Ծախիղ լեզուագիտություն»:

Սակայն այս ձեռնարկություններից տպարանատեր Խաչատրյանը ոչ միայն չէր օգտվում, այլ և մեծամեծ վնասներ էր կրում: Այդ ժամանակ Արդուժյանը տպարանատիրոջ վնասների մի մասը հատուցելուց հետո տպարանը գնում է և Նոր-Նախիջևան տեղափոխելով հաստատում Ս. Խաչ վանքում: Հենց այստեղ էլ, Արդուժյանի ղեկավարությամբ, սկիզբ է դրվում այս տպարանի բեղմնավոր գործունեության: Այստեղ տպագրված գրքերից հիշատակենք հայտնի «Տեղեմաք»-ի թարգմանությունը և «Բժշկարան»-ը: Վերջինիս հեղինակը նոր-ջուղայեցի մի հայ բժիշկ էր, Քալանթարյան ազգանունով, որը լսելով Արդուժյանի տպարանի մասին, իր կազմած գիրքը ուղարկել էր այստեղ տպագրելու համար: Զարմանալի կերպով Արդուժյանը կարողանում էր մեկենասներ գտնել զանազան գրքեր տպագրելու համար և եթե երկար ժամանակով նա Նոր-Նախիջևանից բացակայած չլիներ, ապա այս տպարանը անշուշտ առավել մեծ գործ կատարած կլիներ: Հետագայում այս տպարանը փոխադրվում է Աստուածային, բայց այստեղ, Արդուժյանի հաճախակի բացակայության պատճառով, մի առանձին աչքի ընկնող գործ չի կատարում:

Արդուժյանի տպագրական գործունեության առնչությամբ կարևոր ենք համարում նշել նաև նրա կատարած մի այլ աշխատանք: Երկար տարիներ Ռուսաստանում ապ-



րելով Արղությանը նկատում է, որ ուս հոգևորականությունը կանխակալ կարծիք է կազմել հայերի մասին, նրանց համարելով հերձվածող ու ուղղափառությունից հեռացած: Այս կարծիքը առաջացել էր հունական աղբյուրների շնորհիվ: Եկեղեցական պատմությունից հայտնի է, թե ինչպես բյուզանդացիք բազմիցս փորձել են հայ ազգային եկեղեցին զրկել իր ինքնուրույնությունից և ենթարկել այն բյուզանդական եկեղեցուն. սակայն իրենց այս նպատակին չհասնելով, նրանք դիմել են զրպարտությունների մեթոդին, ամեն կերպ աշխատելով կասկածի տակ դնել հայ եկեղեցու դավանանքի ուղղափառությունը: Եվ քանի որ քրիստոնեությունը Ռուսաստան մուտք էր գործել բյուզանդիայից, ապա ուս հոգևորականությունն էլ ժառանգել էր բյուզանդացիների տեսակետը հայ եկեղեցու և հայերի մասին: Արղությանը, օգտվելով իր հինակալոր դիրքից, աշխատում է վերացնել հայ եկեղեցու մասին եղած թյուր կարծիքը և ցույց տալ, որ հայոց եկեղեցին քրիստոնեական հնագույն եկեղեցիներից մեկն է, որը անաղարտությամբ պահպանում է առաքելական կաթողիկե եկեղեցու դավանանքն ու ծեսերը: Նա իր երկարատև պաշտոնավարության ընթացքում սերտ հարաբերություն է մշակում ուս բարձր հոգևորականության հետ և հաճախակի այցելելով ուսաց եկեղեցիները ներկա լինում պատարագներին: Մյուս կողմից էլ հրավեր է կարդում ուս հոգևորականության ակամավոր ներկայացուցիչներին, ինչպես և պալատական բարձր պաշտոնյաներին ու աստիճանավորներին հաճախել հայոց եկեղեցիները և ներկա գտնվել պատարագին, որն ինքը կատարում էր ամենայն հանդիսավորությամբ: Այսպիսով նա աստիճանաբար եղբայրական սերտ կապեր է հաստատում երկու քույր եկեղեցիների միջև: Զբաղակալանալով սրանով, Արղությանը 1799 թվին Պետերբուրգում ուսերեն լեզվով հրատարակում է «Исповѣданіе Христіанскія веры Армянскія церкви» խորագիրը կրող գիրքը, որի մեջ տեղ էր գտել հայոց եկեղեցու գավառությունը և պատարագի արարողության թարգմանությունը: Գրքի նպատակն էր ուսը թերթողներին ճշգրիտ գաղափար տալ հայ եկեղեցու մասին:

Այժմ անդրադառնանք Արղությանի գործունեությանը Ղրիմի հայերին գաղթեցնելուց հետո:

#### IV

Թե վերաբնակների և թե Մոզդոկի ու Ղրջլարի հայության ամբողջ հոգսը իր ուսերի վրա էր առել Արղությանը: Նրան հաճախա-

կի կարելի էր տեսնել և՛ Նոր-Նախիջևանում, և՛ Աստրախանում, և՛ Մոզդոկում, և՛ Ղրջլարում, և՛ Պետերբուրգում, ու այսպես շարունակ նա ճանապարհորդության մեջ էր գտնվում, նա չէր եղել միայն Ղրիմում և ահա առիթ է ստեղծվում այնտեղ ևս երևալու:

Նորանվաճ Ղրիմի կառավարիչ Գրիգորի Պոտյոմկինի խնդրանք 1787 թվին Եկատերինա Բ կայսրուհին ճանապարհորդություն է կատարում դեպի Ղրիմ: Այս ուղևորության ընթացքում կայսրուհին պիտի այցելեր նաև Նոր-Նախիջևան, բայց հետո ճանապարհորդության ծրագիրը փոխվում է, և Արղությանը, փոխառնակ Նոր-Նախիջևանում կայսրուհուն դիմավորելու ու փառավոր ընդունելություն ցույց տալու, ներկայանում է նրան Կրեմենչուկ քաղաքում:

Այնուհետև Արղությանը ուղևորվում է Ղրիմ՝ ահտեղ մնացած սակավաթիվ հայությանն այցելելու և Ս. Խաչ վանքը տեսնելու: Նպատակով: Վանքը կարգի բերելուց և ժողովրդին մխիթարելուց հետո նա Նոր-Նախիջևանի վրայով ուղևորվում է Աստրախան, բայց այստեղ երկար չի մնում, հանգամանքները նրան ստիպում են նորից Պետերբուրգ ուղևորվել:

Հաջորդ, 1788 թվին պատերազմ է ծագում Ռուսաստանի և Թուրքիայի միջև: Քանի որ պատերազմական գործողությունները տեղի էին ունենում Բոսարաբիայում ու Մոլդավիայում, ուր շատ հայեր էին ապրում, ապա գլխավոր հրամանատար Գրիգորի Պոտյոմկինը նպատակահարմար է գտնում իր մոտ ռազմական հրավիրել Արղությանին: Բազմաքանակ հայերի ներկայությունը այդ շրջաններում ինքնին խոշոր գրավական էր ռուսական զենքի հաջողության համար, որովհետև հայերը միշտ էլ առանձին սեր են տածել դեպի քրիստոնյա Ռուսաստանը և նրանից ակնկալել իրենց փրկությունը: Ռազմական ժամանելով Արղությանը ջերմ հորդորներ է կարդում տեղացի հայերին, առաջարկելով ամեն կերպ աջակցել ռուս զորքին և նրա վրա նայել որպես ազատարար հրեշտակի վրա: Հայ արքեպիսկոպոսի ներկայությամբ ռազմականում յոգևորության աղբյուր էր հանդիսանում ո՛չ միայն տեղացի հայերի, այլև ուսաց զորաբանակի շարքերում կռվող բազմաթիվ հայ սպաների ու հայ կամավորներից բաղկացած առանձին զորամասի մարտիկների համար:

Պատերազմական գործողությունները ու-



վարտվելու վրա էին, երբ Գրիգորի Պոստոմ-  
կինը Արղուիթյանին առաջարկում է հայերին  
դադլնեցնել այն քաղաքները, որոնք հաշ-  
տության պայմանագրի համաձայն նորից  
պիտի վերադարձվեն թուրքիային: Եվ Ար-  
ղուիթյանը իրեն հատուկ ծրագրանությամբ  
կատարում է այս հանձնարարությունը:  
Բայց նրա ցանկությունն էր այս նոր գաղ-  
թականների համար մի հայաքաղաք հիմնել  
և նրանց այնտեղ բնակեցնել: Բանակցու-  
թյան մեջ մտնելով ուսա կառավարության  
հետ, Արղուիթյանը այս նպատակի համար մի  
լնդարձակ հողամաս է ստանում Դինպար գե-  
տի վրա գտնվող Դուբոսարի քաղաքին մոտ  
և ապա նոր քաղաքի հատակագիծը կազմե-  
լով ուղարկում կայսրուհուն՝ ի հաստատու-  
թյուն: Երբ ստացվում է հաստատված հա-  
տակագիծը, Արղուիթյանը 1792 թվին մեծ  
հանդիսավորությամբ կատարում է քաղաքի  
հիմնադրումը և ի պատիվ Գրիգոր Լուսա-  
վորչի ու Գրիգորի Պոստոմկինի, որը 1791  
թվի աշնանը վախճանվել էր, քաղաքը կո-  
չում է Գրիգորիոպոլ: Նոր գաղթականության  
համար կրթված հոգևոր հովիվներ և ուսյալ  
մարդիկ պատրաստելու նպատակով Արղուիթ-  
յանը նրանցից 30 հոգու ուղարկում է Նոր-  
Նախիջևանի Ս. Խաչ վանքը, ախտեղ ուսա-  
նելու համար:

Այսպիսով Ռուսաստանի հայոց թեմը գը-  
նալով ընդարձակվում էր. Աստրախանի,  
Ղզլարի ու Մոզդուկի վրա ավելանում են  
Նոր-Նախիջևանն, իր շրջակայքի գյուղերով,  
ամբողջ Դրիմի թերակղզին և վերջապես նո-  
րահիմն Գրիգորիոպոլ քաղաքը: Պետք է նը-  
շել, որ Արղուիթյանին հաջողվում է այս նոր  
գաղթականության համար ևս կառավարու-  
թյունից մեծ արտոնություններ ստանալ:

Արղուիթյանի տեսադաշտից դուրս չեն մը-  
նում նաև չերքեզների երկրում վաղուց ի վեր  
բնակություն հաստատած մի բուռն հայերը,  
որոնք դրսի աշխարհից կտրված լինելու հե-  
տևանքով միայն արտաքին ծեսերով ու ա-  
վանդություններով էին մնացել հայ քրիս-  
տոնյա: Արղուիթյանը շուտով կապ է հաստա-  
տում այս լեռնի հայերի հետ և հատուկ  
մարդիկ ուղարկում նրանց մոտ. բայց նրան  
չի հաջողվում որևէ դրական արդյունքի հան-  
գեցնել իր սկսած գործը, հավանորեն հա-  
ղորդակցության դժվարությունների հետե-  
վանքով: Հետագայում, երբ ուսական իշ-  
խանությունը ամրապնդվում է Հյուսիսային  
Կովկասում, այդ մի բուռն չերքեզահայերը  
դադլում են լեռնային Չերքեզիայից ու բը-

նակություն հաստատում միքձակա արգու-  
վանդ տափաստանում: Այդ նրանք էին, որ  
1838 թվին, ուս կառավարության աջակցու-  
թյամբ, հիմնեցին Արմավիր քաղաքը:

Այստեղ պետք է հիշատակել, որ Արղու-  
թյանն այդ ժամանակաշրջանում կապեր է  
հաստատում նաև հեռավոր Ավդանստանի  
մայրաքաղաք Քաբուլում ապրող հայերի  
հետ, որոնք զբաղվում էին վաճառականու-  
թյամբ և արհեստներով: Սրանք մեծ մա-  
սամբ Նոր-Ջուլայից բռնի տեղահանվել ու  
Քաբուլ էին տեղափոխվել, որպեսզի Ավ-  
դանստանում զարկ տան վաճառականու-  
թյան ու արհեստների ծաղկմանը:

## V

Ինչպես տեսնում ենք, Արղուիթյանի գոր-  
ծունեությունը Ռուսաստանի հայոց թեմում  
սկսվում է հայ նոր գաղթականների տեղա-  
վորումով և Նոր-Նախիջևան ու Գրիգորիո-  
պոլ քաղաքների հիմնադրումով: Միաժամա-  
նակ մի շարք արտոնություններ ու առանձ-  
նաշնորհումներ ձեռք բերելով նա միանգա-  
մայն ապահովում է նաև նրանց խաղաղ ու  
ապահով կյանքը:

Բայց սրանցով չէր սահմանափակվում  
Արղուիթյանի բազմակողմանի գործունեու-  
թյունը: Հանգամանքների դասավորմամբ  
շուտով Արղուիթյանը գլուխ է կանգնում մի  
նոր շարժման, որի նպատակն էր Արևելա-  
հայաստանում վերականգնել հայկական  
անկախ իշխանությունը: Իր ամբողջ եռանդն  
ու ջանքերը ի սպաս ջնելով քսան տարի շա-  
րունակ, հռչակավոր Հովհաննես Լազարյա-  
նի հետ միասին, նա աշխատել է այդ մեծ  
ծրագրի իրագործման վրա: Ուրախությամբ ու  
վհատության քիչ պահեր չի ապրել նա իր  
այդ հայրենանվեր գործունեության ընթաց-  
քում, բայց հուսալքումը խորթ է եղել նրան  
և վառ հավատը հարազատ ժողովրդի լուսա-  
պայծառ ապագայի նկատմամբ երբեք չի  
մարել նրա հոգում: Երբ քսան տարվա տըք-  
նաջան աշխատանքը, քաղաքական հանգա-  
մանքների աննպաստ դասավորման հետևան-  
քով, հաջողությամբ չի պսակվում, ապա  
այդ ձախողությունից հարկավ Արղուիթյանն  
առաջինն էր, որ խորապես խոցվում է: Մը-  
նում է մեզ զարմանալ նրա անսպառ համ-  
բերության և դառն վշտին դիմանալու զո-  
րեղ կամքի վրա, որ արդյունք էր ապագայի  
նկատմամբ նրա ունեցած վառ հույսի:



## VI

Եկատերինա Բ կայսրուհու օրոք Ռուսաստանը երկու հաջող պատերազմ է մղում Թուրքիայի դեմ: Իշխան Գրիգորի Պոտյոմկինը դաշնակից Ավստրիայի հետ ծրագրում էր Թուրքիայի իշխանության տակ գտնվող Բալկանյան թերակղզու վրա վերականգնել նախկին մի քանի կործանված թագավորություններ և դրանց թվում առաջին հերթին հունական թագավորությունը, որի մայրաքաղաքը պիտի լիներ Կոնստանտինոպոլիսը, իսկ մզկիթի վերածված Այա-Սոփիայի տաճարի զմբեթի վրա նորից պիտի փայլեր խաչը:

Պոտյոմկինը նպատակ ուներ մի առանձին թագավորություն էլ հաստատել Լիֆլանդիայում, հավակնություն ունենալով ինքը բազմել այդ նոր թագավորության գահի վրա:

Բայց կար մի այլ կործանված գահ էլ. դա հայկական իշխանության գահն էր, որի վերականգնման համար հանգամանքները սկզբում միանգամայն բարեհաջող են դասվորվում:

Մեր նկարագրած ժամանակաշրջանում Հնդկաստանի ու Եվրոպայի ծովային առևտրական ճանապարհն անապահով էր դարձել Ֆրանսիացիների և անգլիացիների միջև մղվող երկարատև պատերազմների հետևանքով, դրա համար էլ Հնդկաստանից ապրանքները դեպի Եվրոպա սկսեցին ուղղվել նախ ցամաքային ճանապարհով մինչև Կասպից ծովը, ապա այս ծովով մինչև Աստրախան, իսկ այստեղից էլ դարձյալ ցամաքային ճանապարհով մինչև Պետերբուրգ ու նորից ծովով դեպի Եվրոպա:

Ռուսաստանը շուտով նկատում է այս նոր առևտրական ճանապարհի կարևորությունը, բայց այն շահավետ դարձնելու համար անհրաժեշտ էր տիրել ամբողջ Կասպից ծովին ու նրա հարավային ափերին, որպեսզի ապահով լիներ երթևեկությունը: Պետրոս Մեծի ժամանակ ռուսները մի անգամ արդեն սիրել էին այդ ափերին, որ սակայն նորից վերադարձվել էր Պարսկաստանին նրա հաջորդների օրոք: Եվ ահա Եկատերինա Բ կայսրուհու օրոք նորից է բարձրանում այդ ափերին տիրելու խնդիրը: Այս առնչությամբ ռուսաց կառավարությունը միտք է հղանում պարսկական լճի տակից ազատագրել հայերին ու պատմական Հայաստանի հողի վրա հայկական իշխանություն հաստատել ռուսաց պետության հովանավորության ներքո, պայմանով որ հետզհետե ընդարձակվեն նրա սահմանները: Այդ իշխանության կո-

րիզն արդեն կար հանձնախմբային մեղիքությունների կամ Ղարաբաղի հինգ մեղիքությունների— Գյուլիստանի, Զրաբերդի, Դիզակի, Վարանդայի և Խաչենի: Պատերազմի դեպքում այս մեղիքությունները հառան Սիսիանի ու Ղափանի հայերի հետ միասին կարող էին 10 հազարից ավելի մարտիկ հանել, որ այն ժամանակվա համար պատկառելի թիվ էր: Ռուսաց կառավարությունը, այն համոզումն ուներ, որ հայերը ոչ միայն կարող են զարկ տալ առևտրական հարաբերությունների զարգացմանը, այլ և որպես հուսալի տարր, Պարսկաստանից գործավելիք երկրամասերում ի վիճակի կլինեն ապահովելու խաղաղությունն ու անվտանգությունը:

Այսպիսով նախատեսվում էր, որ Ղարաբաղի մեղիքությունները սկզբնական շրջանում պետք է հենարան ծառայեին ստեղծվելիք հայկական թագավորության համար, որի սահմանները հետագայում պիտի ընդարձակվեին: Այդ մեղիքությունները սկզբում կարիք կզգային ռուսական զորքերի օժանդակության, իսկ հետո, երբ տեղացի զինվորները ռազմական պատրաստություն ձեռք կբերեին, հնարավոր կլիներ հետզհետե նվազեցնել ռուսական զորքի թիվը: Պատերազմի դեպքում նորաստեղծ հայկական պետությունը կարող կլիներ 60 հազար զինվոր հանել ազատարար Ռուսաստանին օգնելու համար Պարսկաստանի ու Թուրքիայի դեմ մղվելիք կռիվներում, քանի որ սկզբից էլ որոշ էր, որ հայկական պետությունը Ռուսաստանի բարեկամներին պետք է ճանաչեր որպես բարեկամ, իսկ թշնամիներին որպես թշնամի:

## VII

Ռուսաց կառավարությունը, նախապատրաստվելով Անդրկովկաս արշավելու, 1780 թվին Աստրախան է ուղարկում նշանավոր զորավար Սուվորովին՝ մանրամասն տեղեկություններ հավաքելու համար: Նախքան Աստրախան ուղևորվելը Սուվորովը Պետերբուրգում մի քանի անգամ տեսակցություն է ունենում Հովսեփ Արղությանի և Հովհաննես Լազարյանի հետ, որոնք նրան մանրամասն ու ճշգրիտ տեղեկություններ են հաղորդում ինչպես Պարսկաստանի, այնպես էլ Արևելահայաստանի ու Ղարաբաղի մեղիքությունների մասին:

Սուվորովը մոտ երկու տարի Աստրախանում մնալուց և Պարսկաստանի ու Անդրկովկասի մասին բազմաթիվ նյութեր ու տեղե-



կուսիցներ հավաքելուց հետո վերադառնում է Պետերբուրգ: 1781 թվին Սուվորովին փոխարինում է կոմս Վոյնովիչը, որը մի առանձին կարևոր գործ չի կատարում:

1782 թվին իշխան Գ. Պոտյոմկինը իր ազգական գեներալ Պավել Պոտյոմկինին նշանակում է Հյուսիսային Կովկասի կառավարիչ: Վերջինս սկսում է բանակցություններ վարել Ղարաբաղի մեծիքների հետ՝ հուսադրելով նրանց: Այդ նույն թվին էջմիածին է գալիս դոկտոր Հակոբ անունով մեկը, որը Ղուկաս կաթողիկոսին է հանձնում Գ. Պոտյոմկինի ուղարկած նամակն ու ընծաները: Դոկտոր Հակոբը խորհրդակցություն է ունենում կաթողիկոսի հետ: Կաթողիկոսը նրան հայտնում է, որ Հովսեփ արքեպիսկոպոսի և Հովհաննես Լազարյանի գործունեությունը միանգամայն համապատասխանում է իր մտադրություններին և որ ներքաջ իր ներկայացուցիչներն են հանդիսանում ռուսաց արքունիքում:

Հյուսիսային Կովկասի կառավարիչ գեներալ Պ. Պոտյոմկինը, օգտվելով վրաց Հերակլ թագավորի աննախնայական վրեժակից, որը առաջացել էր մի շարք պատերազմների ու ներքին երկպառակությունների հետևանքով, համոզում է նրան մտնել Ռուսաստանի հովանավորության տակ: Այս առթիվ 1783 թվին Գիորգիևսկ քաղաքում Ռուսաստանի ու Վրաստանի միջև դաշնադրություն է ստորագրվում: Ռուսաց կառավարության կողմից դաշնադրությունը ստորագրում է Պ. Պոտյոմկինը, իսկ Հերակլի կողմից՝ նրա երկու լիազորները: Դաշնադրության ստորագրմանը ներկա էր նաև Արղուսյանը, որը վայելում էր Հերակլի կատարյալ վստահությունը: Այսպիսով Անդրկովկասի միակ քրիստոնյա պետությունը, ընդունելով Ռուսաստանի հովանավորությունը, փաստորեն դուրս է գալիս Պարսկաստանի գերիշխանության տակից:

Հենց այդ ժամանակներն էլ աշխույժ գրագրություն է սկսվում գեներալ Պ. Պոտյոմկինի, Արղուսյանի և Ղարաբաղի մեծիքների միջև: Պետք է ասել, որ Արղուսյանի գործունեության մեջ նշանակալից տեղ է գրավել գրագրությունը, սփյուռնում մի անկյուն էր մնացել, որտեղ հայեր ապրելիս լինեին և Արղուսյանը նրանց հետ գրագրության մեջ մտած չլիներ: Այդ է պատճառը, որ նա միշտ թարմ տեղեկություններ էր ունենում ինչպես էջմիածնից, Ղարաբաղից, Թիֆլիսից, Պարսկաստանից, Թուրքիայից, հատկապես Կ. Պոլսից, այնպես էլ հեռավոր Հնդկաստանից, Ավստրալիայից և այլն: Առաջին հայ պարբերական «Ազդարար» ամսագրում, որը լույս տեսնել սկսեց 1794 թվին Հնդկաստանի

Մադրաս քաղաքում, տպագրվում էին Արղուսյանի նամակները: Արղուսյանը սովորություն է ունեցել իր բոլոր նամակների պատճենները պահելու: Մեզ հասած նամակների թիվը հասնում է 2000-ի, որոնք զետեղված են երեք գրքի մեջ. մի երկու գիրք էլ կորել են: Այս ընդարձակ գրագրությունների շնորհիվ Արղուսյանը կարողանում էր հարուստ նյութեր հավաքել Պարսկաստանում ու Թուրքիայում տիրող դրության մասին: Եվ ամեն անգամ երբ ռուսաց կառավարությունը Արղուսյանի օգնությանն էր դիմում, ապա նրանից ստանում էր իրեն հետաքրքրող բոլոր հարցերի պատասխանները ամենաընդարձակ մանրամասնություններով ու պարզաբանումներով հանդերձ:

Երբ իշխան Գ. Պոտյոմկինը Արղուսյանին խնդրում է մի զեկուցում ներկայացնել Արևելահայաստանի դրության մասին, հատկապես ծանրանալով Ղարաբաղի մեծիքների ունեցած զինված ուժերի թվի, ինչպես և Ամենայն Հայոց կաթողիկոսի հեղինակության ու վայելած հարգանքի վրա, ապա նա, իրեն հատուկ եռանդով, ճշտիվ կատարում է հանձնարարությունը: Միաժամանակ, ռուսաց կառավարության առաջարկության հիման վրա, Արղուսյանը գրություններ է ուղարկում Ղարաբաղի մեծիքներին ու Գանձասարի վանքում նստող Աղվանից Հովհաննես կաթողիկոսին, որը վերին աստիճանի հայրենասեր ու ազատության գործին անհունորեն նվիրված մարդ էր: Սա իր աթոռանիստ վանքում մեծիքներին ու բարձրաստիճան հոգևորականներին ժողովի հրավիրելով ծանոթացնում է նրանց Արղուսյանի գրությունների հետ և հորդորում պատրաստ լինել ռուսաց զորքի հետ միասնալու և միասին գործելու համար: Այս ժողովում մեծիքները Արղուսյանին ընտրում են որպես իրենց ներկայացուցիչ ռուսաց արքունիքում և երգվում են կատարել նրա բոլոր առաջարկները: Այս պատմական ժողովը տեղի է ունենում 1783 թվին: Չմոռանա՞ք ավելացնելու, որ Ղարաբաղի հետ միացած էր նաև Արաքսի մյուս ափին գտնվող հայաբնակ լեռնային Ղարադաղը:

Իշխան Գ. Պոտյոմկինը, Արղուսյանի միջոցով ստանալով Ղարաբաղի մեծիքների գրությունը, գեներալ Պ. Պոտյոմկինին կարգադրում է ջարդանակել կապ պահպանել հայ մեծիքների հետ, գրավել Դերբենդը, պաշտոնական անել ու ձեռքակալել Շուշվա Իբրահիմ խանին, որը սևաթիմաբար տիրացել է հայ մեծիքների ժառանգությանը, Ղարաբաղի ու Ղարադաղի երկրամասերում հաստատել հայկական իշխանություն և այսպիսով պայմաններ ստեղծել, որպեսզի ժամանակի ըն-





Հովսեփ Կաթողիկոս Արղության

թացքում ռուսաց բարեկամ ուժեղ մի քրիստոնյա պետություն առաջանալ: Այսպիսով, — գրում է իշխան Գ. Պոտյոմկինը Եկատերինա Բ կայսրուհուն, — Ասիայում կրկնակիանալիս մի քրիստոնեական պետություն համաձայն Ձեր կայսերական Մեծություն խոստովանեմք, որոնք իմ միջոցով հաղորդված են հայոց մեկիքներին:

Գործերն այսպիսի ընթացք էին ընդունել, երբ Շուշվա Իբրահիմ խանը, քաջատեղյակ լինելով հայերի ու ռուսների միջև վարվող բանակցություններին, անակնկալ կերպով պատգամավոր է ուղարկում գեներալ Պ. Պոտյոմկինի մոտ, վերջինիս հաղորդելու, որ ինքը ընդունում է ռուսաց հպատակությունը: Այս մասին իրագեկ է դարձվում իշխան Գ. Պոտյոմկինը, որը վերացնում է խանին ձերբակալելու հրամանը և կարգադրում հարմար աղթով հեռացնել խանին ու նրա տեղը մի հայ կառավարիչ նշանակելու:

Շուշվա խանի այս կեղծ հպատակության մասին Պարսկաստանի մեկիքներն անմիջապես հայտնում են Արղուժյանին և Պ. Պոտյոմկինին, խնդրելով չհավատալ նրան ու խափանել նրա շար գիտավորությունները:

Անդրկովկաս արշավելու համար Աստրախանում երկու տարվա պաշար էր ամբարձել զորքի համար: Ռուսաց կառավարության կողմից առաջարկ է արվում, որպեսզի էջմիածնի ու Գանձասարի կաթողիկոսները ևս միացյալ ուժերով ռուսաց զորքի համար պահանջվող ամեն տեսակի պաշարներ պատրաստեն: Այս առաջարկը սիրով ընդունվում է և նույնիսկ Ղուկաս կաթողիկոսի նման մի մարդ, որը միշտ զգույշ քաղաքականություն էր վարում ու չափավորության սահմաններից դուրս չէր գալիս, 1784 թվ. սկզբին խանդավառ մի նամակ է ուղղում իշխան Գ. Պոտյոմկինին: Այդ նամակում, ի միջի այլոց, նա գրում է. «...Քանզի ահա որչափ ժամանակ է, որ հաստատեալ ես ի քեզ ճշմարիտ և զանկեղծ սէր և գուժ առ քրիստոսաէջ սուրբ աթոռ և առ տառապակիր ազգս մեր, և օգտասիրաբար հոգաս վասն մեր, և այնքան ջանս եղեր մինչև ահա զարդինս մաքուր սիրոյդ և մեծի հոգունակութեանդ վերեցուցեր, զորս սիրելի և հոգևոր որդին մեր Յովսէփ արքեպիսկոպոսն երկարօրէն և պարագայիք ծանուցանէ մեզ ի թուլթու իւր լիալի շնորհակալութեամբք և բազում դուրսնութեամբք... Քանզի ահա զքեզ ունիմք անխարդախ բարեկամ և խնամակալ մեզ և առաջի աստուածապապակ և գթասիրտ մեծի կայսրուհոյ միջնորդ և բարեխօս վասն մեր: Արդ խնդրեմք ի քումմէ պատուականութենէ, զի որովհետև շուրջմք գհամարածակութիւն գրել ինչ առ բարձրագոյն մեծութիւն

տիեզերակալ մեծի կայսրուհոյն, վասն որոյ դու քոյովդ լիազոյն խոհմովեամք ի հաստատութենէ մերմէ ի պատեհ ժամու մատուցես առ գերապետովին նորին զբան շնորհակալութեան հանդերձ աստուածային առատաձիր օրհնութեամբ վասն բազմակերպ ողորմութեանց և գթութեանց իւրոց, զորս ունի առ մեզ և առ մերայինս ամենեանս, և ևս յայտնի կացուցես նմա զյուլիազոյն տենչմունս և զյօժարութիւն մեր առ առաջագրեալ իրականութիւն իւր, որ ի փրկութիւն մեր և մերազնէից, իսկ և զսէր քո կատարեալ և զխնամազ բազմադիմի մի՛ երբէք պակասեցուցես ի մէնջ և յազգէս մերմէ և ի սբբոյ աթոռոյս և ի հոգևոր որդւոյ մերմէ ի Յովսէփայ արքեպիսկոպոսէն, այլ մանաւանդ աճցուցես և առաւելացուս...»:

Արշավանքը նախատեսվում էր սկսել 1784 թվ. ամռանը: Ավելացնենք այստեղ, որ Գիորգիևսկի դաշնադրության համաձայն, ռուսաց երկու զոմարտակ, գնդապետ Բուրնաշովի հրամանատարությամբ, 1783 թ. նոյեմբերին արդեն մտել էր Թիֆլիս:

Գալիս է 1784 թվ. ամառը, բայց ռուսաց զորքը Աստրախանից դեռ չի շարժվում: Ծանր օրեր էր ապրում Արղուժյանը, բայց դեռ շարունակում էր հուսադրել մեկիքներին: Վերջիններս տեսնելով, որ գեներալ Պ. Պոտյոմկինի խոստումը չի կատարվում, նորից դիմում են Արղուժյանին, խնդրելով շտապեցնել ռուսաց զորքի արշավանքը: Միաժամանակ նրանք մի պատգամավոր են ուղարկում գեներալ Պ. Պոտյոմկինի մոտ՝ հայտնելու, որ արշավելու համար ժամանակը շատ հարմար է և որ իրենք պատրաստ են հինգ հազար ձիավոր և հետևակ ընտիր զինվորներ միացնել ռուսաց զորքին ու կարճ ժամանակով խորտակել Իբրահիմ խանի զորությունը: Իսկ պարենի համար պատգամավորը վստահեցնում է գեներալ Պոտյոմկինին, ասելով որ ռուսաց զորքը ոչ մի նեղություն չի քաշի, քանի որ հայերի մոտ մեծ պաշար կա ամբարձված:

Արղուժյանը Աստրախանից ուղևորվում է Ղլլար՝ գեներալ Պ. Պոտյոմկինի հետ անձամբ տեսնվելու համար, իսկ իշխան Գ. Պոտյոմկինին կամ ճշայոց խնամակալին, ինչպես սովորություն ուներ նա կոչելու իշխանին, մի քանի նամակներ է գրում, որոնցից մեկի մեջ, գրված 1784 թ. սեպտեմբերին, ի միջի այլոց կան հետևյալ տողերը. «Նորին (հայերին) ազատութիւն պատճառեցէք, ձերդ պայծառափայլութիւն, եղէք պատճառ, որ մեծ կայսրուհու սրբազնագոյն պատկերը դրօշմով Արարատի սրտում իբրև հուշարձան ամբողջ աշխարհի համար և թող անդադար բարբառեն բոլոր ազգերը, թէ սա



է հույերի փրկիչը, և փառաբանեն ձեր պայծառափայլութեան անունը յաւիտեանս:

Իշխան Պոտյոմկինը դիմելով Արղությանին ցանկություն է հայտնում, որ հայերի կողմից իր մոտ ուղարկվի Արեւյահայաստանի գործերին մոտիկից ծանոթ մի մարդ, իսկ էջմիածնի ընդհանրական կաթողիկոսի կողմից էլ պաշտոնական դիմում արվի ռուսաց արքունիքին: Համաձինս ոմն Ստեփան Դավթյանի գտնվում է մի այդպիսի մարդ, որը ուղևորվում է իշխանի մոտ, իսկ Ղուկաս կաթողիկոսի պես զգուշ հայրապետն էլ կատարում է նշված ցանկությունը:

Ռուսական զորքի առաջխաղացումը զանազան պատճառներով ուշանում է: Օգտվելով այդ հանգամանքից Անդրկովկասի տեղական խաները նորից զլուխ են բարձրացնում: Թուրքիան, այդ խաներին իր կողմը դրավելու նպատակով, սկսում է սիրաշահել նրանց: Միաժամանակ զլուխ են բարձրացնում նաև Կովկասի լեռնականները: Թիֆլիսում գտնվող ռուսական հրկու գումարտակի զրոթյունը կրիտիկական է դառնում:

Շուշվա Իբրահիմ խանը իր կուտակած ամբողջ զայրույթը թափում է հայերի գլխին, ինչպես որ ճիշտ գուշակել էին Ղարաբաղի հայ մելիքները: Խանը մելիքներից երեքին խաբեությամբ իր մոտ կանչելով, երկուսին բանտարկում է, իսկ երրորդին էլ աքսորում Պարսկաստան: Ապա խանը կողոպտում է Ղարաբաղի պատմական մեծ օջախը՝ Գանձասարի վանքը, իսկ Հովհաննես կաթողիկոսին էլ ձերբակալում, բերում Շուշի, բանտարկում ու վերջում էլ թունավորում: Այսպիսով երկարատև պատրաստություններից հետո վիժում է հայկական պետությունն ստեղծելու ծրագիրը:

## VIII

Ինչպես է անդրադառնում այս բոլորը հայրենասեր Հովսեփի Արղությանի վրա: Նա, իհարկե, խորապես ցավում ու վշտանում է, բայց չի ընկճվում և շարունակում է դարձյալ բանակցություններ վարել թե՛ իշխան Գ. Պոտյոմկինի և թե՛ գեներալ Պ. Պոտյոմկինի հետ և նույնիսկ հանձն է առնում անձամբ Ղարաբաղ գնալ ու տեղում անհրաժեշտ կարգադրություններ անել:

Տարիներ են անցնում. վրա է հասնում 1787 թվականը. ռուսաց հարաբերությունները Թուրքիայի հետ բարդանում են և հանգում պատերազմի: Բուրնաշովը հրաման է ստանում իր հրկու գումարտակով անմիջապես թողնել Թիֆլիսը ու Ռուսաստան վերա-

դառնալ: Անդրկովկասում ծանր դրություն է ստեղծվում, տեղական արյունալի խաների սանձարձակություններին չափ ու սահման չրկար, մանավանդ Ղարաբաղում, որը զրկվել էր իր մելիքներից: Թեպետ Շուշում բանտարկված հրկու մելիքներին հաջողվում է փախչել սկզբում Գանձակ, իսկ հետո Թիֆլիս, բայց ժողովուրդը անպատմելի զրկանքներ էր կրում:

Ցանկանալով մխիթարել ու հուսադրել Վրաստան ապավինած հրկու մելիքներին, 1788 թվի փետրվարին Արղությանը նրանց ուղղած նամակում խորհուրդ է տալիս դիմել իշխան Գ. Պոտյոմկինին, թե՛ դիտմաբ զխնամակալութիւն պայծառափայլութեան ձերոյ զոր յառաջ ունէիք առ մեզ, այնույուսով և մեք զհետ եկաք կամաց ձերոց, հաստատով ճշմարտութեան, որ ողորմած կայսրուհին ի ձեռն խնամակալիդ մերոյ կամեցաւ ժողովել զմեզ ի հեթանոսաց ընդ հովանեաւ խնամոց իւրոց... այժմ թողույն ձեր զմեզ ի ձեռաց, կոխան եղաք թշնամեաց, տարագիր ի հայրենեաց և իշխանութեանց և բաժանեալ ի յամենայն ընտանեաց և բարեկամաց իբրեւ զհաւ փրծեալ ի որսողաց, գիմեալ եմք առ նորին կայսերական բարձրութիւն զանձինս մեր միայն ապրեցուցանելով. իսկ բոլոր քրիստոնէութիւնն, որ ընդ ձեռամբ մերով էր, ի կորուստ մատնելով. վասն որոյ մեծաւ թախանձանօք ի խնամակալութենէ պայծառութեանդ, յիշեալ յառաջին այցելութեանդ և այժմուս տառապանքն մեր փոխանակ, հանգստութեան և այց արա մեզ փրկել զայնքան բաղձութիւն քրիստոնէից, որք ի նանիր կրեն տառապանս և իզուր արքեանս զբաժակ բարկութեան թըշնամեացն ձերոց անցանի առ մեզ, եթէ ոչ յառնէք թթութեամբ և ոչ հասանէք մեզ յօգն ի կարճ միջոցի, ոչ թէ մեք միայն, այլ և ազգն մեր և Երկիրս Վրաց հանկուցին ի յետին տառապանս, զի որպէս շուրջ եղեալ թշնամիքն միաբանեալ ընդ միմեանս՝ պատրաստին բառնալ ի միջոյ զքրիստոնեայս մերո:

Հովսեփի Արղությանը դեռ ամեն բան կորած չէր համարում: Ռուս-թուրքական երկրորդ պատերազմի ժամանակ գտնվելով իշխան Գ. Պոտյոմկինի բանակում, նա շարունակ հայկական պետականության վերականգնման միտքն է արծարծում և այդ ուղղությամբ ծրագրեր կազմում, առաջարկություններ անում: Նա կազմում է այն դաշնադրության ընագիրը, որ պիտի կնքվեր Ռուսաստանի և նոր ստեղծվելիք հայկական պետության միջև. այստեղ մանրամասն հիշատակված էր, թե ինչպիսի հարաբերություններ պիտի պահպանվեն հրկու պետություն-



ների միջև, որքան պետք է լինի հայոց զորքի թիվը՝ արտաքին թշնամիներից պաշտպանվելու համար, ինչպես պետք է անարգել առևտուր կատարվի երկու երկրների միջև։ Նախատեսվում էր որ թագավորը հայ կամ ռուս լինի, միայն վերջին դեպքում նա պետք է հայադավանություն ընդուներ։ Ծնթողվում էր մայրաքաղաքը դարձնել Վաղարշապատը։

Դաշնադրության բովանդակությունը արժանանում է իշխան Գ. Պոտյոմկինի հավանությանը, որը, ինչպես մեկ անգամ էլ ասինք, ցանկություն ուներ բազմելու այս նոր ստեղծվելիք պետության գահի վրա, բայց, ինչպես տեսանք, նա 1791 թվին վախճանվեց։

## IX

Իշխան Գ. Պոտյոմկինի մահից հետո Եկատերինա Բ կայսրուհու պալատում սկսում է մեծ դեր խաղալ կոմս Պլատոն Զուբովը, որը Նուրնպես սիրահար էր մեծ ծրագրեր կազմելու, նույնիսկ Հնդկաստան արշավելու։

Բայց Անդրկովկասում մեկը մյուսից ավելի զարհուրելի դեպքեր էին տեղի ունենում. խաների սանձարձակություններին ավելանում է մի նոր աղետ. Իրանի նոր շահ Աղա Մահմադ խանը Անդրկովկաս է արշավում վրաց Հերակլ թագավորին պատժելու համար, որ դուրս էր եկել Պարսկաստանի գեր-իշխանության տակից ու Գիորգիևկի դաշնադրությամբ մտել Ռուսաստանի հովանավորության տակ։ Ավելորդ է հիշել այն գազանությունները, որ Աղա Մահմադ խանի զորքերը գործադրում էին ամենուրեք։ Ոչ մի դիմադրության չհանդիպելով, բռնակալը 1795 թվի սեպտեմբերին մտնում է Թիֆլիս ու այն ավերակների կույտի վերածում։ Վերադարձին տասը հազարից քվելի հայ ու վրացի գերիներ է տանում Պարսկաստան, մեծ մասամբ գեղանի աղջիկներ ու պատանիներ։

Թիֆլիսի ավերման ժամանակ Արղությանը գտնվում էր Գրիգորիոսյանում։ Այստեղից նա մի ցավակցական գրություն է գրում Հերակլին և հուսադրում Ռուսաստանից սպասվող մոտալուտ օգնությամբ։ Միևնույն ժամանակ Պլատոն Զուբովի ուղարկված զորավորելով Վրաստանի ու Հայաստանի ողբերգական կացության վրա, Արղությանը իր կողմից առաջարկում է Անդրկովկաս կատարելիք արշավանքը սկսել Դերբենդի ու Բազվի վրայով։

Այս անգամ ռուսաց արքունիքն ափելի տրագ է շարժվում։ Եկատերինա Բ կայսրուհին ընդունելով Արղությանի ծրագիրը և նկատի առնելով նախկինում նրա մատուցած անգր-նահատելի ծառայություններն ու լավատեղ-

յակությունը Անդրկովկասի դործերին, առաջարկում է ուղեկցել ռուսական բանակին դեպի Անդրկովկաս կատարելիք արշավանքի ընթացքում։ Բանակի հրամանատար է նշանակվում Պլատոն Զուբովի եղբայր Վալերիան Զուբովը, թեպետ Արղությանի ցանկությունն էր Սովորովյան տեսնել արշավող զորքերի գլուխն անցած։ Ջնայած իր հիվանդության, Արղությանը ոգևորված այն բանով, որ իր վաղուց փափայած իղձերը վերջապես պիտի կատարվեն, կայսրուհու առաջարկությունը ստանալուն պես մեկնում է Վ. Զուբովի մոտ, որը նրանից բազմազան տեղեկություններ է ստանում Անդրկովկասի դրության մասին։

Արշավանքը սկսվում է Արղությանի առաջարկած Դերբենդ—Բագու ուղղությամբ. 1796 թվի ամռանը ռուսները առանց որևէ արգելքի գրավում են Դերբենդն ու Բագուն։ Դերբենդը գրավելուց հետո Արղությանը ոգևորված մի կոշով դիմում է տեղացի հայերին, հիշեցնելով անցյալում նրանց կրած ծանր ու զարհուրելի տառապանքները մահմեդական իշխողների լծի տակ։ Այս կոշում նա գրում է. «...Այժմ ամենաբարձրալ Աստվածը լսեց ձեր աղոթքները, շնորհեց ձեր իր բարեբար հովանավորությունը, շարժեց ամենաողորմած կայսրուհու սիրտը՝ ձեր նեղիչների ձեռքից ազատելու և ձեր արտասուքները ցամաքեցնելու համար։ Ընդունելով ձեր իր մայրական հովանու և գալիստնի տակ, նա պիտի պահպանե ձեզ խաղաղության և հանգստության մեջ, ինչպես որ դուք եք ուզում։ Եվ այսպես, չքացավ խավարը, հեռացան ձեր նեղիչները, վերացան նրանց ուժը և քարքարոսական իշխանությունը քաջ պայծառափայլ կոմս Վալերիան Զուբովի միջոցով, որ մեր ազգի ճշմարիտ բարեբարն է, ինչպես դուք այս տեսաք իրապես։ Ուստի շնորհավորում եմ ձեր ազատությունը և շնորհակալություն եմ հայտնում Աստծուն, որ այս բանը տեղի ունեցավ առանց արյունահեղության և կորուստների՝ ձեր կողմից։ Հանձնարարում եմ առհասարակ բոլոր քաղաքացիներին և գյուղացիներին, քահանաներին և աշխարհականներին լինել զգույշ և, մոռացության տալով ձեր կրած բոլոր հարստահարությունները, անձնվիրաբար վերաբերվել կայսերական զառին և ձեզ ազատող կոմսի հրամաններին։ Քաղաքացիներ, ձեր ջանացողություններով ապացուցեք, որ կարող եք լինել արժանավոր քաղաքացիներ, թե պարապում եք արդար վաստակով և երկրագործությամբ. իսկ դուք, որ ունիք քաջ և պատերազմական ոգի, կարող եք ձեր քաջությունը ապացուցել ձեր հավատարմու-



թյունը և անձնվիրությունը, և այդպիսով արժանանալ կոմսի վստահության, որպիսովի նա, գոհ մնալով ձեր վարմունքից, զեկուցանեալ մասին նորին կայսերական մեծությանը։ Նվ աշխատեալ, դուք, որ ամբողջ հայ ազգից առաջինն եք, որ տեսաք փրկությունը և վաշելում եք նրան, աշխատեցեք լինել միաբան և գործով ապացուցեք ձեր անձնվիրությունն առաջին հրամանատարին և ձեր հավատարմության գործերը թող օրինակ լինեն մեր ազգի այն անդամների համար, որոնք նմանօրինակ ջերմեռանդությամբ սպասում են ցանկալի փրկության... Նվ գուցե, եթե հաճելի լինի Աստծոն, տեսնեմ իմ որդիներին, և այն Աստվածը, որ փրկել ու ուրախացրել է ձեզ, կփրկի և կուրախացնի մեր ազգի մընացած մասը և այլ ևս ձեզ չի մատնի մեր նեղիչների ձեռքը։ Թող բացվեն ձեզ համար երջանկության դռները և թող Ամենաբարձրը ձեր ալիքի և ալիքի ամրացնի ձեր զորավարի բազուկը և ինչպես բացված են Դերբենդի դռները, այնպես էլ բացվեն ձեր Հայաստանի դռները։

Այնուհետև Շամախու, Նուխու և Ղաթաբաղի խաները Արդուսյանի հորդորանքով, առանց որևէ դիմադրության, անձնատուր են լինում։ Պետք է այստեղ հիշել և այն մեծ ծառայությունը, որ Արդուսյանը այդ ժամանակ մատուցում է ռուսաց բանակին։ Արդուսյանը իր գրովություններով, երբեմն էլ անձամբ, հորդորում էր հայ գյուղացիներին հաց, ուտելիք մատակարարել ռուսաց բանակին։ Ժողովուրդը անտրտունը լսում էր իր հոգեւոր հովվին ու սայլերով պարենամթերք հասցնում ռուսաց բանակին, որի համար զորահրամանատարները ջերմ շնորհակալություն էին հայտնում Արդուսյանին։

Արդուսյանի ջանքերի շնորհիվ Գանձակին էլ առանց արյունահեղության հանձնվում է ռուսներին։

Ապա գլխավոր հրամանատարը մի ղորաբաժին է առանձնացնում Թիֆլիսի համար։ Արդուսյանը այս զորաբաժնի հետ մտնում է Թիֆլիս, որը մի տարի առաջ ավերվել էր Աղա Մահմադ խանի կողմից։ Բայց հանկարծ մի դեպք ի չիք է դարձնում բոլոր ձեռք բերված հաջողությունները։ 1796 թվի աշնանը Նկատերինա Բ կայսրուհին վախճանվում է, իսկ նրա հաջորդ, նոր կայսր, Պավլի հրամանով Անդրկովկասում գտնված բոլոր ռուս զորքերը շտապ կարգով կանչվում են Հյուսիսային Կովկաս։ Նվ այսպիսով ամբողջ Ան-

դրկովկասը նորից բախտի քահանայքին է մատնվում։ Նահանջող ռուս զորքերի հետ Դերբենդի կողմերից Ռուսաստան են գաղթում 500 հայ ընտանիք, որոնք Հյուսիսային Կովկասում հիմնում են Ս. Խաչ քաղաքը։

## X

Գանձակից Թիֆլիս անցնելով Արդուսյանը քաղաքը գտնում է բոլորովին ավերված վիճակում։ Նա մխիթարում է քաղաքացիներին և որոշ օժանդակություն է ցույց տալիս եկեղեցիները նորոգելու և իրենց կարիքները հագալու գործում։

Այնուհետև նա ուղևորվում է Պետերբուրգ, որ տեսնում է քաղաքական իրադրությունը բոլորովին փոխված. այլևս խոսք չէր լսվում հայկական քրիստոնյա պետություն ստեղծելու մասին։ Գանձակ ապավինած և ապա Թիֆլիսում բնակություն հաստատած հայ մեկիքները նույնպես հարց չեն բարձրացնում իրենց իշխանությունը Ղարաբաղում նորից վերահաստատելու մասին, այլ աշխատում են ժողովուրդին հանել Ղարաբաղից, գաղթեցնել Ռուսաստան ու այնտեղ շարունակել իրենց իշխանությունը։ Մեկիքներին հաջողվում է միայն ժողովուրդի մի մասին տեղավորել Ղազսիսում և նրա հարսից շրջաններում։

## XI

1797 թվին Աղա Մահմադ խանը նորից արշավանք է կազմակերպում դեպի Անդրկովկաս, ահ ու սարսափի մատնելով քրիստոնյա հայերին ու վրացիներին։ Արդուսյանը, որ Հովհաննես Լազարյանի շնորհիվ նորից հեղինակություն էր ձեռք բերել Պավլի կայսրի արքունիքում, աշխատում է համոզել, որ ռուսաց օժանդակ զորքեր մտցվեն վրաստան, բայց սկզբում հաջողություն չի ունենում։ Աղա Մահմադ խանը այդ նույն թվին էլ սպանվում է Շուշում, բայց երաշտն ու ժանտախտը սարսափելի ավերումներ են պատճառում երկրին։ Հաջորդ 1798 թվին վախճանվում է վրաց ժերոնի Հերակլ Խազավորը, որի մահվանից հետո քահանաառանգության համար երկպառակություն է առաջանում վրաց արքունիքում։ Թագավորական գահը ժառանգում է հիվանդոտ Գիորգին, որը նույնպես իր երկրի փրկությունը տեսնում էր միայն Ռուսաստանի օգնության



մեջ, մանավանդ այն բանից հետո, երբ Պարսկաստանի նոր տեր Ֆաթի-Ալի շահի ուղարկած դեսպանները նրանից պահանջում էին ոչնչացնել Գիորգիեական դաշնադրությունը և Պարսկաստանին ենթարկվել: Գիորգիե օգնության է կանչում Ռուսաստանին և այս անգամ Պավել կայսրը որոշում է ռուսական զորք մտցնել Վրաստան: Արդյունքում ջանք էր խնայում արագացնելու այդ օգնությունը և վերջապես միայն 1799 թվի սկզբին ռուսական մի գունդ մտնում է Թիֆլիս: Մի տարի անց վախճանվում է Գիորգի թագավորը և հենց այդ ժամանակ էլ, 1800 թվի դեկտեմբերին, Վրաստանը միանում է Ռուսաստանին, կազմելով նրա բաղկացուցիչ մասը:

## XII

1799 թվի դեկտեմբերի վերջերին էջմիածնում վախճանվում է Ղուկաս կաթողիկոսը: Հուղարկավորությունից հետո, ըստ այն ժամանակվա սովորության, Մայր Աթոռի միաբանությունն անմիջապես ժողով է գումարում՝ կաթողիկոսական թեմաները առաջադրելու համար: Ընտրելիներ են հայտարարվում Կ. Պոլսի Դանիել պատրիարքը և Ռուսաստանի նվիրակ Եփրեմ արքեպիսկոպոսը: Էջմիածնում պատշաճ գրություն է պատրաստվում Կ. Պոլսի ամիրանների անունով, որի մեջ խնդրվում էր առաջարկված թեմաներից մեկին կաթողիկոս ընտրել և նրա հաստատության համար թուրքաց կառավարությունից հրովարտակ ստանալ: Այս գրությունը Դավիթ եպիսկոպոսի միջոցով ուղարկվում է Կ. Պոլիս:

Բայց ի՞նչպես է պատահում, որ էջմիածնի միաբանությունը կաթողիկոսական թեմաների ցանկի մեջ չի մտցնում իր ժամանակի ամենանշանավոր հոգևորականին՝ Հովսեփ արքեպիսկոպոսին: Մայր Աթոռի միաբանությանը շատ լավ հայտնի էր Արդյունքի բեղմնավոր գործունեությունը Ռուսաստանում և նրա մասնակցությունը ռուսների անդրկովկասյան արշավանքներին: Թուրքաց ու պարսից կառավարություններին և Անդրկովկասի խաներին շատ լավ հայտնի էր Արդյունքի անչափ ռուսասիրությունը ու Ռուսաստանին նվիրված լինելը, նրա շահերին ծառայելու պատրաստակամությունը: Հայ ժողովուրդը համարյա ամբողջությամբ ապրում էր այդ երկու մահմեդական պետությունների տիրապետության տակ: Արդ ինչ պատիժ կլիներ Մայր Աթոռի միաբանների և

ամբողջ հայ ժողովրդի համար, ի՞նչ Արդյունքանի նման մի անձնավորություն կաթողիկոս ընտրվեր ու բազմեր էջմիածնում, որը գտնվում էր պարսից տիրապետության տակ և անմիջապես ենթարկվում էր նրանի բռնակալ սարդարին: Այսպես էր մտածում էջմիածնի միաբանությունը և այդ պատճառով էլ ընդհանուր ազգի շահերի համար լինասակար համարում Արդյունքանի կաթողիկոսությունը: Բազմադարյան դառը փորձը սովորեցրել էր զգույշ քաղաքականություն վարել՝ տիրողների ավելորդ բռնություններից խուսափած լինելու համար:

Սակայն հանգամանքներն այնպես են դասավորվում, որ Մայր Աթոռի միաբանությունը ստիպված է լինում իր կամքին հակառակ ուղղություն վերցնել: Հենց որ Թիֆլիսում իմանում են Ղուկաս կաթողիկոսի մահվան և Դանիելին ու Եփրեմին ընտրելիների ցուցակի մեջ մտցնելու և այդ առթիվ Կ. Պոլիս առանձին գրություն ուղարկելու մասին, իսկույն տեղի ազդեցիկ հայերը էջմիածնի միաբանությունը հայտնում են, որ իրենց միակ ընտրելին Արդյունքան է: Գործն ավելի է բարդանում, երբ վրաց Գիորգի թագավորը, Հովսեփ արքեպիսկոպոսի բարեկամն ու կողմնակիցը, կտրուկ կեղտով պահանջում է էջմիածնի միաբանությունից անպատճառ Արդյունքանին կաթողիկոս ընտրել և իր պահանջին ույժ տված լինելու համար էլ մի շարք սպառնալիքներ է կարդում: Հովսեփի ընտրությանը կողմնակից էր նաև Թիֆլիսում գտնվող ռուս զորքի հրամանատարը, որը իր այս ցանկության մասին տեղեկացնում է էջմիածնի միաբանությանը: Այս բոլոր պահանջների առաջ տեղի տալով, միաբանությունը նոր ժողով է գումարում և Եփրեմի փոխարեն առաջադրում Արդյունքանի թեմաներին: Իսկույն այս մասին նոր գրություն է ուղարկվում սուրհանդակ Դավիթ եպիսկոպոսին, որ շտապ Կ. Պոլիս հասցնի:

## XIII

Արդյունքանը ինքն էլ մեծ փափագ ուներ կաթողիկոս դառնալու: Հայտնի էր նրա անշափ փառասիրությունը, սակայն, մյուս կողմից էլ կաթողիկոսանալով նա շատ բաներից չէր հրաժարվեր: 27 տարի Ռուսաստանում գործելով նա միջև իսկ արժանացել էր իշխանական տիտղոսի. նա ցանկալի հյուր էր ինչպես Եկատերինա Բ կայսրուհու ու Պավել կայսրի, այնպես էլ արքունի բոլոր մեծամեծների, բարձրաստիճան պալատական-



ների, զորավարների ու աշուղ մոտ. շատ մարտերում հարաբերության մեջ էր գտնվում ոռոս բարձրաստիճան հոգևորականության հետ, ապրում էր իշխանավայել կերպով և հաճախ իր մոտ, որպես հյուր, ընդունում ամենաերեւելի անձանց. իշխան Գ. Պոտյոմկինը սիրում էր հաճախ այցելել Արղուսյանին ու նրա հետ միասին ճաշել. Արղուսյանի խոսքը ծանրակշիռ նշանակություն ուներ ոռոսաց արքունիքում: Մի խոսքով Արղուսյանը վայելում էր այն բոլորը, ինչ որ մի բարձրաստիճան անձնավորություն կարող էր ակնկալել կյանքից:

Իսկ ի՞նչ էր սպասում նրան էջմիածնում, մի աղքատ ու կողոպտված վանք, խեղճ ու ահաբեկված միաբնակություն, աղքատության ծայր աստիճանին հասած, խավարի մեջ խարխալող, թշվառ ժողովուրդ, իսկ որ ամենադիսավորն էր, մի բռնակալ ու ընչաքաղց իշխող, հանձինս Նրեանի սարգարի, որը որպեսի ազդեցության տակ կարող էր կաթողիկոսին նույնիսկ մահ սպառնալ, ինչպես այդ տեղի ունեցավ մեր նկարագրած ժամանակից մի քանի տարի հետո Դանիել կաթողիկոսի հետ, որը մահմեդական մի տոհմի առթիվ ոռոսական շքանշանով սարգարին ներկայանալու համար խիստ նկատողություն է ստանում վերջինիս կողմից. սարգարը սպառնում է երկրորդ անգամ նման շքանշանով ներկայանալու դեպքում շքանշանի ժապավենով խեղդել նրան: Արդ ի՞նչն էր գրավում Արղուսյանին իր վարած փառավոր կյանքից հետո ըմպել դառնության այս բաժակը: Միայն փառասիրությամբ չի կարող բացատրվել այս: Մեզ թվում է, որ նա հանուն ավելի վեհ նպատակների համար էր ձգտում կաթողիկոսության: 27 տարվա նրա գործունեության առաջնային կազմել է հայ ժողովրդին դառն, անտանելի վիճակից հանելու ջերմ փառագր: Հանձն առնելով կրել կաթողիկոսական ծանր լուծը, նա մահմեդական իշխողների հետ ունենալիք փոխհարաբերությունների ժամանակ անշուշտ միշտ պետք է հենվել ոռոսաց օգնության վրա, ոռոս կառավարության հեղինակավոր ձայնի վրա, որով թերևս հույս ուներ առժամանակ սանձելու Նրեանի սարգարին, իր անմիջական իշխանավորին, ինչպես և մյուս մահմեդական իշխողներին, մինչև որ պայմանները բարենդալաստ կդասավորվեին Արարատյան աշխարհը ոռոսաց գործի մոտքն արագացնելու համար, որի համար նա տքնել էր տասնյակ

տարիներ: Նա գեռ ծեր չէր, ընդամենը 57 տարեկան էր և կաթողիկոս դառնալով, դեռ շատ բան կարող էր անել այս ուղղությամբ:

## XXV

էջմիածնի միաբանները, լավ ճանաչելով Արղուսյանի բնավորությունը և երկյուղ կրելով, որ նա ապագայում կարող է իրենց ներկատմամբ խստություններ գործադրել առաջին ժողովում կաթողիկոսական թեմականության ցանկի մեջ իր անունը չմտցնելու համար, բացատրական նամակներ են ուղղում նրան, որոնք ըստ Օրմանյանի ճառի Յովսէփը ընտրութենէն հրաժարելու, քան թէ կաթողիկոսութիւնը ընդունելու կը յորդորենաւ Այդ նամակներով աշխատում են սարսեցնել Արղուսյանին, նրա ուշադրությունը հրավիրելով սպասվող վտանգի վրա: Այս առթիվ Օրմանյանը գրում է. «...դիտել կուտան, թէ ազգն մեր ըստ մեծի մասին է այժմ ընդ գաւազանաւ տէրութեան Օսմանցոց, և տաւրախտ մասն Հայաստան աշխարհի ընդ խիստ իշխանութեամբ Պարսիցո: Ուստի կ'ըսեն, թէ չունիս կասկած վտանգի առ ամենաազնիւ անձն քո, և առ սուրբ տունս, և առ ազգ մեր, հրամայեսցես եկեսցես ի սուրբ աթոռս ի կաթողիկոսութիւն», բայց կ'եզրակացնեն, որ «թէ երկիցս ի պատճառացն յիշատակելոց, թէ վտանգ լինիցի շքեղափառ անձինդ, և սրբոյ աթոռոյս, և ազգի մերում, և չը կամիցես գալ, առ այն ոչ կամեմք ձեզ լինել մեղադիրս»:

Արղուսյանը, անկախ նրանից, որ էջմիածնի երկրորդ ժողովում արդեն առաջադրվել էր իր թեմականությունը, ինքն էլ իր հերթին աշխատում էր, որպեսզի Կ. Պոլսի պատրիարքարանում ու ընտրող ամիրանների շրջանում իր օգտին տրամադրություն ստեղծվի. այս նպատակով նա բազմաթիվ նամակներ է գրում և ուղարկում Կ. Պոլսի Բացի այդ դիմում է ոռոսաց արքունիքի օգնությանը. վերջինս, իր ապագա նպատակների համար անհրաժեշտ համարելով Արղուսյանի կաթողիկոս ընտրվելը, Կ. Պոլսի իր դեսպանի միջոցով թուրքաց կառավարությանը տեղեկացնում է, որ ինքը կցանկանար, որպեսզի Կ. Պոլսի հայերը կաթողիկոս ընտրվեն Արղուսյանին: Սա առաջին դեպքն էր, որ ոռոսաց կառավարությունը, միջամտություն էր հանդես բերում կաթողիկոսական ընտրության հարցում: Թուրքաց կառավարությունը սիրով կատարում է ոռոսաց դեսպանի առաջարկը. նա գիտեր թե ինչ ե-

դանակով կարող է ազդել մայրաքաղաքի հայերի վրա. Արդուժյանի հակառակորդներին ու մանց բանտարկում, ումանց աքսորում, իսկ մնացածներին էլ ահաբեկելով հաջողեցնում է նրա ընտրությունը մայրաքաղաքում և իր կողմից էլ հաստատման հրովարտակ է տալիս ուսաց դեսպանին՝ ընտրյալին հանձնելու համար:

## XY

Մնում էր, որ Արդուժյանը էջմիածին ուղեւորվեր, բայց նա դեռ Պետերբուրգում բավականին ուշանում է: 1800 թվի օգոստոսին նա հրաժեշտ է տալիս Պավել կայսրին ու մեկնում մայրաքաղաքից: Ճանապարհին նա կտնդ է առնում Մոսկվայում և Նոր-Նախիջևանում ու սեպտեմբերին Աստրախան հասնելով, այստեղ մնում է մոտ երեք ամիս՝ էջմիածնի միաբանները դրոմ, աղերսում են նրան աճապարել շուտ տեղ հասնել, քանի որ Մայր Աթոռը տասը ամիս շարունակ անտեբուժ էր մնացել:

Դեկտեմբերի կեսերին դուրս գալով Աստրախանից, Արդուժյանը հասնում է Ղզլար և ապա այստեղից, հարյուր կազակի ուղեկցությամբ, Կովկասյան լեռների վրայից անցնելով 1801 թվի փետրվարի 11-ին հասնում է Թիֆլիս, ուր նրան մեծ օւ փառահեղ ընդունելություն է ցույց տրվում:

Հաջորդ օրը Թիֆլիս են հասնում էջմիածնից ուղարկված չորս հրավիրակները, որոնք նորընտիր կաթողիկոսին ներկայանալով, նրան հրավիրում են էջմիածին ս. օծումն ընդունելու և լուսավորչի գահի վրա բազմելու:

Փետրվարի 17-ին Արդուժյանը մեծ հանդիսավորությամբ պատարագ է մատուցանում Վանքի ավագ եկեղեցում՝ վրաց ալրի թագուհու, վրաց իշխանների, վրաց կաթողիկոս Անտոնի (Հերակլի որդին), ռուս հրամանատարների, սպաների, հայ երեւելիների ու խուռն բազմության ներկայությամբ: Պատարագից հետո ընթերցում է Պավել կայսրի

հրովարտակը Վրաստանի միացման մասին ու հորդոր կարդում սիրով ապավինել ուսաց կայսրությանը, որի հովանու տակ բոլորն էլ կարող են ապրել խաղաղ ու ապահով:

Այնուհետև Արդուժյանը պատրաստվում է էջմիածին ուղևորվել: Գնալուց առաջ ցանկություն է հայտնում Թիֆլիսի հռչակավոր հանքային ջրերի բաղնիսներից մեկում լողանալու Գիորգի թագավորի ալրի թագուհին իր արքայական բաղնիսը դնում է նրա տրամադրության տակ: Արդուժյանը սովորակա՞նից մի քիչ ավելի է մնում բաղնիսում և լողանալուց հետո էլ, հարգելով թագուհու հրավերը, գնում է նրա մոտ թեյ խմելու: Թագուհուն հրաժեշտ տալուց հետո գնում է իր եղբոր որդու՝ իշխան Սողոմոն Արդուժյանի տունը, որտեղ և նույն գիշերը հիվանդանում է: Հիվանդությունը գնալով սաստկանում է և 1801 թվի մարտի 9-ի գիշերը Արդուժյանը վախճանվում է, նախապես կարգադրություն անելով, որ իր մարմինը տանեն էջմիածին ու իր ուսուցիչ Սիմեոն կաթողիկոսի կողքին թաղեն, որ և հետագայում կատարվում է:

Այսպիսի անակնկալ վախճան է ունենում այն մարդը, որը ջերմ փափագ ունի հայության տական գահի վրա բազմելու և, ո՞վ գիտե, Հայ եկեղեցու գլուխ գտնվելով, ի՞նչ մտադրություններ ու ցանկություններ ունեւր նա թե՛ Մայր Աթոռի դիրքն ու պատիվը բարձրացնելու, հեղինակավոր դարձնելու և թե՛ մանավանդ մահմեդական ծանր լծի տակ հեծող թշվառ հայ ժողովրդի վիճակը Ռուսաստանի աշակցությամբ բարվոքելու:

Բայց այն, ինչ որ կատարեց նա, միանգամայն իրավունք է տալիս նրան մեր անցյալի խոշոր գործիչների շարքը դասելու. նրա ամբողջ գործունեությունը մի նպատակ է հետապնդել՝ հայ ժողովրդի բարօրությունը, իսկ հասարակական աճին մի անկեղծ հայ գործչի համար սա է ամենակարևորը:

Աղբյուրներ.—

Մ. Օրմանեան.— Աղգապատում:

Լևո.— Հայոց պատմություն, երրորդ հատոր:

ԼԵՕ.— Հովսեփ կաթողիկոս Արդուժյան:







Մ. ՏԵՐ-ԴԱՆԻԵԼՅԱՆ

## ԲԱՂԴԱՍԱՐ ՄԵՏՐՈՊՈԼԻՏ

Բոլոր դարերում էլ հայ վանքերը բազմաթիվ անձնավեր եկեղեցականներ են տվել, որոնց թվում իր պատվավոր տեղն է գրավում Հասան-Ջալալյան Բաղդասար մետրոպոլիտը:

Բաղդասար մետրոպոլիտը պատմագիր չէ և ոչ էլ գիտուն-աստվածաբան, նա նույնիսկ բավականաչափ ուսում էլ չի ունեցել. Բաղդասարը իր սկզբնական կրթությունը ստացել է Գանձասարի վանքում, իսկ աթոռահետև մի որոշ ժամանակ Թիֆլիսում աշակերտել է Սերովքե Պատկանյանին. այստեղ նա ուսումնասիրել է քերականություն, ճարտասանություն, Ս. Գիրք, կրոն և ահա այս է եղել նրա ամբողջ գիտական պաշարը: Սակայն դրա փոխարեն Բաղդասարը օժտված է եղել ուրիշ ախպիսի հատկություններով, որ հաճախ պակսում էր շատ ուսումնականների:

Նա բնածին տաղանդի, աննկուն ու անհողողող կամքի տեր և նպատակին համառությամբ ձգտող մի անձնավորություն էր: Հայտնի պատմաբան Լեոն, որ Ղարաբաղի հայոց հոգևոր թեմական դպրոցի պատմությունը գրելու ժամանակ արխիվային տվյալների հիման վրա մանրակրկիտ կերպով ուսումնասիրել էր այդ դպրոցի հիմնադիր Բաղդասար մետրոպոլիտի կյանքը, նրան անվանում է «նշանաւոր հոգևորական գործիչ», «ինքնուրույն, համարյա նմանը չունեցող մի դէմք»<sup>\*)</sup>:

Ի հարկե Հայ եկեղեցւոյ Բաղդասարի նըման, ազգի ու եկեղեցու առաջնորդության նախանձախնդիր հոգևորականներ շատ է ունեցել, բայց դրանց շարքում հետին տեղը չի գրավել նա:

Բաղդասարը ծնվել է 1775 թվին յ մինչև իր մետրոպոլիտությունը շատ անցուդարձերի է վկա եղել: Երբ Ղարաբաղում ծայր է առնում ազատագրական շարժումը և հայերը իրենց հայաքցներն ուղղում են դեպի Պետերբուրգ, այնտեղից սպասելով իրենց փրկությունը, Աղվանից կաթողիկոսության ա-

թոռանիստ վայր Գանձասարի վանքն էլ վերածվում է հայերի ազատագրական շարժման հրահրման և ուսաց արթունքի հետ բարեկամական հարաբերությունների մշակման կենտրոնի: Գանձասարի վանքը հանդիսացել է Հասան-Ջալալյանների հայրենի օջախը և Աղվանից կաթողիկոսության գահի վրա բազմել են ժառանգաբար այս նշանավոր տոհմի ներկայացուցիչները: Հասան-Ջալալյան տոհմը տվել է անվեհեր ու հայրենասեր եկեղեցականներ, որոնք հայ ժողովրդի ազատագրությունը պարսկական-խանական լծից հնարավոր են համարել միայն ու միայն ուսա մեծահոգի ժողովրդի միջոցով և այդ իսկ պատճառով էլ յարիններ շարունակ գաղտնի դիվանագիտական հարաբերությունների մեջ են գտնվել ուսաց արթունքի հետ: Աղվանից կաթողիկոսների ուսական օրինատացիայի հետևանքով առաջացած խանական հալածանքների միայն վերջին տարիների դեպքերին է ախանատես լինում պատանի Բաղդասարը:

Երիցմանկանց հակաթոռ կաթողիկոս Իսրայելի դավաճանության շնորհիվ Իբրահիմ խանի մարդիկ ձերբակալում են Գանձասարի Հասան-Ջալալյան Հովհաննես կաթողիկոսին, իբրև ուսանների հետ գաղտնի հարաբերության մեջ մտած մեկի, և տանում Շուշի, ուր խանի հրամանով նա բանտ է նետվում: Այստեղ էլ, դարձյալ խանի հրամանով նրան սպանում են, թույլ խմացնելով: Այսպիսով տասներեքամյա պատանի Բաղդասարը ախանատես է լինում իր հորեղբոր, Գանձասարի կաթողիկոսների ականավոր ներկայացուցիչներից մեկի, եղբրական մահվանը:

Պարզ է, որ մի այսպիսի քսոմենելի եղևնանագործություն չէր կարող ցնցող տպավորություն չթողնել նրա մատաղ սրտի վրա և խորապես զգացնել տուլ, թե ինչ է նշանակում պարսկական լուծ, խանական իշխանություն:

Ըստ տրագիցիայի, Հովհաննես կաթողիկոսից հետո, Աղվանից կաթողիկոսության թափուր աթոռի վրա պիտի բազմեր նրա եղբայրը՝ Սարգիս: Եպիսկոպոսը, Սակայն, Իբ-

<sup>\*)</sup> Լէօ.— Պատմութիւն Ղարաբաղի Հայոց Հոգևոր Թեմական Դպրոցի, էջ 98:



րահիմ խանը, Ղարաբաղի այս հոգեհառ իշխանավորը, որ Հասան-Ջալալյանների տոհմի եկեղեցականներին իր անհաշտ թշնամիներն էր համարում, նրանց ռուսասիրության համար, չի դադարեցնում իր հալածախնայանքը Հովհաննես կաթողիկոսի սպանությունից հետո: Սարգիս եպիսկոպոսը բացառություն կազմել չէր կարող և նա ևս շուտով ճաշակում է խանի հարուցած հալածախնայանքի պտուղը: Բանն ախտեղ է հասնում, որ Սարգիս եպիսկոպոսը, ղկարողանալով այլևս տանել անընդհատ տեղացող հարվածները, Գանձասարի հարստության դեռ ևս չկողոպտված մասը թագցնում է ե մի ամպուտ օր, 1791 թվին Գանձակ փախչում, իր հետ տանելով յուրայիններին, որոնց թվում և իր եղբորորդի Բաղդասարին: Գանձակում այդ ժամանակ իշխում էր Իբրահիմ խանի հակառակորդ Ջավադ խանը:

Փախուստը կազմակերպում է նահատակված Հովհաննես կաթողիկոսի, ինչպես և Սարգսի, քրոջ որդի, Իբրահիմ խանի թակարդից—Շուշվա բանտից փախած, անվահեր մելիք Մեծյումը, փախուստի իրագործումը հանձնելով իր քաջ զինակից Թյուլի Արզումանին:

Հասան-Ջալալյան Մելիք-բեկը ունեցել է ութ որդի. դրանցից մեկը Հովհաննես կաթողիկոսն էր, որին, ինչպես տեսանք, Իբրահիմ խանի հրամանով թոճասպան արին բանտում. մյուսը՝ Գանձակ ապաստանած Սարգիս եպիսկոպոսն էր, երրորդը՝ գավաճան Ալլահ-Կուլի-բեկը, որն իր դավաճանության համար արժանի պատիժ կրեց—հայերը կտրեցին նրա գլուխը և մարմինն էլ անհետացրին: Մնացած հինգ որդիներից երկուսը՝ Ջալալ-բեկին ու Դանիել-բեկը, որը ավանդից կրտսերն էր, զոհ գնան իր դարձյալ Իբրահիմ խանի զազանությունը:

Գանձակ փախչելուց հետո Սարգիս եպիսկոպոսը միջոցներ է ձեռք առնում Գանձասարում թագցված հարստությունը կորստից ազատելու և այն Գանձակ տեղավիտելու համար: Ահա հենց այս նպատակն իրագործելու ճանապարհին էլ Ջալալ-բեկը և Բաղդասարի հայր Դանիել-բեկը ընկնում են Իբրահիմ խանի ձեռքը: Սրանցից Ջալալ-բեկին գլխատում են, իսկ Դանիել-բեկին էլ մի քանի օր բանտում պահելուց հետո հանում և մաս-մաս կտրատում են:

Այսպիսով, դեռ 16 տարեկան հասակում, Բաղդասարը լիովին ճաշակում է պարսկական-խանական բռնակալության բոլոր բարիքները, մինչև մահ չմոռանալով իր դժբախտ հոր սոսկալի վախճանը:

Գանձակ ապաստանած մելիք Մեծյումը և մելիք Արովը որոշում են Սարգիս ե-

պիսկոպոսին կաթողիկոս օծել տալ, որպեսզի Աղվանից կաթողիկոսական աթոռը թափուր չմնա նախ և երկրորդ կանխվի Իբրահիմ խանի հովանավորությունը վայելող երկու հակաթոռ կաթողիկոսների, Ամարասի վանքում նստող Իսրայելի և Երեմանկանց վանքում նստող Սիմեոնի, աղբյուրության տարածումը Ղարաբաղում: Այս որոշումն իրագործվում է 1794 թվին Գանձակում:

Կաթողիկոս օծվելուց շուրս տարի հետո, 1798 թվին, Գանձակի Ս. Հովհաննես եկեղեցում Սարգիս կաթողիկոսը իր եղբոր որդի, իր դաժնություններին մատնակից ու իրենից անբաժան Բաղդասարին, որն այդ ժամանակ 23 տարեկան երիտասարդ էր փարկավազի աստիճանով, վարդապետ է օծում:

Բաղդասարի Գանձակ ապաստանելուց հետո Ղարաբաղը մեծ փորձությունների է ենթարկվում: 1795 թվին Աղա Մահմադ խանը 45 հազար զորքով Ղարաբաղ է մտնում և մորեխի նման ամեն ինչ խժռելով ու երկրի հյուսիսը քամելով աղբյուրով մինչև Թիֆլիս. այստեղ քաղաքը հիմնովին կործանելուց, բնակչությունը սրածության ենթարկելուց հետո նա նորից Պարսկաստան է վերադառնում, իր հետ բազմաթիվ զինքներ տանելով: Բայց երկու տարի անց ներքինի այս շահի երկրորդ արշավանքն է տեղի ունենում: 1797 թվին նա գալիս, գրավում է Շուշին և բռնակալներին հատուկ դաժանությամբ ավերածություններ ու խժոժություններ գործում: Շուշուց նա սպանակիչներով լի ֆերմանհրովարտակ է ուղարկում վրաց թագավոր Հերակլին, որտեղ ասվում էր.— «Այսպես է մերին մեծության հրամանը Վրաստանի գերագույն վալի էրակլե խանին: Թող բարձրանա քո անունը մեր արքայական բարեհաճությամբ: Այսպես էլ իմացիր, որ ռուսների պարապմունքն ու կյանքը վաճառականությունն է, մահուդ առնել-ծախելը. երբեք ոչ ոք չի տեսել, որ նրանք թուր, հիզակ կամ այլ զենք գործածեն: Նրանք հանդգնել են մեր գրաված երկրի սահմանները մտնել: Մեր բարձր խելքով վճռել ենք նրանց պատժել ու ոչնչացնել... Մեր այս ֆերմանը քեզ կպարզաբանե, որ մեր արքայական դռները բաց են քո ցանկությունների համար և մեր արքայական ցանկության համաձայն դու պետք է ծառայես մեզ. կամ դու, կամ քո որդիներից մեկը կատարյալ հուսով ու վրաստանությամբ պետք է գաք մեր արքայական դուռը և մեր բազմաշխիս շնորհներն ստանաք. եթե մերժես մեր հրամանը, թող քո կամքը լինի»<sup>\*)</sup>:

<sup>\*)</sup> Г. Кикодзе.—Ираклий, II, էջ 77.



Այսինքն սպառնում էր կրկնել այն, ինչ որ տեղի էր ունեցել 1795 թվին:

Սակայն Ադա Մահմադ խանի սպառնալիքն անկատար է մնում, որովհետև նա Շուշում սպանվում է իր մարդկանց ձեռքով: Ադա Մահմադ խանի այս երկրորդ արշավանքը, ավելի քան առաջինը, աղետաբեր հանդիսացավ Ղարաբաղի համար. արշավանքի հետևանքով ժողովուրդը զրկվել էր դաշտային աշխատանքներով զբաղվելու հնարավորությունից. մյուս կողմից էլ դրան աւելացավ 1797-ի երաշտը, որ խանձեց ու շորացրեց ամեն ինչ, իսկ հաջորդ տարում վրա հասավ նաև ժանտախտը:

«60 հազար տուն հայ բնակիչներ ունեցող Ղարաբաղը համարեա թէ դատարկուեցաւ»<sup>\*)</sup> Մայր աղուսը դադթականությունը. գաղթականների մի խոշոր հատված ապաստանեց Վրաստան: Այնքան մեծ էր Ղարաբաղից Վրաստան գաղթած հայերի թիվը, որ Վրաստանի իշխան Գիորգիին միջնորդություն է հարուցում էջմիածնի կաթողիկոսության առաջ, որպեսզի Սարգիս կաթողիկոսը Վրաստան գաղթած հայերի առաջնորդ նշանակվի: Ղոսկաս կաթողիկոսը սկզբում մերժում է, բայց հետո համաձայնում է մի պայմանով, որ Սարգիսն անձամբ էջմիածին գնա և հավաստիացնի, որ լիովին ենթարկվելու է Ամենայն Հայոց կաթողիկոսությանը, որից հետո միայն հնարավոր կլինի նրան հանձնել Վրաստանի հայերի առաջնորդության պաշտոնը:

Սարգիսն ընդունում է այս պայմանը և Բաղդասար վարդապետի հետ ուղևորվում էջմիածին. այստեղ, Ղոսկաս կաթողիկոսի կողմից նա հաստատվում է Հաղբատի վանքի վանահայրության և Վրաստան գաղթած հայերի առաջնորդության պաշտոններում:

Հետագայում, երբ Իբրահիմ խանի սպանության հետևանքով բարեպատեհ պայմաններ են ստեղծվում, Արագիս կաթողիկոսը, երկար տարիների ակամա բացակայությունից հետո, նորից վերադառնում է Գանձա. ար:

1815 թվին էջմիածնի Հոգևոր կառավարությունը Սարգիսն հարկադրում է հրաժարվել «Աղվանից կաթողիկոս» տիտղոսից, որից հետո նրան տալիս է արքեպիսկոպոսության աստիճան և նշանակում Գանձասարի մետրոպոլիտ:

Սարգիս մետրոպոլիտին շարունակ զբաղեցնում էր այն միտքը, թե ո՞վ պետք է լինի իր հաջորդը. նրա միակ հույսը երիտասարդ վարդապետ Բաղդասարն էր, որն արդեն ցույց էր տվել, թե փնչալիս ընդունա-

կությունների տեր է, և ահա Սարգիսը Բաղդասարին էջմիածին է ուղարկում եպիսկոպոս ձեռնադրվելու համար:

Բաղդասար մետրոպոլիտը մեկնում է էջմիածին և 1820 թվին նվերեմ կաթողիկոսի ձեռքով եպիսկոպոս ձեռնադրվում. այնուհետև Գանձասար վերադառնալով մետրոպոլիտության ամբողջ գործը գրեթե ինքն էր վարում, Սարգսի ծերացած լինելու հետևանքով:

Բ

Աղվանից վերջին կաթողիկոս և առաջին մետրոպոլիտ Սարգիս արքեպիսկոպոս Հասան-Ջալալյանը մահանում է 1828 թվին: Նրա մահվանից հետո Գանձասարի մետրոպոլիտության աթոռը երկու տարի թափուր է մնում, մինչև որ Ղարաբաղի մեկնների է ժողովրդի խնդրանք էջմիածնի կաթողիկոսը մետրոպոլիտ է կարգում Բաղդասար եպիսկոպոսին: Ահա հենց այս ժամանակվանից էլ սկսվում է Բաղդասար եպիսկոպոսի եռանդուն գործունեությունը:

Բաղդասար եպիսկոպոսի մետրոպոլիտության ժամանակաշրջանը զուգահեռաց հայ ժողովրդի դարավոր բաղձանքին: Դեռ Պետրոս Մեծի ժամանակից սկսած հայ ժողովրդի բաղձանքն է եղել ազատագրվել «անօրեններին» անարգ լծի տակից և «մեծազոր» ու «ամենաողորմած կայսեր», ռուսաց քրիստոնյա պետության հովանավորությունը վայելել: Ղարաբաղի ժողովուրդն ու նրա հոգևոր և աշխարհիկ ղեկավարները շանք շեն խնայել հայ ժողովրդի այդ բաղձանքն իրագործելու համար: Եվ ահա 1826 թվի ռուս պարսկական պատերազմի հետևանքով հայ ժողովրդի մի սովոր մասը ազատագրվել էր պարսկական բռնակալ լծի տակից. մի շարք խանություններ, դրանց թվում և Ղարաբաղը, վերջնականապես թոթափելով պարսկական դաժան լուծը, սնցել էին մեծ Ռուսաստանի հովանավորության տակ:

Ազատագրական դրոշ պարզած և ռուս մեծահոգի ժողովրդի ջերմ բարեկամ Ղարաբաղի հայության համար ստեղծվել էին խաղաղ ու ապահով աշխատանքի պայմաններ, իսկ եռանդուն ու գործունյա Բաղդասար մետրոպոլիտի համար էլ՝ գործունեության լայն ասպարեզ:

Դեռ նախքան մետրոպոլիտ կարգվելը, տակավին երիտասարդ վարդապետ Բաղդասարը ցույց էր տվել, թե որքան եռանդ ու համառություն կարող է նա ցուցաբերել իր կողմից առաջադրված խնդիրները կենսագործելու ու իր նպատակին հասնելու գործում: 1808 թվին, Իբրահիմ խանի սպանությունից հետո, Սարգիս կաթողիկոսը իր եղ-

<sup>\*)</sup> Բաֆֆի. — Խաճապի մեկնությունները, 1906 թ., էջ 225:



որո որդի Բաղդասար վարդապետին երբ Գանձասար է ուղարկում, անշքացած վաճառք կարգի բերելու համար, ապա վերջինս Գանձասար գալով շինարարական մեծ աշխատանք կատարելուց բացի կատարի պայքար է սկսում զանազան աղաների ու բեկերի դեմ, որոնք հափշտակել էին վաճառքի հարստությունները: Բաղդասար վարդապետին հաջողվում է այդ հափշտակիցներից ետ խլել վաճառքի հարստությունների մի մասը: Եվ դա դեռ արն ժամանակ, երբ նա սոսկ մի վարդապետ էր. իսկ այժմ, երբ նա մի ամբողջ վիճակի տեր էր, օժտված որոշ իրավունքներով, պարզ է, որ նա ավելի մեծ հրաշարավորություններ ուներ պաշտպանելու հայ եկեղեցու իրավական ու տնտեսական շահերը, որոնք շարունակ ոտնահարվել էին պարսկական խանական բռնատիրության օրերին:

Ճիշտ որ Պետրոս է մի առանձին բախտ համարել, որ այն ժամանակներում, երբ ռուսները տիրեցին Ղարաբաղին ու Երևանին, նահանգին, էջմիածնում գտնվում էր Նիրսէսի նման մի եկեղեցական, իսկ Գանձասարի վանքում Բաղդասար մետրոպոլիտը\*):

Ղարաբաղի խանության վերացումից հետո դեռ մնացել էին խանականության մնացորդները. ժողովուրդը խարխափում էր տեղիտիրության մեջ, զանազան աղաներն ու բեկերը շարունակում էին կեղեքել գյուղացիներին: Բաղդասար մետրոպոլիտը մտահոգված էր ոչ միայն իր իրավասության տակ պտնվող վանքերի ու եկեղեցիների ինքը հափշտակիցներից փրկելու, այլ և իր հոգևոր իշխանությանը հանձնված ժողովրդի շահերը պաշտպանելու հոգանքով:

Բաղդասար մետրոպոլիտը խորապես հավատացած էր, որ երկարատև քաղաքական ստրկության հետևանքով ժողովրդի համար ստեղծված ծանր վիճակից նրան փրկել կարելի է միայն ուսման, կրթության միջոցով: Նա այն խորը հավատն ուներ, որ կրթությունը, գիտությունը միայն կարող են ճրագի պես լուսավորել ժողովրդի առաջադիմության ուղիները և օգնել նրան իր ծանր կացությունից ելք գտնելու:

Այս խորը հավատով էլ նա ձեռնամուխ եղավ Ղարաբաղում լուսավորության առաջին օջախի հիմնադրմանը:

Գ

1836 թվին հրապարակված Պոլոթենիեով ռուսահայության համար ստեղծվում է վեց

\*) Ընթերցի.— Խամսայի մեխուրթիանները, 1906 թ., էջ 309:

թեմ, որոնցից մեկն էր հանդիսանում Ղարաբաղի թեմը, իր մեջ պարունակելով Շաքին ու Թալիշը: Շուշին դառնում է Ղարաբաղի թեմի Հոգևոր կառավարության կենտրոնը, իր կոնսիստորիայով: Բաղդասար մետրոպոլիտը էջմիածին է կանչվում և հավատարմության երդում տալուց հետո, 1837 թվի հուլիսի 1-ին, կայսերական հրամանով ու կարգեցի Հովհաննես կաթողիկոսի հանույթով, Ղարաբաղի թեմի առաջնորդ հաստատվում:

Եվ Պոլոթենիեի ստեղծած նոր պայմանների մէջ սկսեց հետզհետե կազմակերպել Ռուսաստանի հայոց ազգային կեանքը: Ղարաբաղի թեմում այդ պայմանների առաջին գործադրողը և հայ կեանքին ուղղութիւն տուողն էր մի նշանաւոր հոգևորական գործիչ—Բաղդասար մետրոպոլիտ Հասան-Ջալալեանը\*):—գրում է պատմաբան Լեոն:

Երբ Շուշին դարձավ Ղարաբաղի թեմի հոգևոր վարչության կենտրոնը, Բաղդասար մետրոպոլիտն էլ հարկադրված եղավ Գանձասարը թողնել ու Շուշի տեղափոխվել: Չենք կարծում, որ ուրախությամբ կատարած լինեի այդ տեղափոխությունը: Գանձասարը հարյուրավոր տարիների ընթացքում Աղվանից կաթողիկոսության աթոռանիստ վայրն էր եղել և վերջին դարում Հասան-Ջալալեանների տոհմին պատկանող մի շարք հայրենասեր կաթողիկոսներ հաջորդաբար բազմել էին նրա գահի վրա: Գանձասարի վանքը հիմնել էր Բաղդասար մետրոպոլիտի նախահայրը և այստեղ էին սնվել ու մեծացել Հասան-Ջալալեաններից շատերը: Գանձասարը համարվում էր Հասան-Ջալալեանների հայրենի օջախը և վերջապես Գանձասարում էր մեծացել հենց ինքը, դեռատի պատանի, հետո վարդապետ և ապա եպիսկոպոս Բաղդասար Հասան-Ջալալեանը, իսկ այժմ, որպես մետրոպոլիտ, նա ընդմիջում է թողնել Գանձասարը, որտեղ այնքան աղմկահույզ ապրումներ էր ունեցել, շինարարական մեծ աշխատանքներ կատարել:

Սակայն Շուշի տեղափոխվելուց հետո էլ նա շարունակում է իր ուղադրության կենտրոնում պահել Գանձասարը. այնտեղ և նրանից ոչ այնքան հեռու գտնվող Ս. Հակոբա վանքում վանական կառավարություն է հիմնում, որպեսզի իրենից հետո այդ վանքերը կանգուն մնան և չլքվեն:

Շուշի տեղափոխվելով նա կազմակերպական մեծ ընդունակություններ է հանդես բերում, ցույց տալով, որ ինքը կյանքից կտրված ու ճգնաժգայաց մի վանական չէ, այլ

\*) Լէօ.— Պատմութիւն Ղարաբաղի Հայոց Հոգևոր Թեմական Դպրոցի, էջ 98:



ժամանակի պահանջների հետ համընթաց քայլող մի առողջամիտ հոգևորական։ Նա իր առաջ ծառայած էր տեսնում մեծ դժվարություններ, բայց երբեք չէր ընկճվում և հաստատական առաջ էր շարժվում դժվարությունների հաղթահարման դժվարին ուղիով։ Այդ ժամանակները Շուշում գրագետ մարդիկ ճրագով պետք էր որոնել և երբ հոգևոր կոնսիստորիայի համար անհրաժեշտ էր ատենադպիր գտնել, մնացել էին տարակուսանքի մեջ ու չգիտեին ում է հրավիրել այդ պաշտոնի համար։ Վերջապես մեծ դժվարություններով, և Բաղդասար մետրոպոլիտի անձնական միջամտությամբ հետո միայն, հնարավոր է լինում գավառական դատարանում պաշտոնավարող ոման Ավետիք Մամիկոնյանին ազատել տալ իր նախկին պաշտոնից ու հրավիրել կոնսիստորիա ատենադպիրի պաշտոնում։ Այս և սրա նման շատ դժվարություններ գոյություն ունեին, բայց դրանք անգոր էին կոտրելու նրա անձնույն կամքը։

Այստեղ պետք է նշել և այն հանգամանքը, որ Բաղդասար մետրոպոլիտը հիվանդոտ մարդ էր. տարիներով նա տառապում էր մաշող հիվանդությունից — հոդացավից. ինչպես անդամալույծի, նրան հատուկ բազկաթոռի վրա էին նստեցնում և եկեղեցական արարողությունների ժամանակ այս ու այն կողմ տանում։ Սակայն, չնայած այս տխուր իրողությանը, նա զարմանալի կորով, անսպառ եռանդ ու աշխատասիրություն էր հանդես բերում, իր անձնական օրինակով վարակելով իրեն շրջապատողներին։ Նա մեծ հեղինակություն էր վայելում և արժանացել էր ժողովրդի խորը հարգանքին։ Ինչպես ռազմի դաշտում փրավորված հրամանատարը չի լքում մարտի դաշտը և արնաքամ լինելով հերոսաբար շարունակում է կատարել իր հրամանատարական պարտականությունները, այդպես էլ գրեթե անդամալույծ մետրոպոլիտը, կամքի ուժով հաղթահարելով իր հիվանդությունը, երբեք չլքեց թեմակալ առաջնորդի դիրքը և աշխատեց օգտակար լինել ժողովրդին։ Նա մեծ ժողովրդականություն էր վայելում և ժողովուրդը շատ հաճախ էր դիմում նրա միջամտությանը, նույնիսկ այնպիսի վեճերի դեպքում, որոնք դուրս էին գտնվում նրա իրավասության սահմաններից։

Սակայն Բաղդասար մետրոպոլիտի գործունեության գլուխ գործոցը հանդիսանում է թեմական դպրոցի հիմնադրումը։

Ինչպես վերը ասացինք, Բաղդասար մետրոպոլիտը մեծ ուսում չունեի, բայց նա գիտեր, որ ուսումը, գիտությունը որպիսի գործող շարժիչ ուժ են հանդիսանում որևէ ժողովրդի հառաջդիմության համար։ Եվ ե-

թե նա իրեն հատուկ համառությամբ պայքարի էր դուրս եկել զանազան աղա ու բեկ հարիշտակիչների դեմ, ապա այդ ոչ միայն նրա համար, որ նրանցից ետ խլեր վանքապատկան կալվածքները, այլ և նրա համար, որ այդ կալվածքները նյութական բազա ծառայեցնելով ապագայում մի շարք դրպրոցներ հիմնելու։

Դեռ նախքան Շուշի տեղափոխվելը Բաղդասարը Գանձասարում դպրոց էր բաց արել, հանձնելով այն զգիտնականների տնտեսության վաստակած Հովսեփ վարդապետին և ուրիշ դասատուների, Բաղդասարի հիմնադրած այս դպրոցի աշակերտներից շատերը, որոնք բավականաչափ գրագիտություն էին ձեռք բերել, հետագայում քահանաներ ձեռնադրվեցին գյուղերի ու քաղաքի համար և իրենք էլ իրենց հերթին սկսեցին գրագիտությունը տարածել ժողովրդի մեջ։

1837 թվին Գանձասարից Շուշի տեղափոխվելով Բաղդասար մետրոպոլիտը ձեռնարկում է մի ավելի մեծ կուլտուրական օջախի հիմնադրմանը, իր անունը հավերժացնելով Ղարաբաղի պատմության մեջ։ Այդ օջախը 1838 թվին նրա կողմից հիմնադրված հոգևոր թեմական դպրոցն էր, որը Ղարաբաղի լեռնաշխարհի վրա բարձրացված փարոս հանդիսանալով, ավելի քան ութսուն տարի իր լուսավոր ճառագայթներն է ուղղել դեպի Ղարաբաղի բոլոր անկյունները և նրա սահմաններից դուրս շատ հեռուները։ Այդ դպրոցում տասնյակ հազարավոր աշակերտներ են սովորել, որոնցից շատ շատերը այնտեղ ստացած կաթով հետագայում գյուղական մոլթ խրճիթներին լույս են տվել։

Թե նյութական ինչպիսի սուղ պայմաններում էր Բաղդասար մետրոպոլիտը ձեռնամուխ եղել մի այդպիսի կենտրոնական դպրոցի հիմնադրմանը ամբողջ թեմի համար, այդ երևում է դպրոցի գոյության առաջին տարիների նյութական խիստ ծանր դրությունից։ Բայց Բաղդասար մետրոպոլիտն անդդալելի էր, նա նահանջել չգիտեր, խորթ էին նրա համար հուսահատությունն ու հոռետեսությունը։ Նա հանգանակությունների է դիմում, ուսուցիչներից ոմանց, որքան զա հնարավոր էր, համոզում է քիչ ուժեղացնել կամ նույնիսկ ձրիապես աշխատելու, իր սեփական միջոցներն է տրամադրում, մի խոսքով ամեն ինչ անում է, որպեսզի իր ստեղծած կրթարանը, ուսման տաճարը կանգուն մնա։

Բաղդասար մետրոպոլիտի կուլտուրական ձեռնարկումները չափափականվեցին դրպրոցի հիմնադրումով, նա մտահոգված էր նաև գրադարան, ապարան կազմակերպելու։ Դեռ տարիներ առաջ Բաղեյից Շուշի էին եկել գեթմանացի միսիոնարներ, որոնք քա-



դաճում տպարան էին բաց արել ու միսիոներական եռանդուն գործունեություն ծավալել: Սակայն, շատ շահացած միսիոներների հավատորոշության հետևանքով քաղաքում մեծ հուզմունք է առաջանում և կառավարությունը որոշում է նրանց հեռացնել Շուշուց:

Ահա այդ ժամանակները Բաղդասար մետրոպոլիտը, շատ լավ ըմբռնած լինելով տպագրական խոսքի կարևորությունը, միսիոներներից զննում է նրանց տպարանը իր բոլոր պարագաներով և թղթի պաշարով: Տպարանի զննման համար վճարվելիք գումարի մի փոքր մասը միայն նա հավաքում է շուշեցիներից, իսկ մեծ մասը ինքն է վճարում իր սեփական միջոցներից: Այս տպարանը երբեմն աշխույժ, երբեմն կաղալով գործում էր մինչև վերջ: Այստեղ տպագրված առաջին գործը հանդիսանում է Շիլլերի «Միլիոնի կալանավորը»-ի թարգմանությունը: Այստեղ է տպագրվել, ի միջի այլոց, նաև Գանձասարի անվանի կաթողիկոս Ծալի Հասան-Ջալալյանի «Պատմություն կամ յիշատակ ինչ-ինչ անցից դիպելոց յաշխարհին Աղուանից» գիրքը, որտեղ հեղինակը համառոտակի պատմում է իր ժամանակաշրջանում տեղի ունեցած անցուղարձերը:

Բաղդասար մետրոպոլիտը գտնում է, որ գիտություն ձեռք բերելու համար գրադարանը նվազ անհրաժեշտություն չի ներկայացնում: այս նպատակով նա մի զգալի գումար է հատկացնում և Վենետիկի Մխիթարյանների կողմից հրատարակված բոլոր գրքերից մեկական օրինակ բերել տալիս, դպրոցին կից իր կողմից կազմակերպված գրադարանը հարստացնելու համար:

Ապա Գանձասարից, ինչպես և իր իրավասությունն ականջ գտնված վանքերից, հավաքում է բոլոր գրչագիր մատակները, նպատակ ունենալով հետզհետե դրանք տպագրել իր գնած տպարանում:

Բաղդասար մետրոպոլիտի կատարած կարևորագույն գործերից մեկն էլ այն է, որ նա տարիներ շարունակ խնամքով հավաքել ու կազմել է Ղարաբաղին վերաբերող ֆերմանների ու հրովարտականների մի ստվար հավաքածու, որից մասամբ օգտվել է Բաֆֆին, իր «Խամսայի մեկնությունները» գրելիս:

Կուլտուր-կրթական գործունեության զուգընթաց Բաղդասար մետրոպոլիտը զբաղվել է նաև շինարարությամբ: Երբ նա Գանձասարից Շուշի տեղափոխվեց, թեմական առաջնորդի համար հատուկ շենք գոյություն չուներ և նա ստիպված էր մասնավոր շենքում բնակվել, իսկ կոնսիստորիան էլ տեղավորված էր վարձու սենյակներում:

Այս դրությունը հանդուրժել չէր կարող գործունյա Բաղդասար մետրոպոլիտը, որը ցանկանում էր սեփական պատշաճ առաջ-

նորդարան ունենալ: Մի որոշ գումար գոյացնելուց հետո նա կառուցում է առաջնորդարանի համար մի բավականաչափ հարմար շենք, այնտեղ տեղափոխելով նաև հոգևոր կոնսիստորիան: Նա միաժամանակ առաջնորդարանին կպած մի բավականաչափ ընդարձակ հողամաս էլ է ձեռք բերում, նորաբաց թեմական դպրոցի համար առանձին շենք կառուցելու համար:

Մեկ առ մեկ շփվելով Բաղդասար մետրոպոլիտի կատարած բոլոր հանրօգուտ գործերը, այս համառոտ ակնարկով ուղեցնիք ցույց տալ, թե ինչպիսի գործունյա, եռանդուն ու խոհուն եկեղեցական է եղել նա, մի եկեղեցական, որ ամենայն իրավամբ կարող է հայ լավագույն եկեղեցականների շարքը դասվել:

Եվ զգուցե այդ գործունեայ, եռանդուն մարդն անկի մեծ օգուտներ կը հասցնէր Ղարաբաղին, եթէ մի քանի տարի ևս ապրելու լինէր<sup>\*)</sup>:— գրում է նրա մասին Բաֆֆին: Բաղդասար մետրոպոլիտը վախճանվում է 1854 թվի հունիսի 27-ին, խորր ծերություն, 80 տարեկան հասակում:

«Սիրուած առաջնորդի մահը մի մեծ դէպք էր ամբողջ Ղարաբաղի համար: Հայերի վերջտին մասնակցում էին ուռաներն ու թուրքերը: Պատմում են, որ շուշեցիք, հակառակ կտակի, ուզում էին թաղել հանգուցեային Շուշի, և եթէ այդ բանը չարին, պատճառն այն էր, որ անհնար եղաւ համաձայնութեան գալ, թէ որ եկեղեցում պէտք է ամփոփուէին նրա ոսկորները: Ամբողջ քաղաքը ոլորդաց այն օրը (յուլիսի 1-ին), երբ սկսուեց լուղարկատրութիւնը Շուշուց Գանձասար: Խաչնէի հայ աղ-գաբնակութիւնը հարկւրաւոր ձիաւորներ էր դուրս բերել դիման ուղեկցելու համար: Յուղարկատրութեան երկար ճանապարհին հայ գիւղերն էին դիմաւորում հանգուցեային, որ ամեն տեղ, նույնիսկ գիւղական խրճիթներում յայտնի էր «Մետրօպօլիտ» անունով<sup>\*\*)</sup>»:


Բաղդասար մետրոպոլիտը թաղվեց Գանձասարի վանքի գավթում, իր հորեղբայրների շիրիմների կողքին:

Շատ ու շատ տարիներ հետո, երբ 1913 թվին Ղարաբաղի թեմական դպրոցի 75-ամյակն էր տոնվում, Կովկասի բոլոր անկյուններից Շուշի հավաքված պատգամավորները ըստ արժանվույն գնահատեցին Բաղդասար մետրոպոլիտի բեղմնավոր, արդյունավետ գործունեությունը, շերմ խոսքերով վեր հանելով ու դրվատելով նրա կատարած փառապանծ ու հավերժահիշատակ գործերը:

\*) Բաֆֆի.— Խամսայի մեկնությունները, էջ 240:

\*\*) Ա.է.— Պատմություն Ղարաբաղի Հայոց Հոգևոր Թեմական Դպրոցի, էջ 177:





Գ. ԼԵՎՈՆՑԱՆ

## ՃԱՐՏԱՐԱՊԵՏ ՏՐԴԱՏ ԱՆԵՑԻՆ ԵՎ ԻՐ ԳՈՐԾԵՐԸ



Սրդատ Անեցին ապրել է 10-րդ դարում: Նրա շինարարական գործունեությունը կենտրոնացած է եղել գլխավորապես Շիրակում: Պատմիչներն առաջին անգամ այդ ճարտարապետին հիշատակում են որպես շինարար՝ Արգինայի եկեղեցիների և կաթողիկոսարանի, ապա Անիի կաթողիկե կաթՄայր եկեղեցու Տրդատին են վերագրում նաև Անիում Գագիկ Ա թագավորի կանգնեցրած հույակապ տաճարի, ինչպես նաև Հաղթատի Ս. Նշան եկեղեցու կառուցումները:

### Ա. ԱՐԳԻՆԱՅԻ ԵԿԵՂԵՑԻՆԵՐԸ

Արգինան Արևմտյան Շիրակում, Վխուրյան գետի ափին, մի ժամանակ եղել է մեծ ավան և Անիից առաջ կաթողիկոսանիստ վայր: Վահան Ա. Սյունեցուն և Ստեփանոս Սևանեցուն, նրանց կաթողիկոսության կարճատև տարիներից հետո (968—71), հաջորդում է խաչիկ Ա. Արշարունին (973—991), որը և իր աթոռակալության առաջին տարիներում Տրդատ Անեցուն վերակառուցել է տալիս կաթողիկոսարանը և նոր կառուցում Ավագ եկեղեցին՝ հանդերձ երեք փոքր եկեղեցիներով: Ահա պատմիչի վկայությունը:

«Նւ նորոգեաց զտուն կաթողիկոսարանին ի Շիրակ գաւառի ի գիւղաքաղաքին Արգինայ... Նւ ի նմին գեօղ շինեաց զսուրբ կաթողիկէ եկեղեցին վիմարդեան կոփածոյիւք հաստահեղոյս արձանօք զմբնթարդ խորան երկնաման հանդերձ և երկւք եկեղեցեօք նոյնաձև հրաշատեսակ չքնաղագեղ յօրինուածովք, և զարդարեաց մեծապայծառ, ծիրանածաղիկ, ոսկեթել անկուածովք ի զարդ ոսկւոյ և արծաթոյ և մանեայն

Ասողիկի վկայութեամբ՝ այդ ճարտարապետն է Կ. Պոլսում վերակառուցել հռչակավոր Ս. Սոֆիայի երկրաշարժից մեծապես վնասված գմբեթը՝ նույն ժամանակներում: Մենք շատ հավանական ենք համարում, որ Տրդատ Անեցին 90-ական թվականներին խոշոր մասնակցություն ունեցած լինի նաև Անիում Սմբատ Բ. թագավորի կառուցած պարիսպների շինարարության գործին: Խոսենք մեր թված այդ կառուցումների մասին իրենց հերթականությամբ, վերստուգության ենթարկելով և կարելիվույն չափ պարզելով նրանց թվականները:

### ԵՎ ԿԱԹՈՂԻԿՈՍԱՐԱՆԸ

զարդու պայծառութեան շահաբորբոք լուսաւոր անօթոց...»<sup>\*)</sup>:

Չամչանը գրում է այսպես. «Ուր (Արգինայում) կանգնեաց եկեղեցի վիմարդեան յօրինուածովք ի ձեռն Տրդատայ ուրումն բազմահանճար ճարտարապետի»<sup>\*\*)</sup>:

Ի՞նչ է մնացել Արգինայում Տրդատի կառուցած այդ շենքերից, որոնց մասին կարելի լինի մի խոսք ասել, ճարտարապետի ճաշակի և կարողության մասին: Կաթողիկոսարանից ոչ մի հետք. իսկ չորս եկեղեցիներից մնացել են միայն կաթողիկեի հյուսիսային (այն էլ ոչ ամբողջովին) և արևմտյան պատերը, ինչպես նաև արևելյան պատի մի մասի մնացորդը: Վերջինս ահա այդպես էլ լուսանկարված է զանազան անձնավորությունների կողմից, սկսած անցյալ դարի վերջին քառորդից մինչև մեր դարի սկզբները և այդպես էլ տպագրված է ճար-

<sup>\*)</sup> Ասողիկ, Երրորդ հանգես, Գլ. Բ.

<sup>\*\*)</sup> Չամչան, Բ. հ., էջ 862:

տարապետական հուշարձանների մի քանի այլոսմաներում և ուսումնասիրական աշխատություններում (Ստրլիգովսկի, Թորամանյան)։ Որքան մեզ հայտնի է, ոչ ոք չի կատարել կաթոլիկների շափազրույթունը, ոչ ոք չի կազմել նրա հատակագիծը, հետևապես շատ դժվար պետք է լինի նրա շափի ու ճարտարապետական կառուցվածքի մասին մի հաստատուն խոսք ասել, բայց որքան կարելի է դատել շենքի մնացորդ պատերից, նա ունեցել է նույն Տրդատի կողմից Անիում ավելի ուշ կառուցված Մայր եկեղեցու քառանկյուն տեսքը, ավելի փոքր ծավալով՝ Հետքերից երևում է, որ նա իր շորս ան-

կյուններում ունեցել է ութ խոշոր որմնասյուներ, որոնց միացնող կամարների վրա կանգնած է եղել զմբեթը։ Եթե հյուսիսային պատի վրա դուռ չի երևում, թերևս կարելի է ենթադրել, որ դուռ չի եղել և հարավային կողմից, այլ միայն մի դուռ է ունեցել արևմտքից։ Լուսամուտներ բավական մեծ շափի եղել են հյուսիսային և հարավային պատերի կենտրոններում և մի փոքր լուսամուտ նույն պատերի աջ և ձախ կողմերում, իսկ արևմտյան կիսականգուն պատի վրա լուսամուտի որևէ հետք չի նկատվում։ Մնում է, որ մեր ճարտարապետները մասնագիտական քննության ենթարկեն այդ, ըստ ամենայնի, հետաքրքրական հուշարձանը։



Արգինայի Կաթողիկե եկեղեցու հյուսիսային պատը՝ ներսից։

Ք. ԱՆԻԻ ԿԱԹՈՒԼԻԿՆԵՆ ԿԱՄ ՄԱՅՐ ԵԿԵՂԵՑԻՆ

Այս հույակապ շենքը դարեր շարունակ գիտական աշխարհի կողմից ճանաչվել է որպես մայրաքաղաքի նշանավոր շենքերից մեկը։ Եվրոպացի ճանապարհորդները և հայ բանասերներն Անիի ճարտարապետության մասին խոսելիս ամենից ավելի կանգ են առել տրադատաշեն այս հուշարձանի վրա։ Պատմական շրջանում այս եկեղեցում են հանդիսավոր օգրին ներկա եղել Բագրատունի թագավորները և իրենց հայրապետական աթոռ Անիում հաստատած կաթողիկոսները։ Մայր եկեղեցին, որ իր կիսավեր դրությամբ մինչև այսօր էլ Անի այցելողի հիացմունքն է շարժում, գտնվում է քաղաքի կենտրոնական մասում՝ համեմատաբար ավելի մոտ Ախուրյանի ձորին։

Նախ մենք առաջ բերենք այդ շենքի կառուցման սլաշմուխությունը, ինչպես որ կա, թվինք նրա ճարտարապետական առանձնահատկությունները, ապա տեսնենք, թե վեր-

նախ մենք առաջ բերենք այդ շենքի կառուցման սլաշմուխությունը, ինչպես որ կա, թվինք նրա ճարտարապետական առանձնահատկությունները, ապա տեսնենք, թե վեր-




քին ժամանակներում ի՛նչ նոր և տարբեր կարծիքներ են հայտնված Տրդատ Անեցու և նրա այս շենքի մասին, գլխավորապես թըվականության տեսակետից:

10-րդ դարու վերջին քառորդին Սմբատ Բ. թագավորը, որը դա՛հ է բարձրանում 977-ին, պատմիչների վկայությամբ, հիմք է դնում Մայր եկեղեցուն, բայց չի կարողանում ավարտել մահվան պատճառով (989-ին): Նրան հաջորդող ելբոր՝ Գագիկ Ա-ի կինը, Կատրամիդե թագուհին, շարունակում է եկեղեցու շինարարությունը և հաջողությամբ ավարտում 1001 թվականին: Ժամանակակից և ականատես պատմագիր Ստեփանոս Տարոնեցին՝ Ասողիկը, Անիում

ծառ վայելչութեամբ, բարձրաբերձ կամարօք գմբեթաւորեալ, խորան երկնաման և զարդարեաց ի զարդ ծիրանեծաղիկ, ոսկեթել նկարագործ անկուածոց, արծաթեղէն և ոսկեղէն անօթոց և բազմապայծառ լուսատու անօթոց վալեղութեամբ, որով շահանայր ըստ երկնային կամարին կաթողիկէն սուրբ, որ ի քաղաքին Անւոյն<sup>\*)</sup>:

Ինքը Կատրամիդե թագուհին եկեղեցու հարակից պատին փորագրել է տվել մի րնդարձակ արձանագրություն, որն առաջ կրեւորենք քիչ հետո: Մայր եկեղեցին ունի քառանկյունի ձև, արտաքին պատերի 23,64 մետր լայնությամբ և 35,53 մետր երկարությամբ, կանգնած է եռաստիճան սանդիս-



Անի. Կաթողիկեն կամ Մայր եկեղեցին հարավ-արևելյան կողմից

Սմբատի կատարած շինարարությունների մասին խոսելիս, այսպես է գրում.

«Արկանէ հիմն և մեծաշէն եկեղեցւոյն ի նոյն քաղաքին Անւոյ ի ձեռն ճարտարապետին Տրդատայ, որ զկաթողիկոսարանին եկեղեցին շինեաց յԱրդինայն<sup>\*)</sup>»:

Քիչ հետո, Գագիկի մասին խոսելիս, գրում է. «Այլ կին նորա Կատրամիդէ թագուհի քարեպաշտուհի եղեալ, որ էր զուստր Վասակայ Սիւնեաց իշխանի, շինեաց զհիմնարկեալ եկեղեցին Սմբատայ ամենապայ-

ձև հարթակի վրա, շենքին տալով ավելի մոնումենտալ տեսք: Դեղնավուն, կարմիր և մոխրագույն տուֆից մաքուր տաշված քարերը շարված են երրեմն իրենց յարձրությամբ, հորեմն և երկարությամբ: Արևելյան, հյուսիսային և հարավային պատերն իրենց կենտրոնական մասերում ունեն երկուական բավականին բարձր խորշեր (նիշ), որոնք վերջանում են աղեղնաձև քանդակազարդ ծածկույթով: Եկեղեցու չորս պատերի մակերեսներն էլ զարդարված են արևելյան և արև-

<sup>\*)</sup> Ասողիկ, Երրորդ հանգիս, Դ. ԺԱ.

<sup>\*)</sup> Ասողիկ, Երրորդ հանգիս, Դ. Լ.



մրտյան կողմերում 6-ական, հյուսիսային և հարավային կողմերում 12-ական շքեղ քանդակազարդ խոյակներ ունեցող բարձր, բայց լեթև, կերտնանման որմնասյուներով և նրանց իրար միացնող որմնակամարներով: Պատի-րի շորս ֆրոնտոններից ներս են գնում մանր սալաքարերով ծածկված թեք կտուրներ, կենտրոնում ունենալով բազմանկյուն գմբեթը, որը մոտ 850 տարի կանգուն մնալով, կործանվել է անցյալ դարի կեսերին: Նկեղն-ցին ունի երեք կամարածածկ դուռ՝ արևմուտքից, հյուսիսից և հարավից: Վերջինը եղել է ավելի շքեղ և կոշվել է առօրյա կանգնողուն: Նույն կողմերում, ֆրոնտոնների տակ՝ մի մի կլոր լուսամուտ, նրանցից ցած, դռներից վերև, նույն թվով մեծ լուսամուտներ՝ բառակցունի և երկազավուն, ապա հեղա-կան նեղ լուսամուտներ՝ հյուսիսային և հարավային պատերին և երկուսը՝ արևմտյան ու շորսը՝ արևելյան պատերի վրա: Բոլոր լուսամուտները շրջանակված են շքեղ քանդակներով, իսկ նեղ լուսամուտները, բացի այդ, իրենց գլխին ունեն կիսաշրջան պսակներ: Անշուշտ, լուսամուտներ ունեցել է և գմբեթը, եթե ոչ իր բոլոր 16 կողմերում, ապա մեջընդմեջ՝ ութ լուսամուտ, ինչպես որ այդ երևում է Տիգրան Հոսեանցի եկեղեցու դռև կանգուն մնացած գմբեթի վրա: Նկեղնցին իր արևելյան պատին ունի մի արծվաքանդակ և հարավային պատին՝ արևի ժամացույց, երկաթագիր այբուբենով և գրությամբ: Այսպիսով, շենքի արտաքինը, իր կառուցվածքի թեթևությունով, իր շինմասների գեղեցիկ համաձայնությունով և դեկորատիվ քանդակների նրբությունով, թողնում է հմայիչ տպավորություն:

Այժմ մտնենք ներս: Ի՞նչ հանգիստ վեհություն: Արտաքինը մի պահ մոռացվում է այն զմայելի պարզությամբ, միևնույն ժամանակ կառուցվածքի բարդ կոմպոզիցիայի հանդեպ, ինչ որ միանգամից կլանում է դիտողի հայացքը և ինչ որ այնքան վարպետորեն կարողացել է մի ներդաշնակ ամբողջությամբ ցուցադրել հանճարեղ ճարտարապետը: Չորս ահագին, բայց թեթև սյուն, 3 մետր ստվարությամբ, ռոմբաձև հատակագծով և կոնսոնաձև (զիզգազաձև) կողմերով, սլանում են գեպի վեր, իրենց վրա ունենալով նույնքան թեթև ու գեղեցիկ կամարներ: Այդ կամարների միացման անկյուններից բարձրանում են առագաստները՝ շրջանաձև հիմք կազմելով դմբեթի թմբուկի վրա: Պատերին կից ելած կիսասյուները իրենց կամարներով եկեղեցին բաժանում են երեք թևերի (նեֆ), որոնցից կենտրոնականը կրկնակի անգամ

լայն է և բարձր, քան հյուսիսային և հարավային կողմերինը: Արևելյան կողմում եկեղեցու կիսաբոլոր խորանը ներքևից բաժանված է մարդաչափ բարձրությամբ տասր խորշերի: Ժայրերի խորշերից դնեն կան, որ բարե սանդուխներով տանում են դեպի հյուսիսային և հարավային երկհարկանի կամարակապ սենյակները: Բացի այդ, հարավային վերին սենյակից կա մի նեղ և գաղտնի սանցք, որ վեր է տանում դեպի գմբեթի հիմքի մոտ գտնվող փոքրիկ սենյակները: Նկեղեցու պատերը ներսից էլ պարզ են և ձեփվածք չունեն, միայն սեղանի արսիղը ու ժամանակներում սպիտակ ծեփված է եղել և պատկերներ նկարված, որոնց հետքերը հազիվ երևում են:

Ո՞րն է տրդատաշեն այս հուշակավոր տաճարի ճարտարապետական արժանիքը և ի՞նչ նորություններ է մտցրել մեծ վարպետն այդ իր կառուցվածքի մեջ:

Տրդատ Անեցին, քաջ ծանոթ լինելով մինչև իր ժամանակը եղած հայ ճարտարապետական լավագույն հուշարձաններին, վերցրել է նրանցից այն, ինչ որ նպատակահարմար է համարել իր նոր ստեղծագործության, նոր կոմպոզիցիայի համար, ավելի մշակել, ավելի նրբացրել է այդ փոխառություններն իր շենքի ծավալին համեմատ և իր կողմից մտցրած նորությունների հետ միաձուլելով ստեղծել է մի գլուխ գործող:

Ամենից առաջ հատակագծի կազմության մեջ նա շատ լայնացրել է միջին տարածությունն ի հաշիվ, ինչպես քիչ առաջ նշեցինք, աչ և ձախ կողմերի նեֆերի: Այս գործում նա հետևել է Նրբուլբի, Քասաղի, Նզվարյի եկեղեցիներին, բայց որպեսզի իր շենքում այդ նեղ նեֆերի միջև եղած տարածությունները մութ չլինեն, ճարտարապետը հարավային և հյուսիսային պատերին բացել է մեծ լուսամուտներ, որ չունեն վերահիշյալ եկեղեցիները: Տրդատի այս շենքի գմբեթակիր չորս մույթներն իրենց բազմանկյունի ձևով հիշեցնում են Մրենի եկեղեցու մույթերը և իրենց բարձրությամբ ու վերջավորությամբ Արուճի որմնասյուները, բայց այստեղ ավելի նրբացած են և բոլորովին խոյակներ չունեն, այլ ունեն միայն կարմիզ, որ հետագայում մենք տեսնում ենք գոթական եկեղեցիների սյուների վրա: Ապա ավելի ևս ուշադրության արժանի են սյուների վրա բարձրացող կամարներն իրենց սլաքաձև կամ, ալելի ճիշտ, ձվաձև (ogive) կազմությամբ, որ չեն ունեցել Հայաստանում նախորդ շենքերը:

Նթե այդպես է, ուրեմն Անիի Մայր եկե-



զեցու մեջ առաջին անգամ հրկայել են գոթական կառուցված ճարտարապետական ոճի էլեմենտները Այս հանգամանքը չէր կարող աննկատելի մնալ հայ ճարտարապետությանը զբաղվող արևմտյան և ուստի գիտնա-

րում է միջնադարյան գերմանական ճարտարապետության սկզբնատիպը Տեքսիեն գրում է, որ այն ժամանակներում, երբ կառուցվել է այդ եկեղեցին, Ալբրոպայում ամեն սեղ տիրապետում էր ումանական ոճը,



ԱՆԻ. Կարողիկե կամ Մայր եկեղեցու արևելյան արքիդը՝ ներսից

կանոնների կողմից: Եվ իրոք, մենք տեսնում ենք, որ Քեր Պորտը, Տեքսիեն, Շուաղի, Լինչ, Ստրիգովսկի, Բրոնով իրենց աշխատությունների մեջ հիշատակում են այդ մասին: Քեր Պորտը Անիի Մայր եկեղեցին համա-

բայց այդ շենքում մենք տեսնում ենք տիպական գծեր այն ոճի, որը կարելի է գտնել Հարավային Ալբրոպայում 18-րդ դարում, այսինքն սրաժայր կամարներ և սյուների ձրկյակ զուգակցում:

լինչը իր «Արմենիա» աշխատության և հատորում գրում է. (մենք բերում ենք ուսսերին թարգմանությունից).

«Внутренность церкви замечательна с точки зрения истории и архитектуры и может вызвать восторг в любителях искусства. В ней много типично-готических черт и она может служить доказательством восточного происхождения этого стиля. Готический характер внутренности еще подчеркивается высокими заостренными арками, опирающимися на столбы»\*).

Ստրիգովսկին իր «Հայերի ճարտարապետությունը և եվրոպական» աշխատության և հատորի մեջ Տրդատ Անեցուն անվանելով պալատական կամ արքունի ճարտարապետ (Hofarchitekt) գրում է, որ «Անիի կաթողիկեն կանգնած է հայկական և ռոման-գոթական ճարտարապետության սահմանագլխին»\*\*):

Նորից անցնենք եկեղեցու արտաքին կողմին:

Նախ խոսենք նրա արևելյան, հյուսիսային և հարավային պատերին եղած խորշերի (նիշերի) մասին: Հայկական ճարտարապետության մեջ այդպիսի խորշեր կան դեռ 7-րդ դարի մի քանի եկեղեցիների պատերին: Սակայն կարևոր է նշել այստեղ մի հանգամանք, որ այսպիսի խորշերը սկզբում ունեցել են շենքի կառուցվածքային պահանջ— այն է, որ երբ այդ շենքը ներսից անկախ մույթեր չունեի, այլ ռաներ նրանց դերը կատարող որմնասյուների, արտաքին պատերի վրա այդ որմնասյուների հետևին ստեղծել են այդ խորշերը՝ քարաշարքի զանգվածաբաշխությունից խուսափելու համար: Դրա համար էլ նրանք ավելի լայն են և ոչ գեղեցիկ: Այսպես են կառուցված, օրինակ, էջմիածնում Հռիփսիմեի վանքը և Նովարյում Զորավոր եկեղեցին: 10-րդ դարում և ավելի ուշ խորշերն արդեն այդպիսի նպատակ չեն ունեցել և կառուցվել են ավելի ևս գեղեցիկության համար, ինչպես որ մեր նյութը կազմող Անիի կաթողիկեի նեղ և դեղնցիկ խորշերը:

Հռիփսիմեի 22 մետր երկարություն ունեցող պատերի վրա խորշերն ունեն 3 մետր լայնություն, մինչդեռ Անիի կաթողիկեի 84 մետր երկարության պատերի վրա խորշերն ունեն միայն 1,5 մետր լայնություն:

Ինչ է ասում այս մասին Թ. Թորամանյանը: Նրա կարծիքը, դժբախտաբար, միատեսակ չէ:

1911 թվին լույս տեսած իր «Տեկոորի տա-

ճարը» աշխատության մեջ նա գրում է. «Այս այս տեսությամբ. կասկածելի կը գտնեմ 7-րդ դարում հայոց եկեղեցիներու վրա գտնված խորշերը, համարելով զանոնք 10-րդ դարուն մոտ հավելվածներ, ինչպես էջմիածնի մոտ Ս. Հռիփսիմեի վանքին խորշերը: Հռիփսիմեի վանքին հետ միևնույն դարուն մեջ կանգնուած և իրարու այնքան մոտիկ էջմիածնի կաթողիկեն և Ս. Գայիանեի վանքը խորշեր չունին, եթե նույն ժամանակ խորշը ընդունված ոճ լիներ, անպայման պետք է որ գտնե Գայիանեի վանքին վրա գտնվող Հռիփսիմեեն քանի մը տարի հետո՝ իբրև նորոգ հիմնարկուած եկեղեցի»\*):

Բազմահմուտ հեղինակը մի պահ մոռացել է արև կարևոր հանգամանքը, որ իր հիշած եկեղեցիներն իրենց մեջտեղերում ունեն 4-ական մույթեր և նրանց ճարտարապետները պետք չեն ունեցել խորշերի: Եվ ուրեմն հեղինակի այն կարծիքը, թե 7-րդ դարում եկեղեցիների վրա գտնված խորշերը 10-րդ դարի հավելվածներ են, մենք համարում ենք միանգամայն անընդունելի, քանի որ նրանց խորշերը, ինչպես վերևում ասացինք, զուտ կառուցվածքային նշանակություն ունեն և թխում են նրանց կոնստրուկտիվ պահանջներին: Այսպես հետին դարերում ինչու և ի՞նչ նպատակով պետք է պատերի վրա փորեին այդ ահագին խորշերը, քանի որ 10-րդ դարում այդ եկեղեցու հիմնովին՝ նորոգության մասին ոչ ոքի ոչինչ հայտնի չէ:

Թորամանյանը մի ուրիշ անգամ, ավելի ուշ, նորից այսպիսի խորշերի մասին խոսելիս ուղղում է իր սխալը այսպես.—

«Յոսանկյուն խորշերը, որոնք ի հնումն իրենց առանձին պատճառը և կոչումն ունեցած էին շինարարական տեսակետով (ընդգծումը մերն է)... այս վերածնության մեջ (10-րդ դարի) պահանջից անկախ նաև եղել են իբրև զարդ...»\*\*):

«Նաև եղել են ինչպես զարդ» խոսքերն այստեղ շատ իրատյացի են, որովհետև Անիի կաթողիկեի կառուցման ժամանակվա և ավելի ուշ եկեղեցական շենքեր կան, որոնց նիշերը միայն զարդեր չէին, այլ դարձյալ թխում են վերև նշված ճարտարապետական պահանջներից, ինչպիսին են Մարմաշենը, Շիրակավանքը, Հոռոմոսի Ս. Մինասը և Տիգրան Հոնենցի եկեղեցին:

Ինչպիսի՞նք զարեթ է ունեցել այս եկեղեցին:

\* ) Թ. Թորամանյան.— Նյութեր Հայկական ճարտարապետության պատմության, էջ 216:

\*) ինչ.— Արմենիա, էջ 476:

\*\* ) Թ. Թորամանյան.— Նյութեր Հայկ. ճարտ. պատմ., էջ 92:



և ի՞նչ ծավալ ընդհանուր շենքի համեմատությամբ տեսակետից, Այստեղ էլ Տրդատ Անեցին իր մեծ տաղանդը ցուցաբերել է լավագույն կերպով: Դայն զմեք կառուցելու համար նա գործադրել է մի նոր միջոց: Սովալյն ավելի լավ է մենք այստեղ լսենք Ռորամանյանին: Նա գրում է. «Մայր եկեղեցիի զմեքը կազմված էր մեր ժամանակի արվեստագիտական տեսակետով շատ հետաքրքրական և նորօրինակ ձևով մը: Որպեսզի զմեքի հսկա զանգվածի ծանրությունը միմյալ չուրս մեծ սյուները իրարու միացնող կամարներու վրա ծանրանա, նախադասությամբ, լայնացնելով անոր շրջանակի տրամագիծը, հանգչեցուցեր է ուղղակի շորս մեծ մայր սյուներու կեղծոնին վրա, մինչդեռ մեր սովորական ձևով, շորս մեծ սյուները օժանդակողի դերը պիտի ունենային: Մայր եկեղեցիի մեջ օժանդակողի դերը մնացեր է թևերը (նեֆ) ծածկող կամարներու, որոնք ալ նույնպես համեմատաբար ավելի զորեղ են, քան սյուներեն ձգվող կամարները»<sup>\*)</sup>: Բայց որովհետև չափավորությունը Տրդատի համար մեծագույն օրենք է, նա իր զմեքն այնքան չի լայնացրել, ինչպես օրինակ 7-րդ դարից ունենք Ս. Հովհաննիսյան, ավելի չափազանց՝ Մաստարայի եկեղեցին, կամ 10-րդ դարում՝ Աղթամարը: Նրա թմբուկի տրամագիծն ավելի չի, քան պատերի (գետնից մինչև ֆրոն-

տոնի ծայրը) կիս մասը, մինչդեռ նույն բանը մենք տեսնում ենք ամբողջ պատի բարձրությամբ և նույնիսկ ավելի: Այս է պատճառը, որ Մայր եկեղեցու բուն շենքը՝ կորպուսը ճնշված չի զմեքի տակ, վերջինս որպես շենքի մի մասը ամբողջի հետ կազմում է մի սքանչելի ներդաշնակություն:

Ահա այս է ամփոփ նկարագիրը Տրդատի Անիում կառուցած այն կաթողիկե եկեղեցու, որ խոշորագույն տեղ ունի գրաված հայ ճարտարապետության պատմության մեջ. որպես գեղարվեստական մի մոնումենտալ ըստենդապործություն, որպես 10-րդ դարի վերածնունդյան մի գլուխ գործոց: Բայց վերջին տասնամյակներում առաջացել է մի նոր կարծիք այդ շենքի կառուցման ժամանակի մասին, որ իբր իր այդ կերպարանքով ու ոճով նա չի կարող պատկանել 10-րդ դարին, այլ 12—13-րդ դարերին և, իբր եկեղեցու հարավային պատի վրա եղած արձանագրությունը վերաշինության ժամանակ արտագրված է հին շենքերից: Հարուցված այս խնդիրը վերին աատիճանի լուրջ է, և քանի որ նրա հարուցողները եղել են հեղինակավոր մարդիկ, շատ անհրաժեշտ է, որ զբաղվենք այդ խնդրով:

Բայց այդ մասին մեր խոսքն ասելուց առաջ այստեղ բերենք նույն այդ արձանագրությունը

«Ի ՆՄԹ Հայոց ՄԺԹ Թ. Հոռոմոց Բենիամին գրէ ի ժամանակս ածապատիւ և հոգևոր տեառն Սարգսի Հայոց կաթողիկոսի և մեծափառ Թագաւ որութեան Գազկա Հայոց և Վրաց շահանշահի ես Կատրանիդէ Հայոց Թագուհի դուստր Վասակա Սիւնեաց Թագաւորի յողորմութիւնն Աստուծոյ ապաւ ինեցա և հրամանաւ առն իմո Գազկա շահանշահի շինեցի զսուրբ կաթողիկէս զոր էր հիմնադրեալ մեծին Սմայատա և կանգնեցաք տուն Աստուծոյ նորոգ և կենդանի ծնունդ հոգևոր արձան մշտ նշենաւոր զարդարեցի եւ զարդիւք պատուակ անաւք նուէրք ինձ ի Քրիստոս և զարմից իմ և որդոց Սմայատայ Աբասա և Աշոտո Հրամայեալ եմ ես տէր Սարգիս սպասաւորաց եկեղեցոյս յետ ելից բարեպաշտ Թագուհոյս զվարդաւարին յիս. նեակսն միով քառասնիւ կատարել անխափան մինչև ի գալուտն Քրիստոսի եթէ ոք զարձանագր եալդ անփոյթ առնէ դատապարտեալ եղիցի ի Քրիստոսէ վեց ՌՆԼ և Գ ամացն Ադամա ի Ռ և ԲԺ ամի մար միանալոյ Աստծոյն բանի ՉԼԺ ամի հաւատալոյ ի Քրիստոս Հայոց գրեցաւ յիշատակարոնս ի ձեռն իմ Բենէ»<sup>\*\*)</sup>:

<sup>\*)</sup> Թ. Թորամանյան. — Նյութեր Հայկ. ճարտ. պատմ., էջ 275:

<sup>\*\*)</sup> Այս արձանագրությունն առաջին անգամ լուսատիպ նմանությամբ տպագրված է Ն. Մանուկ «ԱԲԽ» մեծածավալ աշխատության մեջ (1934), տախտակ LVI, նկար 206:

Այդ արձանագրությունը զանազան ժամանակներում և զանազան մարդկանց կողմից վերծանված և արտագրված է ոչ ճիշտ։ Ոմանց կողմից (Շահաթունյան, էմին, Ալիշան, որոնցից և առնելով Կ. Կոստանյանցն իր «Վիմակարն Տարեգրում» առաջին տողի ՆՄ-ին (որը 1001 թվականն է) կցել են թվին Հայոցի Թ-ն և, հետևապես, կարդացել են ՆՄԹ (1010). այս սխալը միանգամ ընդմիջտ պետք է ուղղել։

Առաջին տողի վերջում արձանագրող վարպետը փակագիր է գործածել, և վերծանողները, չկարողանալով բաց անել այդ փակագիրը, նրա տեղ դրել են բազմակետեր և անցել։ Այդ փակագրերը վերջին տարիներում բաց է արված մեր բանասիրության կողմից («Անահիտ», 1931 թ., 1—2), որ է՝ Բենիամին գրէ։ Արձանագրության վերջում «գրեցաւ... ի ձեռն իմ Բենէ», նույն Բենիամինի անվան հիշատակությունն է կրճատ ձևով։

Վերջին տողերի մեջ եղած թվականներից առաջինը Ադամի թվականը, ոչ ուշագիր վերծանման հետևանքով ընդունել են 814 (մինչքեռ պարզ կարդացվում է ՎԵՅ ՌՆԼԳ (6433). ուղիղ են կարդացել Բրոսսեն և էմինը։ Երկրորդը՝ Քրիստոսի թվականի մեջ (Ռ և ԲԺ) վերջին երկու տառերը հակառակ են գրված արձանագրողի կողմից, անշուշտ պետք է լինե՛ր Ռ և ԺԲ, որ է 1012։ Երրորդը՝ Հայոց քրիստոնեության տարիները հաշվում է 9 և Ժ, այսինքն 710 տարի։ Ուրեմն քրիստոնեության մուտքը Հայաստան ընդունել են ոչ թե 301, այլ 302 թվականը (710 + 302 = 1012)։

Սզրակացությունն այս է, որ Կատրամիդի արձանագրությունը գրված է եկեղեցու շինարարությունն ավարտելուց 10—11 տարի հետո. այնտեղ առաջին տողում հիշատակված է այդ ավարտման թվականը (1001), իսկ վերջին տողերում գրության թվականը։

Մենք այս հանգամանքը բացատրում ենք այսպես։ Եկեղեցու բուն շինարարությունն ավարտելուց հետո տարիներ պետք է անցնեին, որ Կատրամիդին կարողանար, ինչպես ինքն է ասում, զարդարել «զարդիւք պատուականաւք», ապա պատրաստել տալիս զմբբի գլխին դրվելիք ահագին արծաթյա խաչը և Հնդկաստանից ստացվել ներսում կախելու համար քրտրեղյա մեծարժեք ջահը։

Տրդատ Անեցու այս հոյակապ ստեղծագործության մասին, սրա կառուցման թվականի մասին առաջին անգամ կասկած է հայտնել անցյալ դարի 70-ական թվականներին ռուս գիտնական Ն. Կոնդակովը, ապա 90-ական թվականներից այս կողմ

Ռուսաստանում այս տեսությունը ավելի զարգացրել են ուրիշ գիտնականներ։

Այժմ մենք մի առ մի լվինք բոլոր պատճառաբանությունները և նրանց յուրաքանչյուրի մասին ասենք մեր խոսքը։

1. Հիմնական ռեստավրացիայի խնդիրը ըթե իրող, եկեղեցին 12—13 դարերում հիմնական ռեստավրացիայի կամ, ավելի լավ է ասել, ռեկոնստրուկցիայի ենթարկված լինե՛ր, ապա այդ վերաշինությունը կատարողները (Ջաթարյանների շրջան) մի՞թե չենք լրա մի տեղ չէին արձանագրի այդ մասին, թեկուզ իրենց անունն անմահացնելու համար, ինչպես որ 1213 թ. միայն սանդուխթները վերանորոգող Տիգրան Հոնենցն ունի իր արձանագրությունը։ Կամ այդ ի՞նչ տեսակի վերանորոգում է, որ չենք պատերձ էլ են նորը շինել ու այդ նոր պատերից մեկի վրա իբր արտագրել են Կատրամիդի նախկին շենքի վրա եղած արձանագրությունը։ Դա ավելի շուտ կլինե՛ր հին հատակագծի վրա նոր շենք կառուցել, ոչ թե ռեստավրացիա։

2. Վրաց թվականի խնդիրը։ Մենք չկարողացանք հասկանալ, թե ի՞նչ վրացական թվական են տեսել վերև հիշված շատ հարգելի գիտնականները մեզ արդեն ծանոթ արձանագրության մեջ։ Այնտեղ կա ՄԺԹ հռոմոց թվական, այսինքն բյուզանդական, եվ Անիի եկեղեցին միակը չէ, որ ունի այդպիսի թվական, նրանից առաջ և նրանից հետո սովորություն է եղել վիմական արձանագրությունների մեջ երբեմն հիշատակել Բյուզանդիայի ժամանակակից կայսրին իր թվականով։ Այսպիսի հիշատակություններ կան, օրինակ, Արուսի, Մրենի, Կեչառուքի շենքերի վրա։ Եթե ՄԺԹ-ն նույնիսկ ընդունենք վրաց թվական, Գագիկ Ա-ի օրով, դա անընդունելի չի կարող համարվել, քանի որ նույն արձանագրության մեջ նա ինքը կոչված է աշտոց և վրաց շահնըշահ։ Բայց ավելի հետաքրքրական այստեղ այն հակասությունն է, որ նկատելի է դառնում ուշագիր ընթերցողի համար։ Ո՞րն է այդ աղաղակող հակասությունը. այն, որ եթե Կատրամիդի արձանագրությունը առտագրված է նույնությամբ, ապա ուրեմն ռվրաց թվականն էլ պատկանում է այն ժամանակին, իսկ եթե ըստ հիշյալ գիտնականների այդպիսի թվական կարող էր Հայաստանում գործածվել միայն 12—13-րդ դարերում, ապա ուրեմն, դուրս է գալիս, որ արձանագրությունն արտագրելիս ավելացրել են այդ թվականը։ Այդ արդեն բռնավ ընդունելի չէ։

3. Օրնամենտացիայի խնդիրը։ Առարկություն կա, որ Մայր եկեղեցու արտաքին պա-



տերի քանդակաշարքերը, մասնավորապես նիշերը պատկերող շքեղ զարդաքանդակները իրենց ոճով և բնույթով չեն կարող 10-րդ դարի գործ լինել, նրանք ավելի սազական են 12—13-րդ դարերին, թեև ասում են, «այդ քանդակների մոտիվների մեջ կան 10—11-րդ դարերի որոշ հետքեր»:

Այժմ մենք համեմատության առնենք Անիի եկեղեցու շինություն ժամանակակից և նույնիսկ ավելի վաղ կառուցված մի քանի շենքեր, որոնք գրեթե նույն տեսակի և բնույթի օրնամենտներ ունեն իրենց պատերի նույն տեղերի վրա:

ա. Լուսամուտների գլխին կիսաբոլորակ և երկթև քանդակազարդեր, — տեսնել Արուճի և Թալինի կաթողիկեների և Պտղմիի եկեղեցու վրա (7-րդ դարի շենքեր), Շիրակավանի եկեղեցին (9-րդ դար) և Աղթամարի Ս. Խաչը (10-րդ դար):

բ. Քանդակաշարը պսակված խորշեր (նիշեր) մենք ունենք Շիրակավանում, Հոռոմոսում:

գ. Որմնասյուները միացնող զարդաքանդակ կամարներ, — ունենք Արթիկում (7-րդ դար):

4. Առաքելություն կա արտաքին կիսասյուների կամ որմնասյուների բարակ և ձրգված լինելու մասին և թե ինչու նրանք կենտ-կենտ են և ոչ զույգ-զույգ, ինչպես որ սովորական են եղել իր ժամանակին: Ինչ վերաբերում է բարակ և երկար լինելուն, դա ճարտարապետի նուրբ ճաշակին պետք է վերագրել, որ հիմք էր դնում մի նոր վերածնության, իսկ ոչ զույգ-զույգ լինելու մասին նկատողությունը ճիշտ կլիներ, եթե այդպիսի որմնասյուները դադարած լինեին այլևս. մինչդեռ մենք այդպիսի օրինակներ ունենք և հետագա դարերի շենքերում: Արթիկի եկեղեցու վրա (7-րդ դար) կան և կենտ և զույգ որմնասյուներ, իսկ Մարմաշենի, Ամբերտի, Հովվի (Անիի) եկեղեցիները և Կեչառուքի կաթողիկեն, որ կառուցված են տրդատաշեն տաճարից հետո, դարձյալ ունեն զույգ որմնասյուներ:

5. Քարերի ավելի կատարյալ տաշվածքը և նրանց գույների խաղը, որ իբր չէր կարող այդպես լինել 10-րդ դարում, եթե նույնիսկ ուրիշ օրինակներ չբերենք, բավական է, որ մենք Անիում նայենք նույն 10-րդ դարում Սմբատ Բ-ի կառուցած պարիսպներին, որոնց թե գերազանցորեն մաքուր տաշվածքը և թե քարերի գույների երանգները (նյութաները) շատ տարբեր չեն Մայր եկեղեցու քարերի և տաշվածքի երանգավորումներից:

6. Շաղախի ամրապնդումը: Առաքելություններից մեկն էլ այն է, որ 10-րդ դարում չէր

կարող այդպիսի ամուր շաղախ գործածվել. այդ ավելի սազական է հաջորդ դարերին: Մենք մասնագետ չենք ցեմենտի հատկությունը քիմիապես որոշելու համար: Թե որքան է այս առարկությունը հիմնավոր, թող պատասխանեն մասնագետները, բայց եթե ամուր ցեմենտ գործածելն սկսվել է միայն 12—13-րդ դարերում, այդ ինչպես է, որ իրենց «թույլ» ցեմենտով գեոս կանգուն են մեր 7-րդ դարի բազմաթիվ հուշարձանները:

7. Կատրամիղեի արձանագրությունը պալեոգրաֆիկ տեսակետից: Առաքելություն կա, որ այդ արձանագրության տառերը իրենց գրաֆիկայով, իրենց ձևով չեն կարող 10-րդ դարի լինել, նրանք, ուրեմն, պատկանում են 12—13-րդ դարերին: Մեր վիճական արձանագրությունների մեջ յուրաքանչյուր դար իրեն հատուկ և հաստատուն գրության ձևերը չունի. այդ կարված էր արձանագրող վարպետի գեղագիտական ճաշակից և որոշ տառերի մեջ, ինչպիսիք են Շ, Մ, Զ, Հ, գծագրական նորություններ մտցնելուց: Մեծ տարբերություն չունեն, օրինակի համար, 7-րդ դարում ներսեհ կամսարականի (Թալին), 11-րդ դարում Հովհաննես Սմբատի (Հոռոմոս) և Վեստ Սարգսի (Խժկոնք) արձանագրությունները կատրամիղեի արձանագրությունից, տեխնիկայով և իրենց տառերի գրությունների տեսակետից:

Ահա սրանք էին այն առարկությունները, որոնք Անիի Մայր եկեղեցու կառուցման թվականը, ամբողջ երկու դար և ավելի, իբր պետք է շարժեն իր տեղից:

Ինչ կարծիք ունի այս խնդրի մասին հայ ճարտարապետության պատմության հմուտ մասնագետ Թ. Թորամանյանը: Դժբախտաբար, նա միատեսակ և կայուն կարծիքի չէ: Մայր եկեղեցու թվականը 2—3 դար շարժող վերևում հիշված հեղինակավոր անձնավորություններից կարծես թե ճնշվելով, Թորամանյանը երբևիտ է իր խոսքերի մեջ և մի քանի տեղ հակասում է ինքն իրեն:

Իր «Տեկոթի տաճարը» աշխատության մեջ (1911 թ.) նա թույլ է տվել իրեն մի խոշոր լապսուս, Անիի կաթողիկեն համարելով 9-րդ դարու վերջերի կամ 10-րդ դարու սկզբների շենք<sup>\*)</sup>: Իր մի ուրիշ աշխատության մեջ հեղինակն ընդունում է, որ Անիի կաթողիկեն շինված է 10-րդ դարի վերջերում կամ 11-րդ դարի սկզբներին<sup>\*\*)</sup> :

1930—1932 թ. ընթացքում դրած իր մի աշխատության մեջ հեղինակը նույն կաթու-

\*) Թ. Թորամանյան. — Նյութեր Հայկ. ճարտ. պատմ., էջ 187:

\*\*) Նույնը, էջ 93-94:



դիկեի կառուցումը վերագրում է 10-րդ դարի կեսին\*), իսկ գմբեթը 11-րդ դարի սկզբին\*\*):

Իր «Ներածություն» պատմական հայ ճարտարապետության խիստ արժեքավոր հոդվածի մեջ Թորամանյանն ընդունում է, որ Անիի կաթողիկեի ճարտարապետը Տրդատն է\*\*\*), իսկ մի ուրիշ աշխատության մեջ՝ վերելք դարձյալ նշելով, որ նույն կաթողիկեն հիմնարկողը Տրդատն է, ներքևում ծանոթության մեջ գրում է. «Համոզվելու շատ պատճառներ կան, որ Մայր եկեղեցին շինված չէ Տրդատի ձեռքով. Արգիշտիի եկեղեցին և ուրիշ մնացորդները բավական մեծ ապացույցներ կուտան մեզի այս մասին: Մայր եկեղեցին Տրդատի հատուկ ոճն ունի, որի վերածնության նոր շրջան մը բացած է Անիի և շրջակայից մեջ, որմե հետք չիմիջող բոլոր շինությունները պարզ հետևողություններ են Մայր եկեղեցիի ոճին»\*\*\*\*):

Ինչպես տեսնում ենք, մեր շատ հարգելի մասնագետն այստեղ իրեն զգում է կախարհական շրջանակի մեջ և չի կարողանում դուրս գալ: Եթե Մայր եկեղեցին «վերածնության» նոր շրջան մը բացած է՝ ու հետագայում բոլոր շինությունները պարզ հետե-

վողականություններ են նրան, ու վերածնություն, ըստ հեղինակի, սկսվել է 10-րդ դարից, ապա պարզ է, որ կաթողիկեն և կառուցված է նույն այդ դարում և կառուցողն եղել է Տրդատ Անեցին, ինչպես որ վերջում է ժամանակակից և ակնհայտ պատմիչ Ստեփաննոս Ասողիկը:

Ուրեմն, մենք կարծում ենք, միանգամ ընդամենը պետք է թողնել Անիի կաթողիկեի թվականը տեղից շարժելու և մինչև 12—13-րդ դարերը հասցնելու փորձերը, հանգիստ թողնելով հանճարեղ Տրդատ Անեցուն իր փառքի ու մեծության մեջ: Եվ եթե արևմտյան անվանի մասնագետ գիտնականները, այդ շենքը հիմք ընդունելով, դրանում են. որ «գոթական» կոչված ճարտարապետական ոճը, թեկուզ իր էլեմենտար ձևով թույլ, եվրոպայից առաջ երևացել է Հայաստանում 10-րդ դարում, իզուր չի՝ մեր հակաճառությունն այդ կարծիքի դեմ:

Շատ ուրախակի է, որ ՍՍՄՄ-ի Գիտությունների Ակադեմիայի Հայկական Ֆիլիալի հրատարակությամբ 1939 թվին լույս տեսած «Архитектура древней Армении» լուսատիպ հրատարակության մեջ Անիի Մայր եկեղեցու լուսանկարի տակ իրավացիորեն գրված է 10—11-րդ դար:

#### Գ. ՍՈՒՐԲ ԳՐԻԳՈՐ ԵԿԵԼԵՑԻՆ ԱՆԻՈՒՄ

Իր հատակագծով և եռահարկանի կազմությամբ Զվարթնոցի եկեղեցուն հար և նրման այս նշանավոր տաճարի ավերակները, ինչպես հայտնի է, երևան եկան Ն. Մառի ջանքերով 1905 թվականին: Գաղիկ Ա թագավորի կանգնեցրած այս փառահեղ շենքի կառուցումը տևել է 14 տարի. հիմքը դրվել է Մայր եկեղեցու ավարտման տարում և վերջացել 1015 թվականին: Մենք չենք տալու այս հույակապ հուշարձանի ճարտարապետական նկարագիրը այն պարզ պատճառով, որ նրա անունը Տրդատ Անեցու հետ կապված լինելու հարցը դեռևս շատ խընդրական է: Ոչ պատմիչների և ոչ նոր ժամանակների մասնագետների կողմից որևէ հիշատակություն չկար մինչև այժմ, որ Գաղիկյան տաճարի կառուցումը պատկանում է Տրդատ ճարտարապետին: Ասողիկի պատմության նախավերջին գլխում (ԻԷ) «Յաղագս շինելոյն Գաղիկայ արքային ի քաղաքին Անույ զեկեղեցին մեծ անուամբ սըր-

բոյն Գրիգորի» վերնագրի տակ մի քանի տողում խոսվում է այդ տաճարի շինության մասին: Այդպես էլ կրկնված է պատմիչի այլ ձեռագիր օրինակների ու տպագրությունների մեջ: Բայց ահա Երևանի Պետ. Մատենադարանում Ասողիկի մի ձեռագիր օրինակում, գրված 1567 թվին, մեր առաջ բերած վերնագրի վերջում ուղղորդության և առնվել երեք նոր բառ, այն է «Տրդատ վարդապետ եկեղեցուն», Գիտությունների Ակադեմիայի Հայկական Ֆիլիալի հրատարակությամբ լույս տեսած Թ. Թորամանյանի մեծ հատորում առաջին անգամ այս հայտնությունը մի ծանոթության մեջ տպագրելով, կազմողը (Կ. Ղաֆադարյան) գրում է. «Կարծում ենք, որ Տրդատի անունը ձեռագիրն արտագրողը չի ավելացրել, որովհետև դա մի կեղծիք կլիներ, որի նրմանները նա արած պիտի լիներ նաև ձեռագրի այլ մասերում, որ չկա: Ընդհակառակը, հավանական է, որ այդ անունը Ասողիկի Պատմության հին օրինակներն ունեցել են, բայց հետագայում ավելորդ համարվելով հանվել է, որովհետև Հայաստանում սովորություն է եղել հիշատակելու ոչ թե

\*) Թ. Թորամանյան. — Նյութեր Հայկ. ճարտ. պատմ., էջ 318:

\*\*) Նույնը, էջ 208:

\*\*\*) Նույնը, էջ 88:

\*\*\*\*) Նույնը, էջ 275:



կառուցող ճարտարապետին, այլ կառուցել ավող իշխանին կամ թագավորին»<sup>\*)</sup>։

Այս տողերը անհավանական չէին կարող լինել, եթե չլինեք աշխարհի խոշոր անաքոնիզմը, որ երևում է Ասողիկի Պատմության վերջին գլուխներում։ Պատմիչն իր պատմությունը վերջացրել է, խնչպես ինքն է գրում, ՆՄԳ թվին, այսինքն 1004-ին, երբ տաճարի հիմնարկեցից անցել էր միայն երեք տարի. այդ ի՞նչպես է, որ նույն պատմիչը նկարագրում է շենքը համարյա թե վերջացրած՝ դռներով, լուսամուտներով, նույնիսկ ռաբանչատես տեսիլամբ զմբեթատրեալա, որը կարող էր լինել միայն 1015-ին։ Պարզ է, որ Ասողիկի Պատմության վերջին գլուխները հետագայում ուրիշների կողմից փոփոխության են ենթարկված և, ուրեմն, ավելացված նաև Տրդատի անունը։ Այս պատմիչի ձեռագիր օրինակների մեջ չանհարազատ հավելվածները մտած լինե-

լու մասին իր ժամանակին նշել են հմուտ բանասերներ<sup>\*)</sup>։

Թ. Թորամանյանը գրում է հակառակը. «Անիի Ս. Գրիգորը շինող ճարտարապետը, ինչ որ ըլլա պատճառը, միշտ մեղադրելի պիտի մնա իր ունեցած անհեռատեսության մեջ, որ ոչ միայն հրաբխային ավազուտ քարերով, այլ և ապառաժի կտորներով խառնված զանգվածով մը ծանրաբեռներ է զմբեթակիր սյուներով կամարները։ Այս պարագան ինձի իրավամբ առիթ կուտա մտածելու, որ Անիի Ս. Գրիգորի ճարտարապետը ոչ միայն մեզ ծանոթ... Անիի Կաթողիկեն հիմնարկող Տրդատը չէր, այլ միևնույն ժամանակ Կաթողիկեն կառուցող ճարտարապետին հսկողութենէն ալ հետո էր Ս. Գրիգորը»<sup>\*\*)</sup>։

Համենայն դեպս այս խնդիրը մենք չենք լուծում այստեղ, այլ թողնում ենք առկա, մինչև հետագայում հարցն այս կամ այն կերպ պարզող նոր փաստերի երևան գալը։

#### Դ. ՀԱՂԲԱՏԻ Ս. ՆՇԱՆ ԵԿԵՂԵՑԻՆ

Միջնադարից մեր օրերը հասած նյութական կուլտուրայի այս հուշարձանը, ինչպես և նրանից ոչ շատ հեռու Սանահինի Ամենափրկիչը, ըստ պատմական վկայությունների, կառուցել է տվել 10-րդ դարի երկրորդ կեսին Աշոտ Գ. Թագավորի կինը՝ Խոսրովանույշ Թագուհին։ Ոչ առաջինի և ոչ երկրորդի ճարտարապետի մասին որևէ պատմական տեղեկություն չի հանդիպել մեզ, սակայն, հայտնի չէ, թե ինչ աղբյուրից առնելով, Բրուսսե և Գրիմ գիտնականները գրում են, որ Հաղբատի Ս. Խաչ (չին-

ասում Ս. Նշան) եկեղեցու կառուցողը եղել է նույն ինքը Տրդատ ճարտարապետը։ Այս բանը հետագայում կրկնել են Ա. Երիցյանը և Հ. Ստրիգովսկին։ Եթե իրոք Հաղբատի Մայր տաճարը կառուցել է Տրդատ Անեցին, ապա նա կառուցել է ավելի վաղ, քան Արգիշայի և Անիի կաթողիկենները, այն է 960-ական թվադարներին (Ասողիկ)։ Այս հուշարձանը ոճի տեսակետից, իր լայնարձակ և գլանաձև զմբեթով, մեզ թվում է, իր դարով ավելի է խնդրական, քան Տրդատ Անեցուն վերագրվող նախորդ շենքը։

#### Ե. Կ. ՊՈԼՍԻ Ս. ՍՈՖԻԱՏԻ ԳՄԲԵԹԻ ՎԵՐԱԿԱԶՄՈՒԹՅՈՒՆԸ

Տրդատ Անեցու մասին մեր խոսքը վերջացնենք, տալով նրա ճարտարապետական մի հանճարեղ գործի նկարագիրը հայրենիքից դուրս։

989 թվին, երբ Բյուզանդիայի կայսերական դահլի վրա նստած էր վասիլ Բ Բուլղարասպանը, Կ. Պոլսում տեղի է ունենում ուժեղ երկրաշարժ, որի հետևանքով ճաքում և մեծապես վնասվում է բյուզանդական ճարտարապետության պարծանք, հռչակավոր Այա Սոֆիայի զմբեթը։ Երկրաշարժը պատահում է օգոստոսի 15-ին։ Մինչև հետևյալ 990 թվի տեղական ճարտարապետները դժվարանում են նորոգության ձեռնամուխ լինել, վերականգնել 35 մետր տրա-

մագիծ ունեցող այդ ահարկու զմբեթը։ Եվ ահա նույն ժամանակում Կ. Պոլսում գրտնվելով Տրդատ Անեցին հանձն է առնում այդ ծանր և խիստ պատասխանատու աշխատանքը և պատվով կատարում, այնպես որ մինչև այսօր էլ զմբեթը մնում է ամուր և անսասան։ Այս վերին աստիճանի կարևոր տեղեկությունը մեզ տալիս է ժամանակակից հայ պատմիչը—Ստեփանոս Տարոնեցին՝ Ասողիկը։ Ամենից առաջ մենք լսենք նրան։

\*) Թ. Թորամանյան.— Նյութեր Հայկ. ճարտ. պատմ., էջ 276։

\*) Տես «Ստեփանոսի Տարոնեցույ Ասողիկան Պատմութիւն տիեզերական», Ս. Պետերբուրգ 1885 թ., Ստ. Մախաթյանի հառաչաբանով։

\*\*) Թ. Թորամանյան.— Նյութեր Հայկ. ճարտ. պատմ. էջ 275։

«Ի սոյն ամի, որ էր ի ՆԼԸ Թվականին, նիգակատոր աստղն կրկին անգամ երևեցաւ... և զկնի սակաւ ատուրց շարժեցաւ աշխարհն Յոնաց ահաւոր դղրդամբ, մինչև կործանել բազում քաղաքաց, գիւղից և գաւառաց... մինչև ի նոյն ինքն ի թագաւորական քաղաքին Կոստանդինոպոլիս մեծաշուք և բազմապաշտառ զարդ հրաշատեսիկ սեան և պատկերաց և եկեղեցեաց մեծամեծաց կործանեալ փրկաւնիւր և նոյն ինքն Սոֆիայն, որ կաթողիկէն է, հերձանիւր պատառամբ վերուստ ի վայր։ Վասն որոյ բազում քան եղև արհեստաւոր ճարտարացն Յոնաց առ ի վերստին նորոգել։ Այլ անդ դիպեալ ճարտարապետին Հայոց Տրդատայ քարաքործի տայ զօրինակ շինուածոյն, իմաստուն հանճարով պատրաստեալ կաղապարոյ կազմածոյն և սկզբնաւորեալ զշինելոյ, որ և գեղեցկապէս շինեցաւ պայծառ բան զառաջինն»<sup>\*)</sup>։

Ասողիկի տված այս տեղեկութիւնն ընդունում են և հաստատում ճարտարապետութեան պատմութեամբ զբաղվող գիտնականները։

Մեր մասնագետներից Թ. Թորամանյանը գրում է.

«Արդ՝ միթե Տրդատ չգերազանցե՞ց Անթեմիոսն ու Իզիտորը, Ս. Սոֆիայի գմբեթին տալով մշտնջենական անսասանութիւն և պայծառութիւն քան զառաջինն։ Որ միևնույն ժամանակ հայ ճարտարապետն իր հայրենի երկրի արվեստի դրոշմը գրաւ անոր վրա, անուղղակի կերպով կիսոստովանե՞ր մեզ ժամանակակից քննող մեծ արվեստագետներին ոմանք։ Կհավաստեն, թե զգմբեթի կիսագունդի տակ իբրև խարիսխ դրո՞ւ».

<sup>\*)</sup> Ասողիկ, Գլ. Իէ։

ված ցածրիկ թմբուկը վերջին նորոգութեան ժամանակ ավելցած մաս է, նախկին զգմբեթները շուրհին այդ թմբուկը, և արդեն գրեթե մինչև 8-րդ դարու վերջն ալ անծանոթ էր այդ ոճը Բյուզանդիոնին, անոր ալ արմատը պետք է Հայաստանի մեջ փնտռել։

Ս. Սոֆիայի ահալոր գմբեթին վերաշինութիւնը, Տրդատ նախորդ ճարտարապետներին ավելի գերազանց կատարելութեամբ դուրս բերելն հետո, այլևս ի՞նչ կասկած կմնա, որ անիկա Հայաստանի մեջ ալ կարող էր նույնօրինակ հսկա ծրագիրներ ի կատար ածել, եթե Սմբատներու և Գագիկներու գանձարաններուն մեջ բյուզանդական հարստութիւն գտնվեր։ Շիրակի փոքրիկ թագավորներու և թագուհիներու համար ի՞նչ օգուտ ունեւ գիտնալ, թե Տրդատ մեծագործութիւններ արտադրելու համար ստեղծված հազվագիւտ հանճար էր, երբ միջոցներ չըպակսեին այդ հանճարին իրականութիւն տալու. բնականաբար Տրդատի անունը սլանհետ ու անհիշատակ պիտի կորսվեր, եթե դիպվածով չկործանվեր Ս. Սոֆիայի գմբեթը և անոր վերաշինութեամբ շանմահանար հայ արվեստագործութիւնը՝ հանձին Տրդատ ճարտարապետին»<sup>\*)</sup>։

Տրդատ ճարտարապետի վառքը, նրա մեծութիւնը հենց նրա մեջ է, որ նա հանդիսանում է 10-րդ դարի հայ ճարտարապետութեան վերածնունդի պարագլուխ՝ որպես հանճարեղ արվեստագետ. նա միջնադարում ներկայանում է շինարարութեան խոշորագույն վարպետներից մեկը, գուցե և ամենից ավելի նշանավորը։

Տրդատ Անեցին—դա հայ ճարտարապետութեան Գրիգոր Նարեկացին է։

<sup>\*)</sup> Թ. Թորամանյան. — Նյութեր Հայկ. ճարտ. պատմ., էջ 74-75։







ԵՐԿԱՆԻ ՇԱՀՍԶԻԶ

Ի Մ Յ Ո Ւ Շ Ե Ր Ի Ց

ՍՏԵՓԱՆՈՍ ՆԱԶԱՐԾԱՆՑ



Երվանդ Շահազիզ



ըբարն հիշում եմ, ես մի հիվանդուտ երեխա էի, հիվանդ ջերմով, ջրջրով և փորահալով: Երբ մայրս ինձ լողացնել էր ուզում, ես փախչում էի, բայց նա էլի զոռով բռնում ու լողացնում էր: Իմ փախչելու պատճառն այն էր, որ նա ինձ լողացնում էր շատ տաք ջրով, իսկ գլխիս ջրը ջրիկի վերքերին էլ մի դեղ էր քսում, որը շատ էր ցավեցնում: Թե այդ ի՞նչ դեղ էր, ես չգիտեի: Հետո միայն իմացա, որ սնդիկ է եղել: Փորահարինքիս էլ ոչ մի դեղ չէր օգնում, իսկ ջերմս, որ մերոնք «դողէրոծք» էին ասում, հետագայում իմացա, որ տենդ է եղել (մալարիա): Մորս ասելով, այդ հիվանդություններից ես մի ժամանակ այնպիսի վիճակի եմ հասած եղել, որ երեսու ծածկել ու մի կողմն են դրել, իբրև անհույս:

Ինձ բժշկում էին տնային, պառավական դեղերով, իսկ երբեմն էլ հրավիրում էին հեքիմ Մկրտիչին կամ Հովհաննեսին, որոնք այն ժամանակ Երևանի ամենահայտնի բժշկներն էին համարվում: Սրանցից առաջինի, հեքիմ Մկրտիչի, խորհրդով մայրս,

ջրփոխության համար, ինձ տարավ Սուրմալու գավառի Բլուր գյուղը<sup>\*)</sup>—մորապապուհս տունը, որտեղ ես մնացի մի ամառ ու մի ձմեռ և դոմշակովերի սեր ու կարագով, լիակուրծ կովերի շաքարի պես անուշ կաթ ու մածոնով այնքան կազդուրվեցի, որ մայրս հնարավոր համարեց ինձ էլ Մոսկվա ուղարկել, կազարյան ճեմարանում ուսանելու համար, ուր, հորեղբորս՝ Սմբատ Շահազիզ-

\*) Բլուր գյուղը գտնվում է Սուրմալու գավառում, որը առաջ պատկանում էր Ռուսաստանին և միայն 1920 թվին անցավ Թուրքիայի ձեռք: Այս գյուղի կալվածատերը եղել է մելիք Մինաս Կամսարականը, որը իրեն կոչում էր Արշարունյաց տեր: Սա մի քանի որդիներ է ունեցել, որոնցից մեկն էր Օհան աղան: Վերջինս ունեցել է մի արու գավակ՝ Ղազար անունով և մի դուստր՝ Վարդ խաթուն անունով: Ղազարը մանուկ հասակում վախճանվել է, իսկ Վարդ խաթունը ամուսնացել է երեսնամյակ Նախիջևանցի ունեղու վաճառական Զաքար Բոյախիյանի հետ: Այս ամուսնությունից էլ ծնվել է մի աղջիկ՝ Քելլու անունով, որն ամուսնացել է աշտարակցի Հովակիմ աղա Շահազիզ-Կամսարականի հետ: Ահա հենց այս Հովակիմն իմ հայրն էր, իսկ Քելլուն իմ մայրը:

յանցի պատվերով, արդեն ուղարկել էր ինձնից մեծ երկու եղբայրներին և ինձ էլ պիտի ուղարկած լինեիր, բայց հետաձգել էր հիվանդության պատճառով:

Թեև դեռ իսպառ չէի բուժվել, սակայն իմ Մոսկվա գնալու այլևս հետաձգել չէր կարելի, քանի որ տեղյ կարող էր ուրիշը գրավել, իսկ տարիքս էլ անցնում էր, ես արդեն 14 տարեկան էի և այնքան էլ գիտություն չունեի, որ քննության մեջ համապատասխան դատարան ընդունվեի:

Լազարյան ճամարանում ինձ քննեցին ու տեսան, որ գիտությունս պակաս է. բայց ներողամիտ գտնվեցին ու նստեցրին առաջին դասարանում, ասելով թե Շահազիզյաններին է, աշխատասիրության մեջ կհասնի իր ընկերներին: Այո՛, հասա և մինչև անգամ էլ դասարանս փոխեցի, բայց ինչպիսի՛ համառ ու ծանր աշխատանքով... 1871—72 ուսումնական տարին էր:

Թեև Մոսկվա գալուց հետո, հենց առաջին տարում էլ իմ բոլոր հիվանդությունները բուժվել էին, բայց անընդհատ ու շատ պարտապնդող բուժություններ ուժից ընկել, նվազել էի և կարիք էի զգում մի լավ հանգստանալու, մի հանգստանք, որ հորեղբայրս էլ էր նկատել և մայրսին, տարեվերջի քննություններից հետո, պատվիրեց ուսանող մեծ եղբորս, որպեսզի ինձ իր հետ ամառանոց տանի քաղաքից ոչ շատ հեռու գտնվող Բոգորոդսկ գյուղը ու այնտեղ էլ հսկի իմ առողջությունը:

Այդ գյուղը հանգստանալու համար ուներ բոլոր հարմարությունները, — և՛ մաքուր օդ ու ջուր, և՛ խիտ անտառներ, և՛ գետ՝ լողանալու համար, և՛ առատ կաթնասնունդ, և՛ քաղաքի հետ կապող հարմար ճանապարհ (ծիաքարը):

Մեր ամառանոցը գտնվում էր գյուղի ծայրին և նրա առաջ փռված էր մի լայնարձակ դաշտ: Ամառանոցը տեղավորված էր ընդարձակ հողամասի վրա, այս հողամասի փողոցը եզերող մասում շինված էր մի սիրուն ամառանոց, իսկ ներսում, բակում էլ երեք փոքր ամառանոցներ, բաղկացած միջակ մեծության մեկական սենյակներից ու նախասենյակներից: Շինությունները փայտյա էին, թե՛ բակիները և թե՛ փողոցի վրային: Սա ու եղբայրս ապրում էինք փոքր ամառանոցներից առաջինում: Հանգիստ ու դուրեկան էր, եթե շինեին ձյունների երաժշտությունը, գիշերային պահապանների շնչակացնելը տափտակների վրա և առավոտյան շատ կանուխ ամառանոցների բակերն այցելող բանջարավաճառների և պտղավաճառների զվի ձայները, որոնց ես սովոր չէի:

Ահա հենց այստեղ էլ ես առաջին անգամ տեսա Ստեփանոս Նազարյանցին. որն իր ընտանիքով ամառանոց էր եկել և տեղավորվել փողոցի վրա շինված սիրուն ամառանոցում: Նրա ննջարանը և պարապմունքի սենյակները գտնվում էին վերին հարկում, իսկ ընտանիքը տեղավորված էր ցածի հարկի սենյակներում:

Այստեղ Ս. Նազարյանցի կենսագրության վերաբերյալ մի քանի համառոտ տեղեկություններ ենք տալիս, մեր հուշերը ընթերցողների համար ըմբռնելի դարձնելու նպատակով:

Ստեփանոս Նազարյանցը ծնվել է Թիֆլիսում 1812 թվին, հուլից գաղթած Տեր-Յուսուպի քահանայի ընտանիքում: Նա իր միջնակարգ կրթությունը ստացել է Թիֆլիսի Ներսիսյան դպրոցում, իսկ բարձրագույնը՝ Դորպատի համալսարանում: 1844-ին կարգվել է արևելագիտության ադյունկտ Ղազարի կայսերական համալսարանում, որտեղ և ստացել է մագիստրոսի ու դոկտորի գիտական աստիճանները: 1849 թվին փոխադրվել է Լազարյան ճամարան, ուր դասախոսել է պարսկերեն ու արաբերեն լեզուները: 1869 թվին հրավիրվել է Ներսիսյան դպրոց՝ տեսչի պաշտոնով. այստեղ նա պաշտոնավարել է միայն երկու ուսումնական տարի, որից հետո վերստին վերադարձել է Լազարյան ճամարան: Նրա ճամարանի արևելյան լեզվաց օլիկեոն կամ մասնագիտական դասարանները կոչված բաժինը 1872 թվին վերածվել է արևելյան լեզվաց բարձրագույն դպրոցի, համալսարանական իրավունքներով, Նազարյանցն էլ այդ լիկեոնում դասախոսել է պարսից լեզուն ու գեղագրությունը մինչև իր մահը, որը տեղի է ունեցել 1879 թվի ապրիլի 26-ին:

Հանուրին հայտնի «Հիւսիսարփայլ»-ի հիմնադիր ու հրատարակիչ Ստեփանոս Նազարյանցը, իր գործունեությամբ, հանդիսացել է յուր դասընկեր հաշատուր Աբովյանի լուսավորչական գործի շարունակողն ու զարգացնողը, արժանահիշատակ Միքայել Նալբանդյանի հետ միասին:

Այս համառոտ կենսագրական տեղեկություններից հետո դառնանք մեր հուշերին: Նազարյանցը ամեն օր ամառանոցից գրնում էր քաղաք և ճաշին վերադառնում, իսկ կիրակի և տոն օրերին մնում էր ամառանոցում: Այդ ժամանակները նա երբեմն դուրս էր գալիս զբոսնելու կամ ամառանոցի ընդարձակ բակում, կամ էլ գնում էր անտառ, գյուղի այն կողմում, որտեղ գտնվում էր երաժշտության ուստոնդը: Սա համարյա միշտ հանդիպում էր նրան և կանգնելով պատկառանքով բարևում, գլուխ էի խո-



նարհում, Մի կիրակի օր էլ, երբ Նազարյանցը գրտնում էր բախում, ես դարձյալ իմ սովորական բարեւոյ մատուցի նրան. նա մոտեցավ ինձ և հարցուփորձ արեց, թե ո՞վ եմ ես և ճամարանի ո՞ր դասարանում եմ սովորում. երբ ես երևանյան մաքուր բարբառով պատասխանեցի նրա հարցմունքներին ու նա իմացավ, որ Սմբատ Շահազիզյանցի եղբոր որդին եմ, շատ ուրախացավ, ձեռքս բռնեց, իր մոտ քաշեց, գլուխս շոյեց և ճակատս համբուրեց. ապա տեսնելով որ ես արդեն հասած տղա եմ և կարող եմ իր գրքերը կարդալ ու հասկանալ, խոստացավ ինձ կարդալու գրքեր տալ. Մյուս օրը, առավոտյան նրա աղախինը ինձ համար երկու գիրք բերեց — «Պօզ և Վերգինե»-ն և «Հանդես նոր հայախօսութեան»-ի առաջին հատորը. սրանցից առաջինն արդեն ինձ ծանոթ էր, իսկ երկրորդին անունը լսել էի, բայց դեռ չէի կարդացել:

Սկզբում, նրան հեռվից դիտելով, ես այն տպավորություն էի ստացել, որ նա խիստ ու զայրացկոտ մարդ պետք է լինի, իսկ երբ մոտիկից գննեցի ու խոսեցի հետը, նա իմ աչքին երևաց իր իսկական պատկերով ու կերպարով: Նա բարձրահասակ, թավ հոնքերով, խիտ ու սև մազերով, դուրեկան ու խոսուն աչքերով, թխագույն դեմքով և կզակի տակը թողած տարօրինակ մորուքով մի համակրելի մարդ էր:

Տարիներ անցան... ես մեծացա, բարձր դասարանները հասա և սկսեցի մեծ սիրով զբաղվել ընթերցանությամբ: Վեցերորդ դասարանի աշակերտ էի, ընթերցանությունը ինձ համար դարձել էր օրվա կերակուրի նման մի բան, անխտիր կարդում էի ամեն մի գիրք, որը դուրս էր գալիս հայ մամուլի տակից ու ընկնում ձեռքս: Հատկապես սիրում էի հայ գրականությանը վերաբերող հրատարակությունները, բայց այդպիսիք շատ չէի գտնում, դրա համար էլ մտքումս դրի Նազարյանցին խնդրել իր ռուսերեն գրածները այս մասին: Ես նրան դարձյալ հաճախ հանդիպում էի — լիկեոնի փոքր դռնից իջնելով մեծ միջանցքը նա իր քայլերն ուղղում էր դեպի գրասենյակ. ես առաջվա նման բարևում էի նրան, բայց նա, ըստ իր սովորության, քայլում էր գլուխը կախ, մտազբաղ, նոթերը կիսած և չէր նայում իր շուրս կողմը: Նա հավանորեն մոռացել էր ինձ, իսկ ես էլ քաշվում էի անհանգստացնել նրան: Սակայն, մի օր քաջություն եկավ վրաս, ես մոտեցա նրան, կանգնեցի ու խնդրեցի ցանկացած — «Беглый взгляд на историю Гайканской письменности до конца XIII столетия» և «Обозрение ис-

тории Гайканской письменности с XIV столетия до новейшего времени» (т. е. до 1840 г.):

Նա կարծես թե քնից արթնացած, գլուխը բարձրացրեց և տեսնելով ինձ իր առջև կանգնած, հարցրեց. —

— Ի՞նչ ես ուզում:

Ես կրկնեցի գրվածքների անունները և ավելացրի.

— Ստեփանոս Իսայիչ, ներողամիտ եղեք, ես ուզում եմ կարդալ ձեր այդ գործերը, բայց ոչ մի տեղ չեմ գտնում դրանք:

— Հրաշք է, — ասաց նա զարմացած և, ըստ իր սովորության, աչքերը բաց ու խուփանելով, — այսքան տարի է ես այստեղից անցուղարձ եմ անում ու տակավին ճամարանի աշակերտներից և ո՛չ մեկն այդպիսի խնդիրքով ինձ չէր դիմել: Ո՞վ ես դու:

Ես նրան ասացի իմ ով լինելու մասին և հիշեցրի Բոգոբոգուկ ամարանոցը:

— Հա՛, դու Երվանդ Շահազիզյանցն ես, մեծացել ու շատ փոխվել ես, շճանաչեցի: Գրվածքներս կտամ հորեղբորդ և նա կտա քեզ, ես հաճախ եմ լինում իմ հավատարիմ Սմբատի մոտ: Ապրի՛ս, զորանա՛ս, լավ օջախի զավակ ես, — այս ասելով նա սեղմեց իմ ձեռքը:

Հենց որ այս տեսան իմ ընկեր աշակերտները, իսկույն ճամարանում լուր տարածվեց, թե Նազարյանցը սեղմել է Երվանդ Շահազիզյանցի ձեռքը: Հորեղբայրս ժպտով հանձնելով ինձ խնդրածս գրվածքները, հայտնեց թե Նազարյանցը շատ է հավանել մեր նոր դրական լեզվով իմ խոսելը և հատկապես բառերի մաքուր արտասանելը ու ցանկանում է, որ իր մահից հետո ես հայ լեզուն սովորեցնեմ իր դեռևս ծծկեր երկու երկվորյակ աղջիկներին:

Երբ ես բավականաչափ հասունացել էի, հորեղբայրս պատվիրեց ինձ կիրակի ու տոն օրերին իր մոտ ճաշելու գնալ. այս հանգամանքը բնականաբար նպաստում էր, որպեսզի ես հաճախ հանդիպեի Նազարյանցին, որը նույնպես այդ օրերին հաճախ լինում էր հորեղբորս մոտ ու ճաշում նրա հետ միասին: «Հիւսիսափայլ»-ի օրերն անցել էին, տաք պայքարը սառել էր, և բոլոր հրատապ խնդիրները լուծվել էին հօգուտ «Հիւսիսափայլ»-ի որդեգրած ու պաշտպանած գաղափարների, բայց դեռ մնում էր ձեռք բերված հաղթանակները ամրապնդելու, զարգացնելու ոչ պակաս դժվարին գործը, որի համար հարկավոր էր նոր բերան, նոր թերթ:

Նազարյանցն ահա այդ ժամանակներն էլ հենց զբաղված էր այդ խնդիրներով. նա մրտաժողով, պատրաստություն էր տեսնում հրատարակելու «Ապառնի» Հայաստանի»-ն և



հաճախ այցելելով իր գաղափարակից ու հավատարիմ Սմբատին, խորհրդակցում էր նրա հետ այս մասին: Այդ օրերին ես նրան տեսնում էի մերթ ուրախ, ծիծաղը դեմքին, մերթ տխուր, հուսահատ և մինչև անգամ մերթ էլ արտասվելիս:

Նստում էինք ճաշելու, թեև հորեղբորս անունը «գասարոնում» էին դրել, բայց իրոք նրա սեղանը շատ պարզ էր և ոչ բազմախորտիկ. նա ուտում էր մի պնակ ջրեղեն, մի պնակ մսեղեն կերակուր ու մի բաժակ էլ լավ գինի էր խմում. նրա պահանջն էր, որ մթերքները միայն թարմ լինեն: Ծաղին սովորաբար խոսում էր Նազարյանցը, հորեղբայրս միայն պատասխանում էր նրա հարցերին և կամ իր կարծիքն էր հայտնում: Ծն, իհարկե, չէի խառնվում նրանց խոսակցությանը, այլ միայն լուռ լսում էի նրանց ասույթները:

Մի անգամ, այդ Նազարյանցի ուրախ օրերից մեկն էր, նա ասում, խոսում, ծիծաղում էր ճաշին. մեկ էլ հանկարծ նստած տեղից բարձրացավ և գինու բաժակը վերցնելով խմեց իմ կենացը ու հարցրեց՝ թե թուրքերեն հասկանո՞ւմ եմ արդյոք. ես պատասխանեցի, որ քիչ-միչ հասկանում եմ և նա թուրքերեն մի ոտանավոր ասաց, որի խոսքերը մինչև օրս էլ միտս է, չեմ մոռացել, որովհետև մանկությանս օրերին էլ լսել էի այդ նույն ոտանավորը իմ մորատատ վարդ իսթուհից:

Արագ սաղյըմ թեշդի,  
Արագ բուլընդի, գեշդի.  
Արագ, գյալ, իսպաթ էլլա,  
Հանսը դյունըմ խոշ գեշդի:

Թարգմանությունը.—

Արագը ձգեցի լվացքակոճա,  
Արագը պղտորվեց, անցավ գնաց.  
Արագ, արի ապացույց տուր,  
Ո՞ր մի օրս լավ անցավ գնաց:

Ոտանավորը ավարտելուց հետո ձեռքը դրեց իմ ուսին և խոսքը հորեղբորս ուղղելով ավելացրեց.

— Սա՛ էլ մեր ճամբով պիտի գնա և մեր վիճակին տիրանա, սակայն, ես խորին հույս եմ տալով, որ մեր տառապանքն էլ, շուտ թե ուշ, վերջ կունենա:

Մի ուրիշ անգամ էլ ես ներկա գտնվեցի նրանց վիճաբանությանը մեր նոր լեզվի հայցական հոլովի շուրջը: Նազարյանցը, մեր նոր լեզվի հայցականը համարելով անորոշ և, ըստ ամենաբնի դժվար, առաջար-

կում էր, ուղիղ ու ստույգ գործադրության համար, ընդունել գրաբարի զ-ով հայցականը, ինչպես որ ընդունված է արևմտահայ նոր գրական լեզվի մեջ: Հորեղբայրս անարկում էր դրան. նրա կարծիքով ոչ մի կամայականություն չպետք է մտցվեր կենդանի լեզվի մեջ, քերականության կանոնների վրա հենվելով, այլ պետք է նոր լեզուն խստիվ պահպանվեր այնպես, ինչպես որ նա կա: Մեր նոր լեզվում զ-ով հայցական չկա,— ասում էր նա,— և պետք է որեմն դեկավարվել այն օրենքներով, որոնք գոյություն ունին և որոնց մեջ ոչ մի անորոշություն էլ չկա: Ու այսպես երկար մի՛ճում էին նրանք:

Նազարյանցի տխուր օրերն էին. «Լապտեր Հայաստանի»-ն հրատարակելու առթիվ նրա արած դիմումին բացասական պատասխան էր տրվել: Նա մոլորված ու շատ վհատ անդադար հարցնում էր.

— Սմբա՛տ, ի՞մ պատվական րարիկամ, ի՞նչ պիտո է առնել, ի՞նչ...

Նրա այս հարցումին հորեղբայրս մխիթարական մի պատասխան էր տալիս միայն, թե վհատելը փոքրագություն է. մյուս կողմից նա հուսահատում էր Նազարյանցին, ասելով՝ թե «Հիսուսափալլ»-ը հաստատուն ու անկեղծ շատ բարեկամներ ունենալով հանդերձ, ունեն նաև կատաղի թշնամիներ, որոնց բողոքները անկասկած ազդել են այս անգամ պետական պաշտոնյաների վրա և, ուրեմն, պետք էր սպասել, որ այդ ամենը հնանա, մոռացվի:

— Այո՛, մինչև որ հնանա... Մենք էլ իսպառ կհհնանանք,— ասում էր նա, հասկացնել ուզելով, որ ինքը այդ ժամանակ թերևս կենդանի էլ չլինի:

Նազարյանցի երկու հոգվածք, որ նա դրել, պատրաստել էր «Լապտեր Հայաստանի»-ի համար, նրա մահից հետո տպագրվեցին Մոսկվայի «Թրակախական և պատմական հանդես»-ի 1888 և 1889 թվերի դրոքերում: Դրանք էլ «Հիսուսափալլ»-ում տրվապագրվածների բնույթի հոգվածներ էին: Մենք չենք հիշում, որ դրանցից հետո նա այլևս նոր բան գրած լինելու նա շատ վհատ էր, սրտաբեկ, հուսահատ և հազիվ թե կարողացած լիներ շարունակել իր գրական աշխատանքները:

Նազարյանցը իր այդ ծանր օրերին շարունակում էր դարձյալ հաճախել հորեղբորս մոտ, որտեղ ես առաջվա պես հանդիպում էի նրան: Մի օր էլ տեսա նրան հորեղբորս տանը արտասվելիս, այո, դառն արտասվելիս. նա հայտնեց, որ իր տանը ընտանեկան գժտություն է պատահել և ինքը չկա-



րողանալով հանդուրժել, թողել է տունը ու ապրում է կահավորված վարձու սենյակում: Ինչպես հայտնի է, Նազարյանցը ամուսնացել է երկու անգամ, սակայն, երկու ամուսնությունն էլ անհաջող են եղել: Առաջին անգամ, դեռ իր ուսանողության տարիներին, նա սիրել է մի գերմանուհու և նշանվել: Դորպատի համալսարանն ավարտելուց հետո Նազարյանցը ուղևորվում է Պետերբուրգ, ուր նրան հաջողվում է աղյուսկտ կարգվել Ղազանի կայսերական համալսարանում, բայց նախքան Ղազան մեկնելը նա վերադառնում է Դորպատ, պսակվում իր նշանածի հետ և ապա կնոջ հետ միասին 1844 թվին փոխադրվում Ղազան:

Նազարյանցի այս ամուսնությունը թեև տեղի էր ունեցել սիրո հողի վրա, բայց հետագայում նա տեսել ու համոզվել է, որ կինը, իր կրթությամբ ու սրտի հարազատությամբ, իրեն համապատասխան չէ, որի համար էլ զգոհել է: Երբ Նազարյանցի այս կինը հիվանդոտ լինելու հետևանքով շուտով վախճանվում է, նա, առանց խրատված լինելու առաջին ամուսնության անհաջողությունից, շտապում է ամուսնանալ իր տան բռննայի հետ, որը բոլորովին համապատասխան չէր նրան, ոչ կրթությամբ և ոչ էլ վարք ու բարքով: Այսպիսով, առանց խորհելու, կապվելով Միննա Եգորովնայի հետ, Նազարյանցը սկիզբ է դնում իր նոր զոհախտության, որից փրկվել նա չէր կարող նույնիսկ տանից փախչելով:

Մանր էր հորեղբորս վիճակը, ի՞նչպես միթիթարել նրան: Մեղ անհայտ է, ի՞նչ է արել նա, բայց հայտնի է, որ Նազարյանցը շտապով վերադարձել է իր տունը և տեղեկանել իր երեխաներին: Ահուհետե Նազարյանցը և հորեղբայրս այլևս չէին խոսում այս մասին և եթե խոսում էլ էին, համենայն դեպս ոչ իմ ներկայությամբ:

Նազարյանցը շատ աշխատասեր էր. իր



Ստեփանոս Նազարյանց

հույսը կտրելով մի նոր թերթ հրատարակելու համար արտոնություն ստանալուց, նա իր բոլոր աշխատանքը կենտրոնացնում է լիկեոնում, որտեղ, ինչպես ասացինք, 1872 թվից սկսած նա հանդիսանում էր պարսից լեզվի ու գրականության դասախոսը (գեղարվության հետ միասին): Նազարյանցի պատմելով շատ ծանր ու դժվարին աշխատանք է պահանջվել այդ առարկայի ուսուցման գործը նորմալ հոնի մեջ դնելու համար. չեն եղել ոչ բառարաններ, ոչ քերականության ձեռնարկներ, ոչ ոսկեփորկիներ (քրիստոմատիս) և ոչ էլ գեղագրության օրինակներ. այս ամենին պետք է փոխարինել միայն և միայն ինքը՝ պրոֆեսորը, եթե այս բոլորին ավելացնելու լինենք նաև արարական տառերի ընթերցանության ու գրության դժվարին յուրահատկությունները, և այն, որ ուսանողները մեծ մասամբ գիմնազիա ավարտած ռուս տղաներ էին, միանպատակ անծանոթ արևելյան լեզուներին ու գրության եղանակներին, ապա հասկանալի կդառնա Նազարյանցի կրած նեղությունները և գործի անմխիթար արդյունքը: Իր պատմելով, սակայն, այս նեղությունները նա

կրել է աշխատանքի առաջին տարիներում և հատկապես առաջին կուրսում, իսկ երբ հետզհետե հիշյալ բացերը վերացվել են. գործը հաջող է ընթացել և ինքն էլ իր աշխատանքից գոհ է մնացել:

Ուսանողները սիրել ու գնահատել են նրան. նրանք մեծ բավականությամբ են ունկընդորել նրա դասախոսությունները գրականության մասին. նրա ճոխ լեզուն, հետաքրքիր և ձուլվ խոսելը, Շահ-Նամեից հատվածներ արտասանելը գրավել է բոլորին: Մենք այստեղ ավելորդ չենք համարում մի դեպք մեջ բերել, որ լսել ենք նրա ուսանողներից և որը ցույց է տալիս թե որքան սեր ու հարգանք էր վայելում նա իր ուսանողների շրջանում: Դեպքը տեղի է ունեցել ա-



ռաջին կուրսում, 30 ուսանողի ներկայությամբ. Նազարյանցը գրատախտակի վրա գեղազորության մի օրինակ գրելու ժամանակ, ըստ իր սովորության ծովով է, աշխատելով՝ ըստ հնարավորության օրինակը գեղեցիկ դուրս բերել, որովհետև նա պիտի ուսանողների գրության համար ընդօրինակելի հանդիսանար: Նորեկ ուսանողներից մեկը, տեսնելով նրա զվարճալի ծովովը, փրկվեցրել է. այդ ժամանակ նա շուտ գալով դեպի ամոթից շփեց նաև ուսանողը, ասել է... «Мялостивый государь. Вы дурак»: Զուր է մաղվել բոլոր ուսանողների վրա, բայց ոչ ոք բողոքի ծալուծա չի հանել: Ընդհակառակը, ուսանողները իրենց ընկերոջը ստիպել են, որ գնա և ներողություն խնդրի պրոֆեսորից: Նազարյանցը ասել է.

— Այո՛, ձեր արածն անքաղաքավարություն էր, բայց ես էլ չպետք է ասեի ձեզ այն խոսքը, ներում եմ, բարեկամ լինե՞ք,— այս ասելով սեղմել է ուսանողի ձեռքը, մի վարմունք, որ է՛լ ավելի է բարձրացրել նրա պատիվը ուսանողների շրջանում:

Մեր աշակերտության օրերին մենք լսել ենք Նազարյանցի մի ճառը և մի դամբանականը: Ծառի մասին մենք խոսել ենք մեր մի ուրիշ հուշերում, այստեղ միայն կվերհիշենք, որ Նազարյան ճամբարանում, պարսից նասրեդդին շահի ներկայությամբ, Նազարյանցի պարսկերեն արտասանած ճառը հնչեց որպես մի մեղեդի: Ծառը դժվարանում էր հավատալ, որ խոսողը պարսիկ չէ, այլ հայ է: Դամբանականը Նազարյանցը խոսեց Մոսկվայի Ս. Խաչ եկեղեցում, իր վաղեմի բարեկամ և մեր էլ կրոնուսույց Տեր-Հարություն Քյուրքչյանի\*) դազադի վրա: Նրա հագին ժամաշապիկ կար, նա քարոզ խոսելու սովոր էր դեռ իր աշակերտության օրերից: Ինչպես հայտնի է, ներսիսյան դպրոցում սովորություն կար աշակերտներին եկեղեցի ուղարկել, ժամաշապիկ հագած բեմ բարձրանալու և քարոզ խոսելու համար: Դամբանականի բովանդակության մանրամասնությունը մոռացել եմ,

\*) Քյուրքչյան Տեր-Հարությունը Նոր-Նախիջևանյի էր և Ալազարյանի աշակերտը: Մտերից հետո, մի կարճ ժամանակով, օա ճամբարանում մեր կրոնուսույցն էր. թեև մի առանձին գիտության տեր չէր, բայց հմուտ էր եկեղեցական կանոններին և պատարագելու առանձնահատուկ շնորհ ուներ, որի համար էլ վախում էր Մոսկվայի հայ գաղութի հարգանքը: Մի քայլ Սալանթյանը, ծերության հետևանքով իր պաշտոններից հրաժարվելուց հետո, մի առժամանակ ազրել է վերջինիս տանը ու նրա մոտ էլ թողել իր թղթերը:

այնքանը միայն լավ հիշում եմ, որ նա մեռյալի հետ այնպես էր խոսում, ինչպես մարդ խոսում է իր առջև կանգնած կենդանի մարդու հետ. հիշում եմ նրա երեք անգամ կրկնած մնաս բարավները և հետևյալ խոսքերը. «Դու, Տեր-Հայր, 20 տարի մոմ վառեցիր, խոնկ ծխեցիր այս Ս. Տաճարի մեջ և ինքդ էլ վառվեցար 20 տարի իբրև մոմ ու ծխեցար իբրև խոնկ»:

Հիշում ենք նաև լիկեոնի ուսանողների և գիմնազիական դասարանների աշակերտների մասնակցությամբ ճամբարանում տեղի ունեցած մի ներկայացում, որի կազմակերպմանը եռանդագին մասնակցություն ցույց տվեց և Նազարյանցը: Որոշված էր պարսկերեն, լատիներեն ու հայերեն (գրաբար) լեզուներով մեկական գործողությամբ թատերախաղ ներկայացնել. դրանց կազմակերպումը հանձնարարվել էր— պարսկերենինը՝ Նազարյանցին, լատիներենինը՝ լատին լեզվի ուսուցիչ դանիացի Տորլանգին, իսկ հայերենինը՝ ավագ աշակերտներին: Նազարյանցը պարսկերենի համար նյութ էր ընտրել Սաադի Մուալեհ-հոդին Շեյխի «Բյուլիստանը», Տորլանգին՝ «Պլավտո», իսկ աշակերտները՝ Հակոբ Կարինյանի «Վարդանանց պատերազմը», որի ձեռագիր տետրակը այդ ժամանակ գտնվում էր ավագ աշակերտ Խալաթյանի մոտ:

Ընդհանուր փորձը, որ տեղի ունեցավ ճամբարանի վերատեսուչ Ն. Դ. Դեյլանովի և տեսուչ Գ. Ն. Քանանյանի ներկայությամբ, ցույց տվեց ձեռնարկած գործի հաջողություն: Ներկայացմանը ներկա էր ընտիր հասարակություն— լիկեոնի պրոֆեսորական կազմը, գիմնազիական դասարանների ուսուցչական կազմը, համալսարանի ուսուցիչները, քաղաքի պաշտոնական անձինք և այլն: Այս ներկայացման ու նրա հաջողության մասին գրվեցին, նույնիսկ լրագրերում\*): Բայց ներկայացման ունեցած հաջողությունը ամենից շատ ուրախություն էր պատճառել Նազարյանցին, որը խաղարկությանը մասնակցող ուսանողների հետ միասին ասում, խոսում ու զվարճանում էր: Սա նկատեցի, որ նրա վարմունքը ուսանողների հետ, ըստ սովորականի, ընտանեկան և հայրական էր: Մի բան էլ ինձ զարմացրեց, այդ ախ էր, որ նա Տորլանգին հետ խոսում էր լատիներեն:

Նազարյանցը արտաքուստ առողջակազմ էր երևում և այնքան էլ ծեր չէր: Նրա ծննդյան թվականը թեև համարվում է 1812-ը,

\*) Այս ներկայացմանը մասնակցողների նկարները կախված էին ճամբարանի հյուրասենյակում, բայց թե հետագայում ինչ եղան, մեզ հայտնի չէ:



բայց դա ստույգ չէ՝ նորիցս հայտնաբերվել է մի վավերական, որից պարզվում է, որ նա ծնվել է ոչ թե 1812 թվին, այլ 1814-ին, Համենայն դեպս, լինի նա ծնված 1812 կամ 1814 թվին, արտաքուստ զառամյալ չէր երևում։ Ընդհանուր է, վերջին տարիները նրա գրել-խոսվածքները որոշ չափով ազդել էին նրա հոգեկան ու մարմնական կացության վրա և նա է՛լ առաջվա նազարյանցը չէր, բայց դեռ տակաւին զվարթ ասում, խոսում, դատում էր և եռանդով գործում լիկեոնում։

1879 թվի ապրիլի 24-ին հորեղբայրս այցելության էր գնացել հիվանդ նազարյանցին, որը նրան հայտնել էր թե մի փոքր մրսել է, բավականին սաստիկ հազում է և չորս օր է, որ տանից դուրս չի եկել։ Հորեղբայրս երեք ժամ նստել էր հիվանդի կողքին ու գրուցել հետը. նրա հիվանդությունը շրջապատողներին այնքան էլ վտանգավոր չի թվացել, քանի որ նա առողջ դատում ու խոսում է եղել։ Ինչպես հետո նրա տանեցիք հաղորդել են հորեղբորս, ապրիլի 25-ին, երբ հայ բարեկամներից ոչ ոք էլ չի եղել նրա մոտ, երեկոյան ժամը 10—11-ին թոքերի բորբոքումը սաստկացել է ու գիշերվածամը շորսին էլ վրա է հասել մահվան տագնապը և դեռ արշալույսը չծագած նա ավանդել է հոգին։

Ապրիլի 26-ին տարածվեց անակնկալ բոթաբեր լուրը և ամենքի վրա էլ ծանր, ճնշող տուգավորություն թողեց. բոթը հասավ նաև ճեմարան և ինչ ասել կուզի, որ այստեղ նույնպիսի, գուցե և ավելի, ծանր տուգավորություն թողեց։ Ես ութերորդ դասարանի աշակերտ էի և պատրաստվում էի ավարտման քննություններին. ընկերներիս ցանկությանը վաղեցի հորեղբորս մոտ ու վերը հիշված կրճատ տեղեկությունները բերի։

Մահվան լուրը առաջին հերթին և շատ կանուխ տանից հաղորդել էին եկեղեցու երեցփոխ և հանգուցյալի վաղեմի ու մտերիմ բարեկամ Մելքոն Փանյանին\*), որը իսկուհի գնացել ու հոգացել էր ամեն հարկավորը։ Դադաղը բերվել ու դրվել էր եկեղեցում. ամենքը գնում էին նազարյանցին դադաղում տեսնելու։ Ես էլ ընկերներիս հետ գնացի. եկեղեցում շատ մարդ չկար, դադաղը դրված էր եկեղեցու մեջտեղը ու կիսով չափ ծածկված մետաքսյա աղնիվ կտորով. գլխավերևը դրված էր մի մեծ, բարձր մոմակալ, վառած կերոսով ու փոքր մոմե-

րով։ Մեզ, աշակերտներին տեսնելով Փանյանը ուռած ու արտասովալից աչքերով ընդառաջ եկավ ու ասաց.— «Եկեք, տեսեք մեր խեղճ, մեր բարի նազարյանցին, նա սիրում էր ձեզ, աշակերտներդ»։ Ես կանգնած, երկար դիտում էի. նազարյանցի դեմքը զայրացկոտ էր և նոթերը կիտած. նրա դեմքին ես նշմարում էի իր անտեր մնացած սիրասուն զավակների հոգսի նշանները։

Մյուս օրը թաղեցին նազարյանցին, բայց չգիտեմ տեղի հայ հասարակության թե՛ իր ծախքով, միայն հիշում եմ, որ թաղումը կատարվեց շատ շքեղ հանդիսավորությամբ։ Պատարագին դադաղը ծածկված էր ծաղիկներով և եկեղեցին լիքն էր երկսեռ բազմությանը. այդտեղ էին ճեմարանի աշակերտները, ուսանողները, ուսուցիչները, պրոֆեսորները, Մոսկվայի հայ գաղութը, ինչպես նաև գերմանացիներ, իրենց պատուոթի հետ միասին։ Դամբանական ճառեր խոսվեցին, խոսեց նաև պատուոթը։ Դադաղը եկեղեցուց դուրս հանեցին ուսանողները և փոխանիս իրենց ուսերի վրա տարան մինչև քաղաքի ծայրը ու նոր հետո միայն դրին դիակառքի վրա։ Ծանապարհին դադաղը երեք տեղ «հանգիստ» դրեցին և առաջինը ճեմարանի մուտքի մոտ։ Ծեմարանի երկու աշակերտ դադաղի առջևից տանում էին հանգուցյալի և տացած շքանշանները, փոքրիկ բարձերի վրա ամրացված։ Թաղումը կատարվեց «Վաղարշապատ» կոչված հայոց գերեզմանատանը. գերեզմանը փորված էր եկեղեցուց ոչ հեռու, հանգուցյալի ավագ որդի Ֆրիդրիկոսի գերեզմանի կողքին, որի դադաղի վրա ինքը հայրն էր դամբանական խոսել եկեղեցում։ Դադաղը գերեզման իջեցնելուց հետո նրա անդրանիկ բարեկամ Փանյանը մի բուռ հող ձգեց վրան, որից հետո ամրացրին կապարիչն ու հողով ծածկեցին և ապա վերջին դամբանական խոսեցին գերեզմանի վրա։

Օրը երեկոյանում էր. հուղարկվողների բազմությունը հետզհետե ցրվեց և շուտով համարյա թե մենակ մնացինք մենք, ճեմարանի վերջին դասարանի աշակերտներս։ Մենք էլ շուտով քաղաք պիտի դառնայինք, բայց վերադառնալուց առաջ ցանկացանք մեր ուղածի պես հարգանք մատուցել նրա թարմ շիրմին. ուստի շրջապատեցինք դերեզմանը ու արտասանեցինք նրա այն ուտանվորը, որ գրել էր իր հակառակորդների դեմ և որ մենք սովորել ու անգիր գիտեինք։ Ապա շոքերով համբուրեցինք գերեզմանը և տխուր ու տրտում վերադարձանք։

Ավելորդ չենք համարում այստեղ մեջ բերել նրա այդ ուտանվորը։

\*) Նազարյանցի մահվանից հետո նրա թղթերը մնացել են երեցփոխ Մելքոն Փանյանի մոտ։

Մի՛ վախեցիր, քաջ նավարկու, հառաջ խաղա՛,  
Քանի որ քո առաջնորդն է՝ ճշմարտություն,  
Մովածայոնեհից, մորիկնեհից երկյուղ չկա:

Թո՛ղ կատաղին գազան դարձած տաբեբք բռնոր,  
Թո՛ղ մի բռնիք ծածկեն աչքիցդ լույս հորիզոն,  
Օվկիանոս մեզ այդ քանը չէ անսովոր:

Դու կողմնացույց ձեռնում բռնած իբրև ճրագ,  
Քաջ գիտակից քե՛ն ո՛ւր կամիս գնացի՞դ ուղղել,  
Ալիք ու ծով ճեղքի՛ր, անցի՛ր դեպի նպատակ:

Այո՛, նախանձ, տգիտություն, հոգիք վատբար,  
Քո համարձակ բռնիչ փակել բույլ, անկարող,  
Գործ դրեցին յուրյանց արժան ամեն հնար:

Երեկցան շար Հուլաներ, պիղծ մառնությունք,  
Բայց անօգուտ. ճշմարտությամբ գրառվածին  
Ձեն բավական դժոխքի բռնոր զինուորությունք:

Հաջորդ օրը, վաղ իրիկնապահին, գնացի  
հորեղբորս մոտ. նա աչքիս չէր երևացել ոչ  
եկեղեցում, և ոչ էլ գերեզմանատանը: Նա  
սգավոր նստած էր տանը և միայն իր դա-  
սաժամերին ճիմարան էր հաճախում: Հնչա-  
կը քաշեցի, դուռը բաց արեց հորեղբայրու  
ինքը ու տեսնելով որ ես եմ, քաղցրությամբ  
ասաց.—

— Հա, դո՛ւ ես, ներս արի,— ապա ավել-  
լացրեց,— է՛հ, պատմիր ի՞նչ եղավ ու ի՞նչ-  
պես եղավ:

Ես պատմեցի նրան այն ամենը, ինչ տե-  
սել էի ու լսել, նրանից չթափանցելով նաև ա-  
շակերտներին արածը:

— Ապրի՛ք, լավ եք արել,— ասաց նա,—  
չեմ հիշում, թե ո՞ր դասարանումն է եղել,  
որ ես խոսել եմ նրա այդ ոտանավորի մա-  
սին: Թեև դա բանաստեղծական կայծ ու ո-  
տանավորից պահանջվող կանոնավորությու-  
նը չունի, բայց լիակատար է իր բովանդա-  
կության ճշմարտացիության տեսակետից:

Այո, իհարկե, մեռնիլը բնության օրենք է,  
մենք էլ ամենքս պիտի մեռնինք, բայց և  
ախպես Նազարյանցի պես սիրված անձի  
այսպիսի անակնկալ վերանալը մեր միջից,  
գծվար տանելի է: Դու գիտե՛ս, որ նա իմ  
ուսուցիչն է եղել, բայց ի՞նչ եմ ասում, դու,  
իհարկե, այդ բոլորը գիտես...:

Հորեղբայրս ապա ինձ սեղանատուն հրա-  
վիրեց թեյ խմելու, այն սեղանատունը, ուր  
այնքան հաճախ հանդիպում ու տեսնում էի  
ես Նազարյանցին... նստեցինք թեյ խմելու  
և նա շարունակեց իր խոսքը.

— Նազարյանցը միամիտ էր, մաքուր իբ-  
րև աղավնի, գիտուն, խորխորհուրդ իբրև  
մի լուրջ իմաստասեր, հասարակաց օգուտը  
ճանաչող, սիրող սիրտ ունեւր և գթառաս  
հայր էր իր զավակների համար... Ի՛նչ էի  
ուզում այլևս ասել, հա՛, շոքոտանա, Եր-

վանդ, կատարել նրա ցանկությունը՝ իր  
մանուկներին հայերեն խոսել սովորեցնելու  
Այդ մի ծանր պարտականություն էր, որ  
հանգուցյալը դրել էր իմ վրա և ես չէի մո-  
ռացել ու մտածում էի անել, ինչ որ կա-  
րող էի:

Ժամանակ անցավ... ես ավարտեցի միջ-  
նակարգ ուսման դասընթացը, հայրենիք  
մեկնեցի մորս տեսուչյան համար ու նորից  
վերադառնալով՝ ուսանող զբվեցի արևելյան  
լեզվաց Լազարյան լիկեոնի: Հասկանալի է,  
որ Նազարյանցի մահվան առաջին տարում  
ես հնարավորություն չունեցա կատարելու  
իմ վրա դրված պարտականությունը, քանի  
որ թե՛ ես ազատ ժամանակ չունեի բոլորո-  
վին և թե՛ մանուկները տակավին դեռահաս  
էին. սակայն, նրա մահվան երկրորդ տա-  
րում, երբ ես երկրորդ կուրսի ուսանող էի,  
արի այն ամենը, ինչ հնարավոր էր:

Տեղեկանալով որ Նազարյանցի ընտանիքը  
ամառները դարձյալ փոխադրվում է Բոգո-  
լոդսկ գյուղը ու ապրում նույն ամառանո-  
ցում, ես էլ քննություններս վերջացնելուց  
հետո տեղափոխվեցի այնտեղ և համարյա  
թե երեք ամսվա իմ ազատ ժամանակս նվի-  
րեցի նրա երեխաներին հայերեն սովորեց-  
նելու գործին: Առավոտյան ժամը տասին  
գնում էի և մինչև ժամը 1—2-ը գրել-կար-  
դալ սովորեցնում էի մանուկներին, Ժողովրդա-  
յին ու Ստեֆանյային. արևուհետև հանգըս-  
տանալու ու ճաշարան գնալու համար տուն  
էի վերադառնում: Իրիկնապահին վերստին  
գնում էի և, Միրզա Ջաֆարի հետ միասին,  
երեխաներին զբոսանքի տանում ուստոնդի  
կողմերը, որպեսզի նրանց հետ զրուցելով  
կարողանամ գործնականորեն ընտելացնել  
հայերեն խոսելուն:

Միրզա Ջաֆարը, դեռ Նազարյանցի կեն-



դանության օրոք, Պարսկաստանից փախչելով եկել էր Նրեան, ընդունել Քրիստոնեություն և սեփականել իր կնքահոր՝ Տեր-Ջաքարյանի ազգանունը։ Ապա Նրեանից անցել էր Խիֆլիս, հետո էլ Նոր-Նախիջևանի Ս. Խաչվանքը և այդտեղից էլ վերջնականապես Մոսկվա ու ապավինել Նազարյանցին։ Մարդասեր ու գթառատ Նազարյանցը ընդունել, պահել էր նրան։ Իսկ հետո էլ քննելով ու տեսնելով, որ նա պարսից կրթության տեր երիտասարդ է և կարող է պիտանի լինել լիկեոնին, այս նկատառումով էլ միջնորդել ու տեղավորել էր նրան լիկեոնում՝ պարսից լեզվի պրակտիկանտի պաշտոնով, մի պաշտոն, որ պարսկաստանցի ասորի Միրզա Սուլեյմանից հետո թափուր էր մնացել։

Ամառվա երեք ամիսներին ամեն օր հանգուցյալի տունն այցելելով ու զննական հայացքով դիտելով ընտանիքի ապրուստը, առիթն ունեցաւ մոտիկից ծանոթանալու այդ ընտանիքի տնտեսականին ու բարոյականին։ Ապրուստը համեստ էր, բայց ոչ աղքատիկ, ինչպես ասում է Վրթանես Փափազյանն իր Հայ գրականության պատմության մեջ. տանտիկնոջ վարքն ու բարքը պախարակելի էր և հանգուցյալ Նազարյանցը, ըստ ամենայնի, իրավունք է ունեցել դժգոհելու։

Տանտիկին Միննա Եգորովնան արդեն հասակն առած կին էր, երեխաների մայր։ Նրա տանը համարյա ամեն օր կարելի էր հանդիպել մի դատարկապորտ գերմանացու, որը տան մեջ իրեն պահում էր, որպես տանտեր։ Ինքը Միննա Եգորովնան տգետ էր, բայց ճշմունք էր ցույց տալ, որ ինքը ամեն բան գիտի, ամեն բանից հասկանում է. նա նախանձով էր վերաբերում իր երեխաների գաստիարակչուհի Վարվառին, որը մի սիրուն, պարկեշտ ու կրթված ռուս օրիորդ էր. վերջինս քանիցս ինձ զանգատվել էր տանտիկնոջ անտեղի նախանձոտության առթիվ։

Վրա հասավ օգոստոսը. ես ստիպված եղա ընդհատել իմ պարապմունքը երեխաների հետ և քաղաք վերադառնալ ու իմ գործին անցնել. երեխաներն արդեն սկսել էին հա-

յերեն թոթովել և եթե մի երեք ամիս էլ անընդհատ այդպես շարունակվեին պարապմունքները, ապա նրանք ի վիճակի կլինեին ոչ միայն թոթովելու, այլ և խոսելու։ Բայց ես այլևս ազատ ժամանակ չգտա և երեխաներն էլ անոռացիչ մնալով ու տանն էլ հայերեն մի բառ չսովորեց, կարճ ժամանակում մոռացան իրենց սովորածները։ Այսպիսով ես ակամա պարտական մնացի Նազարյանցին, որ չկարողացա կատարել նրա նվիրական ցանկությունը, մի պարտականություն, որ մինչև օրս էլ մտքիցս չի գնում։

Ժամանակ անցավ... ես ավարտեցի բարձրագույն ուսման դասընթացը ու հայրենիք վերադարձա. այստեղ ուզում էի պաշտոն գտնել, բայց չհաջողվեց և ստիպված եղա վերստին օտարություն դիմել— ընդունեցի լիկեոնի նախկին ուսանող, հմուտ մանկավարժ, Նոր-Նախիջևանի ու Բեսարաբիայի թեմական նորաբաց դպրանոցի տեսուչ հանգուցյալ Առաքել Բահաթրյանի հրավերը և ուսուցչի պաշտոնով Նոր-Նախիջևան փոխադրվեցի։

Հիշում եմ, ուշ աշնան մի քամոտ օր էր. անակնկալ կերպով ինձ այցելության եկավ Նազարյանցի կրտսեր դուստրը, իմ աշակերտուհի Ստեֆանիան։ Ի՛նչ խոսք, ես շատ ուրախացաւ. Հարց ու փորձ— ո՞ր խաչից, ո՞ր տեղից-ո՞րտեղ։ Նա պատասխանեց թե Մոսկվայից է գալիս և զնում է Բաքու. Ռոստով հասնելով հիշել էր ինձ ու կամեցել տեսնել. ժամանել էր առավոտյան զնացքով ու պիտի մեկներ երեկոյան զնացքով։ Ձեռքն առնելով, մագերը շոյեցի ու ճակատը համբուրեցի. փոքրիկ, սիրունիկ աղջիկ էր նա, իսկ այժմ մեծացել էր ու ավելի քան սիրունացել. նա նույնիսկ ամուսնացել ու այրիացել էր։

Նրկար գրուցեցինք, հիշեցինք Բոգորոդսկ գյուղը, մեր անմեղ զվարճությունները, գրուցանքները, իր ու քրոջ սովորած առաջին հայերեն ոտանավորը, հայրիկի գրածը, որը նա չէր մոռացել։

Մայրենի լեզու, մայրենի բարբառ,  
Ախորժ, բնտանի իմ հագու համար,  
Առաջին դու խոսք ականջիս հասած,  
Դու սիրո քաղցրիկ առաջին հոգված,  
Մանկական լեզվիս բոթովանք տկար,  
Հեշտում ես իմ մեջ դու միշտ անդադար։

Եվ այլն։

Ճաշեցինք ու տարա նրան ճանապարհիսնելու։

— Դուք,— ասում էր նա,— ինձ մեղադրում եք, որ ես հայերեն չեմ խոսում, հայրիկիս ցանկությունը չեմ կատարում։ Այո, իմ

սովորական խոսակցության լեզուն հայերեն չէ... դուք լավ ծանոթ եք մեր ընտանեկան հանգամանքներին, մեր գերմանուհի մոր զավակները կարող են հայերեն խոսել. հորս կենդանության օրոք էլ մեր տան լեզուն

հայերենը չի եղել, իսկ հետո նամանավանդ չի եղել ու չէր էլ կարող լինել:

Հա՛, մոռացա ձեզ հաղորդել, որ Ժողեֆի-

նան էլ, ամուսնացել է ինժեներ Փիրումյանի հետ և իր ամուսնու հետ ապրում են Եկատերինոգարում:

Ավարտելով մեր հուշերը Ստեփանոս Նազարյանցի մասին, ավելորդ չենք համարում այստեղ մեջ բերել հորեղբորս գրչի գործը

հանդիսացող մի ընտիր ուսանավոր, որ նա գրել է Նազարյանցի մահվան առթիվ, 1879 թվին:

Անձեռագործ դու մահաճան քեզ կանգնեցիր  
Ո՛չ հողանյութ, որպես երկաթ կամ որձաբար.  
Հրգոր գրչով, սուր վաստակով ու անձանձիր,  
Շունը կենդանի և հետ մահուան հանգստացար:

Ահա նոր ազգ և նոր լեզուդ յուր ձիթենին,  
Քո ջրով բուսած, քեզ է քերում, ո՛վ Ստեփանոս,  
Խաղաղ մեա՛, մի՛ վրդովուի, բռն է դափնին,  
Խավարի մեջ լույս մեզ ծագող Պոմբեթես:

Աշխարհ ծնար և աշխարհիս դարձար մշակ,  
Բայց շտեսար այս աշխարհից անդորոնքուն.  
Աշխատավոր մարդկանց քածին է փշյա պսակ,  
Ահ, քուցան ասկրեներիդ խաղաղություն:

#### ՆԱԶԱՐԵԱՆՑԻ ԶՏՊԱԳՐՎԱԾ ԳՐՎԱԾՔՆԵՐԻ ՑԱՆԿԸ

1. Հայոց ժողովուրդը. նոր, այժմյան լեզվի ու մատենագրության վիճակը Ռուսաստանում. համառոտ տեսություն. (քառածալ տետր, 34 երես, ավարտված):
2. Պատմաբանական. Հռովմեական եկեղեցական ու նոր ժամանակի քաղաքական բարեկարգությունը: Քաղված ամերիկացի պատմաբան Դրեպերի գրվածքներից (ութածալ տետր, 42 երես, ավարտված):
3. Քիմիական նկարագիրը, առօրյա կյանքի մեջ գործադրական նյութերի, թարգմ. (ութածալ տետր, 28 երես, ավարտված):
4. Իմաստասիրական: Անձնագիտություն, ներքին աշխարհ. Անձնաճանաչությունը իբրև հայտարար նշան գործության (ութածալ տետր, 16 երես, չավարտված):
5. Կրիտիկա Գ. Ավագովսկու շարադրության՝ «Միջակ վարդապետարան ուղղափառ հաւատող Հայաստանեայց եկեղեցւոյ», Փարիզ 1858 թ. (ութածալ տետր, 12 երես, ավարտված և գրաքննչի կողմից տպագրությունը արգելված):
6. Նոր հայկազյան օրագիր՝ «Հապտեր Հայաստանի» (երկու փոքրածալ թերթ, 5 երես):
7. Դպրոցական քերականություն ֆրանսիական լեզվի (քառածալ տետր, 40 երես, չավարտված):
8. Ազգերի արմատքը ու նոցա ճյուղավորությունը (քառածալ տետր, 21 երես, չավարտված):
9. Պատմություն Հայկազյան դպրության (քառածալ, սրբագրված միայն 55 երես, իսկ բոլոր գործը հասցրած է մինչև IX դարը):







## ՕՏԱՐՆԵՐԸ ՀԱՅԵՐԻ ԵՎ ՀԱՅԱՍՏԱՆԻ ՄԱՍԻՆ

### ՀԻՍՈՒՆ ԵՐԵՖ ԵՐԿԻՐՆԵՐԵ ԵԿԵՂԵՑԱԿԱՆՆԵՐ ԿՇՈՎԱՆԱՎՈՐԵՆ ՀԱՅԿԱԿԱՆ ԴԱՏԸ

«Հայ Դատի ի նպաստ Ամերիկյան Եկեղեցական Հանձնախումբ»-ի ստեղծման պատճառով Ռապեր Սրբյը, Հյուսիսային Ամերիկայի Հայոց Առաջնորդ Գերշ. Տիրան Եպիսկոպոսի, Ամերիկայի Երիցական Եկեղեցու Ընդհանուր Համաժողովի նախագահ Պր. Ուիլյամ Լա Ռոյի, վերապատվելիներ Սեբ Պրոֆսի, է. էլսբերի և վերոհիշյալ Հանձնախումբի ֆարատուղար Վեր. Եզնիկ Վ. Ազնակյանի հետ միասին, 1948 թ. հուլիս 10-ին Երեկայացան Վաշինգտոնի Պետական պաշտոնատունը և 20.000 ամերիկացի բողոքական եկեղեցականների կողմից ստորագրված մի հուշագիր հանձնեցին, որով պահանջվում է թուրքերի կողմից բռնագրավված հայկական հողերի վերադարձը իրենց իսկական տերերին: Ամերիկյան միլիոնավոր հավատացյալների այս 20.000 դեկլարանքի խիզախ ֆայլը ցույց է տալիս, որ ամերիկյան ժողովուրդը դատապարտում է Վաշինգտոնի գործարար Երջանների վարած ֆաղափալանությունը ջարդարար թուրքիայի նկատմամբ: Այս առթիվ ստորև բերում ենք Եկեղեցական Հանձնախմբի «Հիսուն երեք երկիրներ» եկեղեցականներ կնովանավորեն Հայկական Դատը խորագիրը կրող հաղորդագրությունը, արտաստվելով այն «Լրաբեր» օրաթերքից:

ԽՄԲ.

Քսան հազար Բողոքական Եկեղեցականներու կարգին, որոնք մեր ներքին Գործոց Նախարարին ուղղված՝ Հայկական Դատին վերաբերյալ «Աղերսագիրը» ստորագրեցին, կային նաև շատեր— մոտավորապես երեք հարյուր հոգի— որոնք կուգային թե՛ դրացի և թե՛ հեռավոր երկրներին— Գանատա, Ալյասքա, Գոյոմպիա, Կուաթեմալա, Անգլ. Կուլանա, Միացյալ Նահանգաց Զրանցքի Շրջանը, Պրագիլիա, Մեքսիքո, Սանթո Տոմինիկո, Ռիո-Կրանտե-տո-Սուլ, Զիլի, Սալվատոր, Հոնսուրաս, Քուպա, Պահամաս, Ճամեյքա, Թուակո, Հայթի, Թրինիդատ, Փոլսթո Ռիքո, Նորուայի, Փիլիպին կղզիները, Պելճիքա, Ֆրանսա, Անգլիա, Զվիցերիա, Հոլանդա, Ֆինլանդա, Նորվեգիա, Ավստրիա, Գերմանիա, Մարոք, Կեդր. Աֆրիկե, Լիպերիա, Եթովպիա, Թանկանիքա, Բոտսվա, Արևելյան Թրանսվալ, Հարավային Աֆրիկեի Միլիթյուն, Մորիթիուս, Արևմտյան Սամբուսի, Սիամ, Բադիստան, Զինաստան, Հնդկաստան, Պիրմա, Նոր Զելանդա, Նոր Կուլանա, Սոմաթրա, Ավստրալիա, Ինդոնեզիա, Ֆրանսական Բամբուուն, Աղերսագիրը ստոր-

րագրողներին մեծ մասը ամերիկացի միսիոնարներ են, որոնք կգրավեն եկեղեցական գործերով, ինչպես և դատարարական, բժշկական և ճարտարարվեստական առաքելությամբ: Անոնցմե ոմանք տեղացիներ են, որոնք սերտ հարաբերության մեջ են իրենց երկրին ամերիկյան միսիոնարներուն հետ: Անոնցմե կարևորագույններն և ամենին ուշագրավներն կարելի է հիշել հետևյալներով:—

Rev. Siegfried Kumpel—Head of the Theological Department of the Seminary at the Colegio Adventista Brasileiro, at Sao Paulo, Brazil.

Rev. Harry B. Lundquist—Missionary in Latin America since 1918.

Dr. Edward G. Seel—President, Polytechnic Institute of Puerto Rico, San German, P. R.

Vesey Rev. H. V. Beekman, D. D.—Dean of the American Cathedral in Paris, France.

Rev. Sultan Ahmed—Seventh Day Adventist Church, Karachi, Pakistan.

Rev. Chad Benedict Israel,—Assam Training School, Jainta Hills Shillong, Assam, India.

Rev. Joseph Su-Hsing,—S. D. A. College, China Training Institute, Chiao-Tou-Djeng Station, Nanking-Shanghai Railway Line, China.

U. Saw U. S. D. A. Mission, Thonze, Lower Burma.

Rev. R. O. Waleau—Director of Missions—Advent Zendinggenootschap in Neth, Indies, Amboina, Neth. E. Indies.

Ամերիկայի զանազան Բողոքական Եկեղեցիներու այս զարգացած, անձնակեր ու բարձր խոհաներով օժտված առաջնորդներն յուրաքանչյուրը ազդեցիկ առաքյալ մըն է Հայկական Դատին, այն երկրին մեջ, ուր կ'ծառայի:

Եկեղեցական Հանձնախումբի «Աղերսագիրք» ստորագրած ժամանակ անոնցմե ոմանց ըրած խորհրդածությունները շատ լուսաբանիչ են: Նշանակելի է անոնց ներկայացուցած հարանվանություններու զանազանությունը: Ահա քանի մը օրինակ.—

Վեր. Ուեյն Վ. Էլրիթ, Պենտեկոստյան Սրբության Եկեղեցի, Վանդուվըր, Քանադա.— «Երջանիկ եմ, որ այս աղերսագիրքը ներկայացվելուն կրնամ սատարել»:

Տոթթ. Մրլլ Բ. Էսթեպուրս, Միացյալ Միտլանդական, Նյու Պրինգտոն, Քանադա.— «Սրտանց համաձայն եմ այս շարժումին»:

Վեր. Ս. Մ. Ֆարնեյ, Օնդարիո, Քանադա.— «Այժմ հանգստյան կոչված, կհայտարարե թե երբ ինքը հովիվ էր Կրենտ Ռեփրտ-գի Ս. Պետրոս Եկեղեցվո, շատ հայեր անդամ էին այդ եկեղեցվո»:

Վեր. Հեննինկ Լ. Հասսել, Լուտերական, Սասքաչևան, Քանադա.— «Ուրախ եմ երախտագարտ եմ անունս ավելցնելու այս աղերսագրին, գեղեցիկ ծրագիր մը՝ օգնության ձեռք երկարելու համար»:

Վեր. Տելվիտ Բ. Ջանսոն, Բարի Հովուի Եկեղեցի (Սովետական), Օնդարիո, Քանադա.— «Հայ Ժողովուրդին հղած անիրավությունը անվիճելի է, սակայն կվախնամ որ ավելի կնճոռոտություն հառաջ գա նոր բաժանումի մը առթիվ: Այսուհանդերձ կըզգամ թե անոնց պարագան պետք է նկատի առնվի»:

Վեր. Տոթթ. Չարլս Հենրի Ֆիլիփս, նախագահ Ալպերթայի Սուրբ Գրոց Քալեհի.—

«Թեև օտարական մըն եմ Միացյալ Նահանգներու կառավարության համար, և սակայն երջանիկ եմ այս ընկերակցության պատկանելու»:

Վեր. Հաուլերտ Լիբստոմպ Ռիչլորտսոն, Քրիստոսի Եկեղեցի, Օնդարիո, Քանադա.— «Շատ ուրախ եմ, որ այս արժեքավոր և օգնության արժանի ժողովուրդին դատը ձեռք առած եք: Ուրախ եմ անունս ավելցնելու»:

Վեր. Ս. Ի. Լ. Ուոլս, Ազատ Մեթոտական Եկեղեցվո, Օնդարիո.— «Շատ սիրով պիտի հովանավորեմ այսպիսի առաջարկ մը: Ի՞նչ ձեռք կրնա Քանադա, իբր ազգ մը, սատարել այս շարժումին»:

Վեր. Էմիլ Օ. Ուոքեր, Նորվեկիական Լուտերական Եկեղեցվո ի Քանադա.— «Սըրտագինս համաձայն եմ Հայկական Դատին ի նպաստ այս աղերսագրին: Բող մեր Տերը օրհնե և օգնե հայերուն»:

Վեր. Ֆրեյտ Հ. Ուակներ, Շաբաթապահ Եկեղեցվո, Ալասքա.— «Ձեր Դատը արժանի է նկատողության, հաջողությամբ կմաղթեմ ձեզի»:

Վեր. Տոթթ. Լորիթո Սրապիոն, Սբ. Ղուկաս, Սբ. Մարիամ և Սբ. Անդրեաս, Քուպա.— «Հայկական Դատը կհամարեմ շատ արդար»:

Վեր. Սեքոնտինո Էլպա, Սբ. Հովհաննու Երիցական Եկեղեցվո, Քուպարատիլաս, Փուերթո Ռիքո.— «500-ե ավելի անձեր մեր քաղաքին մեջ համակիր են այս աղերսագրին»:

Վեր. Ֆելիքս Էնքարնասիոն Ռամոս, Մեթոտական Եկեղեցվո, Քոմեպիո, Փուերթո Ռիքո.— «Եթե 10.000 ստորագրություն ունենայի, սիրով ամենքն ալ պիտի տալի այս Դատին ի նպաստ»:

Վեր. Սալվատոր Վելեզ, Փուերթո Ռիքոյի Միացյալ Ավետարանական Եկեղեցվո.— «Այս աղերսագիրքը կստորագրեմ, որովհետև Հայկական Դատը նման է Փուերթո Ռիքոյի դատին: Մենք եղբայրներ ենք արտաքին միջամտությունն տառապող: Մեր դատն ալ Միացյալ Ազգերու առջև է, և մենք կցանկանանք ունենալ իրավունքը որոշելու մեր քաղաքական ապագան մեր ինքնասահմանումով: Կհուսանք թե Ամերիկայի եկեղեցականները մեզի կողմնակից պիտի ըլլան»:

Վեր. Ատուլֆ Ռ. Մելլը, Մեր Փրկիչը, Լուտերական Եկեղեցվո, Հոնոլուլու, Հաուայի.— «Աստուած օրհնե ձեր ջանքերը»:

Վեր. Արթըր Հ. Ռիչլորտսոն, Պրենս Դպրոցն (Նպիսկոպոսական), Պակիոն, Ֆիլիպինյան կղզիք.— «Ասիկա խնժի կթվի ըլլալ խոստում մը, որ պետք է իրագործվի Միացյալ Ազգերու կողմ»:

Վեր. Տեն Շերմեն Հարրիս, Շաբաթապահ



յան Եկեղեցի, Մակբուր, Հնդկաստան.—  
«Հարյուրին հարյուր համակիր եմ կրոնական  
և քաղաքական ազատության, թե՛ Միացյալ  
Նահանգներու մեջ և թե՛ անկե դուրս»:

Վեր. Ուանկ Վու Ֆեյ, Լիաո-ո միսիոն,  
Շենյանկ, Չինաստան.— «Շատ ցավեցա այս  
աղերսագիրը կարդալով: Համակիր եմ հա-  
յերու Դատին»:

Վեր. Ուոլթեր Տոհերթի, Կրեյ Մաունթ, Նոր  
Ջեյլանտա.— «Անկեղծորեն կհուսամ, որ այն  
նպատակը գոր այնքան փափաքով կհետա-  
պրնդեք, երկնային առաջնորդությամբ իրա-  
կանանա»:

Վեր. Պեռնարտ Էտուին Հետֆիլտ, Վիքթո-  
րիա, Ավստրալիա.— «Բոլորովին համակիր  
եմ ձեզի: Կցավիմ հայերուն համար: Հաջո-  
ղություն կմաղթեմ»:

Վեր. Տիոնիզիո Ա. Տե Լաու, Նոր Երուսա-  
ղեմ Եկեղեցւո, Հավանա, Քուպա.— «Հայ ժո-  
ղովուրդին Դատը կնկատեմ արդարացի»:

Վեր. Նտի Տանիել, Ատվենթիստներու Մի-  
սիոնարություն, Մըպալմայո, Ֆրանսական  
Քամերուն.— «Շատ ուրախ եմ: Շնորհակալ  
եմ ձեր ղրկած լուրերուն համար: Ձեր գոր-  
ծերը մեծ հաջողություն կգտնեն հոս Քամե-  
րունի մեջ: Ձեր գեղեցիկ խոսքերը հոգևոր  
սնունդ են մեզի համար: Մեր եղբայրները  
շատ շնորհակալ են ձեզմե և կխնդրեն որ  
շարունակեք ղրկել մեզի այս գեղեցիկ գրու-  
թյունները ֆրանսերենով, որովհետև այդ լե-  
զուն ծանոթ է հոս, մեր անդամներուն: Ող-  
ջույններ անոնց, որոնք մեզ կհիշեն հավատ-  
քով: Աստուծո օրհնությունը ձեր վրա ըլլա»:

Վեր. Ճոնյ Մովսես Խան, Լահոր, Հնդկաս-  
տան.— «Ձայնս կուտամ Հայաստանի ի նը-

պաստ Ամերիկայի Եկեղեցական Հանձնա-  
խումբին»:

Վեր. Ա. Բ. Սաութուել, Հերալտթըն, Արև-  
մուտյան Ավստրալիա.— «Ինծի համար մեծ  
հաճույք է ընդառաջ երթալ ձեր բաղձանքին,  
ստորագրելով այս աղերսագիրը ի նպաստ  
հայ ժողովրդին և անոնց հողամասին իրենց  
վերադարձվելուն ըստ Վիլսոնյան Հայաստա-  
նի սահմաններուն»:

Մանոթ ըլլալով այս ժողովուրդին պատ-  
մության և անոնց քրիստոնեական ազնիվ  
կեցվածքին, Աստուծո պատվիրանքներուն  
հանդեպ, ինչպես նաև իրենց հավատքին ի  
Քրիստոս, հակառակ դառն հալածանքներու,  
մեծապես կգնահատեմ այս առիթը, որ կը-  
տրվի ինծի՝ անոնց օգնելու համար: Մաղ-  
թենք որ Աստուած տա անոնց, ինչպես և  
մյուս բոլոր քրիստոնյաներուն, ազատու-  
թյունը պաշտելու զԱստուած իրենց խղճին  
համեմատ և համաձայն Աստուծո պատվի-  
րանքներուն և Քրիստոսի Վարդապետու-  
թյան: Թող Աստուած օրհնե ձեզ այս ուղղու-  
թյամբ ձեր կատարած ջանքերուն համար»:



Հայ Դատի ի նպաստ Ամերիկյան Եկեղե-  
ցական Հանձնախումբը կհրճվի տեսնելով  
արդյունքը իր աշխատությանց, որոնք կձեռ-  
տին շահագրգռել Միացյալ Նահանգներու  
բողոքական կղերը ի նպաստ Հայկական Դա-  
տին, այս արդյունքներեն մին ըլլալով բա-  
րեկամներու հոծ թիվը, զոր կըցավ շահի  
աշխարհի ամեն կողմը 50-ե ավելի երկիր-  
ներու մեջ, ինչպես կտեսնվի վերևի հաղոր-  
դումներեն:

(«Արաբետ» հոկտ. 7, 1948 թ.)





# ՍՈՎԵՏԱԿԱՆ ՀԱՅԱՍՏԱՆՈՒՄ

## ՊԱՏՄԱԿԱՆ ՀՈՒՇԱՐՁԱՆՆԵՐԻ ՊԱՀՊԱՆՈՒՄ

Հայկական ՍՍՌ կառավարության կողմից մի շարք միջոցառումներ նշվեցին ռեսպուբլիկայի պատմական այն հուշարձանների վերականգնման ու պահպանման նկատմամբ, որոնք առնչությամբ ունեն հայ ժողովրդի և Սովետական Միության եղբայրական ռեսպուբլիկաների ժողովուրդների կյանքում ու

մշակույթի ասպարեզում տեղի ունեցած կարևորագույն անցքերի հետ։  
Հայկական ՍՍՌ Միության Սովետիկի կողմից կուլտուր-լուսավորական հիմնարկների գործերի ռեսպուբլիկական կոմիտեում ստեղծվել է թանգարանների և պատմական հուշարձանների պահպանման բաժին։

## ՀԻՆ ԶԵՌԱԳՐԵՐԻ ՄԱՆՐԱՆԿԱՐՆԵՐԻ ՊԱՏՃԵՆՆԵՐ

Հայկական Պետական պատկերասրահին կից աշխատանքներ են տարվում հին հայկական ձեռագրերի առանձին մանրանկարների, տիտղոսաթերթերի և այլն պատճենները հանելու ուղղությամբ։

Այդ ձեռագրերի (XI—XVI դար) մանրանկարները, որոնք աչքի են ընկնում իրենց նրբությամբ ու գեղությամբ, հանդիսանում են հայ հնագույն նկարիչների արվեստի փայլուն նմուշներ։ Պատրաստվում է այդ

մանրանկարների պատճենների ալբոմը, որը տպագրվելու է Լենինգրադում՝ Դրամ կտրելու տանը։ Ալբոմը գումարվոր է լինելու։

Մանրանկարների պատճենահանման վրա աշխատել են երիտասարդ նկարիչներ Վ. Բաղդասարյանը, Ն. Խանդադյանը, Գ. Խաչատրյանը, Փ. Գրիգորյանը և Գ. Խանադյանը, արվեստի վաստակավոր գործիչ Լ. Դուրնովայի ղեկավարությամբ։

## ՀԱՅԱՍՏԱՆԻ ՀՆԱԳՈՒԹՆ ՀՈՒՇԱՐՁԱՆՆԵՐԸ

Լենինգրադի ճարտարապետ, նկարիչ և ՍՍՌՄ Գեղարվեստից ակադեմիայի Ի. Ն. Բեպկինի անվան ինստիտուտի ճարտարապետական ֆակուլտետի դեկան Ա. Կ. Բարուքչևը երկար տարիներ ուսումնասիրում է հայ ժողովրդի ճարտարապետությունը։

Հայկական ՍՍՌ-ում կատարած իր շրջադայության ընթացքում ճարտարապետ Ա. Բարուքչևը շատ նյութեր է հավաքել։ Ներ-

կայումս նա ավարտել է նկարների մի ամբողջ շարք, որոնք պատկերում են Հայաստանի հնագույն հուշարձանները, Զվարթնոցի ավերակները, մեր դարաշրջանի II դարի սկզբի տաճարը Գառնիում, Օձունի ու Հաղբատի հուշարձանները, Աշտարակի կամուրջները և այլն։

Այդ նկարները շուտով հրատարակվելու են, կազմելով հեղինակի ինքնավիճակագրության ալբոմ։

## ՀԱՊԻՏԱԿԱՆ ԹԱՆԳԱՐԱՆՆԵՐ

Հնագիտական թանգարաններ են կազմակերպվել Հայաստանում— Գառնիի, Գեղարդի և Սևանի ճարտարապետական հուշարձաններին կից։ Այդ թանգարաններում ժո-

ղովված են նյութական կուլտուրայի իրեր և հնագիտական քարտեզներ։ Կազմված է յուրաքանչյուր հուշարձանի ժամանակագրությունը։

## ՍՈՎԵՏԱԿԱՆ ԱՎԱՆԱՎՈՐ ԳԻՏՆԱԿԱՆ Հ. ՄԱՆԱՆԴՅԱՆԻ

### ԾՆՆԴՅԱՆ 75-ԱՄՅԱ ՀՈՐԵԼՅԱՆԸ

Դեկտեմբերի 2-ին, Հայկական ՍՍՌ Գիտությունների Ակադեմիայի շենքում, տեղի

ունեցավ ակադեմիկոս Հ. Մանանդյանի մեծարումը՝ նրա 75-ամյակի կապակցությամբ։



Հասարակական գիտությունների բաժանմունքի այդ հոբելյանին նվիրված նիստը ներածական հակիրճ խոսքով բացեց ակադեմիկոս-քարտուղար Գ. Ղափանցյանը: Նա համառոտ կերպով բնութագրեց գիտնականի անցած ուղին: Ունենալով յայն կրթություն և խոր ու բազմակողմանի դիտելիքներ, Հ. Մանանդյանը եղել է Երևանի Պետական համալսարանի առաջին ռեկտորը: Մեր ռեսպուբլիկայի ականավոր գիտնականներից շատերը նրա աշակերտներն են:

Ակադեմիկոս Հ. Մանանդյանի կյանքի ու գիտական գործունեության մասին զեկուցումով հանդես եկավ Գիտությունների Ակադեմիայի Պատմության ինստիտուտի հին և միջնադարյան պատմության սեկտորի վարիչ Ս. Երեմյանը:

— Սովետական պատմագիտության խոշոր ներկայացուցիչ, պատկառելի գիտնական Հակոբ Համազասպի Մանանդյանի անունը, որի ծննդյան 75-ամյակը մենք այսօր նշում ենք, — ասաց Ս. Երեմյանը, — լայնորեն հայտնի է մեր երկրին: Հին և միջնադարյան Հայաստանի սոցիալական ու տնտեսական կյանքի ուսումնասիրությանը նվիրված մի շարք կապիտալ հետազոտությունների հեղինակ Հ. Մանանդյանը հանդիսանում է ակադեմիկոս Հայագետ-պատմաբան և ֆիլոլոգ: Իր գիտական գործունեությունը սկսելով 1897 թվին, երբ լույս տեսավ նրա առաջին աշխատությունը, նա հետագայում հրապարակել է մի շարք արժեքավոր հետազոտություններ, որոնց մեջ իրեն ցուցաբերել է որպես խոշոր ֆիլոլոգ: Սակայն գոյություն միջոցների մըշտական հոգսը այն ժամանակ նրան խանգարում էր ամբողջովին նվիրվելու գիտական աշխատանքի:

Միայն Հայաստանում սովետական իշխանություն հաստատվելուց հետո Հ. Մանանդյանը բոլոր հնարավորությունները ստանում է խորացված ստեղծագործական աշխատանքի համար: Եվ նրա, որպես գիտնական պատմաբանի, հսկայական գործունեությունը արդեն ամբողջովին վերաբերում է սովետական ժամանակաշրջանին: Նրա առաջին պատմական աշխատությունը հանդիսանում է հայ ժողովրդի պատմության վերաբերյալ դասախոսությունների դասընթացը, որը կարդացվել է Երևանի Պետական համալսարանում 1921 թվին: Դրանից հետո նա գրում է մի շարք աշխատություններ նվիրված նախարարական Հայաստանի տնտեսական կենցաղի և հասարակարգի հետազոտությանը: Առանձին մասնագիտական հարցերի վերաբերյալ մի շարք հոդվածներից հետո նա հրապարակում է «Նյութեր հին Հայաստանի տնտեսական կյանքի պատմության վերա-

բերյալ» և ապա հրատարակում է պատմաաշխարհագրական բնութի մի շարք հետազոտություններ ու զբաղվում է հելլենիստական դարաշրջանի Հայաստանի արձանագրությունների ուսումնասիրությամբ:

Նոր ուսումնասիրության արդյունք հանդիսացավ Հ. Մանանդյանի կապիտալ աշխատությունը՝ «Հայաստանի առևտրի ու քաղաքների մասին» հին ժամանակների համաշխարհային առևտրի կապակցությամբ:

Նախարարական Հայաստանի հասարակարգի հարցերի վերաբերյալ ամփոփիչ հոդված հանդիսացավ «Ֆեոդալիզմը հին Հայաստանում» մենագրությունը, որը մի խոշոր ավանդ է սովետական պատմագրության ասպարեզում:

Հայ ժողովրդի պատմության կարևոր շրջաններից մեկի վրա նոր լույս է սփռում Հ. Մանանդյանի կապիտալ աշխատություններից մի ուրիշը՝ «Տիգրան Երկրորդը և Հռոմը» վերնագրով:

Հ. Մանանդյանը նորից վերանայեց և քննադատական մանրազնին վերլուծության ենթարկեց անտիկ հեղինակներից Հայաստանի վերաբերյալ մեզ հասած տեղեկությունները: Նրա աշխատությունները հնարավորություն տվեցին մի կողմ նետել եվրոպական բուրժուական գիտության մեջ այդ ժամանակաշրջանի մասին իշխող սխալ պատկերացումները:

Հ. Մանանդյանի ծառայությունները սովետական գիտության առաջ քալելու գնահատվեցին սովետական ժողովրդի կողմից: Ներկայումս Հ. Մանանդյանը հանդիսանում է ՍՍՌՄ Գիտությունների Ակադեմիայի իսկական անդամ, մեր ռեսպուբլիկայի գիտության վաստակավոր գործիչ: Նա պարգևատրվել է Աշխատանքային Կարմիր Դրոշի շքանշանով:

Հայկական ՍՍՌ Գիտությունների Ակադեմիայի նախագահության հանձնարարությամբ հոբելյարին ողջունեց Ակադեմիայի պրեզիդենտ Վ. Համբարձումյանը: Նշելով Հայաստանի պատմության և ֆիլոլոգիայի ասպարեզում Հ. Մանանդյանի աշխատությունների նշանակությունը, նա հատկապես կանգ առավ այն դերի վրա, որ հոբելյարը խղացել է որպես ռեսպուբլիկայի երիտասարդ գիտական կարգերի դաստիարակիչ: Հայաստանի գրեթե բոլոր երիտասարդ պատմաբաններն ու ֆիլոլոգները, որոնք այժմ գիտական մեծ աշխատանք են կատարում, հանդիսանում են նրա աշակերտների: Բոլոր ներկա եղողների ծափահարության ներքո Վ. Համբարձումյանը Հ. Մանանդյանին ցանկացավ հետագա հաջողություններ նրա արդյունավետ գիտական գործունեության ասպարեզում:

— Ադրբեջանական ՍՍՌ Գիտությունների Ակադեմիայի նախագահությունը,— ասում է պրոֆեսոր Ալի-զադեն,— ինձ լիազորել է սրտագին ողջույն հաղորդել Հակոբ Համազասպի Մանանդյանին՝ սովետական պատմագիտության ավագագույն ներկայացուցիչներից մեկին, Կովկասի պատմության ակադեմիայի մասնագետին:

Պրոֆեսոր Ալի-զադեն խոսում է Անդրկովկասի բոլոր ժողովուրդների պատմության համար Մանանդյանի աշխատությունների մեծ նշանակության մասին:

Այսուհետև ողջույնով հանդես եկան Երևանի Վ. Մ. Մուրտուփի անվան Պետական համալսարանի կողմից Հ. Ժամկոչյանը, Գիտությունների Ակադեմիայի Պատմության ինստիտուտի կողմից Բ. Առաքելյանը, Խ. Աբովյանի անվան Մանկավարժական ինստիտուտի կոլեկտիվի կողմից Վ. Պարսամյանը, Գրականության ինստիտուտի կողմից Հ. Ղանալանյանը, Լեզվի ինստիտուտի կողմից Ս. Ղազարյանը, Երևանի Պատմական թանգարանի կոլեկտիվի կողմից Ա. Շահնազարյանը, Մատենադարանի կոլեկտիվի կողմից Ս. Զոհրաբյանը:

Բանաստեղծ Հովհ. Շիրազը նիստում կարդաց հոբելյարին նվիրած իր բանաստեղծությունը:

## ՀՈՎՀԱՆՆԵՍ ԹՈՒՄԱՆՅԱՆԻ ԾՆՆԴՅԱՆ 80-ԱՄՅԱԿ

Փետրվարի 18-ին Երևանի գրական հասարակայնությունը նշեց հայ մեծ բանաստեղծ Հովհաննես Թումանյանի ծննդյան 80-ամյակը:

Հայֆրհարմոնիայի դահլիճում տեղի ունեցավ հանդիսավոր երեկո՝ նվիրված Հովհաննես Թումանյանին: Երեկոյին ներկա էին գրողներ, գիտնականներ, արտիստներ, արվեստագետներ, ձեռնարկությունների ստախանովականներ, Սովետական Բանակի սպաներ, ուսանողներ:

Նախագահության սեդանի շուրջն էին Ավ. Իսահակյանը, Հ. Մամիկոնյանը, Ստ. Զորյանը, Ն. Զարյանը, Ս. Սահակյանը, Վ. Համազասպյանը, գրողներ, բանաստեղծներ:

Երեկոն բաց արեց Հայաստանի Սովետական գրողների միության քարտուղար Հր. Քոչարը:

— Ազգային խոշորագույն բանաստեղծ, խոսքի մեծ վարպետ, ժողովուրդների մեծ բարեկամության համար մարտնչող Հովհաննես Թումանյանի անունը,— ասում

Հ. Մանանդյանի անունով հոբելյանի կապակցությամբ ողջույնի հեռագրեր են ստացվել ՍՍՌՄ Գիտությունների Ակադեմիայի նախագահությունից՝ պրեզիդենտ Վախիդի ստորագրությամբ, ՍՍՌՄ Գիտությունների Ակադեմիայի Պատմության և Փիլիսոփայության ինստիտուտից, Արևելագիտության ինստիտուտից, Ուլրաինական, էստոնական, Լիտվական, Ուկրենական ՍՍՌ-ների Գիտությունների ակադեմիաների նախագահություններից, Վրաստանի, Ադրբեջանի, Ղազախստանի գիտական կազմակերպություններից, Սովետական Միության առանձին խոշոր գիտնականներից:

Իր պատասխան խոսքում, որը ջերմորեն ընդունվեց ներկա եղողների կողմից, ակադեմիկոս Հ. Մանանդյանը շնորհակալություն հայտնեց բոլոր նրանց, ովքեր հավաքվել են նրա հոբելյանը նշելու համար: Նա պատմեց իր հետագա գիտական աշխատանքի պլանների մասին: Վերջում հոբելյարը ամբողջ դահլիճի բոլոր ծափահարությունների ներքո կեցցե բացականչեց ի պատիվ գիտնականների մեծ բարեկամ Ստալինի և սովետական պետության, որոնք ապահովել են աշխարհում ամենաառաջավոր սոցիալիստական գիտության շտեմնված ծաղկումը:

է Հր. Քոչարը,— թանգ է սովետական բոլոր մարդկանց համար: Իր երկերում նա արտահայտել է հայ ժողովրդի լավագույն ձգտումներն ու իղձերը: Նրա ստեղծագործության ակունքները խորապես ժողովրդական են, դրա համար էլ այնքան հարազատ են մեզ:

Բանաստեղծի կյանքի ու գրական գործունեության մասին զեկուցեց ֆիլոլոգիական գիտությունների դոկտոր-պրոֆեսոր Մ. Մրկերյանը:

Հովհաննես Թումանյանի մասին իր հիշողությունները պատմեց գրող Ստ. Զորյանը: Երկրթ ունեցան նաև ժողովրդական ուսուցիչ Ս. Մահակյանը և բանաստեղծ Ն. Զարյանը:

Վերջում տեղի ունեցավ ճոխ համերգ քաղաքի արտիստական լավագույն ուժերի մասնակցությամբ:



Երևանի Արվեստի աշխատողների տանը տեղի ունեցավ Հ. Թումանյանի ծննդյան 80-ամյակին նվիրված երեկո:



Հ. Թումանյանի կյանքի և ստեղծագործության մասին զեկուցեց ֆիլոլոգիական գիտությունների թեկնածու Վ. Պարտիզունին։ Թումանյանի մասին հետաքրքիր հուշեր պատմեցին ժողովրդական ուսուցիչ Սիմակը և զրոշ Ստ. Զորյանը։

Գրական-գեղարվեստական բաժնում ելույթ ունեցան դերասանուհի Հ. Գարագաշը, վաստակավոր արտիստ Գ. Գաբրիելյանը և թավջութակահար Գ. Ադամյանը։



Սովետական հասարակայնությունը լայն կերպով է նշում հայ մեծ բանաստեղծ Հովհաննես Թումանյանի ծննդյան 80-ամյակը։

Հայաստանի Սովետական գրողների միությունը Հայկական ՍՍՌ Գիտությունների Ակադեմիայի Գրականության ինստիտուտի հետ միասին զեկուցումներ է կազմակերպում նվիրված մեծանուն բանաստեղծի կյանքին ու պորժունությանը։ Հայպետհրատի հրատարակությամբ օրերս լույս կտեսնի Հովհաննես Թումանյանի երկերի ժողովածուի III հատորը։ Հրատարակության է պատրաստված նաև IV հատորի 1-ին գիրքը։ Մեծ ցուցահանդես է կազմակերպել Ա. Մյասնիկյանի անվան Պետական հանրային գրադարանը։ Այստեղ ցուցադրված են Հովհաննես Թումանյանի երկերի հայերեն հրատարակությունները, ինչպես նաև սյուզ երկերի ռուսերեն, վրացերեն, ադրբեջաներեն, ուկրաիներեն, ուզբեկերեն, ՍՍՌՄ մյուս ժողովուրդների լեզուներով և օտար լեզուներով կատարված թարգմանությունները։ Ցուցադրված են գրողի կյանքն ու գործունեությունը պատկերող բազմաթիվ նյութեր, իլյուստրացիաներ և լուսանկարներ։



Թումանյան գյուղի աշխատավորությունը սիրով նշեց իր հայրենակից, հայ մեծանուն բանաստեղծ Հովհաննես Թումանյանի ծննդյան 80-ամյակը։

Կոլխոզի ակումբում, որը կրում է Թումանյանի անունը, երեկոները շատ մարդիկ են հավաքվում։ Նրանք մեծ հետաքրքրու-

թյամբ են ունկնդրում բանաստեղծի կյանքին ու ստեղծագործությանը վերաբերող զրույցները։ Հովհաննես Թումանյանի հասակակիցներ, ալեհեր կոլխոզնիկներ Ն. Քոչարյանը և Ա. Գոշինյանը համագյուղացիներին պատմում են իրենց հուշերը բանաստեղծի մանկական տարիների մասին և այն մասին թե



Հովհաննես Թումանյան

որքան հոգատար էր նա իր հայրենակիցների նկատմամբ։

Տունը, որտեղ ծնվել է Հ. Թումանյանը և որը ներկայումս թանգարանի է վերածված, բազմաթիվ էքսկուրսիաներ են այցելում։ Տուն-թանգարանը հարստացել է նոր նմուշներով. դրանք բանաստեղծի երկերի նոր հրատարակություններն են՝ հայերեն, ռուսերեն և եղբայրական մյուս ռեսպուբլիկաների ժողովուրդների լեզուներով։

## ԽԱՉԱՏՈՒՐ ԱՐՈՎՅԱՆԻ ԲՐՈՆՋՅԱ ՀՈՒՇԱՐՁԱՆԸ

Հայկական ՍՍՌ Մինիստրների Սովետի որոշմամբ Երևանում դրվելու է հայ մեծ լուսավորիչ Խաչատուր Աբովյանի բրոնզյա հուշարձանը։

Մինիստրների Սովետին կից Արվեստի

գործերի վարչությունը հանձնարարել է արվեստի վաստակավոր գործիչ, քանդակագործ Ս. Ստեփանյանին պատրաստելու հուշարձանը, իսկ ճարտարապետ Գ. Թամանյանը պատրաստելու է պատվանդանը, որը լինելու

է գրանիտից: Հուշարձանի բարձրությունը, պատվանդանի հետ միասին, կազմելու է մոտ 9 մետր:

## ԽԱՋԱՏՈՒՐ ԱՐՈՎՅԱՆԻ ԱՍԵՂՆԱԳՈՐԾ ՆԿԱՐԸ

Ինքնուրույն վարպետ, ասեղնագործ Փառան- ձեմ Ավետիսյանը ավարտեց հայ մեծ լուսա- վորիչ խաչատուր Աբովյանի ասեղնագործ նկարը: Այժմ այս աշխատանքը գտնվում է Հայկական ՍՍՌ Մինիստրների Սովետին կից Արվեստի գործերի վարչության ժողովրդական ստեղծագործության տանը:

Ստեփանյանն արդեն ավարտել է էսքիզը, որը հաստատված է և օրերս կսկսի մեծ ֆիգուրայի քանդակումը:

Հանձնաժողովը բարձր գնահատական է տվել շնորհալի վարպետի այս աշխատանքին:

Աբովյանի ասեղնագործ նկարը ցուցադրվելու է ինքնուրույն վարպետների ռեսպուբլիկական և համամիութենական ցուցահանդեսներում:

## ՀԱՅ ԵՐԱԺՇՏՈՒՅՑԱՆ ԵՐԵՎՈՒՆ ԼԵՆԻՆԳՐԱԴՈՒՄ

Լենինգրադում կոնսերվատորիայի փոքր դահլիճում դեկտեմբերի սկզբներին կայացավ հայ երաժշտության երեկո՝ նվիրված Սովետական Հայաստանի 28-րդ տարեդարձին: Կատարվեցին հայ կոմպոզիտորներ Կոմիտասի, Ալեքսանդր Սպենդիարյանի, Ռոմանոս Մելիքյանի, ինչպես և ժամանակակից հեղինակներ Արամ Խաչատրյանի, Լ. Խոջա-էյնաթյանի և մյուսների ստեղծագործությունները:

Լենինի քաղաքում են ստացել իրենց երաժշտական կրթությունը Ն. Ա. Բիմսկի-Կորսակովի աշակերտ Ա. Սպենդիարյանը, Ռոմանոս Մելիքյանը, Ա. Տեր-Ղևոնդյանը, Սարգիս Բարխուդարյանը և ուրիշներ:

Ներկայումս Լենինգրադի կոնսերվատորիայում Հայկական ՍՍՌ-ից սովորում են 16 ուսանող:

## ՀԱՅԱՍՏԱՆԻ ՆԿԱՐԻՉՆԵՐԻ ԳԾԱՆԿԱՐՆԵՐԻ ԵՎ ՆԿԱՐՆԵՐԻ ՑՈՒՑԱՀԱՆԴԵՍ ՄՈՍԿՎԱՅՈՒՄ

Ինկտեմբերի սկզբներին Մոսկվայում, Հայկական ՍՍՌ Կուլտուրայի տանը, բացվեց Հայաստանի նկարիչների գծանկարների և նկարների ցուցահանդեսը: Ցուցահանդեսում ցուցադրված է ՀՍՍՌ կերպարվեստի վարպետների ավելի քան 300 աշխատանք՝ մեծ մասամբ Երևանի Պետական պատկերասրահի ժողովածուից, ինչպես և նկարիչների նոր երկերը: Մայրաքաղաքի հասարակայնությունը մեծ հետաքրքրությամբ է դիտում ցուցահանդեսը: առաջին երկու շաբթվա ընթացքում ցուցահանդես են այցելել մոտ 1000 մոսկվացիներ, որոնց թվում նկարիչներ, ճարտարապետներ, հրատարակչությունների և կինոստուդիաների աշխատողներ, դասատուներ, ինժեներներ, նկարչական ինստիտուտների ուսանողներ և այլն:

Այցելուները մեծ հետաքրքրությամբ են դիտում նկարիչներ Է. Իսաբեկյանի և Ա. Զիլինգարյանի ռազմաճակատային նկարների սերիան: Այս նկարներում պատկերված են թամանյան հայկական դիվիզիայի մարտական կյանքը, հայ գվարդիականների սխրագործությունները:

Ընդհանուրի ուշադրություն են գրավում Ստալինյան մրցանակի լաուրեատ Դ. Նալբանդյանի գործերը՝ Ի. Վ. Ստալինի պորտրեն, մատիտով գծված, և Վ. Մ. Մոլոտովի ելույթը Մեծ թատրոնում 1947 թվի նոյեմբերի 6-ին, Հոկտեմբերյան Սոցիալիստական Մեծ ռեյուցիայի 30-րդ տարեդարձին նվիրված հանդիսավոր նիստին, բնականից նկարված: Այցելուները հետաքրքրությամբ են դիտում Հայաստանի ժողովրդական նկարիչ, Ստալինյան մրցանակի լաուրեատ Մ. Սարյանի գործերից Սոնդուկյանի անվան Պետական թատրոնի վարագույրի էսքիզը:

Այցելուները հետաքրքրությամբ են ծանոթանում հայրենադարձ նկարիչ-պեյզաժիստ Հ. Ասատրյանի ստեղծագործության հետ: Ցուցադրված նկարներում Հ. Ասատրյանը պատկերել է կյանքը Սիրիայում և Սովետական Հայաստանում:

Ցուցահանդեսում ներկայացված են նաև Հայաստանի Պետհրատի կողմից հրատարակված գրքերը, որոնց ձևավորումը կատարել են ռեսպուբլիկայի նկարիչները: Այս բաժնում այցելուները հետաքրքրությամբ են



դիտում Հայաստանի ժողովրդական նկարիչ Հ. Կոչոյանի գունավոր իլյուստրացիաների էսքիզները՝ կատարված ժամանակակից հայ գրողների գրքերի և հայ գրականության անտալոգիայի (ռուսերեն) համար:

Ուշագրավ են երիտասարդ նկարիչներ Բ. Մեսրոպյանի, Հ. Ռուխիկյանի և մյուսների գործերը, որոնք նվիրված են սոցիալիստական Հայաստանի ծաղկմանը:

## ՉՈՒՇԱՐՁԱՆ ՆԵՒՈՒՆ ՍՏԵՓԱՆՅԱՆԻՆ

Երևանի Քաղաքային Սովետի գործկոմի որոշմամբ այս տարի Երևանում կառուցվում է Սովետական Միության կրկնակի հերոս Նելսոն Ստեփանյանի հուշարձանը:

Հերոսի կիսանդրին, մոտ մեկ մետր բարձրությամբ, ձուլվելու է բրոնզից և դրվելու է հղկված բազալտյա պատվանդանի վրա: Հուշարձանը կառուցվելու է Ա. Սպենդիարյանի անվան Պետական օպերայի և բալետի թատրոնի պուրակում:

Հուշարձանի գլխավոր ճակատի վրա պատկերվելու են այն շքանշաններն ու մեդալները, որոնցով պարգևատրվել է Ն. Ստե-

ֆանյանը, ինչպես և բրոնզե տառերով գրվելու է ՍՍՌՄ Գերագույն Սովետի Նախագահության Հրամանագրի բնագիրը հետ մահու գվարդիայի փոխ-գնդապետ Նելսոն Ստեփանյանին Սովետական Միության կրկնակի Հերոսի կոչում շնորհելու մասին:

Հուշարձանի ընդհանուր բարձրությունը կազմելու է մոտ չորս մետր:

Հուշարձանի նախագծման հեղինակներն են— արվեստի վաստակավոր գործիչ Ա. Սարգսյանը և ճարտարապետ Գ. Աղաբաբյանը:

Հուշարձանի ընդհանուր բարձրությունը կազմելու է մոտ չորս մետր:

Հուշարձանի նախագծման հեղինակներն են— արվեստի վաստակավոր գործիչ Ա. Սարգսյանը և ճարտարապետ Գ. Աղաբաբյանը:

## ԳԻՏԱԿԱՆ ՀՐԱՏԱՐԱԿՈՒԹՅՈՒՆՆԵՐԻ ՓՈԽԱՆԱԿՈՒՄ

Հայկական ՍՍՌ Գիտությունների Ակադեմիայի կենտրոնական գրադարանը կանոնավոր կերպով գրականության փոխանակում է կատարում Սովետական Միության 60 խոշորագույն հիմնարկների հետ, դրանց թվում ՍՍՌՄ Գիտությունների Ակադեմիայի հիմնական գրադարանի, Սալթիկով-Շչեդրինի անվան Պետական հանրային գրադարանի, միութենական ռեսպուբլիկաների Գիտությունների ակադեմիաների գրադարանների հետ:

Կենտրոնական գրադարանը այդ հիմնարկ-

ներին ուղարկում է Հայկական ՍՍՌ Գիտությունների Ակադեմիայի հրատարակած ամսագրերը, մենագրությունները, հայ գիտնականների աշխատությունները:

Կենտրոնական գրադարանը գրականության պետական ֆոնդի կենտրոնական ֆիլիալից ստացել է հնագիտության, ճարտարապետության և պատմության վերաբերյալ թանկարժեք գրքերի, ամսագրերի և ալբոմների մի ժողովածու՝ բաղկացած 30 հազար միավորից:

## ՀԱՅԿԱԿԱՆ ՍՍՌ ՈՒՍՈՒՑԻՋՆԵՐԻ ՊԱՐԳԵՎԱՏՐՈՒՄԸ ՍՈՎԵՏԱԿԱՆ ՄԻՈՒԹՅԱՆ ՇՔԱՆՇԱՆՆԵՐՈՎ ԵՎ ՍԵՂԱՆԵՐՈՎ

ՍՍՌ Միության Գերագույն Սովետի Նախագահության Հրամանագրով երկարամյա ծառայության և անբասիր աշխատանքի համար Հայկական ՍՍՌ դպրոցների ուսուցիչների մի մեծ խումբ պարգևատրվել է Սովետական Միության շքանշաններով և մեդալներով:

ՍՍՌՄ շքանշաններով և մեդալներով պարգևատրվել են 828 ուսուցիչ: Դրանցից կենտրոնական շքանշանով պարգևատրվել են 62, Աշխատանքային Կարմիր Դրոշի շքանշանով 47, «Պատվո Նշան» շքանշանով 58, «Աշխատանքային արիության համար» մեդալով 208, «Աշխատանքային գերազանցության համար» մեդալով 453 ուսուցիչ:

## ԵՐԵՎԱՆԻ ԳՅՈՒՂԱՏՆՏԵՍԱԿԱՆ ԻՆՍՏԻՏՈՒՏԻ ՈՒՍՈՒՄՆԱԿԱՆ ՏՆՏԵՍՈՒԹՅՈՒՆԸ

Երևանի Գյուղատնտեսական ինստիտուտի ուսումնական տնտեսությունը, որը գտնվում

է Վեդու շրջանում, ունի 51 հեկտար տարբեր տեսակների խաղողի այգի, ավելի քան եր-

կու հազար քառակուսի մետր խաղողի ու խնձորենու, ծիրանի, նշենու, ընկուզենու և այլ պտղատու ծառերի տնկարան, հացահատիկային, բանջարա-բոստանային կոպտորանների ցանքատարածություն:

Ամեն տարի այստեղ արտադրական գործնական աշխատանքի են գալիս Գյուղատուն-

տեսական ինստիտուտի տարբեր կուրսերի ուսանողները:

Նախատեսված է այս տարի տնտեսության բանջարա-բոստանային կոպտորանների ցանքատարածությունը ընդարձակել մինչև 15 հեկտար:

## ԽԱՂՈՂԻ ՆՈՐ ՏԵՍԱԿՆԵՐ

Հարկական ՍՍՈՒ Գիտությունների Ակադեմիայի Բույսերի գենետիկայի և սելեկցիայի ինստիտուտում գիտա-հետազոտական աշխատանք է կատարվում ցրտադիմացկուն և սեղանի գինու խաղողի նոր տեսակներ ստանալու ուղղությամբ: Այդ աշխատանքները կատարվում են խաղողի սերմերը բազմացնելու, նրանցից արժեքավոր փոփոխականներ ընտրելու, հիբրիդիզացիայի և միջուրխյան մեթոդով աճեցնելու միջոցով:

Ստացվել են բարձր բերքատու կարմրա-հյութ խաղողներ:

Արժեքավոր են № 78 և № 79 հիբրիդները,

որոնք ստացվել են «Ժապատուկ վարդագույն երևանի» հիբրիդի փոփոխակը «Վարդագույն երևանի» ու «Արարատի» տեսակների վրա պատվաստելու և աճեցնելու միջոցով:

«Ժապատուկ սև սաթենի» հիբրիդը «Ոսկեհատի» վրա պատվաստելու միջոցով ստացվել է № 27 փոփոխակը: Ստացված է նաև ցրտադիմացկուն խաղողի նոր տեսակ:

Խաղողի այդ տեսակները լայն կերպով տարածվելու են ռեսպուբլիկայի այգեգործական շրջանների կոլխոզներում ու սովխոզներում:

## „ՀԱՅԱՍՏԱՆ“ ՇԱՄՊԱՆ ԳԻՆՈՒ ԿՈՄԲԻՆԱՏ

ՍՍՈՒ Միության կառավարության որոշմամբ Հայկական ՍՍՈՒ-ում կազմակերպվել է «Հայաստան» շամպան գինու կոմբինատ, որը մտնում է ՍՍՈՒ Մ Սննդի արդյունաբերության մինիստրության «Գլավինո» սիստեմի մեջ:

Կոմբինատին է հանձնված չորս սովխոզ—Կիրովի անվան, Նոյեմբերյանի, Հայրուսի ու Կոտայքի, և չորս գինու գործարան—Միկոյանում, Նոյեմբերյանում, Վեդիում և Քանաքեռում:

Կոմբինատը ներկայումս, տնտեսական

գործունեության ծավալման համար, եռանդուն նախապատրաստական աշխատանքներ է տանում. կարգի են բերվում արտադրական շենքերը, պատրաստվում են կադրեր: Շամպան և սեղանի գինիների արտադրությունը հիմնականում կենտրոնացվելու է Քանաքեռի գործարանում. առաջին արտադրանքը սպասվում է մարտի վերջերին:

1949 թվին կոմբինատը պետք է 70 հազար շիշ շամպան գինի առանձնացնի հնացման համար և բաց թողնի 400 հազար շիշ սեղանի թեթև տեսակի գինիներ:

## ՀՈՂԱՄԱՍԵՐԻ ԱՌԱՆՁՆԱՑՈՒՄ ԱՆՏԱՌԱՏՆԿՄԱՆ ՀԱՄԱՐ

Հայկական ՍՍՈՒ անտառային տնտեսության, գյուղատնտեսության և ջրային տնտեսության մասնագետների բրիգադաները փետրվարի սկզբներին մեկնեցին ռեսպուբլիկայի շրջանները անտառատնկման համար հողամասեր առանձնացնելու համար:

Մասնագետների առաջին բրիգադան անտառատնկման համար առանձնացնելու է Արագայանի տափաստանում 90 հեկտար, իսկ Արտաշատի ու Վեդու շրջաններում 150 հեկտար: Արտաշատի շրջանում 100 հեկտար տարածությամբ հողամաս է առանձնացվելու տնկարանի համար:

Մասնագետների երկրորդ բրիգադան, որը

մեկնել է Աշտարակ-Վոսկիվազ-Աղավնաձոր-Էջմիածին և ապա Հոկտեմբերյանի շրջան ուղղությամբ, անտառատնկման համար առանձնացնելու է 450 հեկտար ընդհանուր տարածությամբ հողամասեր: Թալինի շրջանում ադր նույն նպատակի համար առանձնացվելու է 150 հեկտար հողամաս: Էջմիածնի շրջանում նախատեսված է տնկարան կազմակերպել 50 հեկտար տարածության վրա:

Մոտ ժամանակներս Մարտունու, Ախտայի և Ախուրյանի շրջաններն են մեկնելու և երկու բրիգադա անտառատնկման համար 800 հեկտար ընդհանուր տարածությամբ հողամասեր առանձնացնելու համար:



Բացի դրանից շրջաններն են մեկնել ևս հինգ բրիգադա՝ բարդի, նշենու և թփատե-սակների ոստեր պատրաստելու համար:

Փետրվարի սկզբին ռեսպուբլիկայի շրջաննե-րում արդեն առանձնացվել էր երկու միլիոն ոստ:

## ՀԱՄԱՏԱՐԱԾ ԷԼԵԿՏՐԻՖԻԿԱՑՄԱՆ ԵՐՋԱՆՈՒՄ

Իշևանի շրջանը էլեկտրիֆիկացման բնա-դավառում նշանակալից հաջողություններ է ձեռք բերել: 1948 թվի վերջում լրիվ էլեկ-տրիֆիկացման էին ենթարկված շրջանի բո-լոր գյուղերը, Իշևանի և Սևքարի սղոցարան-ները, մեքենա-տրակտորային կայանի առ-հաստանոցը, տեղարդկոմբինատը և շրջանի մի շարք այլ ձեռնարկություններ:

1948 թվին շրջանի կոլխոզները կառուցել

են հինգ էլեկտրաղաց և 10 սղոցարան ու դարբնոց: Իշևանգէսի կապիտալ վերանո-րոգման համար կազմակերպվել է շորս կի-լակնօրյակ: Շրջանի կոլխոզնիկները պար-տաձորություն են ստանձնել գյուղատնտե-սակաին արտագրության կարևորագույն պրո-ցեսների էլեկտրիֆիկացումն ավարտել 1949 թվի ընթացքում:

## ՍՍԵՓԱՆԱՎԱՆԻ ԵՐՋԱՆԻ ԳՅՈՒՂԵՐԻ ԷԼԵԿՏՐԻՖԻԿԱՑՈՒՄԸ

Դեկտեմբերին շահագործման հանձնվեցին Ստեփանավանի շրջանի Կաթնաղբյուր, Կուլ-բիշևո և Շաղարդա գյուղերի միկրոգէտները: Ավարտվելու մոտ է Ագարակգէսի շինարա-

րությունը:

Ուռուտ, Սվերդլով, Մաքսիմ Գորկի, Լուդ-բերգ և Լեջան գյուղերը էլեկտրիֆիկացվել են:

## ԷԼԵԿՏՐԻՖԻԿԱՑՄԱՆ Ե ԵՆԹԱԿՎՈՒՄ ԴԱՄՇԱԴԻՆԻ ԵՐՋԱՆԸ

1948 թվին շրջանում սկսվեց երկու հիդրո-էլեկտրակայանների շինարարությունը: Այ-գեձոր, Չինարի, Ղրղի, Վերին Կարմիրաղ-բյուր, Նորաշեն և Չորաթան գյուղերի կոլ-խոզնիկների ուժերով առաջ է տարվում Այ-գեձորգէսի շինարարությունը: Կոլխոզնիկնե-րը կրած ժամկետում ավարտել են ԳէՍ-ի շենքի կառուցումը և խողովակաշարի մոն-տաժը: Գյուղերում կառուցվել են տրանս-ֆորմատորային ենթակայաններ, էլեկտրա-հաղորդման գծեր են անցկացվել կոլխոզ-նիկների տներում: Այգեձորգէսի շինարա-րության վրա առանձնապես լավ են աշխա-տել Այգեձոր և Ղրղի գյուղերի կոլխոզնիկ-ները:

Այգեձորգէսում սարքավորման մոնտաժի

աշխատանքներ են տարվում: ԳէՍ-ի կառու-ցողների կոլեկտիվը բոլոր ուժերը լարում է, որպեսզի շուտ շահագործման հանձնի հիդ-րոէլեկտրակայանը:

Շրջանի Թովուզ, Նավուր և Բերդ գյուղերի կոլխոզնիկները կառուցում են Բերդի ԳէՍ-ը: Թովուզի կոլխոզնիկներն արդեն ավարտել են էլեկտրակայանի շենքի շինարարությունը: Լրիվ պատրաստվել է նաև ջրանցքը:

Այս տարվա սկզբին շրջանի կոլխոզնիկնե-րը կսկսեն նաև Մաղկավանգէսի շինարարու-թյունը, որը էլեկտրաէներգիա կմատակա-րարի Չինչին, Հախում, Մաղկաձոր և Պառա-վաքար գյուղերին: Այսպիսով, 1949 թվին շրջանը համատարած էլեկտրիֆիկացման են-թարկված կլինի:

## ԿՈՆՍԵՐՎԻ ԳՈՐԾԱՐԱՆ

Հունվարի 1-ին փորձարկվեց Լեմխնականի նորակառույց Կոնսերվի գործարանը:

Համաձայն նախագծի գործարանը արտա-

դրելու է մսի կոնսերվ՝ ութը ասորտիմեն-տով:

## ՁԿՆԱԲՈՒԾԱՐԱՆՈՒՄ

ՆՈՐ ԲԱՅԱՋԵՏ.— Ձկնաբուծարանի կո-լեկտիվը վերջին տարին ամսվա ընթացքում աճեցրել և Սևանի լիճն է բաց թողել մոտ 32 միլիոն փոքր ձկներ:

Փետրվարի վերջերին Ձկնաբուծարանի կո-լեկտիվը բազ թողեց 2 միլիոն 800 հազար փոքր ձուկ, որով գերակատարեց պետական առաջադրանքը:

## ՆՈՐ ԿԱՌՈՒՑՈՒՄՆԵՐԻ ՆԱԽԱԳԾԵՐԸ

Երևանի քաղաքային Սովետի գործկոմի նախագծային արվեստանոցում ավարտվում

է 1949 թվին մայրաքաղաքում կառուցվելիք շինարարության նախագծերի կազմումը:

Ճարտարապետ Գ. Աղաբաբյանի բրիգադան կազմել է Միկոյանի պողոտայի վրա այս տարի կառուցվելիք բազմահարկ վեց շենքերի նախագծերը: Նախագծերը կազմելիս ճարտարապետները հաշվի են առել շինարարությունը արագ կատարելու պահանջը: Հոնավարի վերջերին լիովին ավարտվել է Ամիրյան փողոցի վրա կառուցվելիք բնակելի

տները էսքիզային և տեխնիկական նախագծերը: Ճարտարապետ Գ. Թամանյանը պատրաստում է 26 կոմունարների անվան այգու վերափոխման նախագիծը. այգում ստեղծվելու են կուլտուրական հանգստի մի շարք նոր հարմարություններ:

Ճարտարապետ Մ. Գրիգորյանը պատրաստել է մանկական երկաթուղու հանգստի և կուլտուրայի պարկի նախագիծը:

## Ա Ր Թ Ի Կ Ն Ա Յ Ս Օ Ր

Արթիկը, մինչ սովետական իշխանության հաստատումը Հայաստանում, հանդիսացել է մի հետամնաց գյուղ: Այդ ժամանակները նրա ազգաբնակչության միայն երկու տոկոսն է եղել գրագետ:

նոցի, մանկապարտեզների ու մանկամدرսուրների համար: 1945 թվից սկսած Արթիկը համարվում է քաղաք և հանդիսանում է շրջանային կենտրոն: Քաղաքի հրապարակում կառնվեցված է Լենինի հուշարձանը:



Մի տեսարան Արթիկ շրջկենտրոնից

Սովետական իշխանության տարիներին անձանաչելիորեն կերպարանափոխվել է Արթիկը: Սքանչելի վարդազուն տուֆից այստեղ կառուցվել են երկհարկ ու եռահարկ բազմաթիվ տներ, երևան են եկել լայն, դեղնեցիկ ու ծառազարդ փողոցներ: Գեղեցիկ շինքեր են կառուցվել անցյալի Արթիկում գոյություն չունեցող թատրոնի, կինոյի, հիվանդանոցի, բուժկայանի, բաղնիքի, հյուրա-

Քաղաքում կառուցվել են գեղեցիկ աղբյուր-հուշարձաններ, իսկ նրա կենտրոնում էլ գտնվում է կուլտուրայի ու հանգստի նորա տունի այգին:

1927 թվին Արթիկի շրջակայքում հայտաբերվեցին տուֆի հանքեր, իսկ մի տարի էլ չանցած սկսվեց այդ սքանչելի շինարարական քարի մեքենայացված հանույթը: Այսօր անընդհատ դեպի մեր մեծ ու անծայրածիր



հայրենիքի նորակառույցներն են շարժվում վարդապետյն տուֆով բարձված գնացքները: Գերմանական վանդալների կողմից ավերված Դնեպրոգէսի վերականգնման համար Արտիկաուֆի հանքագործները յոթ հազար խորանարդ մետր տուֆ հատաքար են բարձել: Արթիկի տուֆը դարձել է Հայաստանի հիմնական շինանյութը:

Ռեսպուբլիկայի կուլտուրական ու արդյունաբերական քաղաքներից մեկն է դարձել Արթիկը: Քաղաքի տարրական ու միջնակարգ դպրոցներում այս տարի սովորում է ավելի քան 1500 աշակերտ: 200 արթիկցիներ սովորում են Երևանի ու Լենինականի բարձրագույն ուսումնական հիմնարկներում: Արթիկի շրջանում աշխատում են բազմաթիվ ինժեներներ, գյուղատնտեսներ, բժիշկներ, անասնաբույժներ, դասատուներ, դերասաններ: Ավելի քան 2500 արթիկցիներ պարգևատրվել են Սովետական Միության շքանշաններով ու մեդալներով:

Քաղաքում ուժեղ թափով ծավալվել է բրնակարանային շինարարությունը: Անցյալ տարում շահագործման է հանձնվել 150 բրնակարան, որոնք տրամադրվել են հայրենադարձ հայերին: Շահագործման են հանձնվել նաև երեք բազմահարկ բնակելի տներ, ինչպես և շրջանային Սովետի ու մեքենա-տրակտորային կայանի շենքերը: Անցյալ տարում անհատական բնակարանային շինարարության համար բաց է թողնվել մեկ միլիոն 300 հազար ռուբլու վարկ, իսկ քաղաքի բարեկարգման ու կանաչապատման համար ծախսվել է 120 հազար ռուբլի:\*)

\*) «Սովետական Հայաստանում» թափնի նյութերը քաղված են Հայաստանի Հեռագրական Գործակալության (ՀՀԳ) հաղորդագրություններից և Սովետական մամուլից:





## Գ Ա Ղ Ո Ւ Թ Ա Յ Ա Յ Կ Յ Ա Ն Ք

### ՕԳՆՈՒՅՅՈՒՆ ՊԱՂԵՍՏԻՆԻ ՀԱՅ ԱՂԵՏՅԱԼՆԵՐՈՒՆ

Հայկական Բարեգործական Ընդհանուր Միության պաշտոնապետեր «Միութիւն»-ը (ը. 238) հաղորդում է.—

Կեդրոնական Վարչական Ժողովը վերջերս 10 հազար տոլարի հատկացում մը ևս ըրավ Երուսաղեմի Ս. Հակոբա վանքը ապաստանած մեր ազգակիցներուն ի նպաստ, ահմաց վիճակի մասին Ամենապատիւ Պատրիարք Հոր կողմէ հաղորդված նորագույն տեղեկութիւնները խորհրդակցութեամբ ա-

ռարկա ընելի ետք, Պաղեստինի տաքնապի շրջանին, Միութեան կողմէ Երուսաղեմի մեր Պատրիարքարանին տրամադրված ընդհանուր գումարն է 40 հազար տոլար, որուն 30 հազար տոլարը իբրեւ զուտ նպաստ հօգուտ աղետոյալներու, և 10 հազար տոլարը իբրեւ կտակալին հատկացում կամ նվիրատւութիւն Ս. Հակոբա վանքին:

### ԼՈՒՐԵՐ ԵՐՈՒՍԱԼԵՄԵՆ

«Ժողովուրդ» քերթը (ը. 1235) հաղորդում է.—

Երուսաղեմի Ս. Հակոբա վանքի լուսարարապետ Եղիշե վարդապետ Տերտերյան Պեյրով հասնելով հայտարարած է.—

— Մայիս 14-ին մինչև վերջին օրերը վանքին վրա ավելի քան 200 ուռմբեր ինկած են:

Բարեբախտաբար 125 սմ երկարութիւն ունեցող ուռմբերն միայն երկու հատը պայթեցան և ա՛յն ալ առանց համապատասխան վնաս պատճառելու վանքին և ժողովուրդին:

Վանքին կարգ մը շենքերում տանիքներն ու պատերը քանդվեցան և խախտւտ շինութիւնները վնասվեցան: Ոչ մեկ պատուհան կամ դուռ անվնաս կմնա:

Պատճառված վնասները կգնահատվին շուրջ քառորդ միլիոն լիբանանյան ոսկի:

Հինգ ամիսներ ի վեր կրակ կտեղա քաղաքին վրա:

Միաբանութեան անվամբներն ոչ ոք կուզէ հեռանալ: Միայն քանի մը հոգի հեռացան բժշկական հանձնարարութեանց հետևանքով: Միաբանութիւնը իր հերոսական դիմադրութիւնը ցույց տվաւ նեղ օրերում. բան մը, որ իր անհերքելի օգուտները ոճնեցաւ:

Պատրիարք Հայրը կմտածէ նախակրթարանի բաժանմունքը վերաբանալ, լավ պաշտպանված շենքի մը մեջ:

Հայֆայի մեջ կմնան մոտ 225 անձն, Յաֆայի մեջ 350: Պատրիարք Հայրը իր ամբողջ կարելիք ըրավ, որ հոգևոր հայր մը զրկվի անոնց, ըայց անկարելի եղաւ: Վարչութիւններ կազմված են այս երկու քաղաքներուն մեջ, ժողովրդային կարիքներուն գոհացում տալու համար:

Բեթղեհեմի վանքին մեջ ունինք մոտ 200 հոգի, որոնք կկերակրվին վանքէն:

### ՄԻՀՐԱՆ ԳԱՐԱԿԵՈՋՅԱՆԻ ՄԱՀԸ

Հայկական Բարեգործական Ընդհանուր Միության պաշտոնապետեր «ՅՈՒՇԱՐԱՐ»-ը (ը. 20, 1948 թ.) հաղորդում է.

Միհրան Գարակեոզյան, ազգային բարերարը, որուն Հ. Բ. Ը. Միութեան Կեդր. Վարչութիւնը արդեն տարիներ առաջ տված է Բարերար Անդամի տիտղոսը, իր հավիտենական հանգիստը մտաւ հոկտ. 7-ին, Նյու-Յորքի մեջ:

Ողբացալը 1874-ին ծնած էր Պոլսո մեջ: Բարձրագույն ուսումը ստացած էր Պոլսո

մեջ, 1896-ին եկած էր Ամերիկա և հիմնադրներն էր Ա. և Մ. Գարակեոզյան տան:

Հուլարկավորութիւնը կատարվեցաւ հոկտ. 9-ին, Նյու-Յորքի Ս. Խաչ եկեղեցւո մեջ, նախագահութեամբ Առաջնորդ Գերշ. Տ. Տիրան Ս. Եպիսկոպոսին և մասնակցութեամբ Գերշ. Տ. Տիրար Ս. Արքեպիսկոպոսին, Հոգշ. Տ. Եղիշե վարդապետին և Արժ.



Տ. Արսեն և Տ. Առնակ քահանայներուն Դամբանականի խոսեցան Տ. Տիրայր և Տ. Տիրան Սրբազանները:

Տ. Տիրայր Սրբազան «եկայք առ իս ամենայն վաստակյալ և քեռնավորք և ես հաճեցուցիք զձեզ» ընտանիքով խոսեցավ հանգուցյալի կյանքին իսկական արժեքները վերլուծող և սփոփարար դամբանական մը: Բացատրեց թե Միհրան Գարակեղյան միայն իր անձին համար չէր որ ապրեցավ, այլ անոնց համար որ տառապած, վշտակրած և օգնութեան կարոտ էին: Տպավորիչ կերպով պարզեց, թե ան եղավ ամենուրեք բարեկամը իր բարեգործութիւնները տարածելով թե մոտը և թե հեռուն: Սրբազան դամբանախոսը ավելցուց նաև թե հանգուցյալը իր սրտին մեջ ունէր երկնքի արեւը, որուն կենսապարզ և առաքայլներէն կօգտվէին անոնք, որ օժանդակութեան և մխիթարութեան պետք ունէին: Դամբանախոս Սրբազանը հայրական օրհնութեամբ մխիթարեց ողբացալին այրին և դուստրը, եղբայրը՝ Տիար Արշակ Գարակեղյանը զոր պատշաճապէս անվանեց նահապետ և ընտանեկան բոլոր պարագաները և

սրտադին ցավակցութիւն հայտնելով երկնային մխիթարութիւն մաղթեց:

Առաջնորդ Սրբազան հայրն ալ խոսեցավ գեղեցիկ և իմաստալից դամբանական մը: Դովեց հանգուցյալին կյանքը՝ ըսելով թե Կոզիմ ազգի մը մեծ զավակն էր ան, որ գրեց միանալու աշխհոյն հոգին հոգին, որոնք զԱստուած սիրած և մարդկութեան ծառայած են: Ան հայրենասէր և եկեղեցասէր մեծ դեմք մը եղած էր, ան ամենուն օգնեց և ծառայեց: Ակնարկելով հանգուցյալին Բարեգործականի մատուցած ծառայութեանց, Սրբազանը հարեց թե ան ծառայեց հայոց մեծագույն ընկերութեան և առանց անոր ծառայութեան Հ. Բ. Ը. Միութիւնը Ամերիկայի մեջ պիտի չլլար այն, ինչ որ է այսօր: Առաջնորդ Տ. Տիրան Սրբազան ևս իր խոր ցավակցութիւնը հայտնեց ողբացալին ընտանեկան բոլոր պարագաներուն անոնց հայեցելով երկնային մխիթարութիւն:

Հ. Բ. Ը. Միութիւնը կապ իր մեկ մեծ վաստակավորին, Գանձապահին և Բարերար Անդամին մահը:

Հիշատակն արդարոց օրհնութեամբ եղիցի:

## ՀԱՅԵՐԸ ԻՐԱՔԻ ՄԵՋ

«Ժողովուրդ» քերթը (թ. 1195) հաղորդում է.—

Իրաքի հայ գաղութը կազդեցական շուրջ 15 հազար հոգիներով մեծ մասամբ հաստատված մասնավորապէս Պաղատաի, և ապա Մոսուլի, Պասրայի, Քերքուքի և Սին-էտ Տըպպաի մեջ: Բացի քանի մը աշխատող հողատերերէն, մեծահարուստներէն, առևտրականներէն, իրաքահայ գաղութին ժողովուրդը ընդհանրապէս արհեստավոր դասակարգին կապտականի:

Իրաքի գաղութը ներկայիս առաջնորդ շուրջ վերջին անգամ այդ պաշտոնը հոն կվարեն Դամասկոսի թեմի աթոռ առաջնորդ Գերշ. Տ. Ռուբեն Ս. Արքեպիսկոպոս Մանասյան: Իբրև Առաջնորդական Տեղապահ, աթոռ կպաշտոնավարէ Տեղ Գրիգոր քահանան: Իրաքի նման հայաշատ գաղութի մը մեջ կան միայն երկու քահանաներ:

Հայաստանյայց եկեղեցւոյ թեմը Պաղատաի մեջ երկու ու Պասրայի և Մոսուլի մեջ մեյմեկ սեփական եկեղեցիներ ունի: Ասկէ դատ, ան նաև հայ կաթողիկոսի և փոքր թիվով բողոքականներ:

Ինչպէս Սուրիա, Լիբանան և այլուր, Իրաքի հայ գաղութն ալ Պաղատաի մեջ ունի իր Քաղաքական և Գաղառական Ժողովները, որոնց հսկողութեան տակ կա նաև Ոստանական հորհուրդը: Ազգային իշխանութեան անմիջական հովանավորութեան տակ կզբտնւրդին Քարգմանչաց և Սվաճյան երկսեռ վարժարանները, հրկուքն ալ օժտված իրենց

սեփական շէնքերով, որոնց աշակերտութեան թիվը կհասնի շուրջ 1000-ի: Ասոնցմէ զատ, արվարձաններու մեջ կան նաև Սըլեյա և Նորաշեն վարժարանները, շուրջ 400 աշակերտներով, որոնք կմատակարարվին տեղական նպաստներով և միջոցներով: Ընդհանուր առմամբ այս կրթարաններուն ուսումնական մակարդակը նախաձեռնի չէ: Հակառակ գաղութին քիչ թե շատ բարեկեցիկ ըլլալուն, վարժարանները հազիվ նախակրթարանի մը մակարդակին կհասնին:

Իրաքի հայաշատ բոլոր կեդրոններուն մեջ գոյութիւն ունին ազգային կազմակերպութիւններ և միութիւններ: Անոնցմէ զխաւորագույնը Հ. Բ. Ը. Միութիւնը, մասնաճիւղեր ունի բոլոր քաղաքներուն մեջ՝ շուրջ 600 անդամներով: Պաղատաի և Քերքուքի մեջ մասնավորաբար ան ունի իր տունները, ուր պարբերաբար հանդիսութիւններ, դատախոսութիւններ, ներկայացումներ և ուրիշ ձեռնարկներ կկատարվին ազգային կյանքը վառ պահելու համար: Իրաքի Հ. Բ. Ը. Միութիւնը վերջերս Պաղեստինի կարոտյալներուն և աղետյալներուն ի նպաստ հանդեսներ կազմակերպեց Պաղատաի և Քերքուքի մեջ: Պաղատաի հանդեսն զուտ հասույթ գոյացավ շուրջ 900 տիւնար, իսկ Քերքուքի պարահանդեսն գոյացավ 80 տիւնար: Երկու գումարներն ալ ամբողջութեամբ փոխանցվեցան Պաղեստինի Օգնութեան Կոմիտեին:

## ՈՐԲԱՆ ՀԱՅԵՐ ՄՆԱՑԵՐ ԵՆ ՀՈՒՆԱՍՏԱՆ ՆԵՐԳԱՂԹԵՆ ԵՏԲ

«Կոռունկ» շաբաթաթերթը (թ. 1511) հաղորդում է.—

Սեւանիկի մեջ մնացեր է 1500—1600 հայ,  
Քալալայի մեջ 180,

Սեբեզ և Տրամա քաղաքներում մեջ մնացեր են միայն հինգ հայ ընտանիք, 18 հոգի, Թրակիո երեք կեդրոններում՝ Քսանթիի, Քոմսթիի և Ալեքսանդրոպոլսո մեջ միայն 600,

Պելեպոնեսի հայկական երկու կեդրոնները՝ Փաթրաս և Քալամաթաուր, ուր 120 հայ ընտանիքներ կրնակին, գրեթե դատարկված են, միայն Փաթրասի մեջ մնացած են 22 ընտանիք, ընդամենը 70 հոգի,

Կորնթոսի մեջ մնացեր է յոթը ընտանիք, 30 հոգի:

Հոնիական կղզիներում մեջ հայերու թիվը կհաշվվի 40,  
Նգեսկանի մեջ 80,  
Կրետեի մեջ 100,  
Իրաքլիոնի մեջ 130:

Հայերեն բոլորովին դատարկված են գրեթե Թեսալիո, Նպիրոսի, Մակեդոնիո և Պելեպոնեսի գյուղերը: Թեսալիո կեդրոններն միայն Լարիսայի մեջ մնացեր են ութը հայ ընտանիք 55 անձ և Վոլոյի մեջ 3 ընտանիք 12 անձ:

## ԱՆԱՏՈԼՈՒԻ ՀԱՅՈՑ ԹԻՎԸ

«Կոռունկ» շաբաթաթերթը (թ. 1513) հաղորդում է.—

Կեսարացի Տ. Հայկազուն քահանայի պատրաստած վիճակագրության մը համեմատ ներկայիս Անատոլիոյ մեջ ցրված հայերը բաժնված են հետևյալ կերպով.—

Կեսարիա 3.000 անձ,

Սեբաստիա 2.925,

Արաբկիր 2.250,

Նոզդատ 1.525,

Տիգրանակերտ 1.005,

Խարբերդ 750,

Մեզրե 700,

Մարզուան 580,

Այնթափ և Քիլիս 507,

Օրտու 200,

Գոնիա 100,

Թոքատ 42,

Չորում 41,

Ամասիա 500,

Մալաթիա 500,

Գումարը 14.625

Անատոլիոյ մնացյալ մասերուն մեջ գտնւելող հայերու թիվը, ըստ Տեր Հայկազունի, կհասնի 5.000 անձի:

## ԻՆՊՈՆԵԶԻԱՅԻ ՀԱՅԵՐԸ

«Հայ մամուլ» շաբաթաթերթը (թ. 156) հաղորդում է.—

Ինդոնեզիայի հայերուն թիվը 400-ը շանցնիր, որոնցմէ 300-ը կըմեակին Սուրապայա, 50-ը՝ Պաթալիա և 50-ը՝ Մաքասար:

Հայերը հոն երկու եկեղեցիներ ունին, մեկը Սուրապայայի և մյուսը Պաթալիո մեջ:

«Ետկար» սրահը, որ կից է Սուրապայայի եկեղեցիին, կժառայէ միանգամայն թե հավաքութենք, թե՛ ներկայացումներու և թե՛ երգահանդեսներու: Այդ քաղաքին հայերը ունին իրենց հատուկ թատերախումբը և սրորի քլուպ մը: Պատերազմի առաջ ունեին ի-

րենց մասնավոր պարասրահը: Ազգային կյանքը կշարունակվի և ժամանակ առ ժամանակ տեղի կունենան թատերական ներկայացումներ և հանգեսներ:

Սուրապայան այդ տեղերու հայության ընկերային կեդրոնն է, բայց հայ համայնքին խորհուրդը Պատավիա կգտնվի: Այդ խորհուրդն է, որ կմատակարարէ ազգային եկամուտները և իրեն ենթարկված կմնան Սուրապայայի և Մաքասարի կոմիտեները:

## ՍԱՆ ՓԱՎԼՈՅԻ ՀԱՅ ԳԱՂՈՒԹԸ ԿՈՒՆԵՆԱ ՍԵՓԱԿԱՆ ՎԱՐԺԱՐԱՆ ԵՎ ԵԿԵՂԵՑԻ

«Պայքար» քերթը (թ. 12016) հաղորդում է.—

Սան Փավլոյի հայ համայնքի շանքերով շինված է վարժարան մը «Դիոքլիան» անունով և անցյալ մարտին սկսյալ գասապլանդութիւնները տեղի կունենան դպրոցի նոր շէնքին մեջ:

Մյուս կողմն հալեպահայ հայրենակից մը

Պ. Ճորճ Ռեզգայա ձեռնարկած է եկեղեցիի մը շինութեան հայ գաղութին համար:

Եկեղեցիի շինութեանը պիտի ավարտվի շուտով և օծումը պիտի կատարեն Հարավային Ամերիկայի թեմին Առաջնորդ Տ. Գարեգին Արքեպիսկոպոս Խաչատրյանը:





## Ա Ր Զ Ա Գ Ա Ն Ք Ն Ե Ր

Ամենայն Հայոց Վեհափառ Հայրապետի անվանակոչության տոնի առթիվ Թեմուհի «Վերածնունդ» թերթի 1948 թվի սեպտեմբերի 26-ի համարի առաջին էջում գետեղված է Վեհափառ Հայրապետի լուսանկարը և «Անվանակոչության տոնը Ն. Վ. Տ. Տ. Գևորգ Զ Շինարար Կաթողիկոսի» խորագիրը կրող հոդվածը: Ստորև բերում ենք այդ հոդվածից մի հատված.

«Երեկ, շաբաթ, 25 սեպտեմբեր, անվանակոչության տոնն էր Նորին Վեհափառություն Տ. Տ. Գևորգ Զ Շինարար Կաթողիկոսի:

Հայ ներկա իրականության կրոնական ամենակարկառուն և անձնվեր դեմքն է Գեվորգ Զ Շինարար Կաթողիկոսը, որն ամենաեռանդազին աշխատանքով, անձնվիրությամբ, իրանդավառությամբ, հայրենասիրությամբ ու խոհունությամբ վարում է Սովետական Հայաստանում գտնվող Մայր Աթոռ Ս. Էջմիածնի բոլոր գործերը, տրոնք հայ ժողովրդի հավատքի պահպանության, լեզվի, մշակույթի ու իրավունքների ամբողջականությանն են ներկայացրել անցյալում, իսկ այսօր վերածնված ու վերակենդանացած Սովետական Հայաստանում բաժանվում են արդեն երկուսի— հոգևոր և քաղաքական: Սակայն, ուրախ ենք արձանագրելու, որ Գևորգ Զ, բարձր մտավորականության տեր, գիտակից հայրենասեր և ազգանվեր անձ, շատ խոհունորեն իր ուժն առ կարողությունը շաղկապել է... էլ ավելի զարկ տալու համար Մայր երկրի արագաթուփ վերելքին, հայրենադարձի նվիրական գործին, սփյուռքի հայ ժողովրդի միասնական կապին և ամենակարևորը՝ Հայ ժողովրդի անժխտելի իրավական պահանջի՝ նրա վիրախթների վերադարձման ու Մայր Հայրենիքին կցվելու արդար դատին:

Թե՛ Մայր Հայրենիքի և թե՛ սփյուռքի հավատացյալ, ազգասեր ու գիտակից հայությունը հավատքով ու համոզումով սերտորեն կապված է Սուրբ Էջմիածնի Մայր Աթոռին, վերածնվող Սովետական Հայաստանին, իր խոհուն ու ազգասեր Շինարար Կաթողիկոս Գևորգ Զ-ին, որի անվանակոչության տոնը ջերմագին շնորհավորելով, մաղթում է նրա գործերի կատարյալ հաջողությունն ու իրականացումը, որով Հայ ժողովուրդը պիտի երջանկանա իր իրավունքների վերականգնումով, իր հայրենադարձի հաղթանակով ու իր Հայրենիքի էլ ավելի բարգավաճելով, հառաջդիմելով առ ծավալվելով:

Սրտանց մաղթում ենք մեր կորովի ու սիրեցյալ Վեհափառին երկար կյանք ու հարատևություն, վաղելի ու համար իր ժրջան և հայրենանվեր գործունեության արգասիքները:

Ֆիլադելֆիայում հրատարակվող «Կոունկ» շաբաթաթերթի 1948 թ. օգոստոսի 27-ի համարի առաջին էջում գետեղված է Վեհափառ Հայրապետի լուսանկարը և ամբողջությամբ արտատպված Ամենայն Հայոց Հայրապետի «Հյուսիսային Ամերիկայի Միացյալ Նահանգների հոգևոր դասին, սրբազան Եղբայր Ի Քրիստոս» խորագիրը կրող նամակը, որը լույս է տեսել «Էջմիածին» ամսագրի 1947 թ. նոյեմբեր—դեկտեմբեր համարում: Շաբաթաթերթի այդ նույն էջում գետեղված է նաև Ս. Էջմիածնի Մայր Տաճարի լուսանկարը, ինչպես և բարերար Հայկ Գավուհյանի լուսանկարը: Այս լուսանկարների տակ գետեղված են Ռումիկանայի թեմի Առաջնորդ Տ. Վազգեն Մ. Վարդապետի, Սովետական Հայաստանից վերադառնալուց հետո, Բուխարեստի Հայոց եկեղեցու քեմից արած հաղորդումները Ս. Էջմիածնի ու Հոգևոր եմարանի մասին և Հոգևոր եմարանի Ա լսարանի սան Փայլակ Այնթափյանի 19 ապրիլ 1948 թվակիր երախտագիտական նամակը՝ ուղղված բարերար Հայկ Գավուհյանին:

Այս հոլով համարի, «Հայրապետի օրինակով» խորագիրը կրող, խմբագրական հոդ-  
վածում շարաքաթերը գրում է.—

Այս շաբթու միայն ապահովագրյալ զյա-  
լին թղթատարով ստացանք հապաղած 1947  
նոյեմբեր—դեկտեմբեր թիվը «Էջմիածին»  
պաշտոնաթերթին, որուն մեջ հրատարակված  
է Ամենայն Հայոց Կաթողիկոս Վեհափառ Տ.  
Տ. Գևորգ Զ Հայրապետի նամակը՝ ուղղյալ  
Շչոյախային Ամերիկայի Միացյալ Նա-  
հանգների հոգևոր դասին։

Ինչպես կերևի, Ն. Ս. Օծովյան այս նա-  
մակին առիթ տվողը անցյալ տարվան գար-  
նան Պոլիս այցելող ամերիկացի լրագրողնե-  
րեն Ռոյ Հաուզերտի Հայոց մասին ըրած այն  
վիրավորական և անպատկառ արտահայտու-  
թյունն է, որն իր ատենին նյութ է հղավ գա-  
ղութահայ մամուլին մեջ։

Ամենայն Հայոց Վեհափառ Հայրապետին  
«մեծ վիրտ» է պատճառած Ռոյ Հաուզերտի  
այդ «արտառուց հայտարարությունը», և իր  
պաշտոնին ու կոչումին խորապես գիտակից,  
անձնվեր կրոնապետն հարազատ թարգմանը  
կհանդիսանա Ռոյ Հաուզերտի անարգական  
ակնարկության դեմ ձեռնարկի զայրույթ և բո-  
ղոք՝ հարուցանող «Հայ Ազգի այնքան արնո-  
տած սրտին», ու ոչ միայն զորավոր կերպով  
կդատապարտե Ռոյ Հաուզերտները, այլ պատ-  
մական անհրճելի փաստերով ու կորովի  
կերպով ցույց կուտա, թե արդարամիտ և  
ճշմարտասեր ամերիկացիներ բարեկամ ե-  
ղած են ստեղծագործ և աշխատասեր Հայուն  
ու անոր արդար գաստին, թե որքան իրավացի  
է Հայուն հողային պահանջը ղարդարաբա,  
«ոճրագործ», «հասիշտակող» թուրքն ու  
կենդակայացն ամերիկացի հոգևոր դասին

«Հայ Ազգի օրինական ու արդար դատը»,  
իրողություններու լուսին տակ, որպես «Ազ-  
գնաբնիկ կրոնապետ Հայաստանյայց Առաքե-  
լական Սուրբ Եկեղեցի», քաջաբար պաշտ-  
պանելով «Հայ Եկեղեցու և Հայ Ժողովրդի  
սրբազան իրավունքները զգանունք» անիրա-  
վաքար ոտնահարողներուն» դեմ։

Ամերիկայի Հայոց Առաջնորդարանի պաշ-  
տոնաթերթ «Հայաստանեայց Եկեղեցի»-ն  
...խմբագրական մը նվիրած էր Հայ դատին  
համար քսան հազար հոգևորականներու ըս-  
տորագրությամբ Ամերիկյան կառավարու-  
թյան մատուցված դիմումին...

...նամակով մը Ամերիկյան կառավարու-  
թյան ներկայացվելիք խնդրագրի մը պատ-  
ճենը ղրկած է ամերիկացի հարյուր հազար  
հոգևորականներու, որոնցմե քսան հազարը  
ստորագրած են դիմումագիրը, զոր անոնց  
անունով մատուցված է Ամերիկյան կառա-  
վարության...

...Վեհափառ Հայրապետին Միացյալ Նա-  
հանգաց հոգևորական դասին ուղղված նա-  
մակը, որքան ալ հապաղած ըլլա, իր արժե-  
քնն քան մը կորուստցուցած չըլլար, եթե մեր  
Գերաշնորհ Առաջնորդ Հայրը, Ամերիկահայ  
Եկեղեցական Համայնքին անունով, թարգմա-  
նաբար ղրկե այն հարյուր հազար ամերիկա-  
ցի հոգևորականներուն, որոնց ղրկված էր  
Ամերիկայի կառավարության մատուցված  
խնդրագիրը,— կամ զոնք այն քսան հազար  
հոգևորականներուն, որոնք ստորագրած էին  
զայն...

Բոստոնում հրատարակվող «Պայմար» թերթը, 1948 թ. հոկտեմբեր 1-ի համարում,  
ամբողջությամբ արտատպել է «Էջմիածին» ամսագրի 1948 թ. մարտ—ապրիլ համարի  
«Մի կարևոր խնդրի շուրջը» խորագրով խմբագրական հոդվածը, իսկ հոկտեմբեր  
7-ի համարում էլ արտատպել է Վեհափառ Հայրապետի, ամսագրի այդ հոլով համարում  
լույս տեսած, սրբառառ Կոնդակը՝ ուղղված Պողոս Նուպար Փաշայի ուղիներին՝ Զարե-  
հին և Առաքելին։

Այս առթիվ «Պայմար» թերթը, հոկտեմբեր 1 համարի «Խելացի առաջարկ մը» խորա-  
գիրը կրող խմբագրական հոդվածում, գրում է.—

Քիչ անդին ընթերցողները պիտի կարդան  
խմբագրական մը, որ հրատարակված է Ամե-  
նայն Հայոց Կաթողիկոսության «Էջմիածին»  
հանդեսին մեջ և իրենց պետք է թելադրե  
շատ մը զգացումներ և խորհրդածություն-  
ներ։

Չենք գիտեր թե ով գրած է այդ խմբագրա-  
կանը, բայց անկախ իր գրական իսկական  
շնորհն, որ անոր տողերուն մեջ կհայտնվի,  
այդ խմբագրականը անգերազանցելիորեն

կհայտաբերե հայ ժողովուրդի հատկություն-  
ները...

Եթե մարդիկ հայրենասիրության վկայա-  
կան պիտի ստանան փրկեց գրածներուն հու-  
մար, «Էջմիածին»-ի հրապարակագիրը ան-  
տարակուսելիորեն անոնցմե մեկն է, և ա-  
նոնց առաջիններն։ Եվ այս հեռավորությունն  
հարգանք մը կերթա իրեն։

...մենք պետք ունինք այն ազգային զգա-  
ցումին, որ մեր գլուխը բարձր բռնե կրկին-



լով մեր ազգային հատկություններուն, որոնք այնքան խանդավառ, ախքան անկեղծ շունչով տրված են «Էջմիածին»-ի խմբագրականին մեջ:

Ասիկա առաջին զգացումն է, որ անգամ մըն ալ աշխարհի ամեն կողմը ցրված և Հայաստանի մեջ ապրող հայերը կմիացնեն իրարու ինքնավստահությամբ և հպարտութեամբ...

Հաջորդ անդրադարձումը պիտի ըլլայ, թե Էջմիածին... հիմա վերադարձի ճամբուն մեջ է. դեպի բնականոն կյանք, իր հիմարտով և ամսագրով, եվ հայեր, որ միշտ այ իրենց սրտին մեջ որոշ տեղ ունին Էջմիածնի համար... պիտի ոգևորվին այդ իրողությունով:

Երրորդը պարտականությունն է որ կթելալորվի «Էջմիածին»-ի խմբագրականն և անգամ մըն ալ կշեշտեն թե հոն, Հայաստանին մեջ, սրտերը թոցավառ են հայկականության, լեցված են դառնությամբ Հայաստանի հասած ամեն մեկ անիրավութենին, և կուզեն ձեռքի տակ ունենալ յոյժը վալերաթուղթերը, որ մեկ կողմն պիտի զորացնեն հայ ժողովուրդի ինքնավստահությունը և մյուս կողմն պիտի զորացնեն պահանջը կամ դատապարտությունը այն հզորներուն դեմ, որ բարոյականն ավելի շոշափելի պարտք մը ունենին այս ժողովուրդին հանդեպ, և թերացան այնքան ողբերգականորեն:

Ամենայն Հայոց կաթողիկոսությունը, հավատարիմ պատմության մեջ իր ժողովուրդի և իր կատարած դերի պարտադրություններուն, և հավատարիմ զգացումին թե դեպի

առաջ պիտի նայինք, կոչ կընեն որ Հայաստան ղրկվին այն լռելոր վալերաթուղթերը, որ ցույց կուտան թե այս ժողովուրդը ինչ ըրավ առաջին համաշխարհային պատերազմի նախընթացին և անկե ետք:

Դիմած ու լինողըն է որ Հայաստան ղրկվին Պողոս Նուպարի, իբրև ազգային պատվիրակի, դիվանաթուղթերը: Բնական խնդրանք, որ կըրնար նույնիսկ հրամայական պահանջի ձևով դրվիլ, որովհետև ոչ ոք իրավունք ունի անձնական սեփականություն — և նյութականորեն շահագործելի նյութ — նկատելու ազգային սլաշտոնական վալերաթուղթերը: Մինչդեռ Էջմիածնի Գահակայր այնքան զգալուն ու թախանձալից շեշտ կզեն իր խնդրանքին մեջ, որ Նուպարի զավակները Հայաստան ղրկեն ամեն մեկ թուղթի կտոր, որ իրենց հոր հայ-քաղաքական գործունեության հետ առնչություն ունի:

Ասիկա մեզի առիթ կուտայ որ հիշենք թե մասնավորապես առաջին համաշխարհային պատերազմի օրերուն այս գաղութն ալ ունեցավ իր «արխիվ»-ը... Ուշինկղերնի մեջ տարված քաղաքական գործունեությամբ, որուն ղեկավարիչ ուժն էր Ազգային Միությունը: Ո՛ր է ատիկա հիմա. իր նվազագույն արժեքովն անգամ բան մը կընա դուրս դալ, և մեր պարտքն է, որ «Էջմիածին»-ի այդ հոյակապ ու հայրենասիրական խմբագրականին պատասխանենք դրամականորեն, հոն ղրկելով թե Ազգային Միության այդ «արխիվ»-ը և թե ունենոր վալերաթուղթ, որ կընա ունե շավով գորացնել մեր դատի վալերաթղթային բաժինը:

Հայկական Բարեգործական Ընդհանուր Միության Կեդրոնական Վարչության ժողովի պաշտոնաբեր «Միութիւն»-ը, Վեհափսոս Հայրապետի, Հ. Բ. Ը. Միությանն ուղղված, Կոնդակի առիթով քիվ 225-ում դրում է. —

«Միութիւն»-ի անցյալ թիվին և կարգ մը հայ թերթերու մեջ արդեն հրատարակվեցավ Ամենայն Հայոց Վեհափառ Կաթողիկոս Գեորգ Զ-ի օրհնածիր կոնդակը՝ ուղղված Հ. Բ. Ը. Միության:

Կեդրոնական Վարչական Ժողովի նիստին մեջ, անկեղծ գոհունակությամբ և խորին երախտագիտությամբ կարդացվեցավ սույն կոնդակը: Անհունորեն երջանիկ ենք, որ ազգիս երջանկահիշատակ վերջին հայրապետներն մեր Միությանն ուղղված գնահատանքի և օրհնության պատգամներու շարքին՝ կյանքն ու խրատներին ձայնն ու հայրական

մաղթանքները մեր հայրենասեր Վեհին, որուն սրտեռանդն գործուն ու հետաքրքրություն իր ցիրուցան զավակներուն ճակատագրին հանդեպ մեզի նոր ուժ և կորով կրնեն շնչե մեր ազգասիրական ջանքերուն համար:

Մեր ամեն կարգի ձեռնարկներուն իմաստն ու տարողությունը կործատեն ակնարկով մը վերլուծած է Վեհափառ Հայրապետը իր կոնդակին մեջ, և Կեդրոնական Վարչությունը, իր երախտագետ շնորհակալությունները հայտնելով, ղինքը վստահացուց թե այդ ձեռնարկները պիտի շարունակվին միևնույն ղիտակցությամբ և բարեխղճությամբ:



Վ. Բ. Գ. Ա. Կ.

| Էջ | Սյուճակ | Տող          | Տպագրված է     | Պետք է լինի    |
|----|---------|--------------|----------------|----------------|
| 12 | Ասիս    | 7-րդ ներքինը | այն            | ան:            |
| 21 | »       | 8-րդ վերինը  | վերավորվեցան   | վերավորվեցան   |
| 29 | »       | 15-րդ »      | Հայրնադարձ     | Հայրնադարձ     |
| 52 | »       | 35-րդ »      | Հաճախակիցներին | Հաճախակիցներին |
| 56 | »       | 4-րդ ներքինը | տրագամաշեն     | տրագամաշեն     |
| 63 | աջ      | 2-րդ »       | Հանդիպում էր   | Հանդիպում էր   |